

**CHRISTIANI
GODOFR.
SCHÜTZII
OPUSCULA
PHILOLOGICA...**

Christian Gottfried Schütz





CHRISTIANI GODOFR. SCHÜTZII
O P U S C U L A
PHILOLOGICA ET PHILOSOPHICA

EX IIS POTISSIMUM

QUAE

PER XXIV ANNOS IENAE

PROGRAMMATIBUS

NOVI PRORECTORATUS INDICENDI CAUSA

EDITIS

NOMINE SUO HAUD ADDITO

ADIECIT

S E L E C T A

NUNC PRIMUM CONIUNCTIM EDITA

ET

ALIQUOT RECENTIORIBUS

AUCTA.



HALAE
IN BIBLIOPOLIO ORPHANOTROPHEI
MDCCCXXX.

P R A E F A T I O.



Quum plurimae dissertationes hoc volumine comprehensae per XXIV annos, quos Ienae inde ab anno **MDCCCLXXIX** usque ad annum **MDCCCIII** professor eloquentiae ordinarius exegi, programmatibus adiectae essent, quibus novi Prorectoris vel initio Februarii vel Augusti mensis initio magistratum ingressi dignitas civibus studiosis commendabatur, eoque ipso tantum in Professorum vel studioforum civium manus inciderent, nec per bibliopolia divenderentur, illae quoque dissertationes meae non poterant non angusto lectorum numero contineri. Itaque iam dudum constitueram eas ab illis programmatibus, quibus novi Prorektoratus in academia Ienensi indicebantur, seiunctas et con-

iunctim edendas librario tradere. Saepe autem aliis negotiis impeditus tandem eo deveni, ut eas paucis aliis novis dissertationibus auctas bibliopolio Orphanotrophei Halensis demandare possem. Iam quum anno *MDCCCLXXIX* ad academiam Ienensem vocatus essem, quatuor Saxoniae duces Vinariensis, Gothanus, Coburgensis et Meiningensis nutritores erant eius academiae, quos inter primus *Carolus Augustus* per quinquaginta et quod excurrit annos de eius flore egregie meritus est. Is d. III. Sept. anni *MDCCCLVII* natus patri suo *Ernesto Augustino Constantino*, qui quum ducatum Vinariensem et Ilenacensem aliquot annos rexisset, iam anno superioris seculi quinquagesimo octavo mense Maio decesserat, infans successit, et sub tutela matris *Annae Amaliae* omnibus matronae augustae virtutibus florentissimae optime educatus, et institutus die III. Sept. 1775 natali suo, iam puber, ducatum suum regere coepit, simulque academiae Ienensi hunc honorem habuit, ut in posterum Rector Academiae magnificentissimus appellatus, novos Prorectores e senatu academico electos civibus studiosis prooemio programmatibus commendaret.

PRAEFATIO.

v

Unum eius prooemii exemplum hic afferam, die vi Augusti anni 1780 dissertationi nostrae xxx, quae explicationem dabat loci Tertulliani de praescriptionibus haeticorum, praemissum.

DEI GRATIA

CAROLUS AUGUSTUS

DUX SAXONIAE IULIACI ELIVIAE MONTIUM ANGARIAE
ET GUESTPHALIAE — — — DYNASTA RAVENSTEINIENSIS.

RECTOR ACADEMIAE IENENSIS
MAGNIFICENTISSIMUS

S. D.

CIVIBUS.

Elapso iterum semestri Senatus auctoritate et consensu, magistratus academici insignia, quod deus faustum ac felix esse iubeat, hodie delata sunt ad *Ioannem Iacobum Griesbachium*, Theol. D. et Prof. ord. virum doctrina clarum, pietate gravem, de academia egregie meritum ideoque Nobis non magis quam ceteris academiae nutritoribus carissimum. Is quum nuper, quemadmodum laudabili aliorum Saxoniae ducum, gentilium nostrorum, exemplo, *Ifenacensibus*, *Gothanis* ac *Meiningensibus* civitatem academicam Ienae adeptis constituti sunt ex ordine senatorum patroni, ad quos se illi applicent, quorumque in clientela versentur, Nobis placuisset etiam in *Ienenfibus* ac *Vinariensibus* institutum saluberri-

mum imitari, eumque horum ephorum ac patronum esse vellemus, ea alacritate sibi quicquid hoc est oneris aut muneris imponi passus est, ut eum facile intelligeremus nullam de studiosa iuventute bene merendi occasionem defugere aut praetermittere. Nunc quum eum in magistratu academico constitutum videatis, Cives, cuius, ne personae quidem, quae eum gerat, ratione habita vel ipsius dignitas atque auctoritas reverentiam vestram obsequiumque postulet, quid vobis faciendum putatis, quum Prorectorem habeatis, qui ad honorem gerendum attulerit

*compositum ius fasque animi, sanctosque recessus
mentis, et incoctum generoso pectus honesto?*

Ipse vos talis Viri adspectus, quem plurimi vestrum praeceptorem fidelissimum, multi morum custodem, diligentem, nunc autem omnes Academiae cives Prorectorem etiam venerantur, ducat oportet ad verum virtutis decus, quo quidem si qui sunt, qui non commoveantur (quos longe paucissimos esse et volumus et credimus) nae illos legum severitas hoc praesertim tutore nec falsa nec vana coercebit, Vos autem, qui civitatis academicae bene memores, magistratus esse scitis, personam gerere civitatis eiusque decus ac dignitatem sustinere, vel solum *Griesbachii* exemplum in fide atque officio continebit; ubi enim alii, poenarum formidine adducti, ne quid in se admittant, cavent, ibi vos

odistis peccare boni virtutis amore.

Hoc prooemium Caroli Augusti nomine a me, ut cetera eiusmodi, conscriptum sequebatur dissertatio nostra; in hac sylloge tricesima sic inscripta: *Explicatio loci Tertulliani de Praescr. haereticorum cap. XVI. XIX.* Nunquam tamen in ullo horum programmatum nomen meum apparuit, quod item ab antecessore meo Walchio observatum est. Ienae vero satis notum erat professoribus et studiosis hoc genus programmatum ab Eloquentiae professore nomine eius nunquam adiecto conscribi. Itaque quum hoc munus per XXIV annos administrassem, et Prorectores post sex menses, Prorectoratum successorum traderent, facile patet XLVIII eiusmodi programmata a me conscribenda et edenda fuisse. E quibus iam, praetermissis aliquot aliis, selegi XXXIV hoc volumine comprehensa, quorum series hic sequitur; non autem ea disposui secundum annorum quibus primum Ienae edita sunt ordinem, sed potius primum ea quae ad Graecos auctores, deinde ea quae ad Latinos pertinent collocata sunt. Sequuntur dissertationes quatuor philosophicae XXXI — XXXIV. Hactenus eae quae primum Ienae paucis

lectoribus, ut supra iam monui, in manus venerunt. Dissertationes XXXV et XXXVI Halae post reditum meum ex academia Ienensi ad Halensem editae sunt. Ultimam vero de versibus aliquot in Horatii epistola ad Albium Tibullum (Epp. I. 4.) in praecedentem transponendis nunc demum conscripsi.

D. Halae Kalendis Februarii anno c1o10cccxxx.

Chr. Godofr. Schütz,

Hist. literar. et Eloqu. Prof. publ. ord. in academia Fridericiana
Halensi cum Vitebergensi consociata.

SERIES DISSERTATIONUM.

I.

Super Homeri Odyss. XIII. v. 187 sqq. coniectura.

Pro vulg. lectione ὄφρα μιν αὐτὸν coniicitur ὄφρα μιν αὐτῷ.

II.

In aliquot Odyssae loca observationes criticae.

Agitur 1) de Odyss. VII. v. 112 sqq. pag. 7 — 9. 2) de Odyss.

VI. 182 sqq. pag. 9. 10. 3) de Odyss. VIII. v. 133. v. 241 sqq.

III.

Vindiciae locorum quorundam Aeschyleorum adversus Wakefieldi crisin.

Agitur 1) de *Prometh. vinct.* v. 7. v. 18 sqq. v. 55. 167. 176. 291. 330. 406. 589. 609 sqq. v. 805. 1055. 2) de *septem adv. Thebas* v. 24 sqq. 98. 376. 491. 1011. 3) de *Perfis* v. 79. v. 429. 700. 570. 961.

IV.

In Aeschyli Eumenid. v. 492 sqq. observationes.

In numero versiculorum magna hic est varietas in edd. Primus primae strophae τῶν καταστροφῶν νέων est in aliis v. 456. in aliis v. 479. in aliis aliter.

V.

De Perfarum, tragoediae Aeschyleae, forma et consilio.

VI.

Choricum Aeschyli carmen Choëph. v. 583 sqq. novis observationibus emendatum et explicatum.

Emendationes pertinent ad Strophae 1. v. 1. 5. 8. 9. ad Antistr. 1. v. 4. 6. ad Strophae 2. v. 6. ad Antistr. 2. v. 9. ad Strophae 3. v. 2. 3. 6. ad Antistr. 3. v. 5. ad Strophae 4. v. 5. 4. ad Antistr. 4. v. 1. 4. 6.

VII.

De lectione carminis Aeschylei Prometh. vinct. v. 425 sqq. quaestio critica.

Crisis pertinet ad v. 429. 430.

VIII.

Carmen Aeschyli antistr. in Choëph. 312 — 475 transpositione stropharum restitutum.

De hac transpositione plura legenda sunt in nova editione nostra tragoediarum Aeschyli Hal. a. 1808.

IX.

In Sophoclis Philocteten v. 687 — 712 diatribe.

Emendationes pertinent ad v. 685. 689. 692. 699. 704. 707.

X.

Super Aeschyli Choëphoris v. 161 sqq. commentatio.

Emendatione tentantur v. 161 — 165. deinde v. 202 — 207.

XI.

Criseos Wakefieldianae Euripidis quibusdam locis adhibitae censura.

Crisis Wakefieldi pertinet ad Hecubae v. 19. 20. 438 — 592. ad Orestis 804. ad Hippolyti 743 sqq. 1085. 467. 376 sqq. 625. 1427. ad Andromaches v. 763. ad Alcestidis v. 226 sqq. v. 295. v. 321. 324. 339. 348 sqq. 361. 364. 376. 435.

XII.

Lectionum Platonicarum Particula I. in Phaedonem.

Emendationes referuntur ad cap. XX. XXIV. XI. XII. XXV. XXXII. XXXIX. XLXIII. XLXVI. XLIX. L.

XIII.

Lectionum Platonicarum Particula II. in Symposium.

Emendantur cap. VII. IX. X. XI. XII. XIII. XIX. Conferendum etiam est additamentum sub finem sequentis particulae in Philebum pag. 147.

XIV.

Lectionum Platonicarum Particula III. in Philebum.

Emendationes referuntur ad cap. I. V. VI. IX. X. XI. XII. XVI. XIX. XXVI. XXVIII. XXXI. etiam alia parte huius diss. pag. 133 sqq. c. I — VI. XII. XII. XIV. XV. XXIX. XXXI. XXXII. XXXIV. XXXV. XXXVII.

XV.

Observationes in Theocriti Idyll. XV.

Disputatur de versibus I sqq. XXI sqq. XXXVIII.

XVI.

Loci Luciani de historia conscribenda c. 45 explicatio.

Iudicatur de versionibus *Gesneri*, *Massieui*, *Wielandi* et *Belini de Ballu*.

XVII.

Specimen emendationum librorum incerti auctoris Rhetoricorum ad Herennium ex comparatione cum libris Ciceronis de Inventione subnatarum.

Emendationes pertinent ad lib. I. cap. 6. 7. 9. 12. II. 5.

XVIII.

In Ciceronis de oratore libros animadversionum Particula I.

Tanguntur lib. I. cap. 1. 2. 3. 10. 11. II. 2. 19. III. 25.

XIX.

In Ciceronis de Oratore libros animadversio-
num Particula II.

Tanguntur lib. I. c. 33. 36. 41. 51. 61. lib. II. c. 21. 22. 56. 61.
66. lib. III. c. 25. 32.

XX.

In Ciceronis de Oratore libros animadversio-
num Particula III.

Tanguntur lib. II. c. 22. 48. 53. 54. 59. 62.

XXI.

De lectione aliquot locorum in Ciceronis oratione pro
Quintio commentatio.

Tractatur locus orationis inde ab initio usque ad cap. XVI.

XXII.

Animadversiones in Ciceronis Tusculanarum disputationum
libros I. et II.

Tractantur lib. I. c. 31. 35. lib. II. c. 2. 17. 23. 25.

XXIII.

In Ciceronis Tusculanarum disputationum lib. II. et III.
animadversiones.

Ad lib. II. cap. extr. lib. III. cap. 1. 15. 18. 20. 23.

XXIV.

De Ciceronis de Natura deorum I. 1. 1. lectione et sensu
commentariolum.

Examinantur aliquot virorum doctorum coniecturae de lectione
et nonnullorum locorum explicationes.

XXV.

In Ciceronis de Natura deorum libri I. aliquot capita
observationes.

Pertinent ad cap. 1. 2. 3. 9. 20. 25. 26. 31.

XXVI.

In Ciceronis de divinatione libros animadversiones criticae.

Tractantur lib. I. c. 1. 2. 3. 4. 6. 11. 31. 51. lib. II. c. 1. 3. 5. 82. 43. 45.

XXVII.

In Horat. Epist. II. 1. v. 94. 101. 105. 188. animadversiones criticae.

XXVIII.

In Quinctiliani Instit. orat. lib. III. c. 3.

XXIX.

Diatrobe in Taciti Annal. lib. II. c. 23. 24.

Explicatur narratio de navigatione Germanici per Oceanum septentrionalem.

XXX.

Explicatio loci Tertulliani de Praescr. haereticorum cap. XVI. XVII.

Explicatur locus, ubi dicit Tertullianus, nihil proficere congregationem scripturarum cum haereticis nisi plane ut *stomachi* quis *ineat eversionem aut cerebri.*

XXXI.

De vero sentiendi intelligendique facultatis discrimine, Leibnitianae philosophiae cum Kantiana comparatio.

XXXII.

Quaestio de syntheticis mathematicorum pronuntiationibus.

XXXIII.

Kantianae de spatio doctrinae brevis explanatio.

XXXIV.

Kantianae de temporis notione sententiae brevis expositio.

XXXV.

Animadversiones criticae in Quintilian. inst. orat. lib.
VII — IX.

Emendantur lib. VII. c. 1. 2. 3. 16. 4. 25. 4. 36. lib. VIII.
prooem. §. 9. §. 29. cap. 3. lib. IX. c. 3. §. 18. 19. 46. 61. 65.
75. 77. 79. cap. 4. 13.

XXXVI.

In Persii satiram primam et quartam.

XXXVII.

De versibus aliquot in Horatii epistola ad Albium
Tibullum (Epp. L 4.) in praecedentem ad Iulium Florum
transponendis coniectura.

DESIGNATIO

ANNORUM ET MENSIIUM QUIBUS DISSERTATIONES, QUAE
SEQUUNTUR, PRIMUM EDITAE SUNT.

Diff. I. primum edita Ienae 6. Aug. 1787.

II. — — — 4. Aug. 1793.

III. — — — 4. Aug. 1799.

IV. — — — 3. Febr. 1794.

V. — — — 10. Aug. 1794.

VI. — — — 28. Aug. 1795.

VII. — — — 4. Aug. 1781.

VIII. — — — 10. Aug. 1800.

IX. — — — 5. Aug. 1786.

X. — — — 5. Aug. 1797.

XI. — — — 8. Febr. 1795.

XII. — — — 4. Febr. 1797.

— inde a cap. 32. — 7. Aug. 1784.

XIII. — — — 7. Febr. 1790.

XIV. — — — 7. Aug. 1790.

— secunda pars inde a pag 133. Febr. 1791.

— tertia pars — — 7. Aug. 1791.

XV. — — — 1782.

XVI. — — — 5. Febr. 1792.

XVII. primum edita Ienae 14. Febr. 1802.

XVIII. — — — 16. Aug. 1801.

XIX. — — — 6. Febr. 1780.

XX. — — — 4. Febr. 1787.

XXI. — — — 6. Febr. 1801.

XXII. — — — 8. Febr. 1783.

XXIII. — — — 9. Aug. 1783.

XXIV. — — — 4. Aug. 1788.

XXV. — — — 10. Febr. 1799.

XXVI. — — — 9. Febr. 1800.

XXVII. — — — 10. Febr. 1798.

XXVIII. — — — 7. Aug. 1793.

XXIX. — — — 10. Febr. 1781.

XXX. — — — 6. Aug. 1780.

XXXI. — — — 7. Febr. 1789.

XXXII. — — — 6. Aug. 1785.

XXXIII. — — — 9. Febr. 1788.

XXXIV. — — — 9. Aug. 1788.

XXXV. et XXXVI. Halae editae sunt dissertationes.

XXXVII. diff. nunc demum a me conscripta.

Pag. 332. lin. 3. legendum *in praecedentem*.

I.

*Super Homeri Odyss. XIII. v. 187 sqq.
coniectura.*

Non dubitamus facile plerisque Homeri lectoribus in memoriam revocari versus istos Odyssaeae, quibus Ulysses a Phaeaciis in Ithaca expositus describitur iam excitatus a somno, necdum patriam agnoscens, partim quod ab ea diutius absuerat, partim quod Minerva obiecta oculis nebula effecerat, ut ei omnia nova et peregrina appa-
rent; libr. XIII. v. 187 sqq.

- 187 ὃ δ' ἔγρετο δῖος Ὀδυσσεύς,
 εὔδων ἐν γαίῃ πατρώῃῃ, οὐδέ μιν ἔγνω
 ἤδη δὴν ἀπεών· περὶ γὰρ θεὸς ἡέρα χεῦεν
 Παλλὰς Ἀθηναίη, κόρυη Διὸς· ὕφα MINATTON
 ἄγνωστον τεύξειεν, ἕκαστά τε μυθήσαιο,
 μή μιν πρὶν ἄλογος γνοίῃ ἄστοί τε, φίλοι τε,
 πρὶν πᾶσαν μνηστῆρας ὑπερβασίην ἀποτίσαι.
 τοῦνεκ' ἄρ' ἄλλοειδέα φαινέσκειτο πάντα ἄνακτι,
 195 ἄτραπιτοί τε διηνεκέες, λιμένες τε πάνορμοι,
 πέτραι τ' ἡλίβατοι καὶ δένδρεα τηλεθόωντα.

Hunc locum vulgo sic interpretantur: *Experrectus autem est nobilis Ulysses, cubans in terra patria, neque ipsam cognovit, iamdiu cum abfuisset, circum enim dea nebulam fudit, Pallus Minerva, filia Iovis, ut EUM IPSUM IGNOTUM faceret, singulaque ediceret: ne ipsum prius uxor cognosceret civesque amicique, quam omnem proci iniuriam*

luissent. Propterea mutata videbantur omnia regi, viaeque perpetuae, portusque undique stationibus apti petraeque altae, et arbores viventes. Similiter Ioannes Henricus Voss, quo nemo verius aut elegantius Homerum in recentiorem linguam transtulit:

Da erwachte der edle Odysseus

*Ruhend auf dem Boden der lange verlassenen Heimat
Und er kannte sie nicht; denn eine Göttin umhüllt' ihn
Rings mit dunkler Nacht, Zeus Tochter Pallas Athene
Ihn unkenubar zu machen, und alles mit ihm zu be-
sprechen:*

*Dass ihn weder sein Weib noch die Freund' und Bürger
erkannten*

*Bis die üppigen Freyer für allen Frevel gebüßet.
Alles erschien daher dem ringsumschauenden König
Unter fremder Gestalt. Heerstraßen, schiffbare Häfen
Wolkenberührende Felsen, und hochgewipfelte Bäume.*

Saepius hac imagine usi sunt veteres poetae, ut quos dii homines aliorum conspectui subtrahere vellent, hos nebula involverent. Sic Ulysses ad Alcinoi regiam tendens a Minerva nube circumfunditur: Odyss. VII. 14 sqq.

ἀμφὶ δ' Ἀθήνη

*πολλὴν ἥερα χεῦε, φίλα φρονέουσ' Ὀδυσῆϊ,
μή τις Φαιήκων μεγαθύμων ἀντιβολήσας
κερτόμεοι τ' ἐπέσσι, καὶ ἐξερέοιθ' ὅτις εἴη.*

Quod imitatum esse constat Virgilium Aeneid. I. 411 sqq.

*At Venus obscura gradientes aere sepsit
Et multo nebulae circum dea fudit amictu
Cernere ne quis eos, ne quis contingere posset.*

Nihil opus est, ubi paucis defungi possumus, plura eiusmodi loca commemorare; qualia vel ex Iliade facile quaerenti succurrent. Verum enim vero in illo Odysseae

carmine non id agebatur, ut Pallas Ulyssen ipsum nebulae amictu hominum oculis eriperet, sed potius, ut regionis notas tantisper obscuraret, ne priusquam ipsa vellet, patriam agnosceret. Nebula igitur obiecta, totam regionis formam ita mutaverat, ut Ulysses, praesertim qui tot annos abfuisset, nec vias nec portum, nec arbores, quibus olim haec loca internoscere solitus erat, reperiret, ut nec oleam illam insignem, nec antrum Nympharum, nec Neriti montis iuga (v. 345 sqq.) conspiceret.

Qui fit igitur ut hoc loco ipso Odyss. XIII. 187 sqq. ubi non Ulysses aliis velandus, sed patriae tantum orae facies mutanda erat, tamen ita verba decurrant, ut haec ipsa nebula, quam Pallas Ithacae regionibus, ne ab Ulysse agnoscerentur, induxerat, simul hoc quoque effecisse dicatur, ut ne ab uxore, civibus, amicisque internosceretur Ulysses? Atqui haec prorsus contraria sunt iis quae postea narrantur. Primum enim hanc ipsam nebulam Homerus paullo post a Minerva dissipatam narrat, ita ut vera regionis forma ac species rediret, simulque error Ulyssis oculis obiectus dilaberetur; v. 352.

ὥς εἰποῦσα θεὰ σκέδασ' ἡέρα, εἶσατο δὲ χθών.

Deinde consilium Palladis, ne statim Ulysses a suis agnosceretur, ut eo tutius procos ulcisci posset, non nebulae amictu (qui non ut alius videretur Ulysses, sed ut omnino non cerneretur, effecisset) sed potius totius corporis deformatione perficiebatur. Hunc astum ipsa Pallas Ulyssi denuntiat v. 397 sqq.

Ἄλλ' ἄγε, σ' ἄγνωστον τεύξω πάντεσσι βροτοῖσι,
 Κάρῳ μὲν χροά καλὸν ἐνὶ γναμπτοῖσι μέλεσσι
 Ξανθὰς δ' ἐκ κεφαλῆς ὀλέσω τρίχας, ἀμφὶ δὲ λαῖφος
 Ἔσσω, ὃ κεν στυγέησιν ἰδὼν ἄνθρωπος ἔχοντα·
 Κλυζώσω δέ τοι ὅσσε, πάρος περικάλλε' ἔοντε·
 Ὡς ἂν αἰκέλιος πᾶσι μνηστῆρσι φανείης
 Σῇ τ' ἀλόχῳ, καὶ παιδὶ τὸν ἐν μεγάροισιν ἔλειπες.

Et haec quidem Ulyffis deformatio sub finem libri XIII. peragitur; ubi Pallas Ulyffem virga tangit; quo facto cutis arefit, flavi crines delentur, oculi deturpantur, additur etiam vestium squalor, ut heros erronis cuiusdam mendici personam indueret.

Ut igitur ab illo, quem tractamus, loco, omnem offensionis causam amoveamus, nihil nobis consultius esse videtur, quam ut una tantum litera mutata, aliamque, quam quae vulgo editoribus placet, interpungendi rationem secuti, ita versiculos constituamus:

ὁ δ' ἔγρετο δῖος Ὀδυσσεύς
 Εὐδὼν ἐν γαίῃ πατρώϊῃ, οὐδέ μιν ἔγνω,
 "Ἦδη δὴν ἀπείων· περὶ γὰρ θεὸς ἡέρα χεῦεν
 Παλλὰς Ἀθηναίη, κούρη Διός, ὕφρα μιν ἈΤΤΩι,
 Ἄγνωστον τεύξειεν, ἕκαστά τε μυθήσαστο,
 Μὴ μιν πρὶν ἄλοχος γνοίῃ, ἄστοί τε, φίλοι τε,
 Πρὶν πᾶσαν μνηστῆρας ὑπερβασίην ἀποτίσαι.

Hic igitur vulgarem lectionem αὐτὸν v. 190. in αὐτῷ mutavimus, et pro signo colli quod vulgo post μυθήσαστο v. 191. appingitur, commate tantum distinximus. Sensum, qui iam planus, concinnus, facilis exoritur, nec quidquam habet, quod sequentibus repugnet, ita declaramus: *Iam igitur nobilis Ulyffes, qui adhuc in patriae telluris solo dormiens recubuerat experrectus est, ita tamen ut patriam hanc suam, praesertim cum ab ea tamdiu abfuisset, prorsus non agnosceret; etenim dea Pallas Iovis filia circum eam nebulam fuderat, ut eam IPSI (Ulyffi) ignotam redderet et (hac ipsa techna occasionem cum eo colloquendi nacta) omnia ei ediceret, (consilia, omnia quae deinceps ab eo fieri vellet, cum eo communicaret) ne eum uxor, cives amicique prius cognoscerent, quam proci omnis iniuriae poenas dedissent. Hanc igitur ob causam (propter nebulam illam isto consilio regioni obiectam) omnia regi mutata videbantur.*

Quod Ernesti putabat particulam *ΓΑΡ* versu 189. h. l. adverbative poni, pro *δέ*, nihil opus est ut hanc vim ei tribuamus, quam recte docuit Hoogeveenus prorsus ab ea alienam esse. Respicit vero, ut saepe, brevem quandam enuntiationem, quae omissa quidem facile suppleri potest; quasi diceretur, *experrectus est nobilis Ulysses dormiens in patria terra, neque eam agnovit, partim quia diutius absue- rat, partim vero aliam ob causam; etenim nebulam offude- rat Minerva regioni; vel si mavis hoc modo: neque eam agnovit tum propter diuturnam absentiam, tum ob singulare Minervae commentum, namque dea etc.*

Quae versibus 192 sq. continentur, *μή μιν πρὶν — ἀποτίσαι*, ea non ut vulgo, referenda censemus ad verba *περὶ γὰρ θεὸς ἠέρα χεῖν*, sed arctissime cum *ἕκαστά τε μυ- θήσασαιτο* copulamus. Nimirum si Ulysses statim, simulac somno solutus oculis regionem perlustrasset, Ithacam pa- triam suam agnovisset, quid aliud ei prius fuisset, quam ut continuo domum pergeret? Ita igitur Minerva commoda cum eo sermones conferendi occasione caruisset; quam nunc illo ipso consilio sibi parabat, quo regionis forma ac specie mutata Ulysssem adigebat, ut eam sibi occurrentem alloqueretur, et ubinam locorum versaretur, ex ea quae- reret.

Ceterum haud ignoramus Dacieriam vocabulo *ἄγνω- στον* versu 191. activam vim tribuisse, ut sit i. q. *non agnoscentem haec loca*. Sed fieri non potest ut calculum eius opinioni adiiciat, qui versum 191. cum sequentibus comparaverit. Quid enim? Si Homerus dixisset: *nebulam circumfudit dea, ut Ulysssem faceret non agnoscentem haec loca, utque ipsa de omnibus cum eo colloqui possët; ne prius eum uxor amique internoscerent, quam proci poenas dedissent; hanc igitur ob causam omnia nova et ignota vi- debantur Ulyssi; quomodo tandem haec duo inter se co- haererent; ab Ulyssse terram haud nosci; et Ulysssem ab uxore amicisque non agnosci?* Accedit autem quod *ἄγνω-*

6 *Super Homeri Odyss. XIII. v. 187 sqq. coniectura.*

στος semper apud Homerum passive ponitur, numquam active. Sic Odyss. 13. 175.

ἀπὸ πάντας ἐταίρους
ἄΓΝΩΣΤΟΝ πάντεσσιν εἰκοστῷ ἐνιαυτῷ
οἴκαδ' ἐλεύσεσθαι.

et Odyss. XIII. 397.

Ἄλλ' ἄγε, σ' ἄΓΝΩΣΤΟΝ τεύξω πάντεσσι βροτοῖσι.

Et quemadmodum his locis vocabulo ἄγνωστος dativus personae additur, sic h. l. verisimile est Homerum scripsisse

ὄφρα μιν αὐτῷ
ἄγνωστον τεύξειεν.

Quandoquidem vero inter philologos haud pauci sunt, qui ab omni in veterum libris, nisi codices manuscripti addicant, quicquam de coniectura immutandi conatu prorsus abhorrent, facile praevidemus futuros, quibus consilium nostrum verba ὄφρα μιν αὐτὸν in ὄφρα μιν αὐτῷ mutandi, displiceat. His igitur aliam viam proponimus huius loci difficultatem interpretatione potius quam falce critica sublevandi. Nempe si particulam ὄφρα h. l. non, ut vulgo existimant, *ut*, sed potius *donec* significare statuamus, concinnius certe quam adhuc ab interpretibus factum est, Homeri versiculos istos interpretari liceat, hoc modo: *Experrectus autem est nobilis Ulysses cubans in patria terra, neque ipsam agnovit iamdiu cum abfuisset; circum enim eam dea nebulam fudit Pallas Minerva filia Iouis, DONEC eum ipsum ignotum faceret singulaque ediceret, ne ipsum prius uxor cognosceret civesque amicique, quam omnem proci iniuriam luissent.* Veruntamen huic rationi non tantum tribuimus, ut ei emendationem nostram postponere velimus. Hac enim prorsus tollitur difficultas, quae illa interpretandi via mollitur tantum, haud prorsus evanescit.

II.

In aliquot Odyssaeae loca observationes criticae.

In luculentissima hortorum Alcinoi descriptione quae legitur Odyss. VII. v. 112 sqq. primo loco memoratur pomarium, in quo piri, mali, ficus oleaeque crescebant, quarum arborum beatissimam ubertatem his potissimum versiculis poeta declarat:

“Οχνη ἐπ’ ὀχνη γηράσκει, μῆλον δ’ ἐπὶ μῆλῳ,
 Ἀντὰρ ἐπὶ σταφυλῇ σταφυλῇ, σῦκον δ’ ἐπὶ σύκῳ.”

Hic interpretes vocabulum σταφυλῇ de uvis proprie sic dictis accipiunt. Sed hoc incommodum est propterea, quod nec antea in arborum enumeratione vitis erat nominata, et statim diserta sequitur vineae descriptio. Quaerendum igitur an σταφυλῇ forte Homeri aetate de baccis olivarum usurpatum fuerit, quemadmodum στέρμυλα aequae olivarum fraces atque uvarum in torculari expressarum retrimenta notat.

Sed ii qui sequuntur versus, in quibus vinea describitur, ut nunc quidem leguntur, perplexitate quadam orationis laborant, quam haud scimus an nemo adhuc philologorum observaverit:

“Ἐνθαδὲ οἱ πολύκαρκος ἄλωη ἐρρίζονται.
 Τῆς ἕτερον μὲν θειλόπεδον λευρῷ ἐνὶ χώρῳ
 Τέρσεται ἡελίῳ· ἑτέρας δ’ ἄρα τε τρυγῶσιν,
 Ἄλλας δὲ τραπέουσι· πάροιθε δὲ τ’ ὄμφακὲς εἰσιν
 Ἄνθος ἀφιῆσαι, ἕτεραι δ’ ὑπερκεράζουσιν.”

Primum hic obscuriuscule dicitur πολύκαρπος ἄλωη, quae verba sic posita parum valent ad vineam, quae iam describenda erat, designandam. Quemvis enim agrum bene cultum πολύκαρπος ἄλωη significare potest, quo sit ut, vinea haud satis his verbis definita, auditor incertus haereat, nec, de quamam hortorum parte iam acturus sit poeta, facile assequatur. Longe dilucidius vinea designatur in scuti Achillei descriptione Iliad. Σ. v. 561 sq.

Ἐν δ' ἐτίθει σταφυλῇσι μέγα βροίθουσιν ἄλωην

Καλὴν χρουσεῖην, μέλανες δ' ἀνὰ βότρυνες ἦσαν·

ubi poeta, quamquam eodem vocabulo ἄλωη usus est, id tamen adiunctis verbis σταφυλῇσι μέγα βροίθουσιν sic declaravit, ut, quin de vinea agatur, nemo possit ambigere. Longe secus est in versiculo, quem tractamus, ubi πολύκαρπος ἄλωη cum per se ambiguum, tum multo magis, quod vocabulum κάρπος versiculis proxime antecedentibus bis de arborum fructibus positum erat. Sed in promptu est huius incommodi medela, si ponamus Homerum edidisse:

Ἐνθαδὲ οἱ ΠΟΛΥΒΟΤΡΥΣ ἄλωη ἐρρίζονται.

Ut autem lectioni πολύβοτρυς olim substitueretur lectio πολύκαρπος, facile librarii culpa accidere potuit, cuius memoriae ἀγλαόκαρπος e v. 115. obversaretur. Paulo post offendimur ellipsi durissima in verbis ἐτέρας — τρυγώσιν, ἄλλας δὲ τραπέουσιν. Nempe intelligendum esset σταφυλᾶς, quod pro ea qua utitur Homerus in siruendis ferendisque verbis perspicuitate minime hic omitti debebat. Praeterea valde desideramus concinnitatem verborum Homericam, ubi ἕτερον μὲν θειλάπεδον et ἐτέρας μὲν, nomine haud adiuncto quocum copuletur ἐτέρας, inter se opponuntur. Quid multa? Facili ut opinamur, remedio tollitur quidquid hoc est incommodi, sic rescribendo:

Τῆς ἐτέρας μὲν θειλάπεδον λευρῷ ἐνὶ χώρῳ,

Τέρεται ἡλίῳ· ἐτέρας δ' ἄρα τε τρυγώσιν

Ἄλλη δὲ τραπέουσι· παροιδοὶ δὲ τ' ὕμνακός εἰσιν.

Ceterum si quis h. l. ex versione Vossiana aestimaverit, textu graeco non adhibito, is profecto nuspiam offendetur:

*Allda prangt auch ein Feld von edlen Reben beschattet,
Einige Trauben dorren auf weiter Ebne des Gartens,
An der Sonne verbreitet, und andre schneidet der Winzer,
Andre keltert man schon,*

Sed neminem, qui Graeca legerit, praeterire potest, doctissimum interpretem; illam ipsam quae nos offendit, difficultatem, adiectis quibusdam verbis, quae in textu graeco desiderantur, sublevasse. Ceterum *θειλόπεδον*, quod olim latine *apricum solum* vertere solebant, de cratibus, in quibus uvae ficcabantur, intelligendum esse tum ipsa orationis structura monet, inepte enim diceretur *apricum solum lato in loco*, tum usus vocabuli satis notus, tum res ipsa a scriptoribus rei rusticae memorata v. c. a Columella lib. XII. cap. 16.

Odyss. VI. 182 sqq. in pulcherrimis versibus:

*Οὐ μὲν γὰρ τοῦ γε κρεῖσσον καὶ ἄρειον,
Ἥ ὅθ' ὁμοφρονέοντε νοήμασιν οἶκον ἔχῃτον
Ἄνῆρ ἠδὲ γυνή· πόλλ' ἄλγεα δυσμενέεσσιν,
Χάρματα δ' εὐμενέεσσι, μάλιστα δέ τ' ἔκλυον
αὐτοί.*

ultima verba vitii aliquid a librariorum manu traxisse videntur. Etsi enim in Cl. Vossii versione nihil uspiam est quod lectorem offendat:

*denn nichts ist besser und wünschenswerther auf
Erden
Als wenn Mann und Weib in herzlicher Liebe
vereinigt,
Ruhig ihr Haus verwalten, den Feinden ein krän-
kender Anblick,
Aber Wonne den Freunden; und mehr noch genießen
sie selber,*

non tamen apparet, quomodo *μάλιστα δέ τ' ἔκλυον αὐτοῖ* significare possit *maxime autem ipsi fruuntur*. Sed Vossius hic scholiasten secutus est, qui sic interpretatur, *τῆς πρὸς ἀλλήλους εὐνοίας αἰσθάνονται καὶ ἀπολαύουσιν*. Si genuina sint verba, profecto nihil aliud intelligitur, quam hoc: *maxime autem ipsi celebrantur*, ut *κλύειν* sit i. q. *εὖ κλύειν*, Vel sic tamen Homeri concinnitatem et structuræ facilitatem desideramus. Itaque antiquitus hoc modo lectos esse coniicimus versiculos:

Οὐ μὲν γὰρ τοῦ γε κρεῖσσον καὶ ἄρειον·
 Ἥ ὅθ' ὁμοφρονέοντε νοήμασιν οἶκον ἔχητον
 Ἀνὴρ ἠδὲ γυνή, πόλλ' ἄλγεα δυσμενέεσσι,
 Χάρματα δ' εὐμενέτῃσι, *μάλιστα δέ τε ΚΛΕΟΣ*
Αἴττοϊς.

Sic in loco ad compositionem verborum simillimo, quo Hector Paridem obiurgat Iliad. Γ. 51.

Πατρί τε σὼ μέγα πῆμα, πόλῃ τε, πάντι τε δήμῳ,
 Δυσμένεσιν μὲν χάρμα, κατηφείην δέ σοι αὐτῷ,

tribus nominibus designatur, quid Helena ab ipso rapta primum patri eius et civibus, deinde inimicis, denique ipsi, adultero, attulerit, *πῆμα — χάρμα — κατηφείην*; eadem igitur verborum consecutione, h. l. *ἄλγεα — χάρματα — κλέος* posita fuerunt, ad varium scil. fructum, qui e domestica coniugum felicitate vel ad inimicos, vel ad amicos, vel ad ipsos coniuges redundet, declarandum.

Odyss. Θ. 133. Postquam Phaeaces pugillatu, lucta, disco, cursu inter se contenderant, Laodamas Ulyssen ad eadem certamina provocaturus, ex forma corporis eum haud recusaturum coniicit, quo minus ipse quoque quid in eo genere posset, ostenderet:

Δεῦτε, φίλοι, τὸν ξεῖνον ἐρώμεθα εἴ τιν' αἰθέλων
 Οἶδέ τε, καὶ δεδάηκε· Φυὴν γε μὲν οὐ κακὸς ἐστὶ
 Μηρούς τε, κνήμας τε, καὶ ἄμφω χεῖρας ὑπερθευ,

*Αὐχένα τε στιβαρόν, μέγα τε σθένος, οὔδε τι ἥβης
Δεύεται, ἀλλὰ κακοῖσι συνέρῃηται πολέεσσιν.*

Primum h. l. mirum potest videri, Laodamantem, cum femora, crura, brachia, cervices nominasset, nullam pectoris mentionem facere, in quo tamen praecipuum est momentum ad coniecturam de hominis robore ac fortitudine faciendam. Alibi certe haud omittitur pectus, ut Odyss. Σ. 66. de eodem Ulyssē

*φαῖνε δὲ μῆρους
Καλοῦς τε μεγάλους τε, φάνεν δέ οἱ εὐρέες ὦμοι
Στήθεά τε, στιβαροί τε βραχίονες —*

Praeterea non satis intelligitur, quomodo Laodamas in enumeratione membrorum Ulyssis apponere potuerit *μέγα τε σθένος*. Erat enim in eo ut *φυήν*, corporis staturam, describeret, e qua suspicari alii possent Ulyssen haud rudem esse certaminum. Hic profecto alienum erat *μέγα τε σθένος*. Id enim colligendum erat ex habitu corporis, non in serie membrorum extremo loco ponendum. Callidissime Vossius in versione supplevit pectoris mentionem, quam vix abesse hic posse senserat.

*Unedel ist seine Gestalt nicht
Seine Lenden und Schenkel, und beide nervichten Arme
Und die hohe Brust und der starke Nacken.*

Sed quid ipse de textu graeco statuerit, aut quomodo eum conformandum censuerit, ignoramus. Nobis autem in mentem venit, fortasse Homerum ita scripsisse:

Αὐχένα τε, ΣΤΗΘΟΥΣ ΤΕ ΜΕΓΑ ΣΘΕΝΟΣ
quod proxime ad literarum vestigia in vulgata lectione expressa accedit. Qui autem *στιβαρόν* fervare cupiat, is videat an legendum sit:

Αὐχένα τε στιβαρόν, καὶ στήθεα

Sed nobis adhuc prior illa ratio magis placet. Imo si quis omnino neget aliquid in textu mutandum esse, hoc certe dabit, parum apte inter se per repetitam copulandi

particulam τε inter se connexa esse nomina membrorum corporis, et μέγα σθένος, ideoque non recusabit, quo minus ultimum τε inter μέγα et σθένος in δὲ mutetur, interpunctione quoque paullo aliter constituta:

Φυὴν γε ΜΕΝ οὐ κακός ἐστι
Μηρούς τε, κνήμας τε, καὶ ἄμφω χεῖρας ὑπερθεῖν
Αὐχένα τε στιβαρόν· μέγα ΔΕ σθένος —

sic φυὴν γε μὲν, et μέγα δὲ σθένος mutua relatione coniunguntur; certe ad staturam quidem quod attinet, minime contemnendus est, si quis vel femora, vel crura, vel manus, vel cervicem firmam inspiciat; magnum vero robur ei inest, neque vera vigor ætatis ei deest, nisi quod eum multa mala affligerunt, ideoque paullo nunc languidior videtur.

Sed in eadem narratione de certaminibus Phaeacum, praesente Ulyssæ, ab Alcinoο institutis, primum operæ pretium est callidum poetæ artificium in moribus oratione declarandis exemplo nondum observato demonstrare. Initio enim Alcinoος Phaeaces suos ob variorum certaminum, nominatim pugilatus, luctæ, saltus, cursus, peritiam magnopere laudaverat v. 100 sqq.

Νῦν δ' ἐξέλθωμεν καὶ ἀέθλων πειρηθῶμεν
Πάντων. ὥς χ' ὁ ξείνος ἐνίσπη οἷσι φίλοιαι
Οἴκαδε νοστήσας, ὅσσαν περιγινόμεθ' ἄλλων
Πῦξ τε, παλαισμοσύνη τε, καὶ ἄλμασιν, ἥδὲ πόδεσσιν.

Finitis autem Phaeacum ludis Ulyssæ a Laodamante ad societatem certaminis invitatus, cum id quod petebatur ob corporis et animi lassitudinem recusasset, ab Euryalo autem dicteriiis laceratus esset, non solum ipse disci iactu ceteros vincit, sed etiam omnes Phaeaces, Laodamante ob hospitii necessitudinem excepto provocat, ut sive cursu, sive lucta, sive cursu secum contendant. Hic primum nemine ad certamina se offerente, Alcinoος Ulyssæm ob iniuriā ei ab Euryalo illatam placare studet, deinde autem, ne scilicet prorsus oblitteretur Phaeacum gloria, id

quod antea de eorum artibus iactaverat, nova ratione definit ac circumscribit: v. 241 sqq.

Ἄλλ' ἄγε, νῦν ἐμέθεν ξυνίει ἔπος, ὅφρα καὶ ἄλλω
Εἵπῃς ἡρώων, ὅτε κεν σοῖς ἐν μεγάροισι,
Δαινύη παρὰ σῇ τ' ἁλόχοι καὶ σοῖσι τέκεσσιν
Ἡμετέρης ἀρετῆς μεμνημένος, οἷα καὶ ἡμῖν
Ζεὺς ἐπὶ ἔργα τίθῃσι διαμπερές ἐξέτι πατρῶν.
Οὐ γὰρ πυγμάχοι εἰμὲν ἀνύμονες, οὐδὲ παλαισταί
Ἀλλὰ ποσὶ κραιπνῶς θέομεν καὶ νηυσὶν ἄριστοι.
Αἰεὶ δ' ἡμῖν θαῖς τε φίλη, κίθαρίς τε χοροὶ τε,
Εἵματα δ' ἐξημοιβὰ, λοετρά τε θέρμα καὶ εὐναί.

Mirum est quam callide Alcinous cum videret in disci iactu, in lucta, in pugillatu, in sagittandi peritia Phaeaces cum Ulysse haud contendere posse, rursus ea tantum nominet, quibus cives suos eo superiores esse certe sciebat. Nam in cursus celeritate iam Ulysses ipse inferiorem se nunc quidem futurum professus erat v. 230.; itaque quin ei in saltando palmam praeriperet nullum erat dubium. Navigandi autem peritia manifestio excellebant, in arte denique fidibus et voce canendi Ulysses iam Demodocum expertus erat. Sed in hac Alcinoi oratione plane praeter rem, assutus esse videtur versiculus

εἵματα δ' ἐξημοιβὰ, λοετρά τε θέρμα, καὶ εὐναί.

Nimirum si vitam voluptariam iactare voluisset Alcinous, aptissima fuisset harum rerum commemoratio. Nunc autem, cum in eo sit ut artes Phaeacum, quibus maxime confidant, laudet, (οἷα καὶ ἡμῖν Ζεὺς ἐπὶ ἔργα τίθῃσι) ridiculum profecto sit vestium opulentiam, balneorum calidorum delicias, lectulorumque commoditates proferre. Quare hunc versiculum

εἵματα δ' ἐξημοιβὰ, λοετρά τε θέρμα καὶ εὐναί

a Grammatico quodam e ceteris, quae de Phaeacibus narrantur confutum, perperamque h. l. intrusum esse

14 II. *In aliquot Odyss. loca observat. criticae.*

opinamur. Quo quidem eiecto, non solum in versiculo

αἰεὶ δ' ἡμῖν δαίς τε φίλη, κίθαρίς τε, χοροὶ τε
ultimum verbum proxime cohaeret cum sequenti

ἀλλ' ἄγε Φαίηκων βητάρμονες etc.

sed etiam quae deinde sequuntur

ὅσπον περιγίνομεθ' ἄλλων

ναυτιλίη καὶ ποσσι, καὶ ὀρχηστῦι, καὶ αἰοιδῇ.

aptiorem habent eorum quae ante v. 247. 248. laudata erant repetitionem. Certe si versus ille 249. ab Homero profectus sit, hoc fane fatendum est, eum melius abfuisse.

III.

*Vindiciae locorum quorundam Aeschyleorum
adversus Wakefieldi crisin.*

ANNO MDGCLXXXIX Gilbertus Wakefield Cantabrigiae edidit *Silvam Criticam sive in Auctores sacros profanosque Commentarium philologum*, quo in libro tribus partibus finito multam quidem lectionem, foecundumque ad excogitandas lectionis receptae correctiones ingenium, prodidit, idem tamen iuvenili quadam lascivia saepissime integerrima scriptorum loca vexavit, novasque lectiones ingenio repertas, cum Pauviano supercilio tanquam unice veras veterum libris obtrusit. Inter hos Aeschyli quoque tragoedias saepius tentavit; quod quo eventu fecerit, e compluribus locis patebit, quorum emendationes ab eo propositas nunc strictim examinabimus.

*Prom. vinct. V. 7. Τὸ σὸν γὰρ ἄνθος, παντέχνου
πυρὸς σέλας,*

misere orationis nexum discerpendo sic refingit:

Τὸ σὸν γὰρ, ἄνθος παντέχνου πυρὸς, ΣΕΒΑΣ

quo quidem commento non solum pulchra orationis concinnitas prorsus deformatur, sed etiam novum vocabulum sine causa probae lectioni substituitur.

In versiculis 18 seqq.

*χροιάς ἀμείψεις ἄνθος. ἀσμένῳ δέ σοι
ἢ ποικιλείμων νύξ ἀποκρύψει φάος
πάχνην θ' ἔψαν ἥλιος σκεδᾷ πάλιν*

nimis patienter editores tulisse queritur vocabulum ἀσμένῳ, quod ineptissimum sit, et vel ἡμμένῳ vincto, vel ἀμμένῳ

usto substituendum censet. Mirum est, quantum valeat corrigendi libido! Hac enim sola efficitur, ut Wakefieldus ad sentiendam Aeschyleae lectionis veritatem sensumque ex ipsis naturae fontibus haustum hebescat. Prometheus dicitur doloris impatientia diei noctisque vicissitudinem anxie expetiturus; eadem ratione qua Iobus cap. IV, 4. queritur: *Cum cubitum ibam, dicebam: quam mox surgam; et inde a primo diluculo horas numerabam noctis desiderio.*

V. 55. *Λαβὼν νιν ἀμφὶ χερσὶν ἐγκρατεῖ σθένει
Ραισιτῆρι θεῖνε πασσάλευε πρὸς πέτραις.*

Wakefieldus novum robur huic sententiae conciliaturus, reponit:

*Λαβὼν νιν, ἀμφὶ χερσὶν ἐγκράτει, σθένου, Ραισιτῆρι
θεῖνε.*

et conferri iubet Euripidis Oresten, v. 1310. cui loco asyndeton quidem huiusmodi, nihil autem aliud inest, quod ad commendandam scripturae Aeschyleae oblitterationem valeat.

V. 167. *ἢ μὲν ἔτ' ἐμοῦ, καίπερ κρατερᾷς ἐν γυναι-
δαῖς αἰκίζομένου, χρεῖαν ἔξει μακάρων πρῶτασις*

Wakefieldo in mentem venit: *αἰκίζόμενος*. Emendationem plane inutilem nullo argumento firmat, nisi quod lectores ad versiculos 195. 227. ablegat, in quibus, quod nemo dubitat, *αἰκίζόμενος* active ponitur. Imo vero ut nobis mutandam esse vulgatam lectionem persuaderet, docendum erat *αἰκίζόμενος* sensu passivo inauditum esse.

V. 176. *πρὶν ἂν ἐξ ἀγρίων
Δεσμῶν χαλάσῃ*

Wakefieldus audet corrigere *θεσμῶν*, atque id ipsi videtur imprimis elegans. Imo nihil est inficitius. Quid enim est, cur apta vocabuli *δεσμῶν* proprietate offendantur? quod, si opus esset, vel simili loco v. 999. confirmari posset

πρὶν

πρὶν ἂν χαλασθῇ δεσμὰ λυμαντήρια.

V. 291. Wakefieldus negat se locutionem ὅτῳ μείζονα μοῖραν νείμαιμ' ἢ σοι, posse concoquere. Quasi inauditae essent formulae πλέον τινὶ νέμειν, μείζον μέρος τινὶ νέμειν, plus alicui tribuere. Ad quorum similitudinem proxime accedit μείζονα μοῖραν τινὶ νέμειν. Quod autem Wakefieldus, levissimo ut ait, negotio reponit:

οὐκ ἐστὶν ὅτῳ μείζον' ἂν οἴκτον
νείμαιμ', ἢ σοι

non animadvertit ineptissimam hac ratione tautologiam Aeschilo adscribi. Oceanus dixerat se misericordia Promethei tangi:

ταῖς σαῖς δὲ τυχαῖς, ἴσθι, συναλγῶ.

Huius συμπαθείας causam duplicem affert, alteram ex consanguinitate, alteram e summa Promethei observantia ductam. E correctoris autem nostri emendatione hic exsisteret sensus: *Misericordia me tua mala afficiunt; primum quod mihi cognatus es, deinde quod nemo est, praeter te, cuius me magis misereat.*

V. 330. ζηλῶ σ' ὅθ' οὐνεκ' ἐκτὸς αἰτίας κυρεῖς.

Vocabulum αἰτίας, quo nihil aptius cogitari potest, (cum Prometheus hoc dicat, se mirari qui factum sit, ut Oceanus ne in culpae quidem societatem cum Prometheo venerit, cum tamen omnia una cum eo communiter gesserit,) id fordidissimam maculam appellat Wakefieldus, et reponere iubet: αἰκίας. At hoc non est emendare, sed alea ludere. Operae pretium non est monere, lectionem Robortellianam ζημίας, in qua Wakefieldus interpretationem τοῦ αἰκίας invenisse sibi visus est, non alia ex causa, quam ex aberratione librarii vel typothetae ad versum antecedentem, in quo occurrit ζημία derivandam esse.

V. 406. pro αἰχμᾶν quae lectio est exquisita et poetico spiritu plena Wakefieldus substituit ἀρχάν. Quod minime admittendum. Paulo post autem feliciter ei cessit aliquando emendandi consilium. Pro vulgato enim:

πρόπασα δ' ἥδη στονόεν
Λέλακε χώρα

legendum arbitratur: πρόπασα δ' ἥδε στονόεν λέλακε χώρα; quod utique habet, quo se commendet.

V. 589. locum a Pauwio quidem sollicitatum, aliorum vero iudicio sanum et integrum transpositione sublevandum censet.

Εὐελπίς εἰμι τῶνδ' ὅς ἐκ δεσμῶν ἔτι
Λυθέντα μηδὲν μείον ἰσχύσειν Διός.

Wakefieldus vocabula ἔτι et Διός loca inter se permutare iubet; quo nihil aliud efficitur, quam ut Διός in priore versu collocatum frigeat, et μηδὲν μείον nomine destituatur, ad quod comparativus μείον respiciat.

V. 609 seqq. Ἀλλ' ἐμοὶ τορῶς τέκμηρον ὅ τι μ' ἐπαμμένει παθεῖν, τί με χρεὶ, τί φάρμακον νόσου. mirifice sibi placet Wakefieldus reponendo: τι μοι χρᾶ μὲν ἄλλ' ἐμοὶ τορῶς τέκμηρον ὅ τι μ' ἐπαμμένει παθεῖν, τί με χρεὶ, τί φάρμακον νόσου. nihil vidimus ineptius.

V. 805. Prometheus Ioi vaga itinera, quae ei impendeant, vaticinans, ad Gorgonas quoque eam venturam demonstrat.

“Ὡς θνητὸς οὐδεὶς εἰσιδὼν ἔξει πνοάς·

Tum sic pergit:

Τοιοῦτο μὲν σοὶ τοῦτο φρούριον λέγω,
Ἄλλην δ' ἀκουσον δυσχερῆ θεωρίαν.
Ὅξυστόμους γὰρ Ζηνὸς ἀκραγεῖς κύνας
Γρύπας φυλάξαι.

Nihil planius est, quam vocabulum φρούριον denotare aliquid, quod magnopere praecavendum sit, sicut statim eam

iubet Gryphas φυλάξαι. Prorsus igitur inutile et incommodum est, quod Wakefieldus excogitavit:

Τοιοῦτο μὲν σοι τοῦτο προΐμιον λέγω.

V. 1055. — Χθόνα δ' ἐκ πυθμένων

Αὐταῖς ῥίξαις πνεῦμα κραδαίνοι.

sine causa Wakefieldus reponit ἀργαῖς ῥιπαῖς. Haud melius est quod ad v. 1060 in mentem ei venit.

Ἐς τε κελαινὸν

Τάρταρον ἄρδην ῥίψει δέμας

Τοῦμὸν ἀνάγκης στέρεῖς δίναις.

Wakefieldus στείλαις δειναῖς audaciore, ut ipse fatetur, calamo, Aeschilo appingit; quod ferri posset, si de Prometheo ageretur catenis vinciendo; nunc cum Aeschylus deturbationem in Tartarum, adeoque motum ad locum, non quietem in loco describat, iterum nobis inanes paleas pro solidis granis venditavit Criticus noster.

In Sept. Adv. Thebas versus 24 sqq.

Νῦν δ' ὥς ὁ μάντις φησὶν, οἰωνῶν βοτῆρ

Ἐν ὧσὶ νωμῶν καὶ φρεσὶν, πυρὸς δίχα

Χρηστηρίους ὄρνιθας ἀψευδεῖ τέχνη

Wakefieldo propterea displicent, quod οἰωνῶν βοτῆρ commodè explicari posse non videatur. Itaque versus partim corrigendo, partim transponendo hunc in modum sublevandos censet:

Νῦν δ' ὥς ὁ μάντις φησὶν, οἰωνῶν ποτῆν

Χρηστηρίους τ' ὄρνιθας ἀψευδεῖ τέχνη

Ἐν ὧσὶ νωμῶν καὶ φρεσὶ πυρὸς δίχα.

Enimvero οἰωνῶν βοτῆρ paullo audaciore sermonis figura significare potest oraculorum curatorem s. praefectum, (i. q. οἰωνοθετῆς, οἰωνοσκοπός;) Wakefieldi saltem ratio vel propterea non est admittenda, quod notio speciei cum notione generis non potest per appositionem copulari, quod fieret si οἰωνῶν ποτῆν χρηστηρίους τ' ὄρνιθας lege-

retur. Praeterea χρηστηρίους ὀρνίθας de avibus oscinibus intelligere usus loquendi vetat.

V. 98. ἀκμάζει βρετέων ἔχεσθαι.

Sine causa idonea Wakefieldus emendat:

ἀκμάζει βρετέων ἔχεσθαι,

q. d. *fervet occasio.*

V. 376. ubi vulgo legitur

σπουδῇ δὲ καὶ τοῦδ' οὐκ ἀπαρτίζει πόδα

interpretandi difficultatem, quae ex verbo ἀπαρτίζει suboritur Wakefieldus tollendam putat emendando ἀπαρτάει *suspendit*, quod, cum Aeschylus contractionem non negligat, admitti non potest.

V. 491. Ἄλω δὲ πολλήν

Wakefieldus indubitata lectionem restituisse sibi videtur, ἄλω δὲ πολιάν quod epitheton an unquam de clypeo usurpatum sit, valde dubitamus.

V. 1011. Στυγῶν γὰρ ἐχθροὺς θανατὸν εἴλετ' ἐν πόλει.

Sic vulgo legitur in edd. At Robortelliana habet εἵρων quod Pierfonus nuper restituit. Optime vero Wakefieldus divinavit veram lectionem esse στεγῶν, e quo librariorum errore factum est στυγῶν, et cuius glossa est εἵρων in Robort.

In Persis v. 79. pro lectione vulgata κυάντεον δ' ὄμμασι

λεύσσων φονίου δέργμα δράκοντος

elegans est emendatio Wakefieldi

κυανέου δ' ὄμμασι λεύσσων

φόνιον δέργμα δράκοντος.

Prorsus autem inutilis est coniectura, qua versiculum 829.

τοιῶνδε γ' ἀρχόντων ὑπεμνήσθην πέρι

fic refingendum opinatur:

τὰ τῶνδ' ἀπαρκῶς, ὧν ὑπεμνήσθην πέρι

atque haec de illis quos memoravi sufficiant.

V. 429. Ἀκταὶ δὲ νεκρῶν χοίραδες τ' ἐπλήθουν

Wakefieldus, quod versu proxime praecedente occurrat πληθύνουσα variandae orationis gratia emendat: ἐπὶ νῆσον, quod fane non esset aspernandum, si Aeschylus contractionem soleret negligere. Sed nihil est correctione opus. Nam in fervida narratione eiusdem aut similis verbi repetitio non languorem orationi sed vim saepe addit.

Frustra quoque tentatur locus Pers. v. 700.

Ἄλλ' ἐπεὶ δέος παλαιὸν σοὶ φρενῶν ἀνθίσταται
ubi W. ἀνθάπτεται reponi vult,

At in eadem tragoedia v. 427.

Κακῶν δὲ πλῆθος, οὐδ' ἂν εἰ δέκ' ἡματα

Στοιχηγοροῖην, οὐκ ἂν ἐκπλήσαιμι σοὶ

haud scimus an recte emendaverit ἐκπρήξαιμι, apte comparato loco Homericō Od. Ξ. 196.

Nec minus probabilis est coniectura qua locum Pers. 570.

Βαρὺ δ' ἀμβόασον

Οὐράνι ἄχῃ, ὅα.

Τεῖνε δὲ δυσβάϋκτον

Βοᾷτιν τάλαιναν αὐδάν

sic refingit:

Τεῖνε δὲ δυσβάϋκτον

Βοᾷν, τριτάλαιναν αὐδάν.

hac lege ut in antistrophico legatur

τὸ πᾶν δὲ κλύουσιν ἄλγος

ubi vulgo legitur τὸ πᾶν δῆ.


V. 961. Ὀλοοὺς ἀπέλιπον Τυρίας

Ἐκ ναὸς ἑρρόντας ἐπ' ἀκταῖς

Σαλαμίνισι στυγελοὺς

Θείνοντας ἐπ' ἀκταῖς

inficetam eiusdem vocabuli repetitionem haud incommode tollit W. rescribendo ἑρρόντας ἐπὶ ῥαχίαις.



IV.

*In Aeschyli Eumenid. v. 492 seqq.
observationes.*

Gravissimum est argumentum carminis quod ab Eumenidibus in cognomine Aeschyli tragoedia v. 49 sqq. canitur, ac profecto dignissimum, quod sive ab interpretum quorundam erroribus sive a librariorum depravationibus nondum observatis liberetur. Sic autem exoriuntur illae:

Strophe 1.

Νῦν καταστροφαὶ νέων
Θεσμίων, εἰ κρατή-
σει δίκαι καὶ βλάβαι
Τούδε μητροκτόνου.
Πάντας ἤδη τόδ' ἔργον,
Εὐχερεῖα ξυναρμόσει βροτούς.
Πολλὰ δ' ἔτυμα παιδότηρωτα
Πάθεα προσμένει τοκεῦ-
σι, μετὰ τ' αὐθις ἐν χρόνῳ.

Antistrophe 2.

Οὔτε γὰρ βροτοσκόπων
Μαινάδων τῶνδ' ἐφέρ-
ψει κότος τις ἐργμάτων.
Πάντ' ἐγήσω μόρον.
Πένσεται δ' ἄλλος ἄλλοθεν,
Προφωνῶν τὰ τῶν πέλας κακά.
Ἀῆξιν ὑπόδοσιν τε μόχθων
Οὐκέτ' οὐ βέβαια· τλά-
μων δέ τις μάταν παρηγορεῖ.

Primum strophes versiculum male reddidit Stanleius: *nunc
eversio novarum legum*; καταστροφαὶ nimirum vicissitudi-

nem designat novarum rerum, quibus pristinae leges abolentur. *Nunc profecto novarum legum pravitas in civitatem irrumpet, si pessima huius matricidae (Orestis) causa vicerit. Omnes enim homines hoc eius facinus ad facilitatem simile quid audendi provocabit. Multaeque iam eaeque certissimae vulnerum a liberis illatorum perpeffiones in posterum parentes manent.* ἔτυμα πᾶθεα varie tentatum est a criticis, sine causa idonea. ἄτιμα, quod Stanleius invenit, versione etiam expressum (*multi impuniti a liberis illati dolores*) ne metrum quidem admittit. Sed verum est ἔτυμα, eoque significatur eventus, quem Chorus praedicit, certitudo.

In penultimo antistrophes versiculo, metrum ad antitheticum strophes primae comparatum vacillat; et particulae οὐκέτ' οὐ haud fatis commodum sensum efficiunt. In Robortelliana editione legitur corrupte ἄκετ' οὐ. Quod, nisi forte mendum typographicum est, vestigia pristinae lectionis continere videtur. Certe si legamus:

Λῆξις ὑπόδυσιν τε μόχθων
Ἄκεα τ' οὐ βέβαια

et metri ratio constabit, et sensus aptissimus plenissimusque funditur. Tum enim Chorus minatur, nec *cessationem*, (Λῆξις) nec *effugium*, (ὑπόδυσιν) nec *sanationem* (ἄκεα) horum malorum sperari posse. Pro vulgato nimirum ὑπόδοσιν, quod quid h. l. significet vix exputari potest, iam Heathius recte ὑπόδυσιν legendum esse censuit.

In secunda antistrophe (nam in strophe secunda nullus est offensionis locus) ita pergit Chorus

Ἔσθ' ὅπου τὸ δεινὸν εὖ
Καὶ φρενῶν ἐπίσκοπον
Δειμαίνει καθήμενον.

Summa sententiae, quam Chorus hic enuntiat, haec est: utile interdum hominibus esse timere, poenarumque malis facinoribus propositarum cogitationibus teneri; eum contra, qui se omni metu solutum ac liberum putet, haud facile in officio contineri, et ut iustitiam sancte colat, ad-

duci posse. Hic statim nobis molestum est verbum δειμαίνειν cum τὸ δεινὸν compositum. Stanleyus τὸ δεινὸν pro accusativo accepit, sic interpretatus: *aliquando severitatem et animorum inspectionem incumbentem metuit*. Sed, ut alia mittamus, hac ratione prorsus deficit notatio personae, quae hic *metuere* dicatur, nam ἀπὸ τοῦ κοινοῦ eam hic supplere velle, durissimum esset. Imo vero novus hic inchoatur locus communis. Τὸ δεινὸν nominativus est, et significatur *metum aliquando hominibus utilem et salubrem esse*. Servato igitur vocabulo δειμαίνει hic exhibet sensus: *Est ubi timor animis inhabitans, bene et quasi mentis inspector timet*. Sed multo pulchrior erit structura, si pro δειμαίνει legamus δειματοῖ terret. Quo facto sic licebit interpretari: *Est ubi timor animis insidens bene (h. e. salubriter) et tanquam mentis et rationis inspector terret conscientiam*. Scholiastes participium καθήμενον male ad sequentia traxit sic interpretatus: ὥστε καθήμενον ὑπὸ στένει σωφρονεῖν. Heathii coniectura h. l. prorsus inutilis est, et allegoriae Aeschyleae pulchritudinem funditus pervertit. Legendum enim existimat

Ἔσθ' ὅπου τὸ δεινὸν εὖ
 χεῖ, (pro ἔχει) φρενῶν τ' ἐπίσκοπον
 Δεῖμα δ' ἐγκαθήμενον,

ex quibus hanc efficere conatur sententiam: *Aliquando id utile est, quod timorem incutit et terror animi moderator insidens*. In alia omnia abit Abreschius, cuius commentum operae pretium est cognoscere. „Legendum puto, inquit, ἔσθ' ὅπου δειμανεῖ; καθήμενον συμφέρει σωφρονεῖν ὑπὸ στένει. Animato heic quoque sermone per interrogationem, hac sententia: ἐπεὶ πινεῖ ὁ τῆς δίκης οἶκος, ἔσθ' ὅπου τὸ δεινὸν εὖ δειμανεῖ τις. Si iustitiae occiderit domus, nec inspexerit amplius facta hominum, estne eritve quod quis usquam metuat amplius.“ Quid opus est verbis? Nihil durius et h. l. ineptius fingi aut excogitari poterat. Veniamus ad ea quae sequuntur.

Συμφέρει

Σωφρονεῖν ὑπὸ στένει.

Τίς δὲ μηδὲν ἐν φάει

Καρδίας ἀνατρέφων

Ἡ πόλις βροτός θ' ὁμοίως ἔτ' ἂν σέβοι δίκαν;

Saluberrimum est etiam inter angores et suspiria (timoris) sapere discere. Quis autem nihil in luce cordis enutriens, sive civitas fuerit sive unus aliquis mortalis similiter adhuc iustitiam colat? Hic facile quidem patet eandem his verbis sententiam expressam esse, quae v. 702. brevius ita effertur.

Τίς γὰρ δεδοικώς μηδὲν ἔνδικος, βροτῶν;

Sed quid hoc sibi vult ἐν φάει καρδίας ἀνατρέφων? Paulius quidem interpretatur: *in corde lucido, in corde puro, in quo lux aequi et boni!* At quis unquam hoc φάος καρδίας dixit? Et fac istam vim vocabulis hisce absolute positis subiici posse, quid istud ad rem de qua agebatur? Manifesto enim orationis perpetuitas hoc requirit, ut dicatur, eum, qui nihil timeat iustum et pium esse non posse. Abreschius μηδὲν ἐν φάει interpretatur, μηδὲν φαινὸν h. e. πᾶν σκρτεινόν, quod nullo modo potest admitti. Itaque vel sic legendum esse arbitramur:

Τίς δὲ μηδενὸς ἐν δέει

Καρδίαν ἀνατρέφων

ita ut καρδίαν ἀνατρέφειν nihil aliud significet quam vivere; quis nullam rem in vita metuens iustitiam colat? (καρδίαν est lectio trium editionum Aldinae, Robortell. Tumel.) vel hoc modo

Τίς δὲ μηδὲν ἐν δέει (vel si malis ἐν φόβῳ)

Καρδίας ἀναστρέφων.

Quae vero civitas, aut quis mortalium nihil in metu cordis versans, s. volutans iustitiam colat? Ἀναστρέφων iam Casaubonus proposuerat. Heathius autem rescribendum duxit:

τις δὲ μηδενὸς φόβον
καρδίᾳ γ' ἀνατρέφων

hactenus bene, quod sententia, quam quaerimus, luculenter eminet, nisi quod ab antiquae scripturae vestigiis longius recedit, et particula γε hic intrusa nimis otiosa est.

In primo Strophes tertiae versiculo syllaba deficit, facile supplenda, si legas

Μήτ' ἀναρκτον οὖν βίον

id quod iam Heathius vidit. Neque vero sensus causa abesse potest οὖν. Nimirum ultimis secundae antistrophes versibus dixerat Chorus vix fieri posse, ut is qui prorsus nihil timeat, iustitiam revereatur. Ex quo iam colligit ea quae sequuntur: *Neque igitur laudabile est nihil, nec omnia timere*; Id vero sic exprimitur: μήτ' ἀναρκτον οὖν βίον, μήτε δεσποτούμενον αἰνέσης; nam in vita legibus soluta nihil timere solent homines, sub tyranni autem iugo omnia tuta timere. Iam inde pergitur ad mediocritatem in omnibus rebus commendandam. Ubi in verbis ἀπαντι μέσῳ τὸ κράτος facile patet metri causa legendum esse πάντι, quod iam Pauwius monuit. Paullo post ἄλλ' ἄλλα, ut versus antithetico exaequetur, scribendum. Sed in ἄλλ' ἄλλα ὁ ἐφορεύει difficultas est, quam callide dissimularunt interpretes. In versione Stanleiana: *alia aliter inspicit*, nemo, qui sensum quaesiverit, facile acquiescat. Nempe et Scholiae graecus dum explicat per ἄλλα ἄλλως ἐφορεῖ ὁ θεὸς verba pro verbis nobis adnumerat, de interpretatione oppido securus. Sed ex oppositi ratione intelligenda sunt. Postquam dictum erat deum mediocritati robur dare, ἄλλα ἄλλα ὁ ἐφορεύει nihil aliud denotare potest, quam, eum *cetera*, quae non sint mediocria, quae se immodice efferant, *alia* i. e. *contraria ratione dirigere*, h. e. ea frangere ac debilitare. In verbis δυσσεβείας μὲν ὕβρις Τέκος ὡς ἐτύμως, male ὕβρις pro iniuria accipitur; de contumelia enim intelligendum esse, ex opposita sententia patet; ut enim δυσσεβεία h. e. impietas, quae nihil timet, opponi-

tur τῇ ὑγίει φρενῶν, quae iusti et aequi studiosa est, sic id quod ex hac consequi dicitur ὁ πᾶσι φίλος καὶ πολέμιος ὁλβος, illius effectum ὑβριν illustrat, adeoque de dedecore et infortunio, quae impietatem sequuntur, non de iniuria et nequitia, quam impii homines in alios exercent, intelligendum esse perspicitur. Quod insuper sequentibus tertiae antistrophes verbis confirmatur, in qua hominum iniustitia denuo propositis, quae ei impendent, poenis terretur.

Sed universum chori canticum gravissima sententia clauditur; iniusti enim hominis interitus, ducta a naufragio similitudine fortissimis coloribus depingitur, ita ut spectator rem ipsam ante oculos geri potius, quam in tabula expressam videre sibi videatur.

Strophe 4.

Ἐκ τῶνδ' ἀνάγκας αἶετ
Δίκαιος ὢν, οὐκ ἄνολβος ἔσται
Πανώλεθρος οὐ ποτ' ἂν γένοιτο.
Τὸν ἀντίκοιμον δὲ γαμὶ παραιβάδαν
Τὰ πολλὰ παντόφυρτ' ἄνευ δίκης
Βιαιῶς ξὺν χρόνῳ καθήσειν
Αἰψὸς ὅτ' ἂν λάβῃ πόνος
Θρανομένης κεφαλῆς.

Antistrophe 4.

Καλῇ δ' ἀκούοντας οὐδὲν
μέσα δυσπαλεῖται δίνα
Τελῶ δ' ὁ δαίμων ἐπ' ἀνδρὶ θερμοργῶ
Τὸν οὐ ποτ' ἀνχοῦντ' ἰδὼν ἀμηχανοῖς
Λύαις λείπαθρον, οὐδ' ὑπερθεόντ' ἄκραν,
Δι' αἰῶνος δὲ τὸν πρὶν ὄλβον
Ἐρματι προσβαλὼν δίκας
Ῥλεῖ ἄκλανστος, αἰστος.

Post πανώλεθρος (versu 3 strophico) et metri ratio et sententiae plenitudo poscit, ut particulam γε inferamus.
Πανώλεθρος γ' οὐ ποτ' ἂν γένοιτο, omnino certe nunquam

peribit vir iustus. Inter παντόφουρ' et ἄνευ δίκης optimum fuerit cum Pauvio ἄγοντ' interserere, quo et versiculi et sententiae defectus optime suppletur. In versu θραυομένας κεραίας ad antisitrophicum ὅλετ' ἄκλαυστος αἶστος relato, syllabam deficere perspicuum est; itaque cum vulgo θραυομένας κεραίας pro genitivo consequentiae accipiat, *fractâ antennâ*, nihil impedit, quo minus τε particulam interiiciamus, et

θραυομένας τε κεραίας

accusativo plurali positum cum λάβῃ construamus hoc sensu: *cum tempestas velum antennasque adeo, ut frangantur, invaserit*. In Antistrophe versus 3. 4. 5, ita constituendi sunt:

Γελᾷ δ' ὁ δαίμων ἐπ' ἀνδρὶ θερμῷ.
Τὸν οὐκέτ' αὐχοῦντ' ἰδὼν ἐν ἀμηχάνοις
Λύας λεπάδνοις, οὐδ' ὑπερθέοντ' ἄκραν.

Sed omnino, quid postremae chœrici carminis particulae crisis nostra profuerit optime forsitan e versione germanica intelligitur, quam hic subiicimus:

So wird der Mann, der ungezwungen
Gerechtigkeit übt, nicht unglücklich seyn;
Ganz kann er mindstens nie verderben:
Indess der frevelnde Verbrecher
Im Strom der Zeit gewaltsam unter sinkt,
Wenn das Segel ihm faßt wütender Sturm
Und die brechende Raa überwältigt.
Er ruft, von keinem Ohr vernommen,
Kämpft in den Wogen hoffnungslosen Kampf,
Itzt lacht des Brausenden die Gottheit,
Sieht ihn, nun nicht mehr stolz, in Banden
Der Noth verstrickt, umsonst die Felsbank fliehn.
An der Klippe des Rechts scheitert sein Glück,
Unbeweint, unbemerkt geht er unter.

V.

*De Persarum, tragoediae Aeschyleae,
forma et consilio.*

Utrum Persarum tragoedia, quae est inter Aeschyli superflites, in eam tragoediae formam, quam Aristoteles in libro de Poëtica descripsit, includi possit, coeptum est nuper a viris quibusdam doctis addubitari. Nam et *Iacobsius* V. Cl. in Aeschyli elogio diligentissime scripto *) observat, criticos quosdam haud parum trepidare et ambigere, ubi in hac Persarum tragoedia *timorem* et *miseri-*
cordiam inveniant **) in quo certe videtur innuere voluisse, Persarum formam ab ea, quam Aristoteles tragoediae tribuit, non nihil recedere; deinde exortus est iuvenis doctissimus *Carolus Godofr. Siebelis* A. M. Lipsiensis, qui tantum aberat, ut Aeschylum *timorem* et *miseri-*
cordiam Persarum tragoedia commovere voluisse existimaret, ut po-

*) Vid. *Charaktere der vornehmsten Dichter aller Nationen*. f. Nachträge zu Sulzers Theorie der schönen Künste IIten Bandes, 2tes Stück pag. 406.

**) „Was nun aber den Mangel der Handlung in den Persern des Aeschylus betrifft, so war diese Bemerkung leicht zu machen, wenn man den Dichter ohne vorgesetzte Meinung las, und nicht schon zum voraus annahm, daß man hier lauter eigentliche Tragödien nach unsern Begriffen zu suchen habe. Aber die wenigsten Kritiker sind zu einer solchen Verläugnung geneigt, und diese befinden sich hier in keiner geringen Verlegenheit, wo sie das Schrecken und Mitleid zu suchen haben.“

tius poetam id egisse, ut Persas in ipso illo Salaminiae cladis infortunio ridiculos faceret, adeoque risum potius Atheniensium et hilaritatem fabula hac in scenam prolata quaesivisse. *) Quae quidem sententia, etsi ab eo sic est exposita, ut facile agnoscas ingenium hominis quicquid ad conciliandam opinioni veritatis quandam speciem pertineat, sagaciter indagantis, non tamen est eiusmodi, ut ei calculum adiacere argumentis ab eo prolatis cogamur.

Aristoteles in definitione tragoediae Poët. c. VI. praeter alias eius formae notas has quoque posuerat, eam οὐ δι' ἀπαγγελίας ἀλλὰ δι' ἐλέου καὶ φόβου περαίνειν τῶν τοιούτων παθημάτων κάθαρσιν. Quod quid esset, nemo melius ac dilucidius explicavit Lessingio**), qui vidit verbis δι' ἐλέου καὶ φόβου significari *actionem dramaticam, quae plena sit misericordiae ac timoris, h. e. eventus et actiones in scena repraesentatas, quibus insit misericordiae ac metus materia*; ita ut ciendis his animi perturbationibus, quae quatenus vel ipsos personarum tragicarum animos afficiunt, vel harum actione incensae spectatorum quoque animos inflammant, *tragicae* appellantur, hoc efficiatur, ut non harum tantum perturbationum, sed etiam similium in spectatorum mentibus purgatio quaedam et correctio fiat. Quae quidem *κάθαρσις* secundum ethica Aristotelis praecepta in eo consistit, ut tragica misericordia in spectatoribus non magis nimiam animorum duritiam immittemque asperitatem quam nimiam in commiserando mollitiem atque indulgentiam emendet; metus autem tragicus eum in finem dirigatur, ut homi-

*) Vid. eius diatriben de *Aeschyli Persis*, qua *Exc. Ilgenio* Professionem LL. OO. in Acad. Ienensi susceptam gratulatus est; Lipsiae ex officina Sommeria a. 1794. editam.

**) Hamb. Dramaturgie Tom. II. p. 171. et sqq. ed. principis et authent.

nes in theatro sedentes nec nimis rebus suis confidere discant, neque vero omnia tuta timeant, adeoque focordiam quandam aut imbelliam sibi contrahant. Iam primum nemo dubitare potest, quin Aeschylus in ipsa fabulae conformatione omnia metu et misericordia compleverit, quatenus quid inter actores fabulae geratur, nondum autem quomodo spectatorum animi fuerint affecti, quaeritur. Nam primum Senum chorus qui fabulam orditur, ingentem illam iuvenum virorumque vastitatem, quam Xerxes tantis copiis secum abductis effecerat, queritur, multisque modis se rebus Xerxis diffidere et male de expeditionis eventu metuere fatetur. Sic v. 10. ἀμφὶ δὲ νόστῳ τῷ βασιλείῳ — κακόμαντις ἄγαν ὀρσοπολεῖται θυμὸς ἔσωθεν. Deinde populis eorumque ducibus, qui regem ad bellum secuti essent, enumeratis, quorum multitudini ac robori nemo videbatur futurus esse, qui obsistere posset, diserte tamen significat Chorus valde se vereri ne divini numinis invidia, s. δολόμητις ἀπάντα θεοῦ magnam Persis cladem paret. Haec illis animo volventibus supervenit Atossa, Xerxis mater, Darii vidua, seque cum alias anxiam futuri, tum hesternae nocte luculento somnio, quod filio suo mala portendere videretur, maiorem in modum perturbatam esse fatetur. Quem quidem reginae metum tantum abest ut Chorus verbis mitiget, ut potius his quae, ei de Athenis percontanti, de Atheniensium rep. exercitu, fortuna bellica ac fortitudine v. 230 – 242 narrant, perturbatum reginae animum augeant, adeo ut Atossa multum sane parentibus domi relictis de militum Persarum in Graeciam profectorum salute metuendum esse dicat v. 243. Ecce autem nuntius accurrit anhelans, totumque Persarum exercitum deletum esse clamat. Iam non solum Chorus eius doloribus suos quoque gemitus vocesque lamentabiles miscet, sed Atossa etiam, primum subito tanti mali terrore obsiuefacta, postea autem, ubi Xerxis certe vitam salvam esse accepisset,

paulisper recreata, fusius tandem nuntium de rebus Persarum male gestis exponentem magno cum gemitu, et comploratione audit. Qui cum finem fecisset narrandi, intro abit regina, Chorusque luctum tot viduarum maritis, parentumque filiis orbatorum prosequitur tantamque civium ac navium iacturam acerbè deplorat. Quae quidem omnia ad miserationem concitandam composita esse, quis possit inficias ire? Metum quoque et misericordiam evocata Darii umbra tantum abest ut minuat, ut potius, quantum etiamnum supersit calamitatis vaticinando, augeat atque exaggeret. Ultima tragoediae scena Xerxem ipsum sistit perditis tot civibus, navibus, opibus ac divitiis redeuntem; eiusque colloquio cum senibus choricis omnia paene luctus indicia ac signa exhaustiuntur. Clamor enim, fletus, suspiria, vociferationes, singultus, vestium scissiones, corporis afflictio, capilli barbaeque vulsiones, planctus, incessus tristis ac lentus, genuum tremor ac solutio, haec omnia inter se varie iuncta tam expressum efficiunt simulacrum tristitiae, ut maius perfectiusque nihil fingi aut excogitari possit.

Iam profecto illud non quaeritur, fuerintne in Atheniensium populo, qui cum Persarum tragoedia doceretur, e nonnullis eius locis, aut ex apparatu scenico ridendi potius materiam sibi quaesiverint, quam ad metum aut misericordiam commoveri se senserint; id enim nec hodie est insolens, saepiusque videmus fricti ciceris aut nucis emtores et si qui alii de suprema cavea spectant, in tragoediis risum captare ex habitu scenico, insolentiore quidem, sed temporibus personarum, seculoque, quo vixerunt, accommodato, vel ex actionibus sententiisque, quibus homines cultissimi prudentissimique ad intimum doloris sensum abripiuntur. Sed illud unice quaerendum est, an ex universa fabulae *οἰκονομία* et adornatione, e sententiarum verborumque conformatione, apparatu denique scenico colligi possit, Aeschylum risum potius excutere civibus suis

fuis voluisse, quam metus et misericordiae h. e. tragicorum affectuum faces iis adhibere. Itaque iam argumenta videamus, quibus inductus est doctissimus Sibelis, ut scilicet ex tragoedia Aeschylea tantum non comoediam nobis efficeret. Primum in prologo reperire sibi visus est hilaritatis materiam. Ait *eunuchos* fuisse senes Persicos; ideoque ridiculos. Verum eius rei nullum est in tragoedia vestigium. Barbatos potius senes fuisse v. 1048. intelligitur. At V. Cl. negat se hac hominum imberbium barba commoveri, ut ab opinione discedat. Sed si ei demus eunuchos Persarum sibi nonnunquam barbas asciticias alligasse, quam illud vim h. l. habere potest, ubi nondum docuit senes illos eunuchos fuisse? Lepidum fane esset, si quis hodie Constantinopoli occurreret seni cuidam, barba promissa, statimque hunc esse ex eunuchorum numero, qui gynaeceum imperatoris custodirent, opinaretur; et si quis ei barbam hominis oggeret, hac tantum uteretur calumnia: Eho tu! qui scis, an non barba sit asciticia? Quod autem Aeschylus actores fabulae Persicis vestibus non Graecis indutos in scenam produxit, id profecto, non ut risum venaretur ineptum, sed ut personis sibi convenientia redderet, fecit. Itaque nec illa reginae adoratio, v. 150. Persarum moribus consentanea ullius, qui fabulam spectaret, hominis rictum diducere poterat, nisi forte scurrae cuiusdam, qui nec modum in ridendo teneret ullum, nec quid tempus aut locus posuaret intelligeret. Eiusmodi autem hominum ineptiis dare se voluisse Aeschylum, quis fingere audeat? — Porro in variarum gentium ducumque qui in prologo recensentur laudibus, adeoque ducum quorundam nominibus nescio quid ridiculi sibi reperisse visus est Cl. Sibelis; in quibus, ut discrepant hominum sensus, nobis ne minima quidem eius suspicio latere videbatur. Nam quod Persae a sagittandi laudantur peritia, in eo fane nemo, nisi qui opinioni praeconceptae subservire velit, ridiculi scintillam reperiat. Cum senes dicunt

στρατιᾶς πολλῆς ἔφοροι
 Τοξοδάμαντές τ' ἠδ' ἱπποβάται
 Φοβεροὶ μὲν ἰδεῖν, δεινοὶ δὲ μάχην
 Ψυχῆς εὐτλήμονι δόξη

hoc dictum V. D. hac ratione ad ridiculi speciem detorquet: „Sed barbarus genis oculisque pictus, et barba capillisque promissis hirsutus non modo nullum Graecis offundebat terrorem, verum potius largam eis ridendi copiam.“ At si quid in his est ridiculi, id verbis Aeschyli ab interprete obtruditur; elici certe nullo modo potest. Quod deinde in nominibus ducum Persarum, v. c. *Ἀμιστρος*, *Ἰμαῖος*, *Σωσθάνης*, *Μητρογαθῆς* etc. alterum salinarum locum sibi reperisse visus est V. D., videat ne aut parum tuta sit possessio harum salinarum, aut sales certe frigidi et insipidi exeant, quibus si Aeschylum delectari potuisse iudicaverit, parum honorifice de eius urbanitate senserit. Etenim si vel omnia vel certe plurima ridiculam habuissent significationem, esset tamen aliquis eius coniecturae fundus; nunc in plurimis e. c. in nominibus *Amistres*, *Megabazes*, *Asiaspes*, *Masistres* ne umbra quidem eius rei apparet, in paucis quibusdam aliis, ut in nomine *Μητρογαθῆς*, etymologiam misere torquendo, vix aliquid exprimas, quod hominem non insulsum ad risum invitare possit.

In versibus 91 sqq. ubi chorici senes fortunae regis diffidere incipiunt, propterea quod divinae mentis insidias (*δολόμετην ἀπάναν θεοῦ*) recordantur, quibus haud raro homines in summa felicitatis gradu constituti detrudantur in perniciem, neminem fugere potest in lectione ceterarum Aeschyli tragoediarum versatum, quoties hunc locum communem serio, ut par esset, tractaverit poeta, ita ut prorsus nulla causa subsit, cur h. l. tantum eam doctrinam ab eo tecte rodi et callide ad risum detorqueri fingamus.

Deinde in descriptione pugnae Salaminiae adeo nullum est cavillationis aut irrisionis vestigium, ut potius omnia sint ad severitatem vere heroicam composita. Nam qui in verbis *Δαδακῆς πληγῇ δορὸς πήδημα κοῦφον ἐκ νέως ἀφῆλατο* ridiculam imaginem videat, nae is quoque Virgilianum illud: *pronusque magister volvitur in caput Aeneid. I. 115.* ludibrii causa dictum esse harioletur.

Neque vero videmus, quid interpreti, qui sit in cogitando suus, nec abripiatur aestu quodam temeritatis in iudicando, placere possit in Heathiana v. 295 sqq. explicatione, qui in verbis Atossae nuntium interrogantis:

*Τίς οὐ τέθνηκε, τίνα δὲ καὶ πενθήσομεν
Τῶν ἀρχαίων ὅστ' ἐπὶ σκηπτουχίᾳ
Ταχθεὶς ἄναδρον τάξιν ἡγήμου θανών*

ἄναδρον τάξιν de cohorte evirata s. Eunuchis acceperat cum sensus multo dignior Aeschilo et aptior in promptu sit: *quique in imperio militari constitutus morte sua cohortem in solitudinem coniecerit, iam viro scil. forti imperatore carentem; und welcher von den Feldherrn durch seinen Tod seine Legion ihres tapfern Führers beraubt und verwaiset habe.* Etenim cum Cl. Sibelis profiteatur se Heathii opinionem amplexum esse, non illam quidem tragoediae castitate dignam, sed tamen non alienam ab huius fabulae hilaritate, nihil aliud agit, quam ut concedi sibi postulet, exemplo in rem suam abuti, quod litem lite resolvat. Ceterum in editione Robortelli legitur *ἄναρχον τάξιν*, quae quidem lectio verissima videtur.

In Darii laudibus v. 651 sqq. etsi nimius et immodicus videri poterat Chorus, tam callide tamen versatus est in praedicandis eius rebus gestis, ut non metuendum esset, ne exaggerationem illam risus audientium sequeretur. Quod enim in pronuntiato hoc disticho

*οὔτε γὰρ ἄνδρας πώποτ' ἀπώλλυ
πολεμοφθόροιςιν ἄταις*

immemor esse videretur Scythicae cladis atque Marathoniae; id facilem habebat excusationem propterea quod a Scythis iusto quidem praelio haud victus esset, ut qui ne pugnae quidem potestatem ei fecissent, (Iustin. II. 5.) Marathoniae autem cladis culpa ad Datim potius et Artaphernem, quam ad Darium ipsum, qui praelio ipse haud interfuisset, pertineret.

In oratione Darii, carminibus ab inferis evocati adeo sunt omnia ad severitatem composita, ut quid ridiculum videri potuisset hominibus a scurrili ex omnibus risum captandi libidine alienis, idoneis quidem argumentis effici non possit. Nam quod doctiss. Sibelis humanum illud Darii consilium, quo abiturus senes monet, ut in mediis quoque malis animum voluptate quadam reficiant, hac ratione ad ridiculi speciem traducere cupit, ut nos recordari iubeat ex Athenaeo Darium laude potatoris eximii floruisse, in eo veremur, ne nullum lectorem inveniat sibi obtemperantem. Quid enim? Num omnes, qui animos in rebus afflictis ad modicum honestae voluptatis usum revocant, ideo ridiculi sunt? Num Homerus risui voluit exponere Menelaum Odyss. IV. 103. sic loquentem:

*Ἄλλοτε μὲν τε γόῳ φρένα τέρπομαι, ἄλλοτε δ' αὖτε
Πάύομαι· αἰψήρως δὲ κόρος κρύετοίῳ γόοιο.*

Num quis nobilissimam illam Teucris orationem apud Horatium Carm. I. 7, 30.

O fortes peioraque passi
Mecum saepe viri, nunc vino pellite curas
Cras ingens iterabimus aequor!

qua nihil sublimius est, hac audebit calumnia deprimere, ut Horatium semper „merobiborum et multibiborum magnum fuisse laudatorem“ dicat?

Verum haec hactenus. Nam leviora quaedam praetermittere malumus, quam eadem saepius inculcando

lectoribus molestiam creare. Restat ut nostram de universo Persarum consilio sententiam breviter exponamus. In ipsa scenarum adornatione, in personarum colloquiis Aeschylus omnia metu ac miseratione complevit, nihilque admiscuit, quod a cothurni severitate discreparet. Haec igitur Persarum infortunia metus et miseriae plena non narratione, sed repraesentatione scenica (οὐ δι' ἀπαγγελίας ἀλλὰ δι' ἐλέου καὶ φόβου ut ait Aristoteles) hoc consilio oculis Atheniensium subiecit, ut τοιούτων παθημάτων κάθαρσιν in eorum animis, quantum in ipso esset, efficeret. Itaque primum quod ad metum attinebat, eos partim adversus hostium etiam potentissimorum metum confirmabat et fortunae suae ac virtuti confidere volebat, partim vero a nimia insolentia, vicissitudinis rerum humanarum cogitatione, abstrahabat; deinde misericordiam eorum sic temperabat, ut eos partim a mollitie abduceret, hostiumque impetus etiam cum vulnere vitaeque periculis retundere iuberet, partim vero eos invitaret ad cogitandum, quam misera sit populorum fors et conditio, qui unius hominis, cuius imperio subiecti essent, consilio vel errore ad atrocissimas bellorum calamitates abriperentur, adeoque simul reip. suae longe melius constitutae amorem, et adversus devictos hostes clementiam mansuetudinemque animis instillaret.

VI.

Choricum Aeschyli carmen Choëph. v. 583 seqq. novis observationibus emendatum et explicatum.

In Aeschyli Choëphoris v. 583 seqq. Oreste et Pylade digressis ad sumendum corporis habitum consilio, quod Orestes ceperat, matrem una cum eius adultero interficiendi convenientem, Chorus hominum audaciam, imprimis vim amoris omnia quae sint in rerum natura terribilia superare significat, idque Althaeae et Scyllae exemplis declarat, quibus ad novum Clytaemnestrae facinus deducitur, omninoque in malitia hominum deploranda, annunciandaque Agamemnonis intersectoribus numinis vindicta subsistit.

In illo carmine, etsi lectionis vulgatae vitia passim viri docti tollere sensusque obscuritatem ex depravata potissimum a librariis scripturae veritate subnatam illustrare conati sunt, multa tamen supersunt rectius constituenda. Quod ut facilius intelligi possit, rogamus lectores ut primum huius cantici textum e Stanleii recensione una cum eius versione recognoscant.

Str. 1. et Antistr. 1.

In hac carminis particula multo melius quam Stanleius versatus est Heathius, qui vidit, in lectione γ' ἀνρ, quae fluxit ex ed. Turnebiana, latere telluris voca-

bulum, intellexitque, versum *Ξυζύγους θ' ὁμαυλίας* non interrogationis nota, ut sit, apposita, ad priora retrahendum, sed potius arctissime cum sequentibus copulandum esse. Unde subnata est haec interpretatio: *Multa quidem terra nutrit, quae terrorem horribilem incutiunt, marinaeque ulnae plenae sunt ferarum hominibus inimicarum, emicant etiam inter coelum et terram fulgura sublimia, atque animalia et volucra et pedestria ventosarum procellarum horrent* (φρίσσει pro vulg. φράσαι reposito) *rabiei. At quis enarret virorum immanem audaciam et mulierum animis audacium et quidlibet audentes mortalium amores calamitatibus contubernales? Coniugales vero consociationes pecudum atque hominum evertit cupido pervicax* (e Pauwii coniectura, ἀπέρωπος emendantis) *feminarum dominator.*

Sane multum profuit huic cantici particulae Heathii studium; haud pauca tamen supersunt nobis expolienda. Quid enim v. 582. est *δεινὰ δειμάτων ἄχῃ*? Quis ferat latine ita loquentem, *terribiles terrorum angores*? Quis delectetur numeris hisce similiter cadentibus *βροτοῖσι πλάθουσι βλαστοῦσι*? quomodo fulmina dicantur *βλαστεῖν*? Itaque sic demum nobis videmur textus Aeschyli filum restituisse:

Στροφή α'.

Πολλὰ μὲν γὰρ τρέφει
 Δεινὰ δειματοῦν δάκη,
 Ποντίας τ' ἀγκάλας κνωδάλων
 Ἀνταίων βροτοῖς
 Πλάθουσι βλάσται· καὶ πεδαιφνίους
 Λαμπάδας πεδηόρους
 Πτηνὰ τε καὶ πεδοβά-
 μονα κἀνεμοέσσων
 Αἰγίδων φρίσσει κύτον.

Ἀντιστροφὴ α'.

Ἄλλ' ὑπέρτολμον ἀν-
 δρὸς φρόνημα τίς λέγοι;
 Καὶ γυναικῶν φρεσὶν τλημόνων;
 Καὶ παναθλίους
 Ἐρωτας ἄταις συννόμους βροτῶν;
 Ξυζύγους θ' ὀμαυλίας
 Θηλυρατῆς ἀπέρω-
 τος ἐρῶς παρὰ νικᾷ
 Κνωδάλων τε καὶ βροτῶν.

Multas quidem terra nutrit feras immaniter terribiles, marinosque recessus beluarum hominibus infestarum opplent foetus; et sublimes dirasque fulminum faces nec non ventosarum procellarum rabiem exhorrent volucra et quadrupedia. Sed immodicam virorum audaciam quis enarret? et mulierum quidlibet audentium? et infelices amores cum mortalium calamitatibus coniunctos? Scilicet domesticam quoque consuetudinem in animalibus pariter atque hominibus vincit infaustus amor muliebri animo imperans.

Str. 1. v. 1. pro vulg. πολλὰ μὲν γ' ἄῃ τρέφει re-
 scripsimus π. μ. γὰ τρέφει, id enim et sententiae et me-
 tro versus antistrophici convenit, et ad scripturam vet-
 t. codd. et editionum propius accedit, in quibus legitur γὰρ
 τρέφει. Δεινὰ δειματοῦν δάκη bene dicere potuit Aeschylus;
 ut δεινὸς λέγειν est eloquentia potens, sic δεινὸς δει-
 ματοῦν terrore potens. Δάκος alibi etiam ab Aeschylo
 usurpatum; et sic terrestria δάκη bene respondet κνωδά-
 λους maritimis versu sq.

Quod Str. 1. v. 5. et sententia et metro posulante
 reposuimus πλάθουσι βλάσται, notandum est βλάστη
 non solum de plantarum germinibus, verum etiam de
 animalium hominumque foetu ac sobole poni. Sic v. c.
 apud Plutarchi. conf. ad Apoll. Niobe in versiculis ex

antiquo Tragico (ipso fortasse Aeschilo) depromptis appellatur βλάσταις τέκνων βριθόμενα.

Eodem versiculo quid significant πεδαλχμιοι λαμπάδες, ut vulgo legitur, magna quaestio est. Quis *medias faces sublimes* intelligat fulmina? Mira esset ellipsis, si quis cum Stanleio suppleri vellet, *inter coelum et terram*. Quaerendum igitur est aliud epitheton, quod *fulmini* melius conveniat. Ad scripturae vestigia proxime accederet πεδαίφνιος, pro μεταίφνιος, quod est apud Hesychium. Ubi de terrore fulminis agitur, nihil fere aptius est, quam *repentinae* eius apparitionis mentionem facere, qua maxime scimus et animalia et homines perterreri. Λαμπὰς de *fulmine* apud Eurip. Bacch. 594. ἅπτε κεραύνιον αἶθοπα λαμπάδα. Sic *trisolca manus ardescit face* Senec. Hippol. v. 681. Semper tamen, ubi sic ponitur λαμπὰς cum epitheto aliquo fulmen perspicue significante coniungatur necesse est. Λαμπάδας igitur πεδαιφνίους καὶ πεδηόρους, praesertim in vicinia *procellarum*, nemini ambiguas esse puto, quin statim fulmina agnoscat.

Str. 1. v. 8. in edd. legitur κἀνεμοέντων. Sed haud dubie librarius errore quodam feminini generis formam, quam sequens αἰγλῶν ποσcit, in masculinam detorsit.

Str. 1. v. 9. φρίσσει, pro vulgato φράσαι et ad sensum et ad constructionem inepto iam Heathius coniectura repererat.

Antistr. 1. v. 4. παντόλμους nec antithetici versus metro respondet, et cum modo v. 1. praecesserit ὑπέρτολμον, vix est credibile Aeschylum verborum minime inopem h. l. iterum adiectivo a verbo τολμᾶν derivato usum esse. Παν-αθλίους, quod proposuimus, nec a metro, nec a sensu abhorret; idque sequentibus verbis ἅταις συννόμους βροτῶν magis declaratur.

Antistr. 1. v. 6. verba *ξυζύγους δ' ὀμυλλίας* multo aptius ad sequentia, quam, ut vulgo fit, ad antecedentia referuntur. Significant autem omnem ex vitae societate domestica consuetudinem, adeoque vincula inter parentes et liberos, inter fratres et sorores, inter maritos et uxores designant. Omnia enim haec vincula ceteroquin sanctissima rumpuntur illicito mulierum amore. Sic quoque ferae cum gregalibus suis acerrime propter amores depugnant.

Str. 2. v. 6. *δαφνοῖν* Stanl. vertit *cruentum*, et in notis exponit *candentem*. At hoc ferri non potest. Aut igitur reddendum est *torrem sanguinarium*, h. e. mortis Meleagri, dum comburebatur, auctorem, quemadmodum Ovidius *funereum* dixit, Metam. VIII. 511. *Funereum torrem medios coniecit in ignes*, aut si hoc tibi catachresticum videatur, videas an legendum potius sit *παιδὸς δαφνοῖν*, cruenti filii, h. e. Meleagri sanguine avunculorum Althaeae fratrum polluti.

Antistr. 2. v. 1 seqq. De Scylla, Nisi Megarensium regis filia, duplex est fabularum series. Alii narravere, cum Minos rex Megara urbem obsideret, Scyllam a Minoë aureo monili corruptam, Niso patri capillum abscidisse, a cuius conservatione vita eius esset suspensa. Sic Apollodorus III. 15. 8. qui tamen doni illius mentionem haud facit. Alii, ut Ovidius Metamorph. lib. VIII. et Virgilius in Ciri, amore Minois captam fuisse Scyllam perhibent. Purpureum autem in Nisi vertice capillum urbi et regno fatalem fuisse, adeo ut Megara capi non possent, quamdiu ille incolumis maneret. Hunc igitur capillum clam a patris capite abscissum Scyllam Minoi tradidisse.

Antistr. 2. v. 9. Stanleius, qui lectionem *ἃ κυνό-
ρων** fervat, hoc *ἄπροβούλως* ad Scyllae imprudentiam refert, quod calamitosum sibi fore facinoris exitum haud

praevidisset. Sed etiamsi lectio ἁ κυνόρων metro haud adversaretur, praeserenda tamen esset suavitate imaginis altera, quam expressimus in textu, ἀπροβούλως πνείοντ' ἀγανόφορον ὕπνω, improvide blando in somno stertentem. Scyllae vero poena sequenti demum versiculo 618. tangitur.

Str. 3. v. 2. Πόνων vix fatis congruit antecedentibus. Itaque Stanleius πόνων emendabat, quod sane non aspernaremur, nisi in promptu esset legere ἀμειλίχων φόνων, nam duas iam caedes a mulieribus factas memoraverat Aeschylus, iamque transit ad Agamemnonis caedem.

Str. 3. v. 3. valde importunum est ἀκαίρως! Cur enim Chorus intempestivum dicat, h. l. caedis Agamemnoniae mentionem facere? Praeterea hic deesse videtur verbum, a quo sequentes accusativi γαμήλευμα — μητίδας — ἐστίαν — αἶχμᾶν pendeant. Hoc verbum nonnulli ἀπὸ τοῦ κοινοῦ ex ἐπεμνήσαμεν repetunt, ut suppleatur ἐπεὶ δ' ἐπεμνήσαμεν — μνήσομεν δὲ καὶ δυσφιλές etc. Nobis vero incommodum h. l. videtur verbum diserte expressum abesse. Itaque sic Aeschylum scripsisse coniicimus:

Ἐπεὶ δ' ἐπεμνησάμην ἀμειλίχων
φόνων, ἀγείρω δὲ δυσφιλές γαμήλευμ' ἀπεύχετο
δόμοις

Quandoquidem vero mentionem feci, immitium caedium, a mulieribus perpetratarum, memorabo etiam exosum illud Aegisthi et Clytaemnesirae abominandumque coniugium etc. Sic ἀγείρω recurrit v. 634. ubi Scholiasies interpretatur συνάξας κατηγορῶ, quod optime huic quoque loco v. 620. convenit, ubi complura deinceps recensentur, et quasi colliguntur.

Str. 3. v. 6. Circa hunc locum, ubi vulgo legebatur ἐπ' ἀνδρὶ δῆτοισι ἐπικύτωρ σέβας· τίων δὲ etc. trepidant interpretes, nec vidimus quemquam qui se commode satis ex hisce tricis expediret. Nobis vero videbatur pro σέβας τίων corrigendo σεβασμίων et flumini verborum lyrico, et sententiae gravitati optime consuli. Ita nimirum hic efficitur sensus. *Et astuta mulieris consilia, adversus virum bellicosum, adversus virum hostibus infensum; venerandarum vero aedium focum non calefactum* h. e. neglectum et inhonoratum, *mulierisque gladium immania facinora ausum. ἐστία δόμων ἀθέρμαντος* respicit fidem coniugii a Clytaemnesira laesam, quae res adumbratur imagine ignis in foco domestico per negligentiam aut contemptum exstincti.

Antistr. 3. v. 5. pro ἄχαι sine dubio legendum est ἄγει. Nempe ἄγος piaculum, scelus, recte dicitur θεοστύγηνον, non item ἄχος calamitas.

Str. 4. v. 3. lectio vulgata Διὰ Δίκας et metrum pessumdat, et sententiam obscurat. Itaque reponendum arbitramur Βιὰ Δίκας. Nempe Iustitiae tribuitur gladius, facinorum Aegisthi et Clytaemnesirae vindex; hunc igitur ait poeta eius *vi* s. *violenta manu* mox in pectora facinorosorum adactum iri.

Str. 4. v. 4. In verbis τὸ μὴ θέμις γὰρ οὐ λὰξ πέδον πατούμενον, aberrarunt interpretes, quod non viderunt λὰξ πατεῖν duplicem vim habere, alteram propriam, qua significat, praesertim si πέδον, ut h. l., diserte adiiciatur, *viam calcare, viam ingredi*, alteram metaphoricam, qua, pedibus calcare, idem est ac *negligere, contemnere*. Sic πέδον πατεῖν proprie sumtum occurrit Agam. 1368. Itaque coniicimus Aeschylum scripsisse: Τὸ μὴ θέμις γὰρ, ὁρῶ, λὰξ πέδον πατούμενον. Video enim iniustitiam campum s. *viam esse tritam et ab hisce hominibus calcatam*. Iam optime conveniunt sequentia Τὸ πᾶν Διὸς σέβας

παρεχβάντες ἀθεμίως. Quippe qui omnia, quae Iovis legibus sancta et veneranda sunt nefarie transgredi haud dubitaverint.

Antistr. 4. v. 1. Lectio librorum *Αἰκας δ' ἐρείδε-
ται πυθμὴν*, quam Stanleius vertit, *Iustitiae radix fir-
matur*, (quamquam *Πυθμὴν* ramum potius quam radi-
cem significat,) sequentium verborum nexum prorsus in-
terturbat; corrigendum igitur censemus *Αἰκη δ' ἐρείδε-
ται πυγμὴν*, *Iustitia autem roboratur quoad pugnum, h. e.*
viribus in pugnum collectis, quo gladium tenet, accingit
se ad pugnam. Sic l. l. v. 945. dicitur *Iustitia χερὸς*
ἐτήτυμος.

Antistr. 4. v. 4. in *δῶμασι*, et metrum et sen-
tentia defectu laborat; facile supplendo si legamus *δό-
μοις νέον*.

Antistr. 4. v. 6. vulgo legitur *τίνει μύσος*, quod
Stanl. reddit *punit scelus*. At *τίνειν* non est *punire faci-
nus*, sed *poenam facinoris luere*. Nobis autem Aeschylus
videtur edidisse: *Τίνει μύσος extendit scelus*, h. e.
Furia longa serie scelera cum sceleribus connectit, ita ut
priora a posterioribus puniantur.

Iam totum, quod hucusque tractavimus Chori can-
ticum adiecta versione germanica ponemus, ut quid ad
universi argumenti conformationem colorumque poeti-
corum floriditatem crisis nostra contulerit facilius intel-
ligatur.

Στροφή α'.

1. Πολλὰ μὲν γὰρ τρέφει
2. Δεινὰ δειματοῦν δάκη.
3. Ποντίας τ' ἀγκάλας κνωδάλων
4. Ἀνταίων βροτοῖς
5. Πλάθουσι βλάσται· καὶ πεδαιφνίους
6. Δαμπάδας πεδαόρους
7. Πιτῆνά τε καὶ πεδοβά-
8. μονα κἀνεμοέσσων
9. Αἰγίδων φρίσσει κότον.

Ἀντιστροφή α'.

1. Ἄλλ' ὑπέρτολμον ἀν-
2. δρὸς φρόνημα τίς λέγοι;
3. Καὶ γυναικῶν φρεσὶν τλημόνων;
4. Καὶ παναθλίους
5. Ἐρωτας ἅταις ξυννόμους βροτῶν;
6. Ξυζύγους δ' ὀμαυλίας
7. Θηλυκρατῆς ἀπέρω-
8. τος ἔρως παρανικᾷ
9. Κνωδάλων τε καὶ βροτῶν.

Στροφή β'.

1. Ἴστω δ' ὅστις οὐχ
2. Ὑποπτέροις φροντίσιν δαεῖς,
3. Τὰν ἅ παιδολύ-
4. μας τάλαινα Θεστιᾶς μήσατο
5. Πυρδαῇ τινα πρόνοϊαν,
6. Αἰθουσα παιδὸς δαφοινοῦ
7. Δαλὸν ἤλικ', ἐπεὶ μόλ' αὖ
8. Ματρόθεν κελάδησε,
9. Ξύμμετρόν τε διὰ βίου
10. Μοιρόκραντον ἐς ἡμᾶρ.

Str. 1.

Zwar ernährt die Erde schon
Furchtbarer Gewilde viel,
Und des Meers weiten Schoofs füllt die Brut
Menschenfeindlicher
Seeungeheuer; und den plötzlichen
Hoch vom Himmel leuchtenden Blitz
Fürchtet Vogel und Säugthier,
Fürchtet der stürmenden Windsbraut
Unaufhaltsamen Zorn.

Antistr. 1.

Aber wer ermißt des Manns
Ueberkühnen Frevelsinn?
Wer des allwagenden Weibes Rath?
Wer der Liebe Macht,
Der leidigen, der Unglücksnachbarinn?
Jedes häusliche Freundschaftsband
Unter Menschen und Thieren
Bricht der weiberbeherrschenden
Lieb' unliebliche Wuth.

Str. 2.

Denke doch ein jeder, wer
Nicht mit flüchtigem Leichtsinn lernt,
Welche List ihren Sohn
Zu verderben, Athaea erfann,
Welche feuergelehrte Erfindung?
Ins Feuer warf sie des blutigen Sohns
Seit seiner Geburt erhaltenen Löschbrand,
Ihn, der seit seinem ersten Wimmern,
Bis zum bestimmten Todestage,
Maßstab seines Lebens war.

Ἀντιστροφὴ β΄.

1. Ἄλλαν δεῖ τιν' ἐν
2. Λόγοις στυγεῖν φοινίαν Σκύλλαν,
3. Ἄτ' ἐχθρῶν ὕπαι
4. Φῶς ἀπώλεσεν φίλον, Κρητικοῖς
5. χρυσειοδμήτοισιν ὄρμοις
6. Πεισθεῖσα, δώροισι Μίνω,
7. Νίσσον ἀθανάτας τριχὸς
8. Νοσφίσας, ἀπροβούλως
9. Πνείοντ' ἀγανόφρον' ὕπνω.
10. Κιχάνει δέ μιν Ἑρμῆς.

Στροφὴ γ΄.

1. Ἐπεὶ δ' ἐπεμνησάμην ἀμειλίχων
2. Φόνων, ἀγείρω τε δυσφιλὲς γαμη-
3. λευμ' ἀπεύχετον δόμοις,
4. Γυναικοβούλους τε μητίδας φρενῶν,
5. Ἐπ' ἀνδρὶ τευχεσφόρῳ,
6. Ἐπ' ἀνδρὶ θεῖοις ἐπικότῳ. σέβας
7. σμίων τ' ἀθέρμαντον ἐστίαν δόμων,
8. Γυναικείαν τ' ἄτολμον αἰχμάν.

Ἀντιστροφὴ γ΄.

1. Κακῶν δὲ πρὸςβεύεται τὸ Λήμνιον
2. Λόγῳ· γοῶται δὲ δῆποθεν κατὰ-
3. πτυστον· εἰκάσαι δέ τις
4. Τὸ δεινὸν ἄν Λημνίοισι πῆμασι.
5. Θεοστυγῆτ' ὃν ἄγει
6. Βροτῶν ἀτιμωθὲν οἴχεται γένος.
7. Σέβει γὰρ οὔτις τὸ δυσφιλὲς θεοῖς.
8. Τί τῶνδ' οὐκ ἐνδίκως ἀγείρω;

Antistr. 2.

*Noch so eine Mörderin
Nennt an der Scylla mein Gesang,
Die dem Feind vor dem Thor
Ihren eigenen Vater verrieth!
Von Geschenken des Minos bestochen,
Ach durch ein goldnes Halsband bethört,
Stiehlt sie des Nisus Purpurlocke,
An der sein Leben hing, indess er
Im sanften Schlummer sicher träumte!
Doch sie zog das schlimmste Loos.*

Str. 3.

*Und weil mein Lied so herzempörender
Mordthaten denkt, führts auch den Liebesbund
Den grüßlichen herbey, den unser Haus verwünscht;
Der schlauen Königin verrätherische Erfindung
Gegen den Helden, ihren Gemahl,
Gegen den Helden, der Feinde Schrecken;
Des hohen Hauses unbeforgten Heerd,
Und des Weibes frevelkühnen Dolch.*

Antistr. 3.

*Sonst ist vor allen Greuelfünden wohl die Schuld
Der Lemnischen Ehweiber hochberühmt
Ein allgemeines Scheusal; aber jene That
Vergleicht man billig wohl den Lemnischen Verbrechen.
Gedrückt von Gott verhasster Blutschuld
Geht dies Geschlecht mit Schanden unter;
Denn niemand ehrt, was Göttern unwerth ist.
Hab' ich nicht dies anzuführen Recht?*

Στροφὴ δ'.

1. Τὸ δ' ἄγχι πλευρόνων ξίφος
2. Διανταλὴν ὀξυπενκὲς σοῦται
3. Βίᾳ Δίκας.
4. Τὸ μὴ θέμις γὰρ ὄρδι
5. Λὰξ πέδον πατούμενον·
6. Τὸ πᾶν Διὸς
7. Σέβας παρεκβάντες ἀθεμιστοῖς.

Ἀντιστροφὴ δ'.

1. Δίκα δ' ἐρείδεται πυγμῆν,
 2. Προσχαλκεύει δ' Αἴσα φασγανοῦργος.
 3. Τέκνον δ' ἐπείσ-
 4. γέρει δόμοισι νέον
 5. Αἰμάτωιο παλαιτέρων.
 6. Τείνει μῦσος
 7. Χρόνη κλυτὴ βυσσόφρων Ἑρινύς.
-

*Aber bald wird ihre Brust
Das bittere Todes Schwert durchdringen,
Von mächtiger Rache geführt.
Denn Ungerechtigkeit ist ihres Fusses
Leider sehr betretne Bahn;
Und jedes hohe Gesetz des Zeus
Hat längst ihr Frevel keck überschritten.*

Antistr. 4.

*Doch schon rüstet ihre Faust
Die Rache, und ihr stiehlt das Schicksal
Auf seinem Ambos das Schwert.
Von alter Blutschuld wird ein neuer Sprössling
Diesem Hause zugeführt,
Und so verlängert den Greuel noch
Der langerflehten Erinny's Tiefsinn.*

VII.

*De lectione carminis Aeschylei Prometh. vinct.
v. 425 seqq. quaestio critica.*

In Prometheo religato, nobili Aeschyli tragoedia Chorus Oceanitidum nympharum acerbam Promethei fortunam questus postquam ei nec vicinarum gentium misericordiam deesse significavit, in memoriam revocat similem Atlantis, coelo sustinendo devoti, laborem, eiusque aerumnam hisce coloribus depingit, v. 425 et qui sequuntur:

425 Μόνον δὴ πρόσθεν ἄλλον ἐν πόνοις
 Λαμέντ' ἀκαμαντοδέτοις
 Τιτᾶνα λύμαις εἰσιδόμαν θεῶν
 Ἀτλανθ', ὅς αἰὲν ὑπείροχον σθένης
 Κραταῖον οὐράνιον τε πύλον
 430 Νώτοις ὑποβαστάζει
 Βοᾷ δὲ πόντιος κλύδων
 Ξυμπιπνῶν, στένει βυθὸς
 Κελαινὸς δ' Αἰδὸς ὑποβρέμει μυχὸς
 Γᾶς, παγαὶ θ' ἀγνορύτων ποταμῶν
 Στένουσιν ἄλγος οἰκτρόν.

h. e. e Stanleii versione: *Alium quidem solum deorum antea in laboribus, domitum adamantinis corruptelis, Titanem vidi Atlantem, qui semper supereminens robur, firmum et coelestem polum humeris ingemiscens sustinet, mugit vero marinus fluctus collisus, suspirat fundus, et ater orci secessus fremit subtus terram, fontesque fluviorum limpidorum deplorant do-*

lorem miserabilem. Hic primum nos offendit vocabulum *σθένος* de *mole* seu *onere* coeli usurpatum. Apud Homerum, Hesiodum, Pindarum quoties occurrit *σθένος*, de viribus animi aut corporis robore intelligitur, ut *ἴς, μένος, ἄλκη*; nec alio sensu apud Aeschylum aliosque antiquos auctores positum legitur. Nunquam ad molem, aut onus aliquod cui ferendo scilicet corporis robore aut nervorum viribus opus sit transfertur. Efflet enim incommoda translatio, cum notiones *oneris* et *roboris* ad sensum communem non similes inter se, sed oppositae sint, nimiumque inter se discrepent, quam ut altera ad alteram transferri possit. — Deinde in hoc versu *Κραταιὸν οὐράνιον τε πόλον*, male coeunt epitheta *κραταιὸν* et *οὐράνιον* propter copulam *τε* adiectam. Nam adiectivum *οὐράνιον* necessitatis est, alterum *κραταιὸν* ornatus causa positum. Illud substantivi locum explet; nam *οὐράνιος πόλος* est i. a. *οὐρανοῦ πόλος*; hoc autem proprium adiectivi locum tuetur et suum. Duo autem adiectiva sic deinceps quidem, at diverso respectu posita et eidem substantivo iuncta, non solent copula *καὶ* aut *τε* vinciri. Fingamus aliquem Germanico sermone hanc notionem: *das mühselige Erdenleben*, sic exprimere velle, ut substantivum compositum in substantivum simplex adiectivo iunctum dissolvat, h. e. ut pro *Erdenleben*, dicat: *irdisches Leben*; num ferendus esset ita scribens: *das mühselige UND irdische Leben*? Nonne potius *ἀσυνδέτως* ita efferre deberet quod vellet, *das mühselige irdische Leben*? Eodem modo, quo minus aliquis pro vocabulo *Himmelspol* usurpet hanc *ῥῆσιν*: *himmlischen Pol*, nihil impedimus; iidem tamen iure nostro prohibemus, ne, quod sic dicendum erat: *den festen himmlischen Pol*, id ita, copula intrusa eloquatur, *den festen UND himmlischen Pol*. Efflet enim ineptum et inconcinnum. Atqui si Aeschylus scripsisset *κραταιὸν οὐράνιον TE πόλον*, in eodem sermonis vitioprehenderetur. — Nova denique suspicio de vitiositate lectionis suboritur ex versu sequente:

ubi Stanleius secutus est lectionem quorundam librorum
νότοις ὑποβαστάζει. Verum Aldus et Turnebus ediderant
νότοις ὑποστενάζει; quod et Stanleius in notis probavit, et
 Brunckius V. C. de tragicis Graecis de Arisiophane de
 Plauto ac Terentio optime meritis, idem in codicibus
 repertum revocavit. Postea Zeunius, acutissimus varian-
 tium lectionum arbiter, in recensione codicis MSti Vite-
 bergensis, qui tres priores Aeschylei tragoedias continet,
 optime monuit lectionem *ὑποβαστάζει*, quae inter lineas
 Ms. Viteb. est quoque notata, scholion esse exquisitissimae
 lectionis eiusdem Ms. *ὑποστενάζει*, quam Scholiastes Ms.
 explicet *μετὰ στεναγμοῦ ἤχον ἐκφέρει*, sed editus melius
μετ' ὠδίνης ὑπανάγει. Nimirum si de utraque lectione *ὑπο-*
στενάζει et *ὑποβαστάζει* quaeramus, ultra poetae mentem
 ac manum certius prodatur, quin prior ab Aeschyleo, poste-
 rior a glossatore perfecta sit dubitare nos non fuit verissima
 lex criticorum, qua lectionem reconditam ideoque diffi-
 ciliorem faciliori et planiori praeferre iubemur. Sed
 quantum ab hac regula lectioni *ὑποστενάζει* auctoritatis ac-
 cedit, tantum eius dignitas imminui videbitur, cum in
 rem praesentem venerimus, de interpretatione iudicaturi.
 Si enim Aeschylus dixisset *νότοις τὸν οὐράνιον πόλον ὑπο-*
στενάζειν pro *νότοις ἀνέχοντα ὑποστενάζειν*, quid hac ellipsi
 durius fingi aut cogitari posset? aut si voluisset *ferendi* vel
sustinendi notionem in verbo *ὑποστενάζειν* includere, quid
 ineptius! Nam hoc genus loquendi mihi religio est auda-
 ciam dicere. Immanitas potius fuisset, et mera barbaria.
 Nos quidem exploderemus poetam ita loquentem: *Ich sah*
den Atlas, der immerfort die überschwengliche Stärke, den
festen und himmlischen Pol, auf seinem Rücken unterseuf-
zet. — Triplex igitur illud incommodum, quo hunc ver-
 borum contextum laborare vidimus, ita sublevandum esse
 existimamus, ut pro *κραταῖον* legatur participium *κραταῖον*,
 inter vocabula *νότοις* et *ὑποβαστάζει* excidisse statuamus
 aliud participium, quod *ferendi*, *sustinendi*, s. *baiulandi*

notionem denotet, ut φέρων, ἐρείδων, ἀνέχων, aut simile. Versibus autem ita constitutis

ὅς αἰὲν ὑπείροχον σθένος
Κραταιῶν, οὐρανίον τε πόλον
Νώτοις ἐρείδων } ὑπαστενάξει
ἀνέχων }

hic sensus exit, non magis facilis et expeditus, quam exquisitus et poeticus: *Atlantem vidi — qui identidem praepotens robur, eximias corporis vires, firmans h. e. intendens, coelique polum dorso sustinens subtus ingamiscit*; vel, ut idem vernaculo sermone reddamus: *Ich sah — den Atlas, der seine überschwengliche Stärke immer von neuem anstrengend und den Himmel auf seinem Rücken emportragend, unter seiner Last erseufzet*. Qua quidem ratione si utimur, primum vocabulo σθένος nativa vis ac potestas redit; ita ut de virium robore, non de oneris mole positum intelligatur. Deinde adiectivum ὑπείροχον multo iam aptius fit et veritati convenientius; Atlantis enim vires tanto oneri ferendo non pares tantum, sed etiam superiores esse debebant, adeoque hoc epitheto non solum magnitudo roboris, sed eius quoque, si cum onere comparetur, excellentia designatur. Ingentes autem corporis vires in Atlante alii quoque poetae celebrant v. c. Ovidius, cui ille *hominum cunctos ingenti corpore praestans* dicitur; Metam. IV. 630. *Quis enim par esset Atlanti viribus?* ibid. IV. 652. Porro si scripsit Aeschylus, quod eum scripsisse suspicamur, αἰὲν ὑπείροχον σθένος κραταιῶν, ostendere nobis voluit Atlantem sub tanto onere, ne ei succumberet, identidem totis viribus connitentem, eumque cum ingenti coeli mole quasi *luctantem* finxit. Quae quidem imago Pindaro obversata est, Pyth. IV. 515. ubi de Demophilo dicitur κείνος Ἄτλας οὐρανῷ προσπαλαίει, eamque lectionem sapienter Heynius, vir celeberrimus, adversus Pauwii ineptam corrigendi libidinem defendit. Talem vero et hoc loco Atlantem de-

scribere utile erat, et ad miserationem excitandam appositum. κραταιῶν σθένος, *firmare robur*, quin idem significet ac *intendere vires*, totis viribus conniti, nemo ut opinor dubitabit. Ut autem apud Homerum τῶν δὲ σθένος ὄρνυται αἰὲν Iliad. A. 826. idem est ac *horum robur perpetuo*, f. identidem *augescit*, sic h. l. Atlas αἰὲν ὑπείροχον σθένος κραταιῶν recte dicitur, identidem f. perpetuo vires eximias intendens ac firmans ne molesto coeli onere plane opprimatur. Quod autem Stanleius lectionem νῶτοις sollicitavit, existimans ὤμοις, quod etiam in versione expressit, reponendum esse, id qua causa adductus fecerit, non assequimur. Certe sic variant poetae in gestu Atlantis describendo, ut alii capite, alii humeris, alii dorso coelum at eo sustineri significent. Et Homerus quidem simpliciter nulla parte corporis nominata (Od. A. 53.)

Ἔχει δὲ τε κίονας αὐτὸς
Μακρὰς, αἷ γαῖάν τε καὶ οὐρανὸν ἅμῃς ἔχουσι.

Hesiodus capite et manibus: Theog. 517.

Ἄτλας ὃς οὐρανὸν ἔχει κρατερῆς ὑπ' ἀνάγκης
Πείρασιν ἐν γαίης πρόπαρ Ἑσπερίδων λιγυρῶν
Ἑσθῆος, κεφαλῇ τε καὶ ἀκαμάτοις χερσὶ.

Euripidi dicitur (Ione v. 1. 2.):

Ἄτλας ὃ χαλκίοισι νῶτοις οὐρανὸν
Θεῶν παλαιὸν οἶκον ἐκτρέβων.

Sic etiam ignotus auctor versuum, quos in codice Viteb. Scholiafies ad hunc Aeschyli, quem tractamus, locum laudavit; quique sed aliquot locis emendatiores leguntur in Eudociae Ἰωνία a V. Cl. d'Ansse de Villosen edita p. 16. 17.

Μῦθος παλαιὸς ὡς Ἄτλας νῶτοις φέρει
Τὸν οὐρανὸν κάτωθεν ἐκ γῆς ἀνέχων.
Σὺ γοῦν ἀκούων γινώθι ταῦτ' ἀλληγόρως.
Ὅρος γὰρ Ἄτλας λιβύης ἐν ἰσχύοις

Οὐ τὴν κορυφὴν ἐκ νεφῶν κεκρυμμένην,
 Εἶναι δοκοῦσιν οὐρανοῖς συνημμένην
 Ἐντεῦθεν οὖν Ἑλλησιν ἡ μυθουργία
 Ἀτλαντα νώτοις εἰσαεὶ πόλον φέρειν.

Apollodorus humeris Atlantis coelum imponit; Ἀτλας ὅς
 ἔχει τοῖς ὤμοις τὸν οὐρανὸν Bibl. lib. 1. Idem narrat Hy-
 ginus fab. 150. Virgilio Atlas *axem stellis ardentibus*
aptum humero torquere Aen. IV. 482. VI. 797. et *aethérios*
orbes humero sustinere dicitur ibid. VIII. 136. Quae cum
 ita sint, nihil opus est h. l. νώτοις in ὤμοις mutare, etsi
 alio loco apud nostrum Prometh. v. 350. Atlas ὤμοις κίον'
 οὐρανοῦ ἐρεῖδειν dicitur. Quod vero inter vocabulum νώ-
 τοις et ὑποστενάξει aliquod participium excidisse suspicati
 sumus, quod *fulciendi* seu *sustinendi* notionem involvat, id
 eiusmodi est, ut cum plura huius generis verba sint, ecquod
 eorum scripserit Aeschylus, absque codicum testimonio
 definire nequeamus. Quantum ex iis quae modo excita-
 vimus scriptorum locis patet, usurpatae sunt in hac re lo-
 cutiones, οὐρανὸν ἔχειν, ἀνέχειν, φέρειν, ἐρεῖδειν, ἐκτρίβειν.
 Optimum forte sit ἐρεῖδων, ita versus oritur asynartetus ex
 duabus penthemimeribus iambicis.

Νώτοις ἐρεῖδων ὑποστενάξει.

idque participium adhibuit noster loco simillimo Prometh.
 v. 347. ubi Oceanus ait:

Οὐ δῆτ' ἐπεὶ με καὶ κασιγνήτου τύχαι
 Τείρουσ' Ἀτλαντος ὅς πρὸς ἐσπέρους τόπους
 Ἔστηκε κίον' οὐρανοῦ τε καὶ χθονὸς
 Ὡμοῖς ἐρεῖδων, ἄχθος οὐκ εὐάγκαλον.

Supereſt ut quomodo illa loci Aeschylei, in quo cum-
 maxime verſamur depravatio oriri potuerit, indagemus.
 Participium κραταίων facile librarius aliquis mutavit in
 adiectivum κραταίων, cum O et Ω ſaepius inter ſe per-

mutata fuisse consiet. Deinde cum casu quodam participium *EPEIΔΩN*, vel si quod aliud scripserat Aeschylus, inter *νώτοις* et *ὑποστενάζει* omissum esset, orta est glossa, qua scholiasies illud *ὑποστενάζει* explicavit per *ὑποβαστάζει*; eaque tandem, ut centies factum est, in textum immigravit, genuina lectione exturbata. Ceterum si quis forte hac parte coniecturae nostrae, qua participium aliquod v. c. *ἐρείδων* excidisse suspicati sumus, minus delectetur, videat quaeso, an alia via et ratione, quae nobis hunc locum diligentius excutientibus in mentem venit, propius ad veritatem lectionis Aeschyleae accedere liceat. Apud Hesychium voc. *Νωτίζειν* haec leguntur: *Νωτίζειν· διώκειν, τρέπειν. Νωτίσαι· τὸ κατὰ νῶτα λαβεῖν καὶ παραμείψασθαι φυγόντα. Νωτίσασθαι· ὃ μὴ ὑπὸ ζυγόν, ἀλλὰ τῷ νῶτι ἀχθοροῶν, ἄνθρωπος, ἵππος, ὄνος.* In ultima glossa iam Pergerus corrigendum censuit *Νωτίσας δέ·* pro *νωτίσασθαι*, eamque emendationem Alberti, doctissimus Hesychii editor, præbavit. Quos quidem criticos si verum ibi vidisse statuamus (quam in partem et nobis animum inclinare fatemur) certum est Hesychium alicubi invenisse participium *νωτίσας* ita usurpatum, ut significaret hominem qui onus quoddam dorso subiit, (*der etwas auf den Rücken geladen hat, eine Last auf dem Rücken trägt*) tumque non omnino a veri specie abhorreret, si quis ita Aeschylum scripsisse existimaret:

*Ἄτλανθ' ὃς αἰὲν ὑπείροχον σθένος
Κραταιῶν, οὐράνιον τε πόλον
Νωτίσας ὑποστενάζει.*

Nos quidem etsi priorem istam hunc locum sanandi rationem praeferimus, qua inter *νώτοις* et *ὑποστενάζει* participium *ἐρείδων* vel simile quoddam librarii culpa omissum esse putabamus; nolimus tamen ne hanc quidem coniecturam silentio premere; quae etiam si aequè

ac illa repudiata fuerit ab acutioribus harum rerum iudicibus, hoc certe lucri afferet, quod alii cognitis his, in quae alium viderint aberrasse, diverticulis, facilius iam veram seu interpretandi seu emendandi huius loci viam explorare ac reperire possint. Non magis enim Arithmetici quam Critici quadam quasi *regula falsi* utuntur, qua, compluribus falsis inter se comparatis, tandem quod verum est eliciunt.

VIII.

Carmen Aeschyli antistrophicum in Choëphoris
 312 — 475. *transpositione stropharum*
restitutum.

In Aeschyli Choëphoris v. 312 — 475. praeter tria systemata anapaestica editoribus reliqui versus maximam partem monostrophici erant visi. Enimvero Godofr. Hermannus V. Cl. Prof. Lipsiensis de re metrica Graecorum et Latinorum egregie meritis, (in observatt. critt. in quosdam locos Aeschyli et Euripidis pag. 79.) docuit omnem hunc locum praeter anapaestica aliquot systemata antistrophicis carminibus constare, eaque hunc in modum designavit, ut STROPHE I. v. 312 — 319., STROPHE II. v. 320 — 328., ANTISTR. I. v. 329 — 336. systema anapaesticum v. 337 — 341. STROPHE III. v. 342 — 350. ANTISTR. II. v. 351 — 359. ANTISTR. III. v. 360 — 368., systema Anapaesticum v. 369 — 376. STROPHE IV. v. 377 — 382. STROPHE V. v. 383 — 389. ANTISTR. IV. v. 390 — 393. systema anapaesticum v. 394 — 400. STROPHE VI. v. 401 — 405. ANTISTR. V. v. 405 — 412. ANTISTR. VI. v. 413 — 417. STROPHE VII. v. 418 — 429. STROPHE VIII. v. 430 — 434. ANTISTR. VIII. v. 435 — 439. ANTISTR. VII. v. 440 — 451. STROPHE IX. v. 452 — 456. ANTISTR. IX. v. 457 — 461.

STROPHE X. v. 462 — 466. ANTISTR. X. v. 462 — 471. contineretur.

Iam dubitari quidem nequit, quin Hermannus verum viderit, carmina illa non, ut vulgo putabatur, monostrophica, sed antistrophica esse; hoc tamen valde incommodum est, quod series stropharum et antistropharum inter se relatarum mire perturbata apparet. Quis enim sibi persuadeat post Strophas I. II. non ut saepe Antistrophas I. II. sed tantum Antistrophen I. deinde interiectis Anapaëstis Strophen III. ac tunc demum Antistrophas II. et III. cantatas fuisse? Sic postea Strophas IV. et V. non Antistropha IV. et V. sed Antistrophe tantum IV. sequitur, et interiectis Anapaëstis Stropham VI. comitatur Antistr. V. et VI. Maior etiam confusio in sequentibus. Antistrophae septimae enim praecurrit Antistrophe octava inaudito prorsus exemplo. Quare in metris quidem singularum stropharum et antistropharum constituendis amplectenda sane est Hermannii ratio, sed ita ut totum locum transpositione quarundam stropharum sublevemus, quo facto non solum ista in collocandis strophis antistrophisque perturbatio tolletur, sed etiam sententiarum imaginumque poetiarum lucido ordini consulatur.

Sic igitur locus ille, ut opinamur, constitutus est:

ΟΡΕΣΤΗΣ.

Str. I. ὦ πάτερ, αἰνόπατερ, τί σοι
 Φάμενος, ἢ τί ῥέξας
 Τύχοιμ' ἄν, ἑκαθεν οὐρίσας
 Ἐνθα σ' ἔχουσιν εὐναί,
 Σκότῳ φάος ἰσόμοιρον;
 Χάριτες δ' ὁμοίως
 Κέκληται γόος εὐκλεῆς
 Προςθοδόμοις Ἀτρεΐδαις.

ΗΛΕΚΤΡΑ.

Antistr. I. Κλῦθι νυν, ὦ πάτερ, ἐν μέρει
 Πολυδάκρυτα πένθη.
 Δίπαις τοί σ' ἐπιτύμβιος
 Θρήνος ἀναστενάξει.
 Τάφος δ' ἱκέτας δέδεκται
 Φυγάδας θ' ὁμοίως.
 Τί τῶνδ' εὖ; τί δ' ἄτερ κακῶν;
 Οὐκ ἀτρίακτος ἄτα;

ΧΟΡΟΣ.

Anapaesti. Ἄλλ' ἔτ' ἄν ἐκ τῶνδε θεὸς χρήζων
 Θείῃ κελάδους εὐφθογγότερους,
 Ἀντὶ δὲ θρήνων ἐπιτυμβιδίων
 Παιῶν μελάθροισ ἐν βασιλείοις
 Νεοκρᾶτα φίλον κομίσειεν.

ΟΡΕΣΤΗΣ.

Str. II. Εἰ γὰρ ὑπ' Ὀλίῳ
 Πρὸς τινος Λυκίων, πάτερ,
 Δοριτμήτος κατηναρίσθης,
 Αἰπῶν ἄν εὐκλειαν ἐν δόμοισι,
 ● Τέκνων τε κελεύθοις

Orestes.

O pater, venerande pater, quid tibi dicam, aut quid faciam, peregre huc adveniens, ubi te sepulcrum tenet, lux tenebris contigua? Tamen luctus in honorem Atridae, pristini aedium domini, celebratus gratum erga mortuum beneficium appellatur.

Electra.

Audi igitur, o pater, vicissim flebiles querelas. Duorum liberorum sepulcralis lessus tibi ingemiscit. Sepulcrum tuum supplices pariter atque exfules accepit. Quid horum bonum? Quid horum sine malis? Nonne calamitas est invicta?

Chorus.

At enim deus oracula reddens (Apollo) ex hisce querelis facile parare possit laetitiae voces; et pro sepulchralibus naeniis, mox forsan paeon amicum denuo receptum in aedes regias introduxerit.

Orestes.

Utinam enim ante Ilium ab aliquo Lyciorum, o pater, hasta percussus occubuisses, gloria enim, hereditatis instar, familiae relictæ liberorum vitae invidendam fortunam parasses, habuissesque in terra transmarina amplissimum sepulcrum familiae tuae tolerabile; amicus

Ἐπίστρεπτον αἰῶνα κτίσας
 Πολύχωστον ἂν εἶχες
 Τάρον διαποντίου γᾶς
 Δώμασιν εὐφόρητον,
 Str. III. Φίλος φίλοισι τοῖς
 Ἐκεῖ καλῶς θανοῦσι,
 Κατὰ χθονὸς ἐμπρέπων
 Σεμνότιμος ἀνάκτωρ,
 Πρόπολός τε τῶν μεγίστων
 Χθονίων ἐκεῖ τυράννων·
 Βασιλεὺς γὰρ ἦς ὄφρ' ἔξης,
 Μόριμον λάχος πιμπλάντων
 Χερσὶν πεισιμβρότω τε βᾶκτρῳ·

Antistr. II. Μῆδ' ὑπὸ Τρωϊοῖς
 Τείχεσι φθίμενος, πάτερ,
 Μετ' ἄλλῳ δορικμητι λαῶ
 Παρὰ Σκαμάνδρου πόρον τέθαιψαι.
 Εἰθ' οὖν πάρος ἦ νιν
 Κτανόντεσσιν οὕτω δαμῆναι,
 Θανατηφόρον αἶσαν
 Πρόσω τινὰ πυνθάνεσθαι
 Τῶνδε πόνων ἄπειρον.

ΧΟΡΟΣ.

Antistr. III. Τέκνον φρόνημα ταῦ
 Θανόντος οὐ δαμάζει
 Πυρὸς ἢ μαλερὰ γνάθος,
 Φαίνει δ' ὕστερον ὀργάς.
 Ὅτοτύζεται δ' ὁ θνήσκων,
 Ἀναφαίνεται δ' ὁ βλάπτων.
 Πατέρων δὲ καὶ τεκόντων
 Γόος ἔνδικος ματεύει
 Ποινὰν ἀμφιλαφὴς ταραχθεῖς.

quippe inter amicos illio decora morte defunctos, sub terra etiam insignis, venerandus rex et summorum regum apud inferos imperantium sacerdos. Eras enim, quoad vivebas, rex ex eorum numero, qui munus regium sibi fato creditum manibus (*virtute bellica*) et sceptro populum regente (*eloquentia in comitiis*) ornant. Utinam igitur priusquam sic ab intersectoribus caesus occubuiſſes, nos e longinquo potius mortem tuam renuntiatam audivisſemus, horum, *quae nunc nos premunt*, malorum expertes.

Chorus.

O fili, mentem defuncti non domat flammae vorax mala; postea potius iras manifestat. Lugetur enim occisus, manifestatur qui eum laesit. Iustus autem luctus patrum matrumque causa susceptus poenam investigat, graviter conturbatus.

ΗΛΕΚΤΡΑ.

- Str. IV. Τοῦτο διαμπερές οὖς
 Ἰκεῖθ' ἄπερ τε βέλος.
 Ζεῦ, Ζεῦ κάτωθεν ἀμπέμπων
 Ὑπερόποινον ἄταν
 Βροτῶν τλήμονι καὶ πανούργῳ
 Χειρί, (τοκεῦσι δ' ὅμως τελεῖται)
 Str. V. Ἐφθυμῆσαι γένοιτό μοι
 Πευκάεντ' ὀλολυγμὸν ἀνδρὸς
 Θεινομένου, γυναικὸς τ' ὀλλυμένας.
 Τί γὰρ κεύθω φρενί; θύον ἔμπας
 Ποτᾶται, πάροιθεν δὲ πρῶρας
 Δριμείας κραδίας
 Θύματος ἔγκοτον στύγος.

ΧΟΡΟΣ.

- Anapaesti. Ταῦτα μὲν, ὦ παῖ, κρείσσονα χρυσοῦ,
 Μεγάλης δὲ τύχης καὶ Ὑπερβορέου
 Μείζονα φωνεῖς ὀδυνᾶσα.
 Ἀλλὰ διπλῆς γὰρ τῆςδε μαραίνης
 Δοῦπος ἱκνεῖται· τῶν μὲν ἀρωγοὶ
 Κατὰ γῆς ἦδη, τῶν δὲ κρατούντων
 Χέρεις οὐχ ὅσαι στυγερῶν θανάτων,
 Παισὶ δὲ μᾶλλον γεγένηται.

ΗΛΕΚΤΡΑ.

- Antistr. IV. Καὶ πότ' ἂν ἀμφιθαλὲς
 Ζεὺς ἐπὶ χεῖρα βάλοι;
 Φεῦ, φεῦ κάρανα δαίξας;
 Πιστὰ γένοιτο χώρα.
 Αἶκᾶν δ' ἐξ ἀδίκων ἀπαιτᾶ,
 Κλύτε δὲ τὰ χθονίων τετιμέναι.

Electra.

Hoc aurem meam penetravit tanquam sagitta! O Iupiter, Iupiter, qui ab inferis sursum mittere soles depunientem vindictam audaci et facinoroso mortalium generi, (similiter certe matri immittetur) utinam mihi contingat amarae eiulationi acclamare viri (*Aegisthi*) percussi, mulierisque (*Clytaemnestrae*) caede pereuntis. Quid enim pectore premo? Furens tamen erumpit, et exacerbata praecordia obsidet caedis infensum odium.

Chorus.

Haec quidem, o filia, auro meliora magnaue fortuna ipsaque Hyperboreorum felicitate maiora, iusto dolore concitata pronuntias. At enim duplicis huius flagelli sonus ingruit: horum quidem *liberorum* auxiliares (*Agamemnonem*) iam terra condit; illorum vero, qui nunc imperant, manus haud purae sunt ab atroci caede; propius autem hoc flagellum liberos, quam nos tangit.

Electra.

Et sane aliquando praepotens Iupiter manum iniiciat, heu heu, capita (i. e. *tyrannos nunc imperantes*) interficiens; fidaque imperia regioni contingant. Iustam poenam ab iniustis exposco. Audite me, vos *Furiae*, iura mortuorum persequentes.

ΧΟΡΟΣ.

Antistr. V. Πέπαλται δ' αὐτέ μοι φίλον
 Κέαρ, τόνδε κλύουσιν οἶκτον.
 Καὶ τότε μὲν δῦσελπις, σπλάγχνα δέ μοι
 Κελαινοῦται πρὸς ἔπος κλυούσῃ.
 "Οταν δ' αὐτ' ἐπ' ἀλκῇ θρασεῖα,
 Ἀπέσταξεν ἄχος,
 Πρὸς τὸ φανεῖσθαι μοι καλῶς.

ΟΡΕΣΤΗΣ.

Str. VI. Ποῖ ποῖ δὴ νερτέρων τυραννίδες;
 "Ιδετε πολυκρατεῖς Ἀραὶ φθιμένων,
 "Ιδεσθ' Ἀτρειδᾶν τὰ λοιπὰ ἀμηχάνως
 ἔχοντα καὶ δωμάτων
 ἄτιμα. Πᾶ τίς τράποιτ' ἄν, ὦ Ζεῦ;

ΧΟΡΟΣ.

Anapaesti. Ἀλλὰ νόμος μὲν φονίας σταγόνας
 Χυμένας ἐς πέδον, ἄλλο προσαιτεῖν
 Αἶμα. Βοᾷ γὰρ λοιγὸς Ἐριννὸν
 Παρὰ τῶν προτέρων φθιμένων ἄταν
 ἑτέραν ἐπάγουσαν ἐπ' ἄτα.

ΗΛΕΚΤΡΑ.

Antistr. VI. Τί δ' ἂν εἰπόντες τύχοιμεν, ἢ τάπερ
 Πάθομεν ἄχθεα πρὸς γε τεκομένων,
 Πάρεστι σαίνειν; τὰ δ' οὔτι θέλγεται.
 Λύκος γὰρ ὥστ' ὠμόφρων
 Ἄσαντος ἐκ ματρός ἐστι θυμός.
Str. VII. Ἔκοψε κομμὸν Ἄρειον, εἴτε Κισσίας
 Πολεμιστρίας νόμοις
 Ἀπρηκτα πολὺπλαγκτ' ἦν ἰδεῖν
 Ἐπασσύτεροτριβῇ τὰ χερὸς ὀρέγματα

Chorus.

Iterum mihi palpitat cor hancce querelam audienti. Ac modo quidem spe fere abiecta viscera mihi atro angore pertentantur, tua verba audienti. Modo autem rursus ob speratum auxilium animosa sum, ac defluit anxietas, ut bonus rerum eventus futurus esse videatur.

Orestes.

Quorsum igitur, quorsum ista, o inferorum reginae? Videte, o praepotentes Dirae, Atridarum reliquias in magno discrimine versantes, et ex aedibus ignominiose expultas. Quorsum igitur nos, o Iupiter, convertamus?

Chorus.

At lex est, sanguinis guttas in terram profusas alium sanguinem, deponere. Vocat enim caedes perpetrata Furiam, quae cladi ex iis, qui prius interfecti sunt, novam cladem superinducit.

Electra.

Quid igitur dicamus? Num licet illas calamitatum molestias, quibus nos mater oneravit, blandis verbis extenuare et mollire? At enim illa nulla oratione leniuntur. Implacabilis enim, lupi voracis instar, est ira nostra ex matris facinore concepta. Icit ictum Martium, deinde Cissiae more bellatricis multas identidem plagas cernere licebat saepe irritas saepe caeco impetu huc illuc aberrantes (*Agamemnoni*) catervatim desuper et insuper inflictas

Ἄνωθεν ἀνέκαθεν· κτύπων δ' ἐπιρροθεῖ
 Κροτητὸν ἄμὸν καὶ πανάθλιον κᾶρα
 * * * * *

Ἰὼ, ἰὼ, δαῖα
 Πάντολμε μᾶτερ, δαῖαις ἐν ἐκφοραῖς
 Ἄνευ πολιτῶν ἄνα-
 κτ', ἄνευ δὲ πενθημάτων
 Ἐτλης ἀνοίμωκτον ἄνδρα θάψαι.
 Ἐμασχαλίσθη δ' ἔθ' ὥς τόδ' εἰδῆς,
 Str. VIII. Ἐπρασσε δ' ὑπερ νιν, ὥδε θάπτει
 Μόρσιν γε μαιμωμένα
 Ἄφερτον αἰῶνι σῶ.
 Κλύεις πατρώους δῦας ἀτίμους.

ΟΡΕΣΤΗΣ.

Antistr. VII. Πατρώϊον λέγεις πατρώϊον μόρον.

ΗΛΕΚΤΡΑ.

Ἐγὼ δ' ἀπειστάτουν
 Ἀτιμος, οὐδὲν ἄξια.
 Μυχοῦ δ' ἄφερκτος πολυσίνου κυνὸς δίκαν
 Ἐτοιμότερα γέλωτος ἀνέφερον λίβη,
 Χαίρουσα πολύδακρυν γόον κεκρυμμένα.
 Τοιαῦτ' ἀκούων ἐν φρεσὶν
 Γράφου, δι' ὧτων δὲ συν-
 τέτραινε μῦθον ἡσύχω φρενῶν βάσει.
 Τὰ μὲν γὰρ οὕτως ἔχει,
 Τὰ δ' αὐτὸς ὄργα μαθεῖν.
 Πρέπει δ' ἀκάμπτω μένει καθήκειν.

ΟΡΕΣΤΗΣ.

Antistr. VIII. Τὸ πᾶν ἀτίμως ἔλεξας, οἴμοι.
 Πατρὸς δ' ἀτίμωσιν Ἀρὰ τίσει
 Ἐκατι μὲν δαιμόνων,

et his plagarum crepitibus respondebat caput meum miserum prae dolore manibus crebro percussum. Heu heu, infensa facinorosa mater, ausa es, quasi hostem, nemine civium funus comitante, absque luctu indeflectum maritum sepelire! Extremis quoque membris eum truncavit, ut hoc quoque scias; quo autem modo eum interfecit, eodem sepelivit, infortunium quaerens vitae tuae intolerabile. Audis patris miseras inhonestas.

Orestes.

Patris narras, patris inquam, infortunium.

Electra.

Ego vero recessi spreta, contemta, nihili aestimata, penetralibusque exclusa noxiae canis insiar, multo promptior ad flendum, quam ad ridendum eram, gaudebam tamen si lacrymabilem luctum celare possem. Haec igitur audiens animo tuo insige, sermonemque meum auribus acceptum quieta mentis agitatione perpende. Nam ista quidem ita se habent; cetera vero ipse cognoscere stude. Decet autem inflexibili animi robore hostes aggredi.

Orestes.

Eheu omnia, quae narraſſi ignominioſa ſunt. Patris autem ignominiam Furia aestimabit, deorum quidem nutu,

"Εκατι δ' ἁμᾶν χερῶν.

"Επειτ' ἐγὼ νοσφίσας ὀλοίμαν.

Σέ ται λέγω, συγγενοῦ, πάτερ, φίλοις.

ΗΛΕΚΤΡΑ.

Str. IX. Ἐγὼ δ' ἐπιφθέγγομαι κεκλαυμένα,

Στάσις δὲ πάγκοινος ἅδ' ἐπιρρόθει,

Ἄκουσον ἐς φάος μολῶν,

Ξυνὴ δὲ γενοῦ πρὸς ἐχθρούς.

Ἄρης Ἄρει ξυμβαλεῖ Δίκη Δίκα.

Ἰὼ, θεοὶ, κραίνειτ' ἐνδίκως δίκας.

ΧΟΡΟΣ.

Antistr. IX. Τρόμος μ' ὑφέρει κλύουσιν εὐγμάτων.

Τὸ μόρσιμον μένει πάλαι,

Εὐχομένοις δ' ἂν ἔλθοι.

manuum vero mearum ministerio. Deinde, si eam interfecero, moriar. Te igitur compello, adfīs, o pater, amicis!

Electra.

Ego vero cum lacrymis accino, totusque chorus sic acclamat. Audi, quaesumus, in lucem rediens, nobisque adversus hostes opitulare. Mars Marti coniungetur, Vindicta Vindictae. O dii, ut ius fas est, perficite ulationem.

Chorus.

Tremor me occupat vota audientem. Fatalis necessitas olim nos manet, votis autem veniens respondeat.

Iamque ordine vulgari sequuntur Stropha X. et Antistropha X. tribus versibus anapaesticis totum carmen claudentibus.

IX.

In Sophoclis Philoct. v. 687 — 712. diatribe.

Mollissimi sunt versiculi, atque etiamnum commissum humanissimorum sensuum calorem spirant, quos apud Sophoclem in Philoctete, v. 676 squ. Chorus fundit, miseram huius viri sortem lamentis prosequens, quem diro serpentis ictu vulneratum, pedis ulcere laborantem, in insulae Lemni solitudine expositum dereliquerant Agamemnon et Menelaus Troiae ad oppugnationem profecti. E quibus hos, qui sequuntur illustrandos eo libentius nunc sumus, quod nec post Gedickii studia in hanc tragœdiam collata, nec post Brunckii luculentissimam operam universis Sophoclis tragoediis nuper dicatam, hic ibi Sophoclis aut mentem rectius assequendi aut manum restituendi locus deesse videbatur.

- 687 Τόδε θαῦμ' ἔχει με,
 πῶς ποτε, πῶς ποτ' ἀμφιπλήκτων
 ῥοθίων μόνος κλύων, πῶς
 690 ἄρα πανδάκρυτον οὕτω βιοτὰν κατέσχευ'
 ἴν' αὐτὸς ἦν πρόσουρος, οὐκ ἔχων βύσιν,
 οὐδέ τιν' ἐγγύρων κακογείτονα,
 παρ' ᾧ στόνον ἀντίτυπον
 βαρυβρῶτ' ἀποκλαύσειεν
 695 αἱματηρόν· οὐδέ γ'
 ὅς τὰν θερμοτάταν αἱμά-
 δα κήκισμέναν ἐλκέων
 ἐνθήρου ποδὸς ἠπίοισι φύλλοις
 κατευνάσειεν, εἴ τιν' ἐμπέσοι
 700 φορβάδος αἵστε γῆς ἐλεῖν,
 ἔρπει γὰρ ἄλλοτ' ἄλλα,
 τότε ἂν εἰλυόμενος,

- παῖς ἄτερ ὡς φίλας τιθήνας,
 ὅθεν εὐμάρει' ὑπάρχει
 705 πόρων, ἀνίκ' ἐξανή δακέθυμος ἄτα.
 οὐ φορβὰν ἱερᾶς
 γᾶς σπόρον, οὐκ ἄλλων
 αἶρων, τῶν νεμόμεσθ'
 ἀνέρες ἀλφηστὰι,
 710 πλὴν ἐξ ὠκυβόλων
 εἴ ποτε τόξων πτανῶν πτανοῖς
 ἀνύσειε γαστρὶ φορβάν.

Ita quidem textum Cl. Brunckius in nova editione constituit. Latinis autem verbis ista sic expressit: *Hoc demiror, quo pacto tandem, quo pacto fluctuum undique adlisorum sonitum audiens ita solus lacrymosam egit vitam, ubi ipse sibi erat accola, lapsantem vix promovens gradum, neque incolam loci ullum, infortunii sui adfinem habens, gemitus repetentem, quibus ille deplorare solebat edacis sanguinei ulceris graves dolores; nec qui fervidum sanguinem ex ulceibus laesi venenato morfu pedis scatentem lenibus herbis sisteret, si quibus forte incidisset, quas ex terra altrice caperet. Alias enim alio se confert, quando remittit fera lues morbi, repens, velut infans quem cara destituit nutrix, quo facili perveniat via, non almae telluris fruges pro cibo capiens, nec aliud quidquam eorum quibus vescimur homines industrii, nisi si quando velocibus pennigeris sagittis volucres configens ventri victum comparat.*

Hic primum nobis versum 685 levior quaedam menda insidere videtur, facillime tollenda. Non enim τόδε θαῦμα scripsisse videtur Sophocles, sed potius τὸ δὲ θαῦμα. Etenim cum θαῦμ' ἔχει με, dictum sit pro θαυμάζω, verborum vero constructio non θαυμάζω τοῦτο, sed θαυμάζω δὲ posulet, planum est hic non τόδε θαῦμ' ἔχει με, hoc demiror, sed τὸ δὲ θαῦμ' ἔχει με, miror vero requiri. Et sic a Gedickio editum videmus.

V. 689. recte damnaverunt viri docti post Canterum lectionem κλύζων; non tam illam ob causam, quam Gedickius affert, quod nec ipse Philoctetes nec antrum fluctibus inundari potuerit; quidni enim metaphorice de fluctibus calamitatum intelligere liceret, quod ipsum interpretes nonnulli spectasse videntur, qui sic verterunt: *cum undique agitatae fluctibus mergeretur*. Attamen κλύζων constructioni et metro repugnat ideoque unice vera est lectio κλύων neutro vitio laborans, aptissimumque huic loco sensum praebens. In quo tamen a Brunckio hactenus dissentimus, quod μόνος κλύων positum nobis videtur pro μόνον κλύων, nihil aliud praeter fluctuum sonum audiens. Neque tamen pertinaciter repugnabimus, si cui potius visum fuerit, μόνος de solitudine Philoctetae interpretari, ἔν' αὐτὸς ἦν πρόσσυρος significare nobis videtur, ubi solus erat vicinus h. e. incola. Αὐτὸς interdum hoc sensu poni, ut sit i. q. μόνος iam a Valckenario animadversum est. Sic duriusculam effugimus rationem, quam Brunckius amplectitur, αὐτὸς πρόσσυρος pro αὐτοπρόσσυρος positum esse existimans. Nec opus est vocabulum πρόσσυρος coniecturis sollicitare. Finitimum enim s. vicinum pro incola praesertim a poeta dici mirum non videbitur, si quis cogitaverit, in multis Germaniae regionibus vocabulum Nachbar, ubi de pagorum incolis loquuntur, lingua populari pro Einwohner usurpari.

V. 692. κακογείτονα non ut olim malum vicinum, q. d. κακὸν γείτονα, vertendum, sed pro κακῶν γείτονα, sic ut κακόμαντις pro κακῶν μάντις, positum esse iam Lessingius observavit, in Laocoante s. libro de poeseos et picturae finibus; eumque recte sequuntur Brunckius et Gedickius. Unum hoc monemus κακογείτονα non esse socium malorum (miserum enim Philoctetae solamen fuisset, socios malorum habuisse) sed vicinum mali, h. e. hominem, qui ob viciniam ei qui in malis versatur, succurrere et subvenire possit. Talis enim v. 169 sqq. describebatur:

Οἰκτεῖρω νῦν ἔγωγ' ὅποις
 μὴ τοῦ κηδομένου βροτῶν
 μὴ δὲ ξύντροφον ὅμμι' ἔχων
 δύστανος μόνος αἰεὶ
 νοσεῖ μὲν νόσον ἀγρίαν.

Talis et hic requiritur; vicinus incolumis, et viribus integer, qui partim consolari, partim adiuvere Philocteten possit.

In sequentibus verbis mirifice se torserunt interpretes. Scholiastes quidem sic accipienda esse monet: οὐδὲ τινα ἐγγώρων ἔχων παρ' ᾧ δὴ τὸν κακὸν γείτονα τὸν αἵματηρὸν στόνον ἀποκλαύσειε. Quod quam absurdum sit, nihil opus est multis verbis declarare. Alii, multo certe quam iste melius verterunt: *apud quem gemitum mutuum gravemque ac cruentum ederet*. Veruntamen et haec ratio multis laborat incommodis. Cur enim hic στόνος ἀντίτυπος gemitus mutuus diceretur, ubi de Philoctetae ipsius gemitu ageretur? Quomodo notionem verbi στενάζειν Sophocles per ἀντίτυπον στόνον ἀποκλαίνειν efferre potuisset? Brunckius autem ita libere transtulit, ut quomodo latina eius verba Sophocleis graecis accommodari possint, prorsus non intelligamus. Vertit enim: *neque incolam loci ullum, infortunii sui adfinem habens gemitus, repetentem, quibus ille deplorare solebat edacis sanguinei ulceris dolores*. Quo enim pacto στόνον ἀντίτυπον significare possit gemitus repetentem? Qua vero ratione ἀποκλαύσειεν, deplorare solebat? Apertum est, universae sententiae consecutionem, verborumque structuram spectantibus, eundem hominem ad quem relativum ὅς inter οὐδὲ et τὰν θερμωτάταν pertineat, designari quoque verbis παρ' ᾧ, nec verbum ἀποκλαύσειεν ad alium trahi posse, atque ad illum ipsum, de quo postea dicitur οὐδ' ὅς — κατευνάσειεν. Quid multa? Levi nonnullarum literarum correctione facillimus idemque aptissimus restituitur sensus. Legendum est nimirum:

παρ' οὗ στόνος ἀντίτυπος
βαρυβρῶτ' ἀπεκλαύσειεν αἵματηρόν.

totumque illud carmen sic interpretandum: *ubi solus erat incola, pedibus minime valens, neque quemquam incolarum infortunii sui vicinum habens, a quo (i. e. cuius) gemitus (gemitibus scil. Philoctetae) respondens graviter vulneratum cruentum hominem deploraret, nec qui fervidum sanguinem ex ulceribus laesi serpentis morfu pedis scatentem lenibus herbis sifteret.* Quam facile fuerit librariis, παρ' οὗ in παρ' ὧ, et syllabas in finales $\overline{O\Sigma}$ in $\overline{ON}$ depravare, nemo non videt. Vocabulo βαρυβρῶς cui activam omnes vim tribuerunt, *graviter exedens*, nos passivam adsignamus, ut significet i. q. *graviter vulneratus*, f. *qui* (ab ulcere scil.) *miserebilitate consumitur*. Sic Philoctetes novum doloris accessum sentiens infra v. 745. clamat: βρῦκομαι *exedor, consumor* a vulnere. Neque vero verendum est, ne quis passivam vim ab epitheto βαρυβρῶς prorsus alienam esse contendat. Quidni enim cum in ἀβρῶς, νεοβρῶς sensus passivus obtineat, eundem quoque similiter formato βαρυβρῶς tribuamus? Cur, si ἡμιβρῶς nihil aliud est quam *semesus*, necessarium sit βαρυβρῶς vertere: *graviter exedens*, ac non potius *graviter exesus, laesus, vulneratus*?

Iam autem στόνος ἀντίτυπος, optime designat hominis in societatem doloris venientis gemitum lamentis Philoctetae ex ulcere laborantis respondentem et *quasi resonantem*. Sic infra v. 1458 eadem phrasis occurrit, de monte querelas et gemitus Philoctetae repetente.

πόλλα δὲ φωνῆς τῆς ἡμετέρας
Ἑρμαῖον ὄρος παρέπεμψεν ἔμοι
στόνον ἀντίτυπον χειμαζομένῳ.

Cui quidem imagini similis est illa in Oedip. tyr. v. 427.

βοῆς δὲ τῆς σῆς ποῖος οὐκ ἔσται λιμὴν
ποῖος κιθαίρων οὐχὶ σύμφωνος τάχα.

Nostro igitur loco *στόνος ἀντίτυπος* est gemitus a misericordia expressus hominis gravem alterius dolorem humaniter excipientis, eoque ipso tamquam proprio affecti.

Supra Chorus itidem Philoctetae sortem deplorans, primum solitudinem eius v. 182. querebatur:

Κεῖται μῶνος ἀπ' ἄλλων

deinde paulo post addebat

βαρεῖ-

*α δ' ἀθυρόστομος
ἀχὼ τηλεφανῆς πικρᾶς
οἰμωγᾶς ὑπακούει.*

ubi elegantissimam lectionem *ὑπακούει* pro vulgari *ὑπόκειται* Brunckii ingenio debemus. Vellemus tamen simul pro *πικρᾶς οἰμωγᾶς* edidisset *πικραῖς οἰμωγαῖς*. Etenim *πικρᾶς οἰμωγᾶς ὑπακούει* significat *acerbum gemitum audit*; quod quamquam in Echus personam cadit, multo tamen aptius est *πικραῖς οἰμωγαῖς ὑπακούει* *acerbis eiulatibus respondet*; sumta, ut facile patet, a ianitoribus metaphora, qui proprie dicuntur advenientibus *ὑπακούειν*. Ut igitur ibi Philocteten deplorat Chorus, quod omni hominum consortio exclusus sit, ac sola Echo loquax illa quidem ac garrula, sed quae subvenire nequeat, querelis eius respondeat, sic hoc loco, quem cum maxime tractamus, eandem fere sententiam alio modo effert, dolens nimirum Philoctetae infortunium, qui neminem habeat vicinum, cuius *στόνος ἀντίτυπος* eum graviter faucium et ab ulcere laceratum deploret; quemadmodum ipse Neoptolemus v. 760. Philoctetae gemitibus reponit *ὦ δύστηνε σύ, ὦ ὦ*, et quae sequuntur.

V. 699. ante Brunckium sic legebatur:

*εἴ τις ἐμπέσοι
φορβάδος ἐκ τε γᾶς ἐλεῖν.*

nisi quod nonnullae edd. pro τε (quod quidem hic prorsus otiosum esset) legunt γε. Sed unice verum est quod reposuit Brunckius: εἴ τιν' ἐμπέσοι (scil. φύλλα,) φορβάδος ὥστε γὰς εἰλεῖν. Quaerendae scilicet erant herbae, quibus leniretur vulneris dolor. Itaque queritur Chorus neminem adesse, qui si usus veniat, herbas quibus opus esset, quaerere ac decerpere posset; adeoque Philoctetae ipsi quamvis claudo ac pedis vulnere afflicto, herbarum causa exeundi necessitatem imponi. Id etiam versu 44. Ulyssi veniebat in mentem; neganti procul abesse posse Philocteten:

πῶς γὰρ ἂν νοσῶν ἀνὴρ
κῶλον παλαιᾷ κηρὶ πρόσβαιη μακράν;
ἄλλ' ἢ πὶ φορβῆς νόστον ἐξελήλυθεν,
ἢ φύλλον εἴ τι νόδυνον κάτοιδ' ἐπον.

V. 704. ὅθεν εὐμάρει' ὑπάρχει πόρων dupliciter interpretantur viri docti. Heathius enim hoc modo: *ad illa loca unde copia se offert tibi parandi*; quod primum bene respondet particulae ὅθεν, deinde etiam convenire videtur versui 43. ubi de Philoctete dicitur: ἄλλ' ἢ πὶ φορβῆς νόστον ἐξελήλυθεν, quem locum apte sic illustrat Brunckius: „Philoctetae alimentum praebebant aves et ferae, quas sagittis configebat. Atqui aves et ferae statis horis ad certa loca se conferre solent.“ Itaque ex Heathii versione his verbis ὅθεν εὐμάρει' ὑπάρχει πόρων periphrasis inesset illius viae, quae supra brevius φορβῆς νόστος appellabatur. Alii vero Scholiasten secuti, in quibus Gedickius et Brunckius numerantur, haec verba de *facilitate viae* accipiunt; ut sensus hic efficiatur: Philoctetes eo potissimum arripit, ubi viam reperit commodissimam, ubi quam minime veretur, ne pedem offendant. In quo tamen durum est ὅθεν pro ὅπου positum. Nobis igitur in mentem venit reponere

ὅταν εὐμάρει' ὑπάρχει πόρων

ita

ita ut εὐμάρεια πόρων de facultate eundi, itineris faciendi intelligatur, quae tum demum, ubi vis dolorum ex ulcere remisisset, Philoctetae redire solebat. Sic ὅταν refertur ad praecedens τότ' ἄν et ἀνίχ' ἐξανίη pendet ab ultimo enuntiato ὅταν εὐμάρει' ὑπάρχει πόρων. Universum vero illud comma hunc in modum latino fermone reddere placet: *Alias enim alio arrepat, tunc demum se provolvens, tanquam infans quem cara destituit nutrix, cum ei facilitas suppetit viae ingrediendae, sicubi nimirum dira vis morbi se remiserit.*

V. 707. optime vulgatam lectionem ἄλλων adversus Reiskii coniecturam ἀγρῶν a Gedickio in textum etiam receptam tuetur Brunckius. Haud scimus tamen an Sophocles ἄλλ' ἄν scripserit. — Mollior fane esset verborum constructio οὐκ ἄλλο ἄν αἶρων τῶν νεμόμεσθ' etc. pro ἄλλο ἄν αἶρων τούτων οἷς etc. more Graecis sollemni in pronomibus relativis.

X.

*Super Aeschyli Choëphoris v. 161 sqq.
commentatio.*

In Aeschyli Choëphoris v. 161 sqq. Electra patris tumulo adstans, peractis inferiis detonsum capilli cincinnum, ibi honoris et luctus gratia positum, conspicit. Choro deinde quaerenti, cuiusnam viri aut puellae hunc cincinnum esse putet, primum significat, neminem Argis inveniri, qui praeter se hunc cincinnum potuerit patris tumulo dedicare. A civibus enim id haud expectandum esse (cf. v. 184 sq.) neque vero matrem Clytaemnestram sibi eum abscidisse (cf. v. 186 sqq.). Se ipsam vero fat scire, suum non esse illum cincinnum; tamen colore simillimum esse suis ipsius capillis. Inde haec inter Electram et Chorum verborum altercatio procedit:

Ηλεκτρα.

Οὐκ ἔστιν ὅστις πλὴν ἐμοῦ κείραιτό νιν.

Χορος:

Ἐχθροὶ γὰρ οἷς προσῆκε πένθῃσαι τριχί.

Ηλεκτρα.

Καὶ μὴν ὅδ' ἔστι κάρτ' ἰδεῖν ὁμόπτερος....

Χορος.

Ποίαις ἐθείραις; τοῦτο γὰρ θέλω μαθεῖν.

Ηλεκτρα.

Αὐταῖσιν ἡμῶν κάρτα προσφερὴς ἰδεῖν.

Iam statim insert Chorus, num forte hic cincinnus clandestinum Orestis donum sit:

Μῶν οὖν Ὀρέστου κρύβδα δῶρον ἢ τόδε;

Et respondet Electra:

Μάλιστα ἐκείνου βόστρυχοις προσείδεται.

Ex hisce igitur verbis inter se comparatis liquido constat, Aeschylum hanc partem fabulae sic instituisse, ut primo capillum Orestis ad colorem capillo Electrae simillimum fuisse fingeret, deinde vero hanc similitudinem non Electrae solum sed Choro quoque notam et perspectam fuisse. Et hactenus quidem non est quod in hac ἀναγνώρισεως ratione quidquam reprehendamus. Est enim ἀναγνώρισις ἐκ συλλογισμοῦ, ut ait Aristoteles de poetica cap. XV. *Τέταρτη δὲ ἀναγνώρισις ἐκ συλλογισμοῦ, οἷον ἐν Χοηφόροις, ὅτι ὁμοίως τις ἐλήλυθεν, ὁμοίος δὲ οὐδεὶς, ἀλλ' ἢ Ὀρέστης.* Minime enim admittenda nobis videtur Twinningii explicatio, qui philosophum hic non ad Electram, fratris adventum argumentatione ex capilli similitudine ducta coniectantem, respicere, sed potius ad Orestem ipsum, qui Electram sororem suam esse e sermone ipsius audito collegerit. Dubitandum igitur censet, annon potius Aristoteles ex alia quadam tragoedia cognomine quam ex Aeschyli Choëphoris illud agnitionis exemplum petierit. Quod quidem propterea parum nobis probatur, quod si alias quasdam Choëphoras commemorare voluisset Aristoteles, certe auctoris nomen, minore quam Aeschylus celebritate florentis, addidisset. Neque vero, quidni philosophus potuerit quartam agnitionis speciem iure suo ponere ἐκ συλλογισμοῦ, satis intelligitur. Repugnat quidem Twinningius hanc ob causam, quod haec ratio sit cum ceteris agnitionis modis communis. *One thing, inquit, however seems clear, that ἐκ συλλογισμοῦ cannot mean, as some interpreters have understood it to mean, „by reasoning or inference in the mind „of the person, who makes the discovery.“ because this is common to all the modes of discovery. — — Discovery by*

inference, therefore, on the part of the discoverer can not be made a distinct species. — Et si enim Twinningio concedimus in ceteris quoque agnitionis modis συλλογισμόν five conclusionem valere, aliud tamen est, agnitionem fieri concludendo ex signis quibusdam visibilibus, ut si quis amicum e cicatrice ipsi propria agnoverit; aliud si *merum* adhibeat *rationcinium*; quod hoc loco fit apud Aeschylum. Cincinnus enim in Agamemnonis sepulcro positus nullo modo potest signum Orestis visibile dici; sed sola argumentatione ducitur Electra, ut suspicetur Orestem venisse, cincinnus illo conspecto. Et series quidem argumentorum, quibus utitur Electra, haec est, iam in commentario ad Aeschyli Choëphoros exposita *). 1) „Video cincinnum in tumulo patris positum. 2) Eum nemo praeter me donare potuit; 3) et profecto crines meis similes sunt colore. 4) Neque tamen, eius rei sum mihi ipsa tellis, hunc cincinnum de capite meo abscidi. 5) Quid? si Orestis donum fit ille cincinnus? 6) Sane color crinium haud repugnat; bene enim memini fratris mei crines meis ad colorem similes esse. 7) Et fortasse nuntium aliquem misit, qui cincinnum hunc patris tumulo consecraret; nam ipsum quidem huc venisse vix audeo sperare.“ Ceterum facile Twinningio largimur argumentatione e coloris crinium similitudine ducta, non totam agnitionem Orestis in Choëphoris perfici; quin potius initium tantum agnoscendi Orestis ea contineri. Veruntamen hoc Aristotelem prohibere non poterat, quo minus hanc rationem ἐκ συλλογισμοῦ seorsum in agnitionis modis enumerandis poneret. Sophocles eadem argumentandi via utentem facit Chrysothemis, ita tamen ut similitudine coloris neglecta, ideo tantum colligat Orestem venisse, quia nemo sit, qui cincinnum illum in patris tumulo ponere potuerit, praeter Orestem.

*) Aeschyl. trag. edit. Schütz. commentar. Vol. III. p. 80.

Sed alia pars agnitionis ab Aeschilo institutae sequitur hisce versibus, in quibus multa sunt, quae attentum quidem et curiosum lectorem offendere possint.

- 202 Καὶ μὴν στίβοι γε, δεύτερον τεκμήριον
 Ποδῶν ὅμοιοι, τοῖς τ' ἐμοῖσιν ἐμφερεῖς.
 Καὶ γὰρ δὴ ἐστὸν τῷδε περιγραφὰ ποδοῶν.
 205 Αὐτοῦ τ' ἐκείνου καὶ ξυνεμπόρου τινός.
 Πτέρναι τερόντων θ' ὑπογραφαὶ μετρούμεναι
 Εἰς ταῦτ' συμβαίνουσι τοῖς ἐμοῖς στίβοις.

Quae nimirum hos versiculos incommoda premant, loco supra commemorato *) strictim exposuimus. Primum enim nemini posse persuaderi, Electram Orestis videndi cupiditate adeo in transversum abreptam esse, ut ex aequalitate et similitudine vestigiorum colligeret, fratrem fuisse, qui ea impresserit. Deinde ipsam verborum collocationem laborare; ut enim nihil dicatur de pleonasmofatis inficeto στίβου ποδῶν ὅμοιοι τοῖς τ' ἐμοῖσιν ἐμφερεῖς, quorsum illud καὶ γὰρ pertinere? — Praeterea incommode de vestigiis in arena impressis dici πτέρναι, omninoque versu 206. 207. inanem habere eorum, quae v. 201. 202. dicta essent repetitionem. Quapropter v. 202 — 207 a scio quodam confecti et una cum versiculo 224.

Ἰχνοσκοποῦσά τ' ἐν στίβοις τοῖς ἐμοῖς.

Aeschilo obtrusi videbantur.

Et hanc quidem disputationem vir doctissimus, qui de ea retulit in diario: *Allgem. Lit. Zeitung* 1797. scida 221. 222. hactenus probavit ut interpolatoris manum hic rec e deprehensam agnosceret, idem tamen haud omnes illos versiculos Aeschilo abiudicandos censeret. Sic igitur hunc locum constituit, eiectis v. 203. et 206, versiculo autem 207 transposito:

*) Ibid. p. 38.

*Καὶ μὲν, στίβοι γε, δεύτερον τεκμήριον,
Εἰς ταῦτόν συμβαίνουσι τοῖς ἐμοῖς στίβοις.
Καὶ γὰρ δὴ ἔσθ' ὅν τώδε περιγραφαὶ ποδοῶν
Αὐτοῦ τ' ἐκείνου καὶ ξυνεμπόρου τινός.
Πάρεστι δ' ὠδὶς etc.*

Quamquam vero hac medela, quae fane benignior est, quam totum illum locum refecandi consilium, multae difficultates, quae eum circumveniunt, optime sublevantur, hoc tamen incommodum manet, quod Electra e similitudine aut aequalitate quam inter sua et peregrini hospitis vestigia intercedere videt, colligere fingitur, illa vestigia ab Oreste fratre impressa esse, quo quidem argumentandi genere nihil cogitari potest ineptius. Primum enim pedis masculi et muliebris nec magnitudinem eandem neque similem conformationem esse credibile est; ac si vel maxime id aliquando contingere concedamus, urget nos quaestio, unde illam aequalem pedum mensuram tam accurate scire aut meminisse potuerit Electra, ut ex folis eorum vestigiis fratrem hic adfuisse sibi persuaderet. Deinde particula *Καὶ γὰρ* vix locum suum tuetur. Quomodo enim illa ῥῆσις

*Καὶ μὲν στίβοι γε, δεύτερον τεκμήριον
Εἰς ταῦτόν συμβαίνουσι τοῖς ἐμοῖς στίβοις.*

confirmari poterat, tanquam argumento, his versiculis

*Καὶ γὰρ δὴ ἔσθ' ὅν τώδε περιγραφαὶ ποδοῶν
Αὐτοῦ τ' ἐκείνου καὶ ξυνεμπόρου τινός.*

quasi vestigia cum suis congruere magis ideo pateret, quod duorum hic virorum vestigia cernerentur? Quin potius hoc ipso magis arguebatur, quam nulla esset vis in coniectura Electrae. Si enim duorum virorum vestigia hic impressa erant, non poterat antea dicere universe, vestigia hospitis cum suis congruere. Quapropter novam hunc locum expediendi rationem circumspiciendam esse putavimus, eam-

que nunc tandem nobis invenisse videmur, versus 203. 204. 206. tanquam infitios eiiciendo, nulla ceteroquin transpositione admissa. Sic igitur constitutis versiculis:

Καὶ μὴν στίβοι γε, δεύτερον τεκμήριον,
 [Ποδῶν ὅμοιοι, τοῖς τ' ἐμοῖσιν ἐμφερεῖς]
 [Καὶ γὰρ δὴ ἐστὸν τῷδε περιγραφὰ ποδοῖν]
 Αὐτοῦ τ' ἐκείνου καὶ ξυνεμπόρου τινός,
 [Πτέρναι τεσσάκων θ' ὑπογραφαὶ μετρούμεναι]
 Εἰς ταῦτ' συμβαίνουσι τοῖς ἐμοῖς στίβοις.

non solum hi quos genuinos esse putamus

Καὶ μὴν στίβοι γε, δεύτερον τεκμήριον,
 Αὐτοῦ τ' ἐκείνου καὶ ξυνεμπόρου τινός,
 Εἰς ταῦτ' συμβαίνουσι τοῖς ἐμοῖς στίβοις.

optimum hunc sensum praebent: *Enimvero vestigia quidem, quod secundum est signum, ipsius illius et comitis cuiusdam ad eundem, quo mea vestigia, locum vergunt; sed etiam interpolationis causae facile se produnt. Ad sensum quod attinet, locutionem εἰς ταῦτ' συμβαίνουσι τοῖς ἐμοῖς στίβοις sic accipimus, ut non de similitudine vestigiorum, sed de loco eodem, quo tendant, sive spectent, nempe de Agamemnonis sepulcro intelligantur. Argumentum vero a vestigiis ductum iam non ab inepta illa pedum similitudine proficiscitur, sed potius hac ratione cum superiore illo, a cincinni colore ducto coniungitur. Vestigia video duorum hominum; haec certe Clytaemnestrae non sunt; non sunt enim muliebria; nec ut dixi, Clytaemnestram hunc honorem patri meo habuisse credibile est. Sed ipsum Orestem, non eius nuntium huc, commeasse, conicio, quia non unus aliquis, sed duo huc advenerunt, idque confirmant duplicia vestigia ab eo ipso, quem desidero, eiusque comite aliquo impressa. Interpolandi autem causas has quidem, probabiliter saltem, fingere licet. Qui primum versiculum illum legerat:*

Καὶ μὴν στίβοι γε, δεύτερον τεκμήριον

facile poterat explicandi gratia hunc versum post v. 202. infercire

Ποδῶν ὅμοιοι τοῖς τ' ἐμοῖσιν ἐμφερεῖς.

alterum deinde

Καὶ γὰρ δὴ ἔστιν τῷδε περιγραφὰ ποδοῖν

partim ut structuram per interpolationem prioris quodammodo interruptam vinciret, partim ut versiculum

αὐτοῦ τ' ἐκείνου καὶ ξυνεμπόρου τινὸς

uberius declararet, addebat. Denique cum sic ultimus versiculus Aeschyleus

Εἰς ταῦτ' συμβαίνουσι τοῖς ἐμοῖς στίβοις

non haberet, unde penderet, praeterea scholiae necessarium videretur causam similitudinis adiungere, ineptum hunc et male confarcatum versiculum praeponerat:

Πτέρναι τενόντων θ' ὑπογραφαὶ μετρούμεναι.

Sed crisin hanc erunt fortasse, qui impugnent Euripidis auctoritate, quippe qui ipsos hosce versiculos, quos ab aliena manu insertos fuisse statuimus, apud Aeschylum legisse videatur. Nimirum si Stanleio credimus, Euripides in Electra, dum senem illum paedagogum cum Electra colloquentem facit, signa, e quibus ille colligit Orestem advenisse, cincinnum scilicet in Agamemnonis positum, crinibus Electrae colore similem, vestigiorumque impressorum aequalem mensuram, non alio consilio memoravit, quam ut Aeschylum persringeret, eumque ob ineptam, qua usus fuerit in agnitione Orestis perficienda rationem, irridendum spectatoribus praeberet. Quod quale sit, ut facilius iudicent lectores ipsum hic Euripidis locum describemus: Electr. v. 513 seqq.

Ηλεκτρα.

*Οὐκ ἄξι' ἀνδρὸς, ὦ γέρον, σοφοῦ λέγεις,
Εἰ κρηπτόν τις γῆν τήνδ' ἂν Αἰγίσθου φόβῳ*

Δοκεῖς ἀδελφὸν τὸν ἐμὸν εὐθαρσῆ μολεῖν.
 Ἐπειτα χαίτης πῶς συνοίσεται πλόκος;
 Ὁ μὲν παλαιστραῖς ἀνδρὸς εὐγενοῦς τραφεῖς
 Ὁ δὲ κτενισμοῖς θῆλυς· ἀλλ' ἀμήχανον.
 Πολλοῖς δ' ἂν εὖροις βοστρύχους ὁμοπτέρους
 Καὶ μὴ γεγῶσιν αἵματος ταύτου, γέρον.

Πρεσβυς.

Σὺ δ' εἰς ἵχνος βᾶς' ἀρβύλης σκέψαι βάσιν
 Εἰ σύμμετρος σῶ ποδὶ γενήσεται, τέκνον.

Ηλεκτρα.

Πῶς δ' ἂν γένοιτ' ἂν ἐν κραταιλέῳ πέδῳ
 Γαλας ποδῶν ἔκμακτρον; εἰ δ' ἐστὸν τάδε
 Δυεῖν ἀδελφεῖν ποῦς ἂν οὐ γένοιτ' ἴσος
 Ἀνδρὸς δὲ καὶ γυναικὸς, ἀλλ' ἀρσῆν κρατεῖ.

Πρεσβυς.

Οὐκ ἔστιν, εἰ παρῆν κασίγνητος μολῶν,
 Κερκίδος ὅτῳ γνοίης ἂν ἐξυφάσμα σῆς.
 Ἐν ᾧ ποτ' αὐτὸν ἐξέκλεψα μὴ θανεῖν.

Ηλεκτρα.

Οὐκ οἶσθ' Ὀρέστης ἥνικ' ἐκπίπτει χθανὸς
 Νεῶν μ' ἔτ' οὔσαν; εἰ δὲ κἄκρεκον πέπλους
 Πῶς ἂν, τότε ὦν παῖς, νῦν ἔχη ταῦτ' ἂν φάρη
 Εἰ μὴ ξυναύξοιθ' οἱ πέπλοι τῷ σώματι.

Iam ut illud non urgeam, aliorum poetarum irrisionem, Comicorum ingeniis et fabulis satis aptam et familiarem, a tragicorum consuetudine tragoediaeque constitutione prorsus abhorruisse, hoc tamen iure nostro sumere licebit, Euripidi, si Aeschyli rationem in instituenda Ore-
 stis ἀναγνωρίσει ridere voluisset, in ipsis illis, quas apud Aeschylum invenisset, fictionis partibus subsistendum fuisse. Atqui Aeschylus nuspiam dixerat, solum circa Agamemnonis sepulcrum, adeo durum et lapidosum esse, ut vel hanc ob causam vestigium imprimi non posset. (οὐ γένοιτ' ἐν

κραταιλέω πίδαοι ποδῶν ἔκμακτρον) Ergo haec non cavillatio, sed mera calumnia fuisset Euripidis. Porro Aeschylus Orestem iam adultiorem a Clytaemnestra ad Strophium missum fuisse fingit. Itaque vestem ab Electra acu pictam rediens quoque gerere poterat. Euripides vero Orestem puerum a paedagogo Clytaemnestrae insidiis ereptum esse comminiscitur. Cum igitur Electra Euripidea paedagogum interrogat: *Quomodo Orestes cum tunc esset puer, nunc eandem haberet vestem, nisi cum ipso corpore simul crescant vestes?* hoc dicterium prorsus nihil ad Aeschylum pertinuisset, adeoque in eum ab Euripide iactum scurrae levitate quam severitate tragici dignius fuisset. Itaque Aeschyli irridendi cupiditatem prorsus ab Euripidis animo, illoque Electrae loco alienam fuisse contendimus, ut qui totam fabulam aliter, quam Aeschylus Choëphoras, informaverit; ex quo consequitur, istis, quos ex illa Euripidis tragoedia descripsimus, versiculis, nihil nos impediri, quominus, versus aliquot ineptos e Choëphorarum contextu eiiciendos esse statuamus. Non enim quid fictum illud et falsum Aeschyli irridendi consilium, Euripidi tributum postulet, quaeritur, sed quid ipsi Aeschylo, eiusque ingenio conveniat; qui etiamsi illo loco parum sibi ab errore cavisset, non tamen dignus erat, qui sic ab Euripide irrideretur, nec dignus Euripides, qui ut summum artificem cavillaretur, ineptias ei affingeret, quarum nulla in eo culpa, imo ne species quaedam culpae fuisset.

XI.

Criseos Wakefieldianae Euripidis quibusdam locis adhibitae censura.

ANNO MDCCLXXXIX prodiiit Cantabrigiae *Silva critica* five in auctores sacros profanosque commentarius philologus, auctore Gilberto *Wakefield*, V. D. (tribus voluminibus 8. 1790. 1792.) qui postea quoque (a. 1794.) Tragoediarum Graecarum delectum suis animadversionibus illustratum edidit. In *Silva Critica* multae insunt emendationes probae, multae quoque, ut fit, haud necessariae, aliae item quibus textus antiquorum auctorum depravetur citius quam emendetur. Ex magna illa farragine feligemus loca Euripidea ab auctore tentata, et criseos Wakefieldianae censuram agemus.

In Euripidis *Hecuba* Polydorus prologum agens, umbrae specie, quomodo educatus ac deinde miserabiliter occisus sit ab hospite paterno narrat. In versiculis 19. 20.

Καλῶς παρ' ἀνδρὶ Θρηκί, πατρὶω ξένῳ

Τροφαῖσιν, ὥς τις πτόρθος, ἠὺξόμην ΤΑΛΑΣ —

ultimum vocabulum hanc ob causam videtur Wakefieldum offendisse, quod Polydorus *miserum* se alieno loco dicat; in eo enim, quod apud hospitem alimentis bene tanquam furculus crescebat, nulla certe inerat miseria. Itaque sic emendandum censet:

τροφαῖσιν, ὥς τις πτόρθος, ἠὺξόμην ΚΑΛΑΙΣ

Non incommode profecto. Advocavit enim multa loca, ubi sic luditur adiectivum adverbiumque eiusdem originis componendo, ut κακοὶ κακῶς, καλὸς καλῶς etc. Nihilo

fecius tamen *Τάλας* sic defendi potest, ut Polydorus se in futuram miseriam crevisse hospitis alimentis queratur.

In eadem tragoedia v. 433 sq. Polyxena petit ab Ulysse ut se confestim obvoluto capite ad mactationem abducatur; deinde his verbis causam rogandi addit:

Ὡς πρὶν σφαγῆναι γ' ἐκτέτηκα καρδίαν
Θρήνοισι μητρὸς, τὴν δ' ἔτ' ἐκτέκω γόοις —

Wakefieldus mavult: τὴν δ' *ΕΠΕΚΤΗΚΩ* γόοις. Haud male. Brunckius e cod. reg. Paris. reposuerat τὴν δέ τ' ἐκτέκω γόοις.

Sed assentiri Wakefieldo non possumus ad locum Hecubae v. 592.

Οὐκ οὖν δεινὸν, εἰ γῆ *MEN* κακὴ
Τυχαῖσα καιροῦ θεόθεν, εὖ σταχὺν φέρει,
Χρηστὴ δ' ἀμάρτους, ὣν χρεὼν αὐτὴν τυχεῖν,
Κακὸν δίδωσι καρπὸν. Ἀνθρώποις δ' αἰεὶ
Ὁ μὲν πονηρὸς οὐδὲν ἄλλα πλὴν κακός.
Ὁ δ' ἐσθλὸς ἐσθλός.

Hic ille particulam adversativam post *χρηστὴ* mutandam arbitratur in copulativam, *χρηστὴ θ' ἀμάρτους*. Quaerit enim oppositionem inter membra *εἰ γῆ μὲν κακὴ*, et *ἀνθρώποις δ' αἰεὶ*. Si *terra* quidem, homines *vero*. In quo falsus est vir doctus. Nam particula *δέ* inter *ἀνθρώποις* et *αἰεὶ* respicit initium antecedentis sententiae eiusque negationem *οὐκ οὖν*. Deinde rursus illa sibi opponuntur *γῆ μὲν κακὴ* et *χρηστὴ δέ*.

In Oresie v. 804. ubi nunc legitur:

Ὡς ἀνὴρ, ὅστις τρόποισι συντακῇ, θυραῖος ὦν
Μυρίων κρείστων ἀνδρὶ κεκτῆσθαι φίλος.

pro *συντακῇ* Wakefieldus dubitanter tamen *συντρέχει* substituendum arbitratur. Nobis genuinum esse videtur *συντακῇ*, poetice dictum de intima animorum coniunctione,

deren Herzen durch gleichgestimmte Gefinnungen in Eins verschmolzen sind.

In Hippolyto v. 743 sqq. ubi Chorus hisce versiculis antistrophen inchoat:

Ἐσπερίδων δ' ἐπὶ μηλόσπορον ἄκταν
 Ἀνύσαιμι τῶν Ἀουδῶν
 Ἴν' ὃ ποντομέδων πορφυρέας λίμνης
 Ναύταις οὐκ ἔθ' ὁδὸν νέμει, σεμνὸν
 Τέρμονα κυρῶν οὐρα-
 νοῦ τὸν Ἀτλας ἔχει,

Wakefieldus pro κυρῶν haud male substituit κλύζων. Valkenarius e codd. receperat ναίων, quae tamen lectio facilitate sua glossam potius quam veram Euripidis manum prodere videtur.

At ubi Phaedra de remediis adversus Hippolyti amorem narrans optimum sibi tandem visum esse ait, mortem sibi consciscere

Τρίτον δ' ἐπειδὴ τοῖσιν οὐκ ἐξήνυτον
 Κύπριν κρατῆσαι κατθανεῖν ἔδοξε μοι,
 Κράτιστον οὐδεὶς ἀντερεῖ βουλευμάτων,

nihil agit Wakefieldus, cum puncto post ἔδοξε μοι posito κράτιστ' ἂν pro κράτιστον substituendum censet, q. d. οὐδεὶς ἀντερεῖ βουλευμάτων εἶναι ἂν κράτιστα; profecto enim illa verborum collocatio durissima esset, durior ellipsis verbi substantivi in hoc verborum ordine. Si quid mutandum sit, multum fane praesliterit lectionem codicis Florentini βουλευμάτων asciscere, et versiculum ab antecedente plena distinctione seiunctum sic interpungere:

Κράτιστον, οὐδεὶς ἀντερεῖ, βουλευμάτων.

Contra in eiusdem tragoediae v. 765 feliciter verlatus est Wakefieldus. Ubi enim Chorus nunc ita pronuntiat:

Ω λευκόπτερε Κρησία
 Πορθμῖς, ἃ διὰ πόντιον
 Κῦμ' ἀλίκυπον ἄλμας
 Ἐπόρευσας ἐμὰν ἄνασσαν

ibi ille ut pro ἀλίκυπον legamus ἀλίκυπος auctor est:
 o navis quae mari verberata per maritimos fluctus salis
 vexisti reginam meam.

At in eiusdem fabulae v. 1085. locum, si quis
 alius, integrum ac sanum male vexat. Theseus Hippo-
 lyto ob calumnias, quibus oneratus erat, ingemiscenti
 haec oggerit:

Τότε στενάζειν καὶ προγινώσκειν σ' ἐχρῆν
 "Οἷ' εἰς πατρίαν ἄλογον ὑβρίζειν ἔτλης.

Ibi Wakefieldus verbum προγινώσκειν cum γεγωνίσκειν,
 quod ab h. l. alienissimum est, permutandum arbitratur.
 Sensus ex vulgata lectione aptissimus est: Tum te inge-
 miscere, tum providere antea et prospicere haec oportebat.
 Prorsus ut nostri homines dicerent: *das hättest du vorher
 bedenken sollen.*

In eadem tragoedia nutrix Phaedrae animum amore
 faucium aegrumque solari cupiens, hortatur ne illum amo-
 rem nimis severe oppugnet: v. 467. sqq.

Οὐ δ' ἐκπονέειν τοι χρὴ βίον λίαν βροτούς,
 Οὐδὲ στέγην γὰρ, ἧς κατηρεφεῖς δόμοι
 Καλῶς ἀκριβώσκειαν. Εἰς δὲ τὴν τύχην
 Πесоῦσ', ὅσῃν σὺ, πῶς ἂν ἐκνεῦσαι δοκεῖς;

Hoc loco iam Marklandus comparato Scholiae
 recte divinaverat in vocabulo καλῶς latere κανὼν, inde-
 que Valckenarius lectionem ita constituendam censuerat:

Οὐδὲ στέγην γὰρ, ἧ κατηρεφεῖς δόμοι
 Κανὼν ἀκριβώσκει ἂν.

Wakefieldus pro καλῶς ἀκριβώσκειαν legendum opinatur,
 κάλοις ἀκριβώσκειαν, a κᾶλον lignum, idque de trabibus

accipit, quibus domus fulciri possit. Sed ita deest particula ἄν, quae hic omitti nequit; nec satis constat an κᾶλον lignum de trabibus adhibuerint Graeci. Itaque hactenus quidem in Marklandi emendatione acquiescimus, ut κανὼν teneamus, sed antecedenti versiculo melius consuli posse arbitramur. Quid multa? Totum locum sic demum persanari credimus:

Οὐδὲ στέγην γὰρ, ἧς κατωφερεῖς δοκοὶ,
Κανὼν ἀκριβώσει ἄν· εἰς δὲ τὴν τύχην
Πεσοῦσ', ὅσην σὺ, πῶς ἄν ἐκνεῦσαι δοκεῖς;

Neque enim domum, cuius trabes iam ruere ac deorsum vergere coeperunt, norma fabrorum accurate restituat; imo si incidat in eiusmodi tempestatem, quam tu iam experiris, quantam quaeso ruinam ei impendere putas?

In eodem dramate v. 376 sqq. postquam Phaedra amorem suum Choro satis prodiderat, hic eius fortunam questius hisce versiculis Strophen claudit:

Ἄσκημα δ' οὐκ ἔτ' ἐστὶν οἷ φθίνει τύχα
Κύπριδος, ὦ τάλαινα παῖ Κρησία!

Musgravius emendaverat οἷ τείνει τύχα. Wakefieldus autem veram lectionem sibi reperisse videtur, sic rescribendo:

Ἄσκημα δ' οὐκ ἔτ' ἐστὶν οἷ φθάνει τέχνη
Κύπριδος, ὦ τάλαινα παῖ Κρησία!

Enimvero in utraque emendatione textus eadem constructionis perplexitate laborat, quae vulgatam premit.

Multo probabilius difficultatem expediemus collatis Hippol. versf. 267 sqq. ad quos hoc, in quo versamur, loco dubium non est quin respiciatur. Ibi Chorus:

Γύναι γέραια, βασιλίδος πιστὴ τροφὴ
Παῖδρας, ὁρῶμεν τάςδε δυστήνους τύχας.
Ἄσκημα δ' ἡμῖν, ἥτις ἐστὶν ἡ νόσος.

Iam vero profitetur, sibi non amplius obscuram esse morbi quo Phaedra consumatur causam; idque nisi nos omnia fallunt his verbis expresserat Euripides

*Ἄσχημα δ' οὐκ ἔστιν, ἣ φθίνει τύχη
Κύπριδος.*

Iam vero non amplius in obscuro est, qua calamitate Veneris, h. e. qua morbo a Venere immisso *tabescat*: Sic de Alceſtide v. 201.

Φθίνει γὰρ καὶ μαραίνεται νόσῳ.

V. 625. Hippolytus ut est mulierum osor maximus, incidit in cogitationem ad nostrum quidem sensum absurdissimam, adeoque ridiculam, ut a cothurni gravitate nimium quantum abhorrrere videatur. Optat nimirum, ne opus esset ex uxoribus liberos fuscipere, utque liceret pro aere, ferro, auro in templis oblato liberorum semen emere.

*ὦ Ζεῦ, τί δὴ, κίβδηλον ἀνθρώποις κακὸν
Γυναῖκας εἰς φῶς ἡλίου κατώκισας;
Εἰ γὰρ βρότειον ἤθελες σπεῖραι γένος,
Οὐκ ἐκ γυναικῶν χρὴν παρασχέσθαι τόδε.
Ἄλλ' ἀντιθέντας σοῖσιν ἐν ναοῖς βροτοὺς
Ἡ χρυσὸν, ἢ σίδηρον, ἢ χαλκοῦ βάρος,
Παίδων πρίσθαι σπέρμα, τοῦ τιμήματος
τῆς ἀξίας ἕκαστον.*

Fruſtra Wakefieldus pro τοῦ τιμήματος corrigit τ' ἀναθήματος. Aptum sensum praebent vulgata τοῦ τιμήματος τῆς ἀξίας ἕκαστον, quem Valckenarius post Brodaeum sic latine reddidit: *pro census amplitudine, pro bonorum cuiusque ac facultatum aestimatione.*

In eadem tragoedia v. v. 1423 sqq. Dianae est ad Hippolytum infelici casu interemtum apostrophe, quae sequitur:

Σοὶ

Σοὶ δ', ὦ ταλαίπωρ', ἀντὶ τῶνδε τῶν κακῶν
 Τιμὰς μεγίστας ἐν πόλει Τροίῃνιᾳ
 Δώσω· κόραι γὰρ ἄνδρες γάμων πάρος
 Κόμας κεροῦνται σοὶ δι' αἰῶνος μακροῦ,
 Πένθη μέγιστα δακρύων καρπουμένα.

Hic Valckenarius iam recte intellexerat καρπουμένῳ legendum esse; Tibi comas ponent, earum sic lacrymis magni luctus indicibus in longum tempus fruituro. Wakefieldus autem ingeniose hanc emendationem cumulo quodam auget, rescribendum scilicet existimans

τέλθῃ μέγιστα δακρύων καρπουμένῳ

Τέλθος Hefychius exponit χρέος, debitum. Sic Diana Euripidis hoc significasset: tibi ad quem maxima lacrymarum munera redundabunt, dir der du einen reichlichen Tribut von Thränen ärnten wirst. Certe si codex aliquis huic lectioni faveret, haud dubie digna esset, quae vulgatam πένθη suo loco moveret. Quin enim elegantior sit, nobis certe nullum est dubium.

In Euripidis Andromache Peleus Andromachen Menelai minis exterritam aliis verbis consolatus haec insuper addit.

Ἄλλ' εἰς γε τοιόνδ' ἄνδρ' ἀποβλέψας μόνον
 Τρόπαιον αὐτοῦ στήσομαι γέρον περ ὦν.

Nimis gloriosus miles esset Peleus, si se adversarium, simulatque adspexisset tantum, superaturum denuntiaret. Quare libenter calculum adiicimus Wakefieldi emendationi:

Ἄλλ' εἰς γε τοιόνδ' ἄνδρ' ἀποβλέψας, μόνος
 Τρόπαιον αὐτοῦ στήσομαι, γέρον περ ὦν.

eaque confirmatur sequentibus verbis:

Πολλῶν νέων γὰρ, καὶ γέρον εὐψυχος ἦ,
 Κρείσσων.

In Euripides Alceſtide, v. 226 ſqq. ubi Chorus Admeti miſeriam deplorat, tali uxore orbat:

Πανά, φεῦ, φεῦ, ἰὼ, ἰὼ.

Παῖ Φέρητος, οἷ' ἐπραξας

Δάμαρτος σῆς στερηθεῖς;

Αἰ, αἰ, ἄξια καὶ σφαγῆς τάδε

Καὶ πλείον ἢ βρόχῳ δέρην

Οὐράνῳ πελάσαι.

Hic Wakefieldus: „Non aridet nobis, inquit, illud πλείον; neque enim facile dixeris quid magis fecerit aliquis, ut finiat miſerias, quam ſuſpendio vitam proiicere.“ Atqui h. l. non agitur de praeſidio adverſus vitae humanae miſerias inveniendū, ſed Admeti calamitas ex uxoris morte comparatur cum conſilio mortis voluntariae. Sane, inquit Chorus, haec aerumna digna eſt, propter quam ſibi quis gladio vitam eripiat, imo maioris momenti eſt, hanc tolerare quam laqueo ſibi necem conſciſcere. Concinnius itaque fuerit πλείον ἢ reſcribere, ut πλείονα conſtructionem verborum ἄξια — τάδε continuet. Quicquid ſit emendatio Wakefieldi

Καὶ τάλαν' βρόχῳ δέρην

Οὐράνιον πελάσαι

prorſus ſupervacanea eſt.

Neque vero v. 266. erat cur offenderetur Wakefieldus locutione νεκύων ἐς αὐλάν, et ſubſtituere auderet νεκύων ἐς ἵλαν; cum enim αὐλὴ ſaepius de deorum ſedibus et palatio ponatur, quidni recte Euripides inferorum fedes, manium habitationem νεκύων αὐλάν dixerit?

V. 295. Alceſtis moribunda conſilium ſuum pro ſalute coniugis moriendi oratione dulciſſimi ſenſus et affectus plenā exponens ait:

οὐκ ἠθέλησα ζῆν ἀποſπαςθεῖσά σου

σὺν παισὶν ὀργάνοισιν. — οὐδ' ἐφτινάμην

Ἡοῦς ἔχουσα δῶρ' ἐν οἷς ἐτεροπόμην.

Hic post οὐδ' ἐφεισάμην vel subintelligendum est ἐμοῦ, vel δῶρον Ἥβης, adeoque nulla subest causa cur Wakefieldum secuti pro ἔχουσα reponamus χεῖρος. Alcestis enim hoc dicit: *Nec peperci mihi, quamvis iuventutis donis, quibus delectabar, adhuc florenti.*

Pergit Alcestis Admeti parentes incusando, quod mortem pro filii salute obire noluerint:

Καί τοι σ' ὁ γύσας ἔ' ἡ τεκοῦσα προὔδοσαν
Καλῶς μὲν αὐτοῖς κατθανεῖν ἦκον βίου,
Καλῶς δὲ σῶσαι παῖδα, κενυκλῶς θανεῖν.

Wakefieldus cui repetitio vocabuli θανεῖν post κατθανεῖν versu praecedente positum inficeta videtur, γθίνειν potius ab Euripide scriptum esse iudicat. At si quid mutandum sit, corruptelae sedem rectius in κατθανεῖν quaerendam esse arbitramur. Omnino enim illius versiculi

Καλῶς μὲν αὐτοῖς κατθανεῖν ἦκον βίου

structura laborat. Nec satis commode eam expedit Wakefieldus: „Plene, inquit, dixisset poeta: τὸ τοῦ βίου ἦκον αὐτοῖς καλῶς κατθανεῖν, cum eo vita processisset iis, ut bene mori potuissent, i. e. postquam iustum vitae spatium expleverant et senectam attigerant, quando aequum esset atque expectatum vita cedere.“ Recte quidem, quod ad sententiam attinet; sed quomodo ea ex illa verborum structura exiret, illud quaerere opus erat. Nullo enim pacto fieri potest, ut ἦκον βίου pro τὸ τοῦ βίου ἦκον ponatur. Nobis itaque tutius videtur opinari, vocabulum κατθανεῖν glossemati deberi, quod veram et genuinam lectionem loco moverit. Certe si Euripides scripsisset:

Καλῶς μὲν αὐτοῖς ἐκπερᾶν ἦκον βίου,
Καλῶς δὲ σῶσαι παῖδα, κενυκλῶς θανεῖν.

Cum iis iam opportunum esset vita excedere et hac ratione vitam filii pulcre servare gloriosamque mortem oppetere; nullus esset offensionis locus.

V. 321. Mirum est, quantum aberraverit Wakefieldus, cum in versiculis

Σὺ δ', ὦ τέκνον μοι, πῶς κορευθήσῃ καλῶς;
 Ποίας τυχοῦσα συζύγου τῷ σῷ πατρὶ;
 Μὴ σοι τιν' αἰσχρὰν προβαλοῦσα κλήδονα
 Ἐβῆς ἐν ἀκμῇ σους διαφθεῖρῃ γάμους

interpunctionem hoc modo mutari iubet

Ποίας τυχοῦσα συζύγου; τῷ σῷ πατρὶ μὴ σοι etc.

interrogandi signo post συζύγου posito, et τῷ σῷ πατρὶ cum μὴ διαφθεῖρῃ constructo. Cum autem Alceſtis h. l. de no-verca loquatur, quam ne forte suis liberis Admetus inducat, veretur, quid quaeso mollius et aptius est, quam ut quaerat Alceſtis: *quomodo tu, filia mea virginitatem tuam feliciter transiges, qualemve experta novam conjugem patris tui, ne forte tibi (ob malevolentiam) malos rumores adspergat, adeoque in ipso adolescentiae flore nuptias tibi corrumpat, h. e. procos absterreat. Quid autem hoc sit, ποίας τυχοῦσα συζύγου, si nimirum hoc a verbis τῷ σῷ πατρὶ seiungatur, nec explicuit Wakefieldus, nec unquam explicare poterit. Atqui ipsi commentum placet.*

Neque magis audiendus est Wakefieldus, cum in versiculo

σὺ δ', ὦ τέκνον μοι, πῶς κορευθήσῃ καλῶς;

pronomen μοι a τέκνον separandum et cum πῶς κορευθήσῃ καλῶς copulandum censet. Alceſtis enim diversam liberorum, pueri et puellae sortem declarat; et puerum quidem, quamvis mater ei mature decesserit, patrem tamen habere magnum propugnaculum significat:

Καὶ παῖς μὲν ἄρσῃν πατέρ' ἔχει πύργον μέγαν.

Aliam esse filiae conditionem; eius enim puellarem aetatem, si matre orbata fuerit, multo maioribus periculis ac damnis obnoxiam fore. Hoc igitur statim allocutione

prodit σὺ δ' ὦ τέκνον μοι qua nihil potest esse in tanta brevitate, ad maternum animi sensum exprimendum accommodatius. Ceterum σὺ δ' ὦ τέκνον μοι, parum accurate latine vertitur *tu autem, o filia mea*; reddi potius debet: *tu autem o filia, mea cura*.

V. 324. Οὐ γάρ σε μήτηρ οὔτε νυμφεύσει ποτὲ, male Euripidis textui consulatur, si Wakefieldum secuti ἢ γάρ σε μήτηρ reponere velimus.

V. 339. ubi Admetus coniugi se nunquam de fecundis nuptiis cogitaturum spondet,

Οὐκ ἔστιν οὕτως οὔτε πατρὸς εὐγενοῦς
οὔτ' εἶδος ἄλλως ἐκπρεπεστάτη γυνή,

libenter Wakefieldo adstripiulamur, ἄλλων pro ἄλλως substituenti. *Nulla enim est femina, Admetus inquit, tam nobili patre nata, nulla etiamsi ceteris omnibus forma praestet, quam possi te ducere in matrimonium velim.*

V. 348 seq. Admetus postquam se fiat uxoris sollerti artificum manu fabricandam curaturum dixerat, quam uxoris loco, nomen eius inclamando, amplexurus sit; haec subiungit:

Ψυχρὰν μὲν, οἶμαι, τέρψιν; ἀλλ' ὅμως βάρος
Ψυχῆς ἀπαντλοίην ἄν.

Hic Wakefieldus ad verbum οἶμαι hanc notam allinere non dubitavit: „friget, nimium friget recepta lectio; neque enim locus erat dubitationi, nam certe simulacri lignei complexus non futuros esse calidos tuto poterat affirmari. Emendandum puto: ψυχρὰν μὲν οἷ μοι τέρψιν: *frigidam, me miseram, voluptatem*.” Qua quidem argutatione ipsa nihil est frigidius. Ut enim non moneamus, verbum οἶμαι, aliaque verba, quae putandi et opinandi propriam habent significationem, saepe apud Graecos in rebus certissimis, nec ulli dubitationi subiectis poni, id quod tralatitium est, quis quaeso in animum inducet locutionem

ψυχρὰν τέρψιν adeo premere, adeo ad litterarum sonum exigere, ut *frigidus* statuae amplexus, uxoris vitalem calorem spirantis amplexibus oppositos hic designari formidet? Ψυχρὰ τέρψις nihil aliud est quam *voluptas ieiuna, inanis, animum non satians*. Ceterum quamvis epitheton ψυχρὰν h. l. minime ineptum videatur, non possumus tamen, quin suspectum id nobis esse fateamur. Fortasse tragicus edidit:

Μικρὰν μὲν οἶμαι τέρψιν, ἀλλ' ὅμως βάρος
Ψυχῆς ἀπαντλοῖην ἄν.

exiguum sane voluptatis fructum, sat scio, sed vel sic tamen animi molestiam quodam modo levaverim. Ψυχρὰν pro μικρὰν librarius, qui ad primam sequentis versiculi syllabam ψυχῆς aberrasset, oculorum et mentis errore scribere potuit. Utcunque est, μικρὰν τέρψιν aptius τῷ βαρεὶ ψυχῆς opponi quam ψυχρὰν τέρψιν facile est intellectu.

V. 361. pergit Admetus:

ἐν δ' ὀνείρασι
φοιτῶσά μ' εὐφραίνουσιν ἄν. (ἡδὺ γὰρ φίλον
κἂν νυκτὶ λεύσσειν, ὅν τιν' ἄν παρῇ χρόνον)

incommoda est lectionis mutatio, quam Wakefieldus admisit, hoc modo textum constituens:

ἐν δ' ὀνείρασι
φοιτῶσα μ' εὐφραίνουσιν ἄν. (ἡδὺ γὰρ φίλον
κἂν νυκτὶ λεύσσειν) ὅν τιν' ἄν παρῆς χρόνον

Si quid mutandum esset, praestaret certe levior Iacobsii medela:

ἐν δ' ὀνείρασι
φοιτῶσα μ' εὐφραίνουσιν ἄν. (ἡδὺ γὰρ φίλος
κἂν νυκτὶ λεύσσειν, ἧ ὅν τιν' ἄν παρῇ χρόνον.

V. 364. εἰ δ' Ὀρφέως μοι γλῶττα καὶ μέλος παρῇν
amplectimur Wakefieldi emendationem προσῇν; hoc

enim cum per se aptius est, tum quod παρῇ modo praecesserat, κακοφωνία ex eiusdem vocabuli repetitione vitatur.

Item v. 376 seq.

καὶ μὲν ἐγὼ σοι πένθος, ὥς φίλος φίλῳ
λυπρὸν συνοίσω τῆσδε

facile Wakefieldo concedimus λυγρὸν πένθος aptius esse et usui scriptorum convenientius.

V. 435. in variis luctus ob Alcestidis mortem declarandi modis imperat quoque Admetus, ut equifones equis iubas detondeant, ritu inter Graecos et Barbaros satis noto.

Τέθριπτά τε, ζεύγυσθε, καὶ μονάμπυκας
Πώλους, σιδήρῳ τέμνει' ἀνένων φόβην.

Lectionem οἱ ζεύγυσθε, quam codices nonnulli exhibent, sine causa damnat Wakefieldus, adeo ut eam *nauci* non esse pronunciet. Ipse vero lectionem τέθριπτά τ' ἐκζεύγυσθε suo ingenio repertam, in textum invexit, quam (ut criticum convicium convicio protelemus) cassa nuce haud emerimus. Ut enim Wakefieldo demus verbum ἐκζευνῆναι pro iugo solvere apud Graecos usitatum fuisse, de cuius tamen auctoritate haud constat, primum ut istam coniecturam firmaret, docendum erat, ad luctus publici ritus hoc etiam pertinuisse, ut equi quadrigarii per integrum annum iugo solverentur. Quae quidem ratio prorsus nova est et inaudita. Quin potius in luctu quadrigis vehebantur, et equitabant, sed ita, ut equorum iubae detonsae luctum dominorum prae se ferrent et ostentarent. Porro si τέθριπτά τ' ἐκζεύγυσθε legeremus, duplicem haberemus luctus in equis designandi rationem, quadrigarii nimirum equi in otium ac pabulum missi fuissent, solis autem sessilibus equis iubae fuissent detonsae. Quo quid ineptius fingi aut excogitari potest?

XII.

*Lectionum Platoniarum Particula I.
In Phaedonem.*

Cum Socrates apud Platonem in Phaedone, h. e. eo quem de animo eiusque immortalitate conscripsit, dialogo, capite sexto, philosophum non ipsum quidem sibi violentas manus illaturum, veruntamen libentissime mortem passurum, in eiusque commentatione vitam positurum esse disputando docuisset, exortus est Cebes, qui consentaneum esse negaret, hominem sapientem, qui sub deorum dominio et potestate vixisset, libenter ex eorum servitio exire ac demigrare velle. Τὸ γὰρ μὴ ἀγανακτεῖν τοὺς φρονιμωτάτους ἐκ ταύτης τῆς θεραπείας ἀπιόντας, ἐν ᾗ ἐπιστατοῦσιν αὐτῶν, οἵπερ ἄριστοι εἰσὶ τῶν ὄντων ἐπιστάται θεοὶ, οὐκ ἔχει λόγον. Οὐ γὰρ πῶ αὐτός γε ἑαυτοῦ ἄμεινον οἶεται ἐπιμελεῖσθαι ἐλεύθερος γενόμενος, ἀλλ' ἀνόητος μὲν ἄνθρωπος τάχ' ἂν οἰηθείη ταῦτα, φευκτέον εἶναι ἀπὸ τοῦ δεσπότου, καὶ οὐκ ἂν λογίζοιτο, ὅτι οὐ δεῖ ἀπὸ γε τοῦ ἀγαθοῦ φεύγειν, ἀλλ' ὅτι μάλιστα παραμένειν. Etenim sapientissimos homines, cum sibi ex eo servitio exeundum sit, in quo dominis usi fuerint diis, hoc est optimis rerum naturae moderatoribus, aequo id animo laturos esse, minime convenit. Non enim ipse putabit, cum libertatem adeptus fuerit, se melius iam rebus suis consulturum; sed stultus potius homo fuerit, qui fugiendum sibi a domino statuat, nec potius cogitet, a bono certe sibi haud fugiendum, sed quam constantissime apud eum manendum esse. Hoc loco praeter Cebetis men-

tem atque sententiam nimis universe, nec satis definite pronuntiari videntur ista, ἀλλ' ἀνόητος — φευκτέον εἶναι ἀπὸ τοῦ δεσπότη. Non enim a quocunque domino, etiam pessimo et crudelissimo, fugere stultum ei videbatur; sed tantum a bono, et qui melius servis, quam ipsi possent, prospiceret. Itaque vel excidisse videtur aliquod verbum, ac fortasse sic scripserat Plato: ἀλλ' ἀνόητος — φευκτέον εἶναι ἀπὸ τοῦ ἈΜΕΙΝΟΝΟΣ αὐτοῦ δεσπότη; quemadmodum postea dicitur: τί γὰρ ἂν βουλόμενοι ἄνδρες σοφοὶ ὡς ἀληθῶς δεσπότης ἈΜΕΙΝΟΥΣ ἈΤΤΩΝ γένγοιν, καὶ ῥαδίως ἀπαλλάττοντο αὐτῶν; vel alia quaedam verborum depravatio subest, ita corrigenda: ἀλλ' ἀνόητος — φευκτέον εἶναι ἀπὸ τοῦ ἀγαθοῦ δεσπότη, καὶ οὐκ ἂν λογιζοιτο, ὅτι οὐ δεῖ ἀπὸ γε τοῦ τοιούτου γένγειν, ἀλλ' ὅτι μάλιστα παρμένειν.

Cap. XX. In hisce verbis: οὐ γὰρ περὶ τοῦ ἴσου τῶν ὁ λόγος ἡμῖν μᾶλλον τι ἢ καὶ περὶ αὐτοῦ τοῦ καλοῦ, καὶ αὐτοῦ τοῦ ἀγαθοῦ, καὶ δικαίου, καὶ ὁσίου, καὶ, ὅπερ λέγω, περὶ πάντων οἷς ἐπισφραγίζομεθα τοῦτο ὁ ἔστι καὶ [ἐν ταῖς ἐρωτήσεσιν] ἐρωτῶντες καὶ [ἐν ταῖς ἀποκρίσεσιν] ἀποκρινόμενοι, quae uncis inclusimus miseram tautologiam pariunt, Platone indignam; et glossatoris potius, quam philosophi ingenium sapiunt. Similis qui cap. 25. sequitur locus magnum huic animadversioni robur addere videtur: Αὐτὴ ἡ οὐσία, ἧς λόγον δίδομεν τοῦ εἶναι καὶ ἐρωτῶντες, καὶ ἀποκρινόμενοι, πότερον ὡσαύτως αἰεὶ ἔχει κατὰ ταῦτα, ἢ ἄλλοι ἄλλως;

Cap. XXIV. Cum Socrates dixisset: Sed quamquam animam hominis post mortem etiam futuram esse demonstratum est, vos tamen o Cebes et Simmīa, libenter etiam mihi videmini hanc quaestionem aliquanto diligentius pertractaturi, quod veremini scilicet, puerorum ritu, ne revera eam e corpore discedentem ventus difflet ac dissipet; praesertim si quis forte non tranquillis sed vehementer

flantibus ventis moriatur. Tum Cebes leviter arridens, ὡς δεδιότων, inquit, ὦ Σώκρατες, πειρῶ ἀναπέθην, μᾶλλον δὲ μὴ ὡς ἡμῶν δεδιότων, ἀλλ' ἴσως ἓν τις καὶ ἐν ἡμῖν παῖς, ὅστις τὰ τοιαῦτα φοβεῖται. Τοῦτον οὖν πειρώμεθα πείθειν μὴ δεδιέναι τὸν θάνατον, ὥσπερ τὰ μορμολύκεια. Hic in verbis μὴ ὡς ἡμῶν δεδιότων, Cel. Fischerus, vir exquisita Graecarum litterarum scientia florens, qui nuper hunc dialogum cum aliis tertium recensuit, Synchyfin esse statuit, pro ὡς μὴ ἡμῶν δεδιότων, quam quidem figuram ut alias fatis frequentem esse viro doctissimo concedamus, tamen ab hoc loco alienam esse statuimus. Sensus enim hic est: *Itaque o Socrates, tanquam sint qui timeant, persuadere iis conare; sed ut verius dicam, non tanquam nos scilicet omnes ista timeamus; veruntamen inter nos fortasse unus aliquis puer sit, qui ista timeat. Huic igitur persuadere conemur, ne mortem tanquam larvas aut alia eiusmodi terri- culamenta timeat.*

Cap. XI. Postquam Socrates ostenderat vehementer animum humanum in cursu ad veritatem intelligendam impediri ac retardari, de ea re philosophos inter se ita loquentes inducit: ὅτι κινδυνεύει τοι ὥσπερ ἀτραπὸς ἐκφέρειν ἡμᾶς μετὰ τοῦ λόγου ἐν τῇ σκέψει, ὅτι ἕως ἂν τὸ σῶμα ἔχωμεν, καὶ ξυμπεφυρμένη ᾗ ἡμῶν ἡ ψυχὴ μετὰ τοῦ τοιούτου κακοῦ οὐ μήποτε κτησώμεθα ἱκανῶς οὐ ἐπιθυμοῦμεν. [γαμὲν δὲ τοῦτο εἶναι τὸ ἀληθές.] Μυρίας μὲν γὰρ ἡμῖν ἀσχολίας παρέχει τὸ σῶμα etc. Videtur sane nos, si rationis (non sensuum) ope in indaganda veritate utamur, compendiarie quaedam via ad id quod volumus perducere; si quidem quousque corpus habemus animusque noster cum hoc mala conglutinat, est nequaquam id quod concupivimus satis assequemur. [Hoc autem in vero positum esse dicimus.] Sexcenta enim nobis impedimenta corpus obicit. H. I. si quis illa γαμὲν δὲ τοῦτο εἶναι τὸ ἀληθές, pertinacius ut genuina defendat, nos non repugnabimus; veruntamen magna nobis est

suspicio, ne ab interprete quodam olim adiecta sint. Nam nihil profecto asserunt, quod non e superioribus facillimum erat intelligere; et incommode orationis filum interrumpunt. Similiter in sequentibus: καὶ τότε ὡς ἔοικεν ἡμῖν ἔσται, οὗ ἐπιθυμοῦμέν τε καὶ φάμεν ἐρασταὶ εἶναι, φρονήσεως; ultimum vocabulum φρονήσεως interpretamentum esse videtur; satis illud quidem antiquum; utpote quod iam apud Plutarchum et Iamblichum occurrat; nisi quod hic pro genitivo nominativum φρόνησις ponat.

Eodem capite aliud grammatici assumentum nobis deprehendisse videmur: Τότε γὰρ αὐτὴ καθ' αὐτὴν ἡ ψυχὴ ἔσται χωρὶς τοῦ σώματος, πρότερον δὲ οὐ· καὶ ἐν ᾧ ἂν ζῶμεν οὕτως, ὡς ἔοικεν, ἐγγυτάτω ἐσόμεθα τοῦ εἰδέναι, ἐὰν ὅτε μάλιστα μηδὲν ὁμιλῶμεν τῷ σώματι, μηδὲ κοινωνῶμεν, ὅτε μὴ πᾶσα ἀνάγκη, μηδὲ ἀναμιμνῶμεθα τῆς τούτου φύσεως, ἀλλὰ καθαρεύομεν ἀπ' αὐτοῦ ἕως ἄν ὁ θεὸς αὐτὸς ἀπολύσῃ ἡμᾶς. Καὶ οὕτω μὲν καθαροὶ ἀπαλλαττόμενοι τῆς τοῦ σώματος ἀφροσύνης, ὡς τὸ εἶκος, μετὰ τοιούτων τε ἐσόμεθα, καὶ γνωσόμεθα δι' ἡμῶν αὐτῶν πᾶν τὸ εἰλικρινές· [τοῦτο δ' ἐστὶν ἴσως τὸ ἀληθές] μὴ καθαροῦ γὰρ καθαροῦ ἐφάπτεσθαι μὴ οὐ θέμιτον ἦ. Tum enim demum, nec umquam antea, secum ipsa vivet anima, secreta a corpore; atque dum vivemus, ita demum quam proxime ad veram scientiam accedemus, si quam id maxime fieri possit, nos a corporis consuetudine et communione, nisi ubi summa eius necessitas inciderit, abstrahamus; caveamusque ne eius indole impleamur, sed potius nos ab ea puros illibatosque servemus, donec nos deus ipse exsolverit. Et hac quidem lege, si puri discēsserimus ab illa corporis natura rationi infesta, cum similibus, id est puris, ut consentaneum est, naturis vivemus, et omnia sincera, h. e. liquidissimam rerum veritatem, ipsi per nos cognoscemus. Purum autem ab impuro tangi prorsus nefas est. In his igitur illa: τοῦτο δ' ἐστὶν ἴσως τὸ ἀληθές, a Platonis manu profecta esse minime

nobis quidem videntur, quod vel ipsum illud ζωῆς satis prodit. Glossator nimirum aliquis haec explicandi causa adiecerat.

Cap. XII. Φρονήσεως δὲ ἄρα τίς τῷ ὄντι ἐρῶν καὶ λαβῶν σφόδρα τὴν αὐτὴν ταύτην ἐλπίδα μηδαμοῦ ἄλλοθι ἐντεύξεσθαι αὐτῇ ἀξίως λόγου, ἢ ἐν Ἀιδαν, ἀγανακτήσει τε ἀποθνήσκων, καὶ οὐκ ἄσμενος εἴσιν αὐτόσε. Οἶεσθαί γε χρὴ εἶναι τῷ ὄντι γε ἢ, ὧ ἐταῖρε, φιλόσοφος; σφόδρα γὰρ αὐτῷ ταῦτα δόξει μηδαμοῦ ἄλλοθι καθαροῦς ἐντεύξεσθαι [φρονήσει] ἢ ἐκεῖ. *Sapientiae autem qui vere studiosus fuerit, et certo sibi persuaserit, nusquam alias se illum, quod quidem operae pretium sit, quam in futura post mortem vita consecuturum, num quaeso moleste feret sibi iam moriendum esse; annon potius libenter illuc abibit? In illa autem opinione necesse est, amice, illum versari, si quidem verus fuerit sapientiae amator; nihil enim ei certius esse videbitur, quam ista sibi, pura quidem, nusquam nisi illic posse contingere. Qui graeca cum versione nostra diligenter comparaverit, facile intelliget, ut speramus, vocabulum φρονήσει, quod concinnitatem verborum turbat, superfluum et ab aliena manu inculcatum esse. Variatur nimirum verbi ἐντυγχάνειν constructio, ita tamen ut eadem sententia maneat. Idem enim est dicere ἐντυγχάνω τοῦτοις ἀξίως λόγου; et ταῦτά μοι ἐντυγχάνει ἀξίως λόγου, vel quod secundo loco substituitur καθαροῦς.*

Cap. XXV. οὐκοῦν ταιάνδε τι, ἢ δ' ἄς ὁ Σωκράτης, δεῖ ἡμᾶς ἀνερέεσθαι ἑαυτοὺς, τῷ ποίῳ τινὶ ἄρα προσήκει τοῦτο τὸ πάθος πάσχειν, τὸ διασκεδάννυσθαι, καὶ ὑπὲρ τοῦ ποίου τινὸς δεδιέναι, μὴ πάθῃ αὐτὸ, [καὶ τῷ ποίῳ τινί.] *Ultima verba quae uncinis circumscripsimus putidam tautologiam facere videntur, eamque ob causam iam a Cornaro et post eum a Zeunio spuria iudicata sunt. Facile enim ex antecedentibus a librario. huc*

transferri potuerunt. Fischerus autem V. C. qui nuper, ut diximus, hunc dialogum accuratissime tertium recensuit, in secunda editione sic illam ῥῆσιν ἀνοθείας suspicionem vindicabat, ut diceret τῷ ποίῳ τινὶ προσήκει — τὸ διασκεδάννυσθαι, esse i. q. cuinam, ei quod simplex sit, vel compositum, accidat s. accidere debeat, ut dissipetur; deinde ὑπὲρ τοῦ ποίου τινὸς δεδιέναι vertendum esse, de quonam, de homine an etiam de aliis animantibus et rebus, timendum sit; denique καὶ τῷ ποίῳ τινὶ, referri debere ad verba ὑπὲρ τοῦ ποίου τινὸς hoc sensu, et cui eius parti corpori hominis an animae? Verum in hac interpretatione subtilitatem et acumen, ut facile agnoscimus, ita veritatem et cohaerentiam valde desideramus. Nam illud ποῖον, quamquam ter repetitum (si modo toties id scripserit Plato) unice referendum est ad illam quaestionem, in simplicemne naturam, an in compositam dissolutio cadat? De animantibus et ceteris rebus hic prorsus non agebatur. Nec magis hic de partibus humanae naturae i. e. de anima et corpore cogitandi locus est; sequuntur enim statim ista: καὶ μετὰ τοῦτο αὐτὴ ἐπισκέπασθαι πότερον ψυχὴ ἐστὶ; καὶ ἐκ τούτων θαρρύνειν ἢ δεδιέναι, ὑπὲρ τῆς ἡμετέρας ψυχῆς. Ac Fischerus quidem ipse postea huius interpretationis quae essent incommoda sensisse videtur. In tertia enim editione hanc rationem prorsus deseruit, ac ne mentionem quidem eius amplius fecit. Nihilo fecius tamen alia via ad defendendam illius assumentis ἀνθεντίας adgressus est. „Nihil, inquit, nobis neque addendum videbatur neque demendum. Nam primo, uti edidimus, ita legitur in omnibus libris etiam in Cod. Tub. et Aug.“ At hoc argumento nihil est ad defendendam orationis particulam, quae iure νοθείας suspecta sit, infirmius. Quid enim? Anne multa eiusmodi ἐμβλήματα omnibus codicibus Mssis, qui quidem ad nos pervenerunt, antiquiora sunt? Neque vero sibi ipse satis constat vir doctissimus. Cap. 19. ubi omnes

codd. etiam ille Tubingensis et Augustanus ostendunt lectionem ὅτι βούλεται μὲν τοῦτο — ἐνδεῖ δὲ καὶ οὐ δύναται τοιοῦτον εἶναι [ἴσον] ὅλον ἐκεῖνο, recte sine dubio, quod Mudgius iam praeceperat, illud ἴσον in tertia tandem editione e contextu circumscripsit. Cur igitur idem qui illic veritati potius, quam Codd. in interpolationem consentientibus paruit, hic e contrario praesidium interpolationi in eodem codicum consensu quaerit? At, inquit, h. l. repetitum illud καὶ τῷ ποίῳ τινὶ commodissimam patitur interpretationem. Hanc igitur audiamus. Recte nimirum iam Fischerus verba τῷ ποίῳ τινὶ, et ὑπὲρ τοῦ ποίου τινός et τῷ ποίῳ τινὶ ad duplex illud rerum genus, quod deinceps a Socrate constituatur, pertinere censet, atque universum illud comma sic vertendum: *Videre nos atque quaerere oportet, in quodnam scilicet rerum genus simplicium et ex uno elementorum genere constantium, compositarumve et e diversis elementorum generibus mixtarum, cadat dissipatio et interitus, et cuiusnam dissipatio atque interitus timendus sit, et cuinam.* Atque sic putat acutissimus interpret Socratis orationem ab ineptae cuiusdam tautologiae vitio prorsus immunem esse. Enim vero quis ferat ita dicentem: videndum est in quodnam genus cadat dissipatio et interitus et cuiusnam dissipatio atque interitus timendus sit, et cuinam timenda sit dissipatio atque interitus. Si quis forte medicus de aegroti cuiusdam periculo sic pronuntiet: *aio equidem Sempronio mortem impendere; et vobis timendum esse ne Sempronius moriatur; et ipsi Sempronio mortem esse metuendam;* nonne eum omnes quovis graculo loquaciorem esse contenderent? Atqui ut nunc Platonis verba decurrunt, simillima horum ratio est. Quare non est, cur Cornari coniecturam repudiandam iudicemus, qui turpissimae tautologiae maculam recte haud aliter ab hoc Platonis loco abstergi posse censuit, quam refecandis e verborum ordine illis καὶ τῷ ποίῳ τινὶ, praesertim cum quo minus temere,

ut saepe accidit, hic a librariis repetita esse, statuamus, nihil sit quod impediat.

Cap. XXXII. *Εἰς δὲ γε θεῶν γένος μὴ φιλοσοφῆσαντι, καὶ παντελῶς καθαροῦ ἀπιόντι οὐ θέμις ἀφικνεῖσθαι [ἄλλω, ἢ τῷ φιλομαθεῖ].* Ultima verba prorsus ab inchoata constructione abhorrent, et ad sensum superflua sunt. Itaque vel Platonem supinae in scribendo negligentiae accusemus necesse est; vel scribendum ἄλλὰ μόνον τῷ φιλομαθεῖ vel denique illud additamentum ἄλλω ἢ τῷ φιλομαθεῖ Grammaticorum interpretationi deberi, adeoque e textu eiiciendum esse statuamus. Nos quidem in hanc partem proniores sumus.

Cap. XXXIX. Socrates prudentissime disputat *rationis odium* (τὴν μισολογίαν) et *humani generis odium* iisdem saepe e causis nasci. Ut enim is, qui saepe alios mendaces, malos, perfidos expertus sit, eo saepe deveniat, ut posthac omnes homines oderit, nec uspiam in hominibus fidem, integritatem, veritatem reperiri putet, sic eum qui temere multis opinionibus assensus fuerit, postea, cum se errasse intellexerit, omnem rationis usum odisse, et nihil in hominum scientia verum et certum existimare. Cum autem in eo esset Socrates, ut hanc imaginem ab hominum oſoribus petitam expingeret, paululum, ut sit, a proposito deflectens, obiter demonstrat paucissimos hominum vel bonitate, vel malitia excellere, plurimos in quadam mediocritate versari. Ut igitur se revocaret ad id quod de rationis odio dicendum erat, haec addit: ἄλλὰ ταύτῃ μὲν οὐχ ὅμοιοι οἱ λόγοι τοῖς ἀνθρώποις εἰσὶν, ἀλλὰ σοῦ νῦν δὴ προάγοντος ἐγὼ ἐφεπόμην. Veruntamen eo usque *rationis percepta non sunt hominibus similia* (scil. ut hic etiam paucissima verissima sint) *sed ego tantum, prouti tu modo me ducebas, ita sequebar*, ut paulo longius a scopo similitudinis aberrarem. Optimam hanc sententiam efficit lectio cod. Aug. ἐφεπόμην. Vulgatam lectionem ἐφεποίμην sic interpretatur Cl. Fischerus ed. III. *Sed si tamen*

rationes viderentur hactenus similes esse hominibus, ego te duce paratus essem ea de re quaerere. Verum haec a consilio Socratis remotiora esse nobis videntur, qui hac parenthesi tantum excusare longiorem excursum volebat, inductum se ut sit, Phaedonis colloquio, significans, ut quaedam in comparatione proponenda adiceret, quae ad comparandi consilium nihil pertinebant.

Cap. XLIII. Ad sententiam pariter ac rationem Grammaticam aptius fuerit pro οἶόν που καὶ Ὅμηρος ἐν Ὀδυσσεΐᾳ πεποίηκεν οὗ λέγει τὸν Ὀδυσσεΐα. sic ordinem verborum constituere: οἶόν που κ. Ὅ. ἐ. Ὅ. πεποίηκεν τὸν Ὀδυσσεΐα, οὗ λέγει: *qualem etiam Ulysssem finxit Homerus ubi dicit: —*

Cap. XLVI. Socrates, postquam Anaxagorae sententiam cognovisset, qui Mentem [νοῦν] causam universitatis rerum esse ponebat, magna se fuisse expectatione commotum dicit, opinantem scilicet, se cur ea, quae in rerum natura sint, optime sic ut essent, a Mente constituta fuerint edoctum iri. Expectasse igitur, ut Anaxagoras, quid in quaque re optimum esset, et quomodo hanc optimi speciem in efformandis rebus secuta esset illa Mens divina, sibi monstraret. Ἐκάστῳ οὖν αὐτὸν ἀποδιδόντα τὴν αἰτίαν, καὶ κοινῇ πᾶσι, τὸ ἑκάστῳ βέλτιστον, ὅμην, καὶ τὸ κοινὸν πᾶσιν ἐπεκδιηγῆσεσθαι ἀγαθόν. Καὶ οὐκ ἂν ἀπεδόμην πολλοῦ τὰς ἐλπίδας, ἀλλὰ πάννυ σπουδῇ λαβὼν τὰς βίβλους, ὥς τάχιστα οἷός τ' ἦν ἀναγινώσκων, ἵν' ὥς τάχιστα εἰδείην τὸ βέλτιστον, καὶ τὸ χεῖρον. Ἀπὸ δὲ θαυμαστῆς, ὣ ἐταῖρε ἐλπίδος ὥχόμεν φερόμενος ἐπειδὴ προϊὼν, καὶ ἀναγινώσκων, ὁρῶ ἄνδρα τῷ μὲν Νῷ οὐδὲν χρώμενον οὐδέ τινὰς αἰτίας ἐπαιτιώμενον εἰς τὸ διακοσμεῖν τὰ πράγματα, αἴρας δὲ καὶ αἰθέρας, καὶ ὕδατα αἰτιώμενον etc. Si hanc lectionem sequimur, optimum est cum Fischero verba ἀπὸ — φερόμενος sic interpretari: *A magnifica igitur spe, o amice, excidebam, postquam in lectione pergens intelligo hunc philosophum Mente illa nihil amplius uti, neque causas rerum ad eam referre,*
sed

sed potius aerem, aethera, aquas adhibere, per quae res effectas et constitutas diceret. Sed si Eusebii lectioni faveamus, apud quem pro φερόμενος, ἐπειδὴ προῖων legitur: φερόμενος. Ἐπεὶ δέ, προῖων —, tum Stephani et Gottleberi interpretatio valebit: *A mirifica nimirum spe ducebar. Postea vero, pergens legere, intelligo.* Ἐπεὶ scilicet hic usurpatur pro ἔπειτα ut saepius; adeo ut nihil necesse sit, quod Gottlebero in mentem venerat, rescribere ἔπειτα, vel σπουδῇ. Quod autem Fischerus explanationi suae praesidium quaerit e verbis sub finem eiusdem cap. sequentibus: Ἐγὼ μὲν οὖν τοιαύτης αἰτίας, ὅπη ποτὲ ἔχει μαθητῆς ὅτουοῦν ἥδιστ' ἂν γενοίμην. Ἐπειδὴ δὲ ταύτης ἐστερήθην, καὶ οὐτ' ἂν αὐτὸς εὑρεῖν οὔτε παρ' ἄλλου μαθεῖν οἷός τε ἐγενόμην τὸν δεύτερον πλοῦν ἐπὶ τὴν τῆς αἰτίας ζήτησιν ἣν πεπραγμάτευμαι, βούλει σοι ἐπίδειξιν ποιήσωμαι, ὦ Κέβης; id veremur ne parum aut nihil firmitatis habeat. Etsi enim concedimus Platonem his verbis ad illorum quae supra exscripsimus *sententiam* respicere, non tamen inde effici potest, ut h. l. ἐπειδὴ ponitur, id etiam supra a Platone scriptum aut scribendum fuisse. Nam τὸ στερεῖσθαι τῆς ἐλπίδος in illis verbis ἀπὸ δὲ θαυμαστῆς — αἰτίας ἐπαιτιώμενον, quod ad sententiam attinet, significatur, sive vulgatam lectionem, sive eam quae est apud Eusebium amplectaris. Pro Gottleberi autem interpretatione hoc afferri potest, quod si ἀπὸ δὲ θαυμαστῆς — φερόμενος ita effleramus: *Iam a magnifica spe, tanquam a vento quodam, ablatum proficiscebar;* tum melius intelligitur quis sit ὁ δεύτερος πλοῦς, in posiremis huius capitis verbis nominatus et metaphora in prioribus a cursu nautarum ducta in posterioribus egregie fervatur. Ceterum Köhleri coniectura prorsus nihil opus est, pro οὐδέ τινος αἰτίας αἴρας δὲ καὶ — corrigentis: ἀλλὰ ἄλλας τινὰς αἰτίας ἐπαιτιώμενον — αἴρας τε καὶ — cum sensus verborum e vulgata lectione planissimus efficiatur: *Postea autem ulterius procedens*

lectione, video hominem Mentem illam non amplius adhibere, neque constituendarum rerum causas ei assignare, sed potius ad aerem, aethera, aquas tanquam ad principia rerum confugere.

Eod. cap. ὑπὸ δόξης φερόμενα τοῦ βελτίστου] Köhlerus vertit: *wenn ich der Vorstellung, die man sich gemeiniglich von dem Besten macht, hätte folgen wollen. Falso. Iam Serranus pressius reddiderat: optimi illius opinione delata. Pertinet enim ad νεῦρα et ὅστ᾽. Sensus est: Etenim nisi ego potius duxissem patriae legibus obsequentem, poenam a civitate mihi imperatam subire, aut si optimum esse iudicasssem e carcere effugere, dudum nervi mei et ossa circa Megara aut in Boeotia essent, opinione scilicet optimi illuc delata.*

Ibid. εἰ δέ τις λέγοι, ὅτι ἄνευ τοῦ τὰ τοιαῦτα ἔχειν καὶ ὅστ᾽ καὶ νεῦρα, καὶ ὅσα ἄλλα ἔχω, οὐκ ἂν οἷός τ' ἦν ποιεῖν τὰ δόξαντά μοι, ἀληθῆ ἂν λέγοι, ὥς μέντοι διὰ ταῦτα ποιῶ, ἃ ποιῶ, καὶ ταύτῃ νῦν πράττω, ἀλλ' οὐ τῇ βελτίστου αἰρέσει, πολλὴ ἂν καὶ μακρὰ ῥαθυμία εἴη τοῦ λόγου. Köhleri versio sensum pervertit: *und dass ich nur in so weit mit meinem Verstande handle nicht nach der Wahl des Besten. Rectius fuerat: und dass ich eben in so fern (als ich meine Glieder bewege) mich als ein verständiges Wesen zeige, nicht aber in sofern ich allemal das Beste wähle, dies zu behaupten wäre einfältig.*

Τὸ καὶ — προσαγορεύειν] Loquitur philosophus de his, qui *causam efficientem cum causa sine qua non confundunt, earumque nomina permiscunt. Köhlerus a veritate sensus prorsus aberravit, interpretando: Gleichwohl thun die wie mich dünkt recht, die wie im Finstern herumtappen, und bedienen sich eines fremden Namens. Imo Socrates hoc dicit: Quam causam (scil. causam sine qua non) multi (tanquam qui in tenebris palpantes nomina rerum pervertunt) causam efficientem appellant. Leute*

die im Finstern tappen, halten öfters die Dinge, die sie mit den Händen betasten, für etwas anders als sie sind, und geben ihnen also auch unrichtige Namen. So machen es auch diese Philosophen, die zweierley Arten der Ursachen mit einander verwechseln.

Ibid. τὴν δὲ τοῦ, ὡς οἶόν τε βέλτιστα αὐτὰ τεθῆναι δύνανται, οὕτω νῦν κείσθαι, ταύτην οὔτε ζητοῦσιν, οὔτε τινὰ οἶονται δαιμονίαν ἰσχὺν ἔχειν] Constructio verborum est: τὴν δὲ δύνανται τοῦ οὕτω νῦν κείσθαι (αὐτὰ) ὡς οἶόν τε βέλτιστα αὐτὰ τεθῆναι οὔτε ζητοῦσιν etc. *Eam vero vim quae effecerit, ut quomodo ea (coelum et terra) quam fieri posset optime collocarentur, ita nunc constituta sint, eam igitur neque quaerunt, neque divina quadam virtute praeditam esse arbitrantur.*

Ibid. ἐγὼ μὲν οὖν τοιαύτης αἰτίας, ὅπῃ ποτὲ ἔχει, μαθητὴς ὄτουσιν ἡδιστ' ἂν γείνοίμην. Köhlerus interpretatur: Gerne wär ich also bey der Untersuchung der Ursachen der Dinge eines jeden Schüler geworden. Verius: Diese Ursache nun, (scil. id quod in quaque re optimum esset) wie es auch damit beschaffen seyn möchte kennen zu lernen, möchte ich gern bey wem es auch wäre, in die Schule gehn.

Cap. XLIX. οὐδὲ σὺ ἄρα ἂν ἀποδέχοιο, εἰ τίς τινα φαίη ἕτερον ἑτέρου τῇ κεφαλῇ μείζω εἶναι, καὶ τὸν ἐλάττω τῷ αὐτῷ τούτῳ ἐλάττω — φοβούμενος, οἶμαι, μή τίς σοι ἐναντίος λόγος ἀπαντήσοι, ἐὰν τῇ κεφαλῇ μείζονά τινα φῇ εἶναι καὶ ἐλάττω, πρῶτον μὲν τῷ αὐτῷ τὸ μείζον μείζον εἶναι καὶ τὸ ἐλάττον ἐλάττον, ἔπειτα τῇ κεφαλῇ, σμικρᾷ οὕσῃ, τὸν μείζω μείζω εἶναι. In his verbis τῷ αὐτῷ non est cum Köhlero vertendum: eben dadurch, sed potius: durch eine und eben dieselbe Ursache. Si enim quis diceret alterum altero capite maiorem esse, tum ei verendum esse arbitratur Socrates ne quis haec duo obiiciat; primum quod ineptum

fit aliquid *una eademque re* (h. l. τῇ μεγάλῃ,) et maius et minus fieri posse; *deinde* quod aliquid maius fieri non possit per partem ipso illo quod maius fieri debeat minorem.

Cap. L. ubi agitur de proceritate corporum Phaedonis, Simmiae et Socratis, inter quos Phaedon procerior erat Simmia et Socrate; Socrates utroque brevior, haec quae sequuntur optime constituit Fischerus: Οὕτως ἄρα ὁ Σιμμίας ἐπωνυμίαν ἔχει μικρός τε καὶ μέγας εἶναι, ἐν μέσῳ ὢν ἀμφοτέρων, τοῦ μὲν τῷ μεγέθει ὑπερέχειν τὴν μικρότητα παρέχων, τῷ δὲ τὸ μέγεθος τῆς μικρότητος παρέχων ὑπερέχον. Recte enim Fischerus observat, si cum edd. Ald. Bas. legatur μικρότητα ὑπερέχων, τοῦ μὲν referri debere ad Socratem, ad quem tamen sequentia verba pertineant. Sensus nimirum unice verus hic est: *ita quidem ut alterius (Phaedonis) proceritate superandam praebeat brevitatem suam; alteri vero (Socrati) proceritatem suam praebeat eius brevitatem superiorem.* In Köhleri versione duo ista membra nec satis accurate expressa, et ad sensum quod attinet perperam inter se permutata sunt: *Die Kleinheit des einen übertrifft er durch seine Grösse, und die Grösse des andern erreicht er nicht seiner Kleinheit wegen.*

Ibid. Statim sequuntur ista: Καὶ ἅμα μειδιάσας, ἔοικα, ἔφη, καὶ συγγραφικῶς ἐρεῖν. ἀλλ' οὖν ἔχει γέ πως, ὥς λέγω. Hic dubium nobis non est, quin συγγραφικῶς significet, *nimis diligenter*, aut ut Köhlerus, *sehr deutlich*. Sed unde metaphora sumpta sit, in vocabulo συγγραφικῶς, haud satis apparet. Fischerus quidem putat ab *historicis* petitam esse imaginem, ut qui saepe nimis diligentes sint, ita ut etiam ea persequantur, quae e reliquis intelligi ab ipsis lectoribus possint. Sed cum fustum hoc dicendi genus non omnium historicorum sit, *historicorum more dicere* profecto significare non potest, *nimis diligenter, putide, fuste dicere.*

Itaque melius est hanc locutionem ex rationibus τῶν συγγραφομένων, h. e. contractus facientium, et sibi certis clausulis caventium explicare; quasi dicat Socrates: *Du siehst, mein Lieber, ich spreche hier so genau, und so pünktlich, als ob ich einen Contract zu verclausuliren, eine Quittung, oder Schuldverschreibung auszustellen hätte.* In hoc enim genere solent omnes omnia presse et putide definire, omnesque ambiguitates quam possunt diligentissime vitare. Similis locus est in *Gorgia* (p. 451. c. ed. Steph. edit. autem Bipont. p. 13. T. IV.) ubi Socrates in accurata explicatione scientiae arithmeticae et logisticae versatus, addit: καὶ εἰ ἐπανερόιτο περὶ τί (et si quis quaerat circa quid versetur logistice) εἴποιμ' ἂν ὥσπερ οἱ ἐν τῷ δήμῳ συγγραφόμενοι, ὅτι τὰ μὲν ἄλλα καθάπερ ἡ ἀριθμητικὴ καὶ ἡ λογιστικὴ ἔχει; ubi Ficinus obscurius vertit ὥσπερ συγγραφόμενοι eorum more qui decreta conscribunt in populo. Verissime autem Cornarus his verbis expressit: *quemadmodum hi qui sibi a populo cavent.* „Est enim, (quod idem in *Eclogis* ad Plat. p. 77. ed. Fischer. monet) συγγράφασθαι sibi cavere ab aliquo in quacunque re transigenda. Et συγγραφόμενοι sunt, qui hoc faciunt. Solent autem hi, qui apud populum agunt, sive dicunt, sibi cavere, hoc est cum cautione, et ut vulgo dicunt, cum protestatione loqui, quomodo a se dicta accipi velint, ne quis postea aliter interpretetur.“

XIII.

*Lectionum Platoniarum Particula II.
In Symposium.*

In Symposio Platonis, cui egregius ante aliquot annos contigit interpres Wolfius philologus Halensis, supersunt hic ibi quaedam, quae aut criticam in textu constituendo sollertiam, aut diligentioris interpretandi curam postulent. In ingressu statim festivissimi dialogi, ubi narrat Apollodorus, cum nuper Phalero in urbem iret, se a familiari quodam, qui ipsum a tergo conspexisset compellatum, nondum est probabiliter definitum, quid in illa compellatione iocosum sit. Etenim Apollodorus τῶν οὖν γνωρίμων τις, inquit, ὅπισθεν κατιδὼν με πόρρωθεν ἐκάλεσε, καὶ ΠΑΙΖΩΝ ἅμα τῇ κλήσει, ὁ Φαληρεὺς, ἔφη, οὗτος Ἀπολλόδωρος οὐ περιμενεῖς; ioci causam Sydenhamus e longinquo arcessit, a pompa scilicet equestri nonnunquam festis diebus e Phalero ad urbem Athenarum ducta, in qua prioribus identidem subsistendum fuisset, donec ceteri eos consequerentur. Quae quidem ratio recte displicuit Wolfio, qui haud paullo melius παίζειν ad festivum pronuntiandi sonum spectare existimavit. Verumtamen hoc festivitatis genus cum per se levius erat, quam ut memorari deberet, tum nihil ad collocutores Apollodori, multo minus ad lectores dialogi pertinebat. Itaque iocum potius contineri putamus imitatione solennis formulae in iudiciis potissimum et concionibus adhibitae, qua nomini proprio addebatur pagi s. δήμου nomen.

Quod igitur ille non simpliciter οὐτως οὐ περιμενεῖς, aut solo nomine Apollodorum vocaret, sed, quasi forensi dicendi genere usus, adderet ὁ Φαληρεὺς, hoc erat illud ni fallimur, quod Plato spectabat his verbis καὶ παίζων ἅμα τῇ κλήσει.

Cap. VII. Phaedrus narraverat, quomodo multatus esset Orpheus, quod non fustinuisset amoris causa mori, sicut Alcestis, sed Eurydicen recuperaturus vivus in domum Plutonium descendisset. His igitur expositis contrarium Achillis exemplum, habitumque ei a diis honorem refert: οὐχ ὥσπερ Ἀχιλλέα τὸν τῆς Θέτιδος υἱὸν ἐτίμησαν καὶ εἰς μακάρων νήσους ἀπέπεμψαν — Deinde paucis interiectis multo magis ait a diis probari et coli, si amatus amatorem, quam si amator amatum praecipuo quodam amore complectatur. Iam redit ad Achillis exemplum: διὰ ταῦτα καὶ τὸν Ἀχιλλέα τῆς Ἀλκῆστιδος μᾶλλον ἐτίμησαν εἰς μακάρων νήσους ἀποπέμψαντες. Recte Wolfius, qua difficultate hic locus premeretur sensit, etsi medendi rationem haud attulit. Quid enim? Alcestis in eodem quo Achilles loco erat. Illa erat ἡ ἐρωμένη, hic ὁ ἐρώμενος, illa amatoris mariti sui, hic amatoris Patrocli causa mortem subierat. Non erat igitur quod maiorem Achilli quam Alcestidi honorem dii haberent. Duplex in mentem nobis venit ratio, qua scrupulus ille tollatur. Aut enim Plato scripsit: διὰ ταῦτα καὶ τὸν Ἀχιλλέα μᾶλλον ἐτίμησαν, et additamentum τῆς Ἀλκῆστιδος glossatori debetur, qui quorsum illud μᾶλλον pertineret, explicare vellet, idque ad Alcestin referret, quod rectius ad Orpheam retulisset; aut ut antea: διὰ ταῦτα καὶ Ἀχιλλέα ΤΟΝ ΤΗΣ ΘΕΤΙΔΟΣ μᾶλλον ἐτίμησαν, quod librariorum errore mutari potuit in τὸν Ἀχιλλέα τῆς Ἀλκῆστιδος. Sed quod priori loco posuimus multo facilius est et blandius.

Cap. IX. Ὁ μὲν οὖν τῆς πανδήμου Ἀφροδίτης (sc. Ερώς) ὡς ἀληθῶς πάνδημός ἐστι, καὶ ἐξεργάζεται ὃ τι αὐτῇ τύχη, καὶ οὕτως ἐστίν, ὃν οἱ φαῦλοι τῶν ἀνθρώπων ἐρῶσιν.

ἔρωσι δὲ οἱ τοιοῦτοι, πρῶτον μὲν οὐχ ἡττον γυναικῶν ἢ παίδων, ἔπειτα, ὧν καὶ ἔρωσι τῶν σωματικῶν μᾶλλον ἢ τῶν ψυχῶν, ἔπειτα ὡς ἂν δύνωνται, ἀνοήτατοι. — Unius literae mutatione huic loco veritatem et elegantiam restituiſimus; corrigendum ſcilicet eſt ultimum vocabulum ac legendum: *ΑΝΟΗΤΑΤΩΣ*. Sic tribus partibus conſtat inter coeleſtis qui dicitur Amoris et vulgivagi afſectas differentia; primum *ſexu*, qui ametur, deinde *parte* quae ametur, corpore an anima; poſtremo amandi *modo*. *Ἀνοήτως* amare eſt, libidinibus adeo intemperanter indulgere, ut eas etiam contra naturam expleas; notum eſt τὰ ἀνόητα apud Ariſtophanem de exceſſu vel abuſu libidinis, et foeda eius turpitudine uſurpari.

Paullo poſt ſequuntur iſta: Ἔſτι γὰρ (ſcil. ὁ πάνδημος Ἔρως) καὶ ἀπὸ τῆς Θεοῦ νεωτέρας τε οὔσης πολὺ ἢ τῆς ἐτέρας, καὶ μετεχούσης ἐν τῇ γενέσει καὶ Θήλεος καὶ ἄρρένος, ὁ δὲ τῆς οὐρανίας πρῶτον μὲν, οὐ μετεχούσης Θήλεος, ἀλλ' ἄρρένος μόνον. [καὶ ἐſτιν οὗτος ὁ τῶν παίδων ἔρως] ἔπειτα πρεσβυτέρας ὑβρεως ἀμοίρου. In his quae uncinis incluſimus, manifeſta nobis viſi ſumus gloſſatoris veſtigia deprehendere; nam nec aſſerunt quidquam quod ad rem faciat, et incommode concinnitatem orationis interrumpunt. Similiter proximis qui ſequuntur verſibus, ubi dicitur, veros amatores non pueros venari, ſed adoleſcentes, qui iam ad maturitatem quandam rationis pervenerint, a grammatico quodam forte ad marginem ſcripta fuiſſe ſuſpicamur: τοῦτο δὲ πληſιάζει τῷ γενειάσκειν. Cur enim Pauſanias putide explicaret, quod nemo ut ſibi explicaretur, poſtulabat?

Cap. X. Πονηρὸς δ' ἐſτι ἐκεῖνος ὁ ἐραſτιῆς ὁ πάνδημος, ὁ τοῦ σώματος μᾶλλον ἐρῶν, ἢ τῆς ψυχῆς, καὶ γὰρ οὐδὲ μόνιμός ἐſτιν — — ὁ δὲ τοῦ ἡθους χρυſτοῦ οὗτος ἐραſτιῆς διὰ βίου μένει ἅτε μόνιμος ſυντακτής. Τούτους δὲ βούλεται ὁ ἡμέτερος νόμος εὖ καὶ καλῶς βαſανίζειν καὶ τοῖς μὲν χαρίſασθαι, τοῖς δὲ διαφύγειν. [Διὰ ταῦτα οὐν

τοῖς μὲν διώκειν παρακελεύεται, τοῖς δὲ φεύγειν, ἀγωνοθε-
τῶν καὶ βασανίζων ποτέρων ποτέ ἐστιν ὁ ἐρῶν, καὶ ποτέ-
ρων ὁ ἐρώμενος.] Quae signis parentheseos circumscripsi-
mus nihil habent praeter inanem eiusdem sententiae quae
proxime antecedentibus inest repetitionem, ac sine dubio
scholiasiae debentur. Scripserat autem glossator, ut arbi-
tramur, τοὺς μὲν — τοὺς δέ. Sed a Platonis manu haec
non esse hoc unum maxime arguit, quod additur καὶ πο-
τέρων ὁ ἐρώμενος. Non enim de eo, qui amandus esset,
ab amatore explorando agebatur, sed de cautionibus, quae
essent τοῖς παιδικοῖς observandae, ne temere cuivis ama-
tori manum iniicerent.

Ibid. Ἔστι γὰρ ἡμῖν νόμος, ὥσπερ ἐπὶ τοῖς ἐρασταῖς
ἦν, δουλεύειν ἐθέλοντα ἦν τινα δουλείαν παιδικοῖς, μὴ κο-
λακείαν εἶναι μηδὲ ἐπονείδιστον· οὕτω δὲ καὶ ἄλλη μία μόνη
δουλεία ἐκούσιος λείπεται οὐκ ἐπονείδιστος. Hisce verbis
inest ἀνακολουθία quaedam Platoni haud infrequens; ple-
nius enim, et strictiore verborum iunctura sic dicendum
erat: ἔστι παρ' ἡμῖν νόμος ὥσπερ — — οὕτω δὲ καὶ ἄλ-
λος ὧ τοῖς παιδικοῖς μία μόνη etc. Pro ἄλλη autem, quod
hic redundare videtur, multo aptius esset τούτοις; ad prae-
cedens παιδικοῖς referendum, nisi quis malit ἄλλος ὧ
τούτοις.

Cap. XI. In verbis ὁ μὲν δυνάμενος εἰς φρόνησιν καὶ
τὴν ἄλλην ἀρετὴν συμβάλλεσθαι, ὁ δὲ δεόμενος [εἰς] παιδεύ-
σιν καὶ τὴν ἄλλην σοφίαν κτῆσθαι, alterum εἰς temere a
librariis repetitum, et sensus pariter ac grammaticae con-
structionis causa delendum est.

Cap. XII. Καὶ ἐν μὲν γε αὐτῇ τῇ συστάσει ἀρμονίας
τε καὶ ρυθμοῦ οὐδὲν χαλεπὸν τὰ ἐρωτικὰ διαγιγνώσκειν·
[οὐδὲ ὁ διπλοῦς ἔρως ἐνταῦθα πῶς ἐστιν] ἀλλ' ἰεπειδὰν κ.
τ. λ. Hic in textum irrepsit scholiasiae interpretamentum,
fatis inficetum, οὐδὲ — — ἐστιν. Cum enim bonus ille
interpres declarare vellet, cur in ipsis rationibus musicis
h. e. in harmonia et rhythmo nullo negotio discerni possent,

quae essent ἐρωτικά, h. e. quae essent consona et congruentia, incidit in opinionem prorsus ridiculam, respicere hic Eryximachum ad illam de duplici Amore doctrinam, putavitque hanc ob causam in musicis τὰ ἐρωτικά facilius discerni posse, quod in his duplex ille Amor, coelestis nempe et vulgivagus haud inesset.

Cap. XIII. Docet Eryximachus magnam utriusque Amoris vim in anni quoque tempestatibus cerni, ita ut, ubi moderatus Amor (κόσμιος Ἔρως) regnet, salubritas anni ac fertilitas consequatur, altero autem (τῷ μετὰ τῆς ὕβρεως Ἔρωτι) praevalente, pestes exoriantur frugumque calamitates. Οἱ τε γὰρ λοιμοὶ φιλοῦσι γίνεσθαι ἐκ τῶν τοιούτων καὶ ἄλλ' ἈΝΟΜΟΙΑ πολλὰ νοσήματα καὶ τοῖς θηρίοις καὶ τοῖς φυτοῖς. Hoc loco dubium nobis non est quin facile quemvis attentius legentem offendant vocabulum ἈΝΟΜΟΙΑ. Quid enim? Cur Eryximachus dixerit *pestes et alii multi dissimiles morbi*? Nonne sensus postulabat ut diceret: *pestes et alii multi eius generis morbi*? Marsilius Ficinus hoc vocabulum in versione haud expressit, hoc modo interpretatus: *Pestes si quidem ex his oriri consueverunt, aliique morbi permulti*. Itaque certum nobis est Platonem scripsisse, ἄλλ' ὅμοια πολλὰ νοσήματα. Statim sequuntur ista: καὶ γὰρ πάχναι καὶ χάλασαι καὶ ἐρυσίβαι ἐκ πλεονεξίας καὶ ἀκοσμίας περὶ ἄλληλα τῶν τοιούτων γίνεται ἐρωτικῶν, ὧν ἐπιστήμη περὶ ἄστρον τε φορᾶς καὶ ἐνιαυτῶν ὥρας ἀστρονομία καλεῖται. In his iterum glossatoris ἐμβλημα deprehendisse nobis videmur. Cur enim Plato h. l. astronomiae definitionem adderet? Praeterea doctrinam de effectibus anni tempestatum, de grandine, pruina, glacie, etc. a Platone ad astronomiam relata esse, veremur ut idoneis aliorum locorum exemplis probari possit. In Gorgia diserte dicitur astronomiam versari circa astrorum motum et solis et lunae, et quam singulorum motus celeritatem habeat docere (περὶ τὴν τῶν ἄστρον φορὰν, καὶ ἡλίου καὶ σελήνης, πῶς πρὸς ἄλληλα

τάχους ἔχει.) Nulla hic de anni tempestatibus, nulla de earum utilitatibus aut noxis mentio iniicitur. Denique ipsa verborum collocatio glossatoris vestigia prodit. Cum enim dicitur ὦν ἐπιστήμη, articulus ὦν vix ad aliud referri potest, quam ad id quod in antecedentibus subiectum erat, πάχναι, καὶ χάλασαι, καὶ ἐρυσίβαι; quod si concedatur, quomodo Astronomia dicatur scientia pruinae, grandinis etc. de coeli motu et anni tempestatibus? Ficinus quidem sic vertit: *horumque et coeli motus et anni temporum scientia Astronomia vocata est*, quasi scriptum esset ὦν ἐπιστήμη, καὶ ἡ περὶ ἀστρῶν τε φοράς καὶ ἐνιαύτων ὥρας. At in textu graeco nec ita scriptum legimus, neque cur ita rescribendum sit, exputari potest. Erunt autem fortasse, qui illud ὦν cum ἐρωτικῶν quod proxime praecedit copulandum putent; quod si sequamur, Astronomiam dixerit Eryximachus scientiam τῶν ἐρωτικῶν περὶ ἀστρῶν φοράν (vel φοράς) καὶ ἐνιαύτων ὥρας. Quod quidem haud paullo mollius ac probabilius esse non negamus, modo si nobis detur praepositionem περὶ tum potius cum accusativo, quam ut nunc est cum genitivo construendam; neque tamen omnis νοθείας in hisce verbis suspicio tollitur. Semper enim relinquitur dubitationi locus, an Plato doctrinam de his, quae anni tempestatibus in orbe terrarum efficiantur, in astronomiae partibus numeraverit. Quid? quod in his, quae proxime sequuntur: ἔτι τοίνυν καὶ αἱ θυσίαι ἅπασαι, καὶ οἷς μαντικὴ ἐπιστατεῖ (ταῦτα δ' ἐστὶν ἡ περὶ θεοῦς τε καὶ ἀνθρώπων, πρὸς ἀλλήλους κοινωνία) οὐ περὶ ἄλλο τι ἐστὶν ἢ περὶ Ἐρωτος φυλακὴν τε καὶ ἴασιν, fere similis est ambigendi causa, an genuina sint, verba ταῦτα — κοινωνία. Quae si quis defendat, ut a Platone scripta, fane acrius cum eo haud pugnabimus; nobis tamen parum eleganter hic posita videntur, propterea quod h. l. μαντικῆς definitionem nemo exspectabat, et quod inutiliter hic antecapiuntur, quae postea demum declaranda

fibi ſumferat Eryximachus, cum dicit: πᾶσα γὰρ — καὶ περὶ θεοῦς· ἃ δὴ προſτέτακται τῇ μαντικῇ ἐπιſκοπεῖν τοὺς Ἔρωτας καὶ ἱατρνεῖν. Καὶ ἐſτὶν αὖ ἡ μαντικὴ φίλιας θεῶν καὶ ἀνθρώπων δημιουργὸς, τῷ ἐπίſταſθαι τὰ κατὰ ἀνθρώπους ἐρωτικά, ὅσα τείνει πρὸς θέμιν καὶ ἀſέβειαν. Haec igitur expoſitio, abſque illa parentheſi facile elegantiam ac ſuavitatem tuetur, praemiſſis autem iſtis et praeter neceſſitatem intruſis: ταῦτα δ' ἐſτὶν ἡ περὶ θεοῦς τε καὶ ἀνθρώπους πρὸς ἀλλήλους κοινωνία multum eorum quae ſequuntur venuſiati decedit.

Cap. XIX. In Agathonis oratione, quae tota in Amoris laudibus occupatur, neminem Sympoſii lectorem fugit, quam is ambitioſe cuncta dicendi ornamenta conſectetur, et quanto ſtudio in extrema potiſſimum oratione verborum concinnitatem affectaverit. Sic nimirum perorat. Οὗτος (ſcil. ὁ Ἔρως) ἡμᾶς ἀλλοτριότητος μὲν κενοῖ, οἰκειότητος δὲ πληροῖ, καὶ τοιάςδε ξυνόδους μετ' ἀλλήλων πάſας τιθεῖς ſυνιέναι, ἐν ἐορταῖς, ἐν χοροῖς, ἐν θυſίαις γιγνόμενος ἡγεμὼν· πραότητα μὲν πορίζων, ἀγριότητα δ' ἐξορίζων, φιλόδωρος εὐμενείας, ἄδωρος δυσμενείας, ἵλεως, ἀγαθὸς, θεατὸς ſοφαῖς, ἀγαſτὸς θεοῖς, ζηλωτὸς ἀμείροις, κτητὸς εὐμείροις· τρυφῆς, ἀβρότητας, χλιδῆς, χαρίτων, ἐμέρου, πόθου πατὴρ· ἐπιμελὴς ἀγαθῶν, ἀμελὴς κακῶν· ἐν πόνῳ, ἐν φόβῳ, ἐν πόθῳ, ἐν λόγῳ κυβερνήτης, ἐπιβάτης, παραſτάτης τε καὶ ſωτὴρ ἄριſτος. Facile intelligitur, quam artiſticioſe verba inter ſe, tanquam lapilli in emblemate vermiculato, compoſita ſint, quam lepide Agathon paria paribus retulerit, et ut ſimiliter caderent elaboraverit. In extremo autem eorum quae deſcripſimus incifo, quamquam numerorum concinnitas aequae ac in prioribus ſervatur, ſententiarum tamen inter ſe relatarum oppoſitionem turbatam eſſe nullo negotio perſpicitur. Primum enim inter πόνῳ et λόγῳ proſus nulla eſt relatio, quae inter φόβῳ et πόθῳ ſatis clara inter-

cedit; deinde quorsum omnino hic ἐν λόγῳ pertineat, aut quam vim habeat intelligi vix potest; denique quatuor illi nominativi κυβερνήτης, ἐπιβάτης, παραστάτης τε καὶ σωτήρ, quomodo ad quatuor dativos ἐν πόνῳ, ἐν φόβῳ, ἐν πόθῳ, ἐν λόγῳ referantur, ut singula singulis ad sententiam respondeant, haud apparet. Itaque cum vix credibile sit Agathonis operam in concinnitate sententiarum affectanda positam extrema in parte claudicasse, librariorum culpa nonnulla hic turbata esse arbitramur. Ut paucis defungamur, ita nobis videtur Plato scripsisse ἐν φόβῳ, ἐν πόθῳ, ἐν πόνῳ, ἐν ΜΟΪΩ, κυβερνήτης, ἐπιβάτης, παραστάτης, καὶ σωτήρ ἄριστος. Iam primum totam imaginem e re nautica petitam esse existimamus. Nautis enim saepe *timor* naufragii, *desiderium* terrae, *labor* in difficultate navigandi, *aerumna* nauseantibus, fame periclitantibus, cum tempestate conflictantibus accidere solet. In timore igitur illo quid *gubernatore*, (κυβερνήτη) in *desiderio*, quid *socio itineris et comite*, (ἐπιβάτη) in *labore* quid *auxiliatore* (παραστάτη) in *aerumna*, quid *sospitatore* (σωτήρι) optabilius? Haec igitur officia unum Amorem omnia praestare amantibus docet. Deinde hac unius literae mutatione, uniusque vocabuli transpositione hoc efficitur, ut singula singulis ad amussim respondeant. Ut enim ἐν φόβῳ ad malorum, sic ἐν πόθῳ ad bonorum expectationem refertur, ut πόνος molestiam in agendo, sic μόγος molestiam in patiando designat, tandem κυβερνήτης ad φόβον, ἐπιβάτης ad πόθον (quis enim flagrantis desiderii sensum melius lenire possit, quam socius itineris, quicum colloquendo horas tardius euntes fallere possis,) παραστάτης ad πόνον (similitudine a remigantibus ducta) denique σωτήρ ad μόγον aptissime refertur.

XIV.

*Lectionum Platoniarum Particula III.
In Philebum.*

In Platonis dialogo, qui inscribitur Philebus s. de voluptate, Protarchus defendendam susceperat Philebi thesin, qui *bonum* h. e. felicitatis causam *voluptatem* esse pronuntiaverat, cum Socrates contra idem *sapientiae*tribuendum esse censuisset. Quaerit igitur a Protarcho Socrates, utrum si tertium aliquod inveniatur et voluptate et sapientia superius, illud quidem summum bonum appellandum sit; ita tamen, ut si huic sapientia magis cognata sit quam voluptas, sapientia quoque voluptate propius ad finem bonorum accedat. Quod cum ille concessisset, exoritur disputatio, qua, num voluptatibus, cum inter se sint maxime diversae, nihilo tamen fecius omnibus boni nomen assignari possit, quaeritur. Ubi cum Protarchus sine causa idonea omnes voluptates inter se similes esse pronuntiasset, Socrates cum eo paciscitur, ut et voluptatis et sapientiae partes inter se dissimiles ac diversas esse ab utroque affirmetur. In hac parte sermonis turbatio facta est a librariis intermissa semel interlocutoris Protarchi notatione. Socrates nempe docuerat haud decere disputantem absurditate quadam admissa vincere velle; Si enim, inquit, uterque nostrum, tu inter voluptatis, ego inter sapientiae partes nullum prorsus intercedere discrimen contenderemus, hoc profecto absurdum esset, omnisque nostra disputatio, tanquam fabula, in nihilum abiret, αὐτοὶ δὲ σωζοίμεθα ἐπὶ τινος ἀλογίας, h. e.

non ut Ficinus vertit, nos autem ruditate quadam detine-
remur, sed potius: nos autem sententiam quidem tueremur
et hactenus incolumes, haud refutati, discederemus, sed
ita tamen, ut id quod absurdum esset ac rationi prorsus
repugnaret, admitteremus. Verba igitur quae proxime
sequuntur: Ἀλλ' οὐ μὴν τοῦτο δεῖ γενέσθαι, πλὴν τοῦ σω-
θῆναι. Τό γε μὴν μοι ἴσον τοῦ σοῦ τε καὶ ἐμοῦ λόγου
ἀρέσκει, πολλὰ μὲν ἡδοναὶ καὶ ἀνόμοιοι γιγνέσθων, πολλὰ
δὲ ἐπιστῆμαι καὶ διαφοροί, multo melius et concinnius
Protarcho, quam, ut vulgo fit, Socrati assignantur. Pro-
tarchus scilicet vincere (σωθῆναι) quidem ait sibi placere,
attamen hoc minime cum conditione absurditatis cuius-
dam admissae, (ἐπὶ τινὸς ἀλογίας) fieri debere. Accedit
igitur ad Socratis placitum et pariter ἡδονὰς atque ἐπι-
στήμας inter se diversas esse concedit. Tum Socrates
pergit hisce verbis τὴν τοίνυν διαφορότητα, et quae se-
quuntur.

Cap. V. ubi disputatur, qua ratione una eademque
res partim ἓν, partim πολλὰ dicenda sit, h. e. qui fiat,
ut sub uno genere plures inter se diversae species continean-
tur, negat Socrates hic de diversitate partium, quae totum
aliquod constituent, agi, eiusmodi enim exempla puerilia
et facilia esse, quae nemo hic afferri velit, cum omnes con-
cedant, haec esse παιδαριώδη καὶ ῥάδια καὶ σφόδρα τοῖς
λόγοις ἐμπόδια. H. I. inter καὶ et σφόδρα negandi parti-
cula οὐ excidisse videtur. Sententia enim postulat, ut
dicatur eiusmodi exempla esse puerilia et facilia, et quae
neminem magnopere in disputando offendere possint, οὐ
σφόδρα — ἐμπόδια.

Cap. VI. ubi de proprio rationis humanae nego-
tio agitur, quo rebus singularibus observatis eae statim ad
certa genera certasque species revocantur, generibus au-
tem notatis continuo ad diversas eius partes discernen-
das proceditur, Socrates ita pronuntiat: Θεῶν μὲν εἰς

ἀνθρώπους δόσις, ὥς γε καταφαίνεται ἐμοὶ ποθὲν ἐκ θεῶν ἐρρίφη διὰ τινος Προμηθείως ἅμα φανοτάτω τινὶ πυρὶ. Quomodo autem ista facultas rationis humanae deorum immortalium dono tributa eadem dici quoque uno orationis tenore potest, diis a Prometheo quodam surrepta esse? Legendum igitur arbitramur: Θεῶν μὲν εἰς ἀνθρώπους δόσις, ὥς γε καταφαίνεται ἐμοὶ, Εἰ Μὴ ποθὲν ἐκ θεῶν ἐρρίφη etc. h. e. Sane deorum aliquod, ut mihi quidem videtur donum hominibus datum, nisi forte iis a Prometheo nescio quo, una cum igne purissimo ac splendidissimo ereptum fuerit. Eadem ratione cap. 6. ubi literarum inventio tangitur, praeclarissimum hocce omnium inventum sive a deo, sive ab homine quodam quem Aegyptii Theuth perhibeant, profectum esse dicitur εἴτε τις θεὸς εἴτε καὶ θεῖος ἄνθρωπος etc. Paullo post in verbis: ὥς ἐξ ἐνὸς μὲν καὶ πολλῶν, [ὄντων] τῶν αἰε λεγομένων εἶναι, πέρας δὲ καὶ ἀπειρίαν ἐν ἑαυτοῖς ἑυμφύτον ἔχόντων. δεῖν οὖν ἡμᾶς τούτων οὕτω διακεκοσμημένων αἰεὶ μίαν ἰδέαν περὶ παντὸς ἐκάστοτε θεμένους ζητεῖν; vocabulum ὄντων quod uncinis inclusimus spurium esse videtur ex repetitione syllabae antecedentis et consequentis ortum; punctum vero post ἔχόντων tollendum, ac pro δεῖν legendum est δεῖ, quod etiam Ficinus in codice suo legisse videtur.

Deinde pro τῶν ἐν ἐκείνων ἕκαστον πάλιν ὡσανύτως reponendum est τὸ ἐν ἐκείνων ἑ. π. ὥς. sicut mox sequitur τὸ ἐν ἕκαστον τῶν πάντων. Tum, interiectis fere duodecim lineis, ubi Socrates eos reprehendit, qui in philosophando nimis festinent in generibus constituendis, his autem constitutis formas istis subiectas ordine distribuere negligent: Οἱ δὲ νῦν τῶν ἀνθρώπων σοφοὶ ἐν μὲν ὅπως αὖ τύχῃσι, καὶ πολλὰ θᾶττον καὶ βραδύτερον ποιοῦσι τοῦ δέοντος, μετὰ δὲ τὸ ἐν ἀπειρα εὐθύς. Hic primum quomodo iidem philosophi θᾶττον καὶ βραδύτερον iusto celerius ac tardius versari dicantur in generibus rerum constituendis, haud

haud intelligitur; itaque pro βραδύτερον Plato scripsisse videtur βραχύτερον iusto celerius ac brevius versantur in generum constitutione. Neque πόλλα hic genuinum esse videtur; propterea quod *singularia* f. ut in scholis dicitur, individua, quae Plato τὰ πόλλα, aut ἄπειρα appellare solet, proximo demum commate, his scil. verbis μετὰ δὲ τὸ ἐν ἄπειρα εὐθύς, generibus a Platone vocabulo τοῦ ἐνὸς insignitis opponuntur. Itaque veram et antiquam lectionem esse suspicamur πόλλα; quo quidem in textum assumpto verba sic procedunt: οἱ δὲ νῦν τῶν ἀνθρώπων σοφοὶ ἐν μὲν ὅπως ἂν τύχωσι, καὶ πολλῷ θάττον καὶ βραχύτερον ποιοῦσι τοῦ δέοντος; h. e. hodierni autem philosophi genera rerum temere et multo citius breviusque, quam par est, constituunt, generibus autem constitutis statim ad singularia f. individua convertuntur.

Cap. IX. Φησὶ δ', ὡς ἔοικε, σὺ, [τὸ προσρηθησόμενον ὀρθῶς,] ἄμεινον ἡδονῆς γε ἀγαθὸν εἶναι, νοῦν, ἐπιστήμην, σύνεσιν, τέχνην καὶ πάντα αὖ τὰ τούτων ξυγγενῆ, [κτᾶσθαι δεῖ ἀλλ' οὐχὶ ἐκείνα]. Verba uncinis circumscripta τὸ προσρηθησόμενον ὀρθῶς et κτᾶσθαι δεῖ ἀλλ' οὐχὶ ἐκείνα ex interpretis cuiusdam notulis forte ad marginem scriptis in textum irrepsisse videntur. Sane et constructionem turbant, et sensum prorsus pervertunt. Ficinus vertit: *Dicis autem tu ut videtur (quod adiiciendum puto recte), praestantius voluptate bonum esse, mentem, scientiam intelligentiam, et reliqua huiusmodi et quod haec capeffere potius quam illa debeamus. At quis non videt verbis quod adiiciendum puto recte nec graeca recte expressa, et ipsa quoque sensu destituta esse?*

Cap. IX. extremo Protarchus, qui Socratem se dimissurum negat, priusquam omnia, quae promississet, explicaverit, considera igitur, inquit, utrum voluptatis et scientiae diversas formas explicare, an totum hoc negotium omittere velis, siquidem alio quodam modo possis ac velis,

(εἶπῃ καθ' ἑτερόν τινα τρόπον οἷός τ' εἶ καὶ βούλει) *declare res eas de quibus disceptamus*. Tum Socrates respondet: Δεινὸν μὲν τοίνυν ἔτι προσδοκᾶν οὐδέν δεῖ τὸν ἐμέ, ἐπειδὴ τοῦθ' οὕτως εἶπες. Τὸ γὰρ Εἰ βούλει ῥηθὲν, λύει πάντα φόβον ἐκάστων πέρι. Primum articuli τὸν loco legendum arbitramur τὸ κατ', ut nimirum τὸ κατ' ἐμέ significet, *quantum ad me attinet*. Porro vocabulum ἐκάστων commodam h. l. interpretationem vix admittit. Socrates potius respicere videtur ad verba Protarchi, εἶπῃ — οἷός τ' εἶ, καὶ βούλει. *Profecto, inquit, iam quod ad me attinet, nihil metuendum est, quandoquidem hoc ita locutus es. Nam quod addidisti SI VELIS, id me omni metu liberat ne forte non possim praestare quod cupis*. Hic nimirum sensus nullo negotio eliceretur, si scriptum esset λύει πάντα φόβον τοῦ οἷόν τ' εἶναι πέρι.

Cap. X. "Ορα δὴ τοῦ φρονεῖν, καὶ νοεῖν καὶ λογί-
ζεσθαι τὰ δέοντα καὶ ὅσα τούτων ἀδελφὰ μῶν μηδὲ ὁρᾶν
τι. Hic in verbo ὁρᾶν, quod genuinum esse vix potest,
latere videtur alius cuiusdam verbi infinitivus, quod nolet
curare, aut *appetere*; contextus enim postulat, ut Socrates
dicat: *tu igitur* (scil. si omnibus voluptatibus afflueres)
rationem, et intellectum et providentiam et quae his sunt
affinia prorsus nihil curares?

Cap. XI. οὐδὲ γὰρ ὁ σὸς νοῦς, ὦ Σώκратες, ἔστι
τὰγαθόν, ἀλλ' ἔξει που ταῦτα τὰ ἐγκλήματα. Rescri-
bendum est ταῦτα ταῦτα ἐγκλήματα; Neque enim intel-
lectus ille tuus, h. e. cuius tu causam agis, summum bo-
num est, sed in eum eadem illae reprehensiones cadunt
quae in voluptatem quam tu defendis.

Cap. XII. Cum Socrates tria τῶν ὄντων εἶδη enume-
rasset, 1. *materiam* (τὸ ἄπειρον) 2. *formam* (πέρας) 3. *rem*
ipsam materia et forma comprehensam (τὸ τρίτον ἐξ ἀμφοῖν
τούτων συμμισγόμενον) quartum εἶδος adiiciendum esse

ducebat, nempe *causam* quae ex materia et forma res ipsas conflasset (τῆς συμμίξεως τούτων πρὸς ἀλλήλα αἰτίαν). Hic iocose quaerit Protarchus, *numquid et quinto insuper indigebis discretionem* (διάκρισιν scil. συμμίξει oppositam) *efficiente?* Respondet Socrates, *Fortasse quidem, non tamen, ut opinor, hoc tempore.* Ἐὰν δέ τι δέῃ, συγγνώμη πού μοι σὺ μεταδιώκοντι πέμπτον. *Sollte es aber nöthig seyn, so wirst du mir verzeihen, wenn ich das fünfte noch nachhole.* Mirandum est, editores nondum expunxisse ineptum illud βίον quod post πέμπτον assuitur. Scilicet hoc debetur scioli cuiusdam interpretationi, qui cum supplere deberet εἶδος, prorsus absurde adscripserat βίον, quoniam antea de vita, in qua sapientia cum voluptate coniuncta esse, sermonem fuisse meminerat, quam Plato τὸν κοινὸν βίον, s. μικτὸν appellat.

Cap. XVI. οὐ γάρ που δοκοῦμέν γε, ὦ Πρόταρχε τὰ τέτταρα ἐκείνα, πέρας, καὶ ἄπειρον, καὶ κοινὸν, καὶ τὸ τῆς αἰτίας γένος ἐν ἅπασιν τέταρτον ἐνὸν τοῦτο, ἐν μὲν τοῖς παρ' ἡμῖν ψυχὴν τε παρέχον, καὶ σῶμα σκιὰν ἐμποιοῦν, καὶ πταίσαντος σώματος ἰατρικὴν καὶ ἐν ἄλλοις ἄλλα συντιθέν καὶ ἀκούμενον πᾶσαν καὶ παντοίαν σοφίαν ἐπικαλεῖσθαι. Socrates h. l. in eo est, ut demonstret haud consentaneum esse, cum id quod nobis mentem et corpus tribuerit, ratio ac sapientia sit, non eandem quoque sapientiam universitati rerum praeficere. Iam Stephanus intellexerat in verbis σῶμα σκιὰν latere vocem σωμασκιαν. Quid enim hic significet σῶμα σκιὰν ἐμποιοῦν? quod quidem Ficinus ita vertit, ut nihil sit obscurius. Vertit enim: *animam corpusque praebet dum imprimit umbram.* Fischerus vero, improbata Stephani coniectura σῶμα h. l. propterea dici existimat σκιὰν ἐμποιοῦν, quod sit compositum. Enimvero de composita corporis natura hic non agitur; ne dicamus ad *compositionem* significandam satis ineptam esse phrasin σκιὰν ἐμποιοῦν. Itaque nobis amplectenda quidem videtur

Stephani coniectura, sed hac lege, ut alio quodam modo textus depravationi succurramus. Nimirum ita constitutus est: ἐν μὲν τοῖς παρ' ἡμῶν ψυχὴν τε παρέχον ΚΑΙ ΣΩΜΑ, καὶ σωμασκήαν ἐμποιοῦν, καὶ πταίσουτος σώματος ἰατρικήν. Primum hic anima et corpus deinceps ponuntur: deinde cum corpus vel sanitate praeditum sit, vel morbo afficiatur, ad statum sanitatis pertinet σωμασκήα, quae pars est diaeteticæ, eaque opponitur τῇ ἰατρικῇ, quae sanandis corporis morbis occupatur.

Eod. cap. Νῦν δὴπου, ὧ ἐταῖρε, οὗ μὲν γένους ἐστὶ καὶ τίνα ποτὲ δύναμιν κέκτεται, σχεδὸν ἐπεικῶς ἡμῶν τανῦν δεδήλωται. Hic pro νῦν δὴπου, dubium esse non potest quin legendum sit ΝΟΤΣ δὴπου. Iam intellectus, o amice, cuius quidem generis sit, et quam vim habeat, satis nobis videtur declarasse. Id primum e sequentibus intelligitur καὶ μὴν ἡδονῆς γε ὡσαύτως πάλαι τὸ γένος ἐγάνη. Deinde si νῦν δὴπου fervatur, tota haec sermonis particula subiecti notatione caret, quod ex antecedentibus repetere, longinquum esset. Denique νῦν hic omnino redundat, cum in clausula periodi ponatur τὰ νῦν δεδήλωται.

Cap. XIX. Τὸ δὲ ἐν ἐνὶ πάθει τὴν ψυχὴν καὶ τὸ σῶμα κοινῇ γινόμενον κοινῇ καὶ κινεῖσθαι, ταύτην ἂν τὴν κίνησιν ὀνομάζων αἰσθήσιν οὐκ ἀπὸ τρόπου φθέγγοι ἄν. Stephanus ante τὴν ψυχὴν inferi iubebat particulam περὶ vel potius κατὰ quod etiam Fischero placet. At hac praepositione addita sensus prorsus perverteretur. Quaerit enim Socrates annon recte hoc dicatur αἰσθήσις cum anima et corpus communiter affecta communiter quoque moveantur. Tota igitur ῥήσις pendet ab articulo τὸ, nec praepositionis κατὰ ante ψυχὴν insertae quae vis aut structura sit, intelligitur.

Eod. cap. Ἵνα μὴ τὴν ψυχῆς ἡδονὴν χωρὶς σώματος ὀτιμάλιστα καὶ ἐναργέστατα λάβοιμεν) Legendum est ΙΝΑ ΙΙΙΙ τὴν ψυχὴν etc. Negandi enim particula Socratis

consilio prorsus contraria est. Etenim in eo occupatus erat, ut ostenderet quid in voluptatis sensu proprie ad animam pertineret; seiunctis scil. quae hunc sensum comitantur corporis affectionibus.

Cap. XXVI. ΣΩ. Πότερον οὖν χαίρειν οἷονται τότε, ὅταν μὴ λυπῶνται; ΠΡ. φασὶ γοῦν. ΣΩ. οὐκοῦν οἷονται τότε χαίρειν, οὐ γὰρ ἂν ἔλεγον πού. Manifestum est, pro peiori οἷονται rescribendum esse λέγουσι; huic respondet φασί, et ἔλεγον. Socrates quaerit: *nonne igitur tum se gaudere dicunt homines, cum tristitia non afficiuntur?* ΠΡ. *Aiunt scilicet.* ΣΟΚΡ. *Nonne igitur tum quoque putant se gaudere? nisi enim putarent, sane non dicerent.*

Cap. XXVIII. Τὸ δὴ λεγόμενον πικρῷ γλυκὺ μεμιγμένον μετὰ δυσπαλλακτίας παρὸν, ἀγανάκτησιν καὶ ὕστερον ξύστασιν ἀγρίαν ποιεῖ. Quamquam ferri et explicari potest ξύστασιν, haud scimus tamen an scripserit Plato σύντασιν, cum paullo post dicatur συντείνει τε καὶ ἐνίοτε πηδᾶν ποιεῖ.

Cap. XXXI. Ἀλλ', ὅπερ εἶπον, ΜΑΡΤΥΣΙ καταχρῶμαι, πρὸς τὸ τινὰς ἡδονὰς, εἶναι δοκούσας, οὕσας δ' οὐδαμῶς) Legendum est ΜΑΝΤΕΣΙ καταχρῶμαι. Nam illud ὅ περ εἶπον refertur ad cap. 27. ubi Socrates dixerat, ἀλλ' ὥσπερ μάντεσι, προσχρησθαί τισι, μαντευομένοις οὐ τέχνη etc.

Cum in disputatione, qua voluptasne an sapientia maius et praestantius bonum esset, quaerebatur, Philebus in Platonis dialogo, qui eius nomine inscribitur, causam voluptatis Protarcho defendendam tradidisset, quaesivit Socrates utrum voluptates, quamvis inter se diversae omnes tamen bonas esse dicendas putaret. Quod cum ille ad extenuandam voluptatis dignitatem, spectare intelligeret, ne-

gare coepit voluptatem a voluptate differre, quamquam concedebat a diversis rebus multumque inter se discrepantibus, immo etiam oppositis voluptates oriri posse. Mox vero victus argumentis in Socratis concedit sententiam, ita ut et *voluptatis*, quam Protarchus defendebat, et *scientiae*, quam Socrates amplexus erat, plures esse species, hasque inter se diversas inter utrumque conveniret.

Tum Socrates cogitatione ducitur ad universam de genere et specie, sive de uno et multis quaestionem, quam quidem obscuram ac difficilem, itemque ambiguam et controversam esse pronuntiat. ὅταν δέ τις, inquit, (cap. 5.) ἓνα ἄνθρωπον ἐπιχειρῇ τίθεσθαι καὶ βούν ἓνα, καὶ τὸ καλὸν ἓν, καὶ τὰγαθὸν ἓν, περὶ τούτων τῶν ἐνάδων καὶ τῶν τοιούτων ἢ πολλὴ σπουδὴ, μετὰ διαιρέσεως ἀμυγισβήτησις γίγνεται. Hoc loco librariorum incuria excidit particula καὶ, legendumque est sine dubio καὶ μετὰ διαιρέσεως etc. Significat enim Socrates de hac unitate generis ad pluralitatem specierum comparata magnam inter philosophos quaestionem et vero etiam disceptationem atque controversiam agitari. Nec particulam copulativam in codice suo Ficinus non reperisse videtur; vertit enim: Tunc sane in iis eiusmodique unitatibus anxium studium, AC ETIAM divisio ambigua fit.

Quaerenti autem Protarcho, quaenam illa disceptatio fit, respondet Socrates: πρῶτον μὲν, εἴ τις δέῃ τοιαύτας εἶναι μονάδας ὑπολαμβάνειν, ἀληθῶς οὐσας. Εἴτα πῶς αὖ ταύτας, μίαν ἐκάστην, οὐσαν ἀεὶ τὴν αὐτὴν, καὶ μήτε γένεσιν μήτε ὄλεθρον προσδεχομένην, ὅμως εἶναι βεβαιότητα μίαν ταύτην μετὰ δὲ τοῦτ', ἐν τοῖς γιγνομένοις αὖ καὶ ἀπείροις εἴτε διεσπασμένην καὶ πολλὰ γεγονυῖαν θετέον, εἴθ' ὅλην αὐτὴν αὐτῆς χωρὶς. Hunc locum Ficinus tam perplexa oratione reddidit, ut quid sibi Socrates velit ex eius quidem versione vix intelligi possit. Primo quidem, utrum admittendum sit eiusmodi quasdam unitates vere esse. Deinde,

quomodo quamlibet earum unam semper eandemque esse putandum nec generationem nec interitum suscipientem, suaque in unitate firmissimam. Postremo, numquid in rebus genitis et infinitis quaeque ponenda sit, sive dispersa, multaque ex una iam facta, sive tota ipsa ab se ipsa seorsim, quod maxime omnium impossibile videatur unum idemque simul in uno multisque fieri. Iam primum in eo erravit Ficinus, quod hic de triplici quaestione agi putavit; (tres enim ille numeralibus adverbiiis *primo*, *deinde*, *postremo* distinxit) cum Socrates non nisi de duabus loquatur. Altera enim quaestio erat, utrum *ἐναδες* illae h. e. genera rerum vere sint, h. e. utrum extra mentem tanquam exemplaria rerum ponenda sint, an potius mentis tantum notionibus (*νοήματα*) comprehendantur, qua de re multis verbis in Parmenide disputatur. Altera vero, utrum has generum unitates, quae singulae semper eadem sint, ac neque gigni neque interire possint, tamen etiam in multis h. e. in infinitis illis rebus, quas hodie *individua* appellare solent philosophi, inesse pronuntiandum sit, ita ut *vel* illud unum genus per multas infinitasque res singulares distrahatur, *vel* in multis totum sit, adeoque quasi saepius extra se ipsum ponatur. Ut cum de pulchritudine quaeratur, primum ambigi potest, utrum ea mente tantum concipiatur, an extra mentem quoque tanquam rerum, quae cernuntur pulchrarum, exemplar existat; deinde utrum una (illa pulchritudo *ἐνας τοῦ κάλλους*, *εἶδος τοῦ κάλλους*) in singulis tota sit, an vero per singula dispescatur ac distribuatur, ut singula pulchra nonnisi partem quandam unius illius pulchritudinis fuscipiant. Itaque inter *μίαν ταύτην* et *μετὰ δὲ τοῦτο*, non ut vulgo sit, puncto, sed commate tandum distinguenda est oratio. Ceterum horum verborum sententia illustratur maxime loco Parmenidis (Vol. X. edit. Bipont. pag. 80.) οὐκοῦν ἦτοι ὅλου τοῦ εἶδους ἢ μέρους ἕκαστον τὸ μεταλαμβάνον μεταλαμβάνει; et quae ibi sequuntur.

Paullo post cap. 6. φαμέν ποι ταῦτόν Ἐν καὶ ΠΟΛ-
ΛΑ ὑπὸ λόγων γιγνόμενα περιτρέχειν πάντη καθ' ἕκαστον
τῶν λεγομένων αἰεὶ καὶ πάλαι καὶ νῦν prorsus obscure red-
ditur in Ficini versione: *Unum ac multa rationibus idem
facta, omnem ubique orationem et quondam et nunc pervagari.* Lucidius hoc modo interpretari licebat. *Et istud
quidem humanae rationis negotium generis unitatem in par-
tes tribuendi, speciesque plures ad unum genus revocandi
quam latissime ad omnem disputationem et nunc quidem patet,
et olim patuit.*

Cap. XII. Postquam Socrates docuerat quatuor esse
εἶδη seu species primarias, quibus rerum natura contineatur,
τὸ ἄπειρον, infinitum s. rudem indigestamque materiam,
τὸ πέρας h. e. formam, quae illam finiat ac terminet, τὸ ἐξ
ἀμφοῖν τούτων συμμισγόμενον, res ipsas ex materia et forma
compositas, denique τὴν τῆς συμμίσξεως αἰτίαν, causam quae
rudem illam materiam certae formae adstrinxerit, adeoque
res quae sensibus nostris patent effecerit, primum eo aggre-
ditur ut primo generi τοῦ ἁπείρου multas subesse species
evincat. Hic primum a calore et frigore petit exemplum.
θερμότερον καὶ ψυχρότερον πέρι πρῶτον ὄρα πέρας εἶποτέ
τι νοήσαις ἂν, ἢ τὸ μᾶλλον τε καὶ ἥττον ἐν αὐτοῖς οὐκοῦν
τοῖς γένεσιν ἕως περ ἂν ἐνοικεῖτον, τέλος οὐκ ἂν ἐπιτρεψαί-
την γίγνεσθαι. γενομένης γὰρ τελευτῆς, καὶ αὐτὸ τέλευ-
τήκατον. Hic Ficinum aliosque Platonis interpretes latuit
vera comparativorum, quibus hic philosophus utitur
(θερμότερον, ψυχρότερον, μᾶλλον ἥττον etc.) potestas. Ita-
que nemo ex Ficini versione vel coniectando assequatur,
quid Plato significare voluerit. Ita enim ille: *Primum au-
tem circa calidius frigidiusque considera, utrum terminum
aliquem in eis invenias; an potius magis ac minus, dum iis
generibus insunt, finem reiiciant. Fine namque adhibito,
ipsa etiam finirentur.* Nimirum θερμότερον h. l. non signi-
ficat maiorem caloris gradum, sed calorem infinite crescen-

tem, ψυχρότερον haud est frigidius, quasi cum alio minus frigido comparatum, sed potius *infinitas frigoris*, τὸ μᾶλλον et τὸ ἥττον non sunt *plus minusve*, sed potius *id quod in infinitum augetur et minuitur*. Iam igitur Socrates hoc significat: in infinitate caloris et frigoris finem cogitari nullum posse, et quousque in rerum generibus perpetuitas inest augmenti vel imminutionis, fieri non posse, ut iis finis quidam s. terminus tribuatur. Quod perfecto ut verissimum, sic intellectu facillimum est. Ita cum arithmetici pronuntiant $\sqrt{3}$ esse numerum irrationalem, nihil aliud significant, quam radicem huius numeri, ex unitate et infinita serie fractionum constare, cui nullus unquam finitus numerus examuffim respondeat. Inde omnis, qui sequitur, locus facilem habet interpretationem. In quo notanda est pravitas interpunctionis circa verba ὁ γὰρ ἐλέχθη νῦν δὴ etc. Non enim comma, ut sit, post ἐλέχθη sed post νῦν δὴ ponendum est: Quod enim, inquit, paullo ante dictum est si infinita intensiois vel relaxationis perpetuitate, haud tolleretur certus quantitatis gradus (τὸ πόσον) aut si illa definitam quantitatem in sedem suam reciperet, ipsa sede sua excedere cogeretur.

Eod. cap. Socrates docet, omnia quae perpetuo augeantur, minuantur, intenduntur, relaxentur, ad genus *infiniti* referenda esse; idque fieri convenienter iis quae supra dixerit, κατὰ τὸν ἔμπροσθεν λόγον, ὃν ἔφαμεν, ὅσα διέσπασται καὶ διέσχισται συναγαγόντας χρῆναι κατὰ δύναμιν μίαν ἐπισημαίνεισθαι τινα φύσιν, εἰ μέμνησαι. Secundum id quod supra diximus, quantum fieri possit colligendas esse dispersas ac dissipatas rerum species et unius cuiusdam naturae communi nota insigniendas, si meministi. H. l. nihil opus est corrigere φύσιν, ἢ μέμνησαι; quod Fischero placebat. Et si enim Ficinus quoque vertit, *Meministi*ne? tamen hic aptius et rotundius est εἰ μέμνησαι.

Cap. XIII. Socrates in eo versatur, ut ex infiniti finisque coniunctione rerum naturas ortas esse declaret. Sic ex horum iusta communione (ὁρθῇ κοινωνία) primum sanitatem corporum, deinde artem musicam, tum annorum tempestates, tum reliquam corporum praestantiam v. c. pulchritudinem ac robur, denique varias animorum virtutes exsistere. Iam addit ista: ὕβριν γάρ που καὶ ξύμπασαν πάντων πονηρίαν αὕτη κατιδοῦσα ἢ θεός, ὧ καλὲ Φίληβε, πέρας οὐδὲν οὔτε ἩΔΟΝΩΝ οὔτε πλησμονῶν ἐνὸν ἐν αὐτοῖς, νόμον καὶ τάξιν πέρας ἔχοντ' ἔθετο, καὶ σὺ μὲν ἀποκνῶν ἔφης αὐτήν, ἐγὼ δὲ τοῦναντίον ἀποσῶσαι λέγω. Hic primum inter verba ὕβριν γάρ etc. et ea quae antecedunt intercidisse quaedam librariorum culpa videntur. Nam verba αὕτη κατιδοῦσα ἢ θεός non possunt ad illam τοῦ ἀπείρου et πέρας κοινωνίαν referri, hanc enim deam appellare ridiculum fuisset. Praeterea satis e consequentibus intelligitur hanc *deam* h. l. nullam aliam esse, quam *voluptatem*, cuius partes Philebus defendendas susceperat. Hanc iam cap. 2. Philebus testem invocarat: μαρτύρομαι νῦν αὐτήν τὴν θεόν. Et cap. 3. Socrates dixerat: Πειρατέον ἀπ' αὐτῆς θεοῦ ἢν ὅδε Ἀφροδίτην μὲν λέγεσθαι φησὶ τὸ δ' ἀληθέστατον αὐτῆς ὄνομα ἡδονὴν εἶναι. Itaque post verba: καὶ ἐν ψυχαῖς αὐτῇ πάμπολλα ἕτερα καὶ πάγκαλα suspicamur aliquot periodos excidisse, quibus Socrates ea, quae dixerat, ad voluptatem scil. moderatam et legitimam, quam in Symposio Ἀφροδίτης οὐρανίας nomine insignire constat, transferebat. Iam vero sequebantur ista: ὕβριν γάρ που etc. Sed in hisce verbis pro οὔτε ἡδονῶν οὔτε πλησμονῶν legendum est: οὔτε κενώσεων, οὔτε πλησμονῶν. Nam nec ulla est oppositio inter ἡδονὴν et πλησμονήν, et saepius apud Platonem opponuntur κενώσεις et πλησμοναί. Ita v. c. in Symposio c. 12 dicuntur τὰ τοῦ σώματος ἐρώτικα πρὸς πλησμονήν καὶ κένωσιν. cf. etiam Phileb. cap. 20. Forfan autem quaerat quispiam, quorum pertineant ista verba καὶ σὺ μὲν ἀποκνῶν ἔφης αὐτήν,

ἐγὼ δὲ τούναντίον ἀποσῶσαι λέγω, cum in dialogo nostro nihil tale a Philebo dictum inveniatur. Sed Socrates respicere potest ad ea, quae Philebus antea dixerat, quam scripta dialogi pars inciperet, h. e. antequam Partes suas Protarcho demandasset. Nam quae cap. 11. a Protarcho dicuntur, ἀλλὰ μὲν, ὦ Σώκρατες, ἐμοίγε δοκεῖ νῦν μὲν ἡδονὴ σοὶ πεπτωκέναι καθάπερ εἰ πληγεῖσα ὑπὸ τῶν νῦν λόγων haud satis commode ad sententiam huc trahi posse videatur; neque vero a Philebo, sed a Protarcho dicuntur. Perperam vero istam ῥῆσιν: καὶ σὺ μὲν ἀποκνῶν — ἀποσῶσαι λέγω his verbis expressit Ficinus: *eamque tu sic infici ac perdi, ego contra servari dico*. Vertere debebat: *Et tu quidem me deae tuae, voluptati, detrahere dicebas; ego contra me eam servasse dico*.

Eodem cap. paucis interiectis, quibus Socrates repetit tria ista de quibus hactenus dixerat, τὸ ἄπειρον scilicet, τὸ πέρασ, et τὸ ἐξ ἀμφοῖν μεμιγμένον, aut potius Protarchum interrogat, an illa meminerit, hoc igitur negante se tertium genus recte meminisse, Socrates ita respondet: Τὸ γὰρ πληθὺς σε, ὃ θαυμάσιε, ἐξέπληξε τῆς τοῦ τρίτου γενέσεως. Hic fortasse τῆς γενέσεως e glossemate in textum irrepsit. Nempe *tertium illud* quod ex ἀπείρου καὶ πέρατος coniunctione, oritur, idem est, quod Plato nonnunquam γένεσιν dicit.

In sequentibus καὶ μὲν τόγε πέρασ οὔτε πολλὰ εἶχεν, οὔτ' ἐδυσκολαίνομεν, ὡς οὐκ ἦν ἐν φύσει, difficile dictu est, quomodo Socrates affirmare potuerit τὸ πέρασ οὔτε πολλὰ εἶχεν. Atqui supra cap. 12. extremo plures enumerabantur species, quae sub notione τοῦ πέρατος continentur. Itaque coniicimus ante πολλὰ particulam ὡς excidisse. Qua quidem restituta nihil superest incommodi. καὶ μὲν τόγε πέρασ οὔτε ὡς πολλὰ εἶχεν, οὔτ' ἐδυσκολαίνομεν ὡς οὐκ ἦν ἐν φύσει. *Atqui nos de fine neque quod multas sibi subiectas haberet species, concedere gravabamur, neque quod unum*

esset natura. Et haec prorsus consentanea sunt antecedentibus: καίτοι πολλά γε καὶ τὸ ἄπειρον παρέσχετο γένη· ὅμως δ' ἐπισφραγισθέντα τῷ τοῦ μᾶλλον καὶ ἐναντίου γένει, ἐν ἐφάνη.

Cap. XIV. extremo, cum Socrates rediisset ad duplex illud vitae genus, alterum voluptatis, alterum rationis et scientiae plenum, τὸν τῆς ἡδονῆς, καὶ τὸν τῆς φρονήσεως βίον, dixissetque neutram harum optimam, sed potius utrique praefarendam esse eam, in qua et voluptas et ratio insit, τὸν μικτὸν βίον ἡδονῆς τε καὶ φρονήσεως, quaesivissetque annon facile sit intelligere, quodnam ad genus referenda sit mixta haec e voluptate et ratione vita, idque a Protarcho concessum esset, tum igitur hoc modo pergit Socrates: καὶ μέρος γ' αὐτὸν γήσομεν εἶναι τοῦ τρίτου, οἶμαι, γένους. Οὐ γὰρ ὁ δυοῖν τινοῖν ἐστὶ μικτὸς ἐκεῖνος, ἀλλ' ὁ συμπαντων ἀπείρων ὑπὸ τοῦ πέρατος δεδεμένων. ὥστε ὀρθῶς ὁ νικηφόρος οὗτος βίος, μέρος ἐκείνου γίγνεται ἄν. In his vero verbis latent quaedam librariorum corruptelae, quae verum dictorum sensum prorsus pervertunt. Nempe legendum est: οὐ γὰρ δυοῖν τινοῖν ἐστὶ μικτὸν ἐκεῖνο, ἀλλὰ συμπαντων ἀπείρων ὑπὸ τοῦ πέρατος δεδεμένων. Socrates enim rationem reddit cur ὁ μικτὸς βίος qui scilicet erat e voluptate et sapientia mixtus ad tertium genus, referendus sit. Scilicet quia τὸ τρίτον γένος universe ex omnibus ἀπείροις quae τὸ πέρας inter se coniuncta et quasi colligata sunt, constat necesse est ut sub universo hoc genere illa quoque species τοῦ μικτοῦ βίου contineatur. Vulgaris lectio non modo totam Platonis conclusionem ineptam et praeposteram facit, verum etiam philosophum aperte sibi repugnantem inducit. Nam ille νικηφόρος βίος non nisi ex duabus partibus, τῇ ἡδονῇ scilicet, ac τῇ φρονήσει erat compositus; qui igitur fieri possit, ut h. l. Plato dicat: οὐ γὰρ ὁ δυοῖν τινοῖν ἐστὶ μικτὸς ἐκεῖνος —

Cap. XV. quaerit a Philebo Socrates quodnam ad genus referenda sit vita voluptatis plena (βίος ἡδὺς καὶ ἄμικτος ὢν). Facile consentit Philebus eam non posse ad τὸ πέρας referri, sed potius in genere τοῦ ἀπείρου censendam esse. Socrates igitur assumens ista "Ὡστ' ἄλλο τι, inquit, νῶϊν σκεπτέον, ἢ τὴν τοῦ ἀπείρου φύσιν, ὥς παρέχεται τι μέρος ταῖς ἡδοναῖς ἀγαθοῦ. τούτων δὴ σοι τῶν ἀπεράντων γεγονὸς ἔστω. Enimvero cur Socrates, qui in eo ipso erat, ut demonstraret vitam voluptatis ex genere τοῦ ἀπείρου esse, cur igitur idem inferret, aliam quam infiniti naturam quaerendam esse, e qua pars quaedam boni in voluptates derivari possit. Itaque nihil clarius est, quam inserta negandi particula sic legendum esse: ὥστ' Ὅτι ἄλλο τι νῶϊν σκεπτέον etc. Pro ὥς παρέχεται legendum ὅ παρέχεται, quod etiam Ficinus legisse videtur, qui vertit; *quod voluptatibus partem aliquam boni praebeat*. Denique pro τούτων δὴ σοι τῶν ἀπεράντων γεγονὸς ἔστω, quae verba sane non habent unde pendeant, ita fere legendum est: Καὶ τούτων δὴ σοι τῶν ἀπεράντων γένους ὁ σὸς βίος ἔστω. Hoc enim et sententia postulat, et a Ficino lectum esse videtur, qui sic interpretatur: *Enimvero ex illis in determinatis vita illa tua sit.*

In disputatione de voluptatibus ac doloribus mixtis Plato Phileb. c. 28. Socratem inducit ita pronuntiantem, dupliciter voluptatem ac dolorem in animo misceri posse, nimirum vel ita ut singulorum, h. e. voluptatis ac doloris partes inter se aequales sint, vel ut alterum horum ab altero, magnitudine superetur, atque adeo in quodam sensu plus infit voluptatis quam doloris, aut contra plus doloris quam voluptatis. Horum igitur exemplum aliquod allaturus ita pergit philosophus: λέγε δὴ, τὰς μὲν, ὅταν πλείους λυπαὶ τῶν ἡδονῶν γίνωνται, τὰς τῆς ψώρας λεγόμενας, νῦν δὲ ταύτας εἶναι καὶ τὰς τῶν γαργαλισμῶν. ὁπόταν ἔντος τὸ ζέον ἢ, καὶ τὸ φλεγμαῖνον, τῇ τρίψει δὲ καὶ τῇ κινήσει μὴ ἐφίκνυται τις, τὸ δ' ἐπιπολῆς μόνον

διαχέη· τότε φέροντες εἰς πῦρ ἈΤΤΑ, καὶ εἰς τὸναντίον ἀπορίαις μεταβάλλοντες ἐνίοτε ἀμηνάτους ἡδονάς· τότε δὲ τὸναντίον τοῖς ἐντος πρὸς τὰς τῶν ἔξω λυπὰς ἩΔΟΝΑΙΣ συγκερασθείσας, εἰς ὅποτερ' ἂν ῥέψῃ, παρέσχοντο, τῷ τὰ συγκεκριμένα βία διαχεῖν, ἢ τὰ διακεκριμένα συγγεῖν καὶ ὁμοῦ λυπὰς ἡδοναῖς παρατίθεναι. In hac sermonis parte post verba τότε φέροντες εἰς πῦρ pronomen ἈΤΤΑ non habet unde pendeat, aut quo referatur. Legendum igitur est paullo ante τὰ δ' ἐπιπολῆς, pro τὸ δ' ἐπιπολῆς. Agitur nimirum de pruritu scabiosorum, qui dum intus ardorem quendam et inflammationem sentiunt, partes in superficie corporis positas, h. e. cutem tantisper fricare et scabere solent, donec illa quoque inflammetur. Has igitur partes dicuntur εἰς πῦρ φέρειν, καὶ εἰς τὸναντίον μεταβάλλειν; cum enim antea in superficie corporis eundem qui eos intus affligebat, ardorem haud sensissent faciunt scilicet fricando, ut has quoque partes accendant, idque ἀπορίαις, h. e. inopia alius remedii, quamvis eos haud fugiat, quo vehementius fricuerint eo acriori cutem prurigine verminaturam. Postea in verbis ἡδοναῖς συγκερασθείσας corrigendum est ἩΔΟΝΑΣ; aliter nec sensus nec verborum series ac iunctura constat. Nempe ἐνίοτε et τότε δὲ inter se opponuntur; et verbum παρέσχοντο pariter ad ἀμηνάτους ἡδονὰς atque ἡδονὰς συγκερασθείσας refertur. Nimirum ut scabiosi magnam capiunt ex titillatione voluptatem, ingrato scilicet eius, qui in internis partibus faevit, ardoris sensui oppositam; ita si quis in externis partibus dolor infideat, eum sic saepe mollire student homines, ut internis partibus (τοῖς ἐντος) voluptatem quandam adhibeant.

Cap. XXIX. docuerat Socrates in vitiis, ut in invidia, haud nihil interesse, utrum qui iis laborent, potentes an impotentes sint: καὶ ὅσοι μὲν αὐτῶν εἰσὶ μετ' ἀσθενείας τοιοῦτοι καὶ ἀδύνατοι καταγελώμενοι τιμωρεῖσθαι, γελοίους

τούτους φάσκων εἶναι, τᾷληθῇ φθέγγῃ· τοὺς δὲ δυνατοὺς τιμωρεῖσθαι φόβεροὺς καὶ ἸΣΧΥΡΟΥΣ καὶ ἐχθροὺς προσ-
αγορεύων, ὀρθώτατον τοῦτο σαυτῷ λόγον ἀποδώσεις.
Ἀγνοία γὰρ ἡ μὲν τῶν ἰσχυρῶν ἐχθρα τε καὶ αἰσχροῖ·
βλαβερά γάρ καὶ τοῖς πέλας αὕτη τε καὶ ὅσαι εἰκόνες ταύ-
της εἰσίν· ἡ δ' ἀσθενὴς ἡμῖν τὴν τῶν γελοίων εἵληξε φύσιν.
Hoc loco pro ἸΣΧΥΡΟΥΣ legendum esse ΑἰΣΧΡΟΥΣ
facile ex contextu verborum, ipsoque sententiae argu-
mento intelligitur. Impotentium nempe hominum vitia,
qui si forte rideantur, ulcisci derisores non possunt, ridi-
cula merito appellantur, at potentes homines qui ulcisci
dicacitatem possunt, (h. e. δυνατοὺς τιμωρεῖσθαι) terribiles
potius *turpes*, et inimicos, quam ridiculos esse censen-
dum. Quemadmodum igitur stultitia et ignorantia po-
tentum paullo post ἐχθρα, καὶ αἰσχροῖ, καὶ βλαβερά δι-
citur, sic eo quod antecedit commate eadem illa tria prae-
dicata coniungenda sunt cum subiecto τῶν δυνατῶν. Ita-
que, ut diximus, legendum est: τοὺς δὲ δυνατοὺς τιμω-
ρεῖσθαι φοβεροὺς καὶ ΑἰΣΧΡΟΥΣ καὶ ἐχθροὺς προσαγο-
ρεύων etc.

Cap. XXXI. Finita de mixtis voluptatibus disputatione Socrates ad puras velim permixtas procedit, earumque exempla primum e sensibus visu, auditu, olfactu petit. Τὸ δὲ περὶ τὰς ὁσμάς ἦττον μὲν θεῖον γένος ἡδονῶν, τὸ δὲ μὴ συμμεμῖχθαι ἐν αὐτοῖς ἀναγκαίως λυπὰς, καὶ ὅπη τοῦτο καὶ ἐν ὅτῳ τυγχάνει γεγονὸς ἡμῶν, τοῦτ' ΕΚΕΙΝΗΣ τίθημι ἀντίστροφον ἅπαν. Ἀλλ' εἰ κατανοεῖς, ταῦτα εἶδη δύο ΛΕΓΟΜΕΝΩΝ ἡδονῶν. Ferri potest et explicari ἐκείνης et λεγομένων. Attamen concinnius est ΕΚΕΙΝΑΙΣ ut referatur ad μιχθείσας ἡδονὰς, c. 31. et ΕΛΕΓΟΜΕΝ; quod quidem et Ficinus in codice suo legisse videtur qui vertit *collegimus*. Rectius vertendum erat: *Enimvero, si meministi, haec duo genera diximus s. enarravimus voluptatum.*

Eod. cap. *Τί δέ; μαθημάτων ΠΛΗΡΩΘΕΙΣΩΝ, εἰν ὕστερον ἀποβολαὶ διὰ τῆς λήθης γίνονται, καθορᾶς τινὰς ἐν αὐταῖς ἀληθύναι;* H. I. *plurimorum caret nomine vel subiecto, quocum copulari possit. Legendum sine dubio ΠΛΗΡΩΘΕΙΣΙΝ: Quid? iis qui animum scientia impleverunt, si deinde eius scientiae propter oblivionem deminutio acciderit, hanc deminutionem cum quodam doloris sensu fieri vides?*

Cap. XXXII. *Οὐκοῦν οτε μετριῶς ἤδη διακεκρίμεθα χωρὶς τὰς τε καθαρὰς ἡδονὰς, καὶ τὰς σχεδὸν ἀκαθάρτους ὀρθῶς ἂν λεχθείσας προσθῶμεν τῷ λόγῳ, ταῖς μὲν σφόδραις ἡδοναῖς ἀμετρίαν, ταῖς δὲ μὴ τοῦναντίον ἐμμετρίαν· καὶ τὸ μέγα καὶ τὸ σφόδρον αὖ καὶ πολλάκις καὶ ὀλίγακις γιγνόμενας τοιαύτας τῆς τοῦ ἀπείρου τέ γ' ἐκείνου καὶ ἥτιον καὶ μᾶλλον διὰ τε σώματος καὶ ψυχῆς γερομένου προσθῶμεν αὐταῖς εἶναι γένους τὰς δὲ μὴ, τῶν ἐμμετρίων.* Ficinus ita vertit: *Postquam igitur voluptates puras ab his quae recte propemodum sic dicuntur, impuris secevimus, addenda est iam vehementibus voluptatibus immoderatio, remissioribus moderatio. Easque etiam, quae intensius, remissius, magnum, parvum, raro, crebro suscipiunt, ad infiniti genus, quod per animam corpusque secundum magis minusve discurrit referre decet, quae vero ista non capiunt ad commensurati genus potius referendae.* Legisse igitur videtur: *καὶ τὰς τὸ σφόδρον αὖ καὶ ἡρέμα, καὶ τὸ μέγα καὶ μικρόν, καὶ τὸ πολλάκις καὶ ὀλίγακις δεχόμενας τοιαύτας τοῦ ἀπείρου etc.* Quod multo ad sensum plenius et aptius esse, nemo qui verborum perpetuitatem cognoverit, inficias ibit. Certe inter *τοιαύτας* et *τοῦ ἀπείρου* delendum est *ΤΗΣ*, id quod iam Stephanus monuit.

Eod. cap. paucis verbis interiectis: *Τί ποτε χρῆ φᾶναι πρὸς ἀληθείαν εἶναι τὸ καθαρὸν τε καὶ εἰλικρινές, ἢ τὸ σφόδρα τε καὶ τὸ πολὺ καὶ τὸ μέγα ΚΑΙ ΤΟ ἼΚΑΝΟΝ.* Hoc loco sensus molestie turbatus est a librario quo-

quodam, qui male ex antecedentibus repetierat *KAI TO* ante *IKANON*. Hoc deleto *ικανόν* referendum est ad *πρὸς ἀλήθειαν εἶναι*; atque sic interpretandum: *Utrum igitur dicamus ad veritatem, purumne illud ac sincerum, an potius id quod vehemens, et multum, et magnum est sufficere s. quam proxime accedere?*

Eod. cap. *Σμικρὸν ἄρα καθαρὸν λευκὸν, μεμιγμένον πολλοῦ λευκοῦ λευκότερον ἅμα καὶ κάλλιον καὶ ἀληθέστερον εἶναι φῶμεν γένεσθαι παντάπασιν ἐροῦμεν ὀρθῶς*. Ficinus vertit: *Si ergo quod parvum purumque album est, admixto multo albo, albius simul et pulchrius et verius esse dicamus, recte penitus asseremus?* quasi Plato dixerit, album colorem si multum albi coloris admisceretur, candidiorem, et pulchriorem futurum. Enimvero *μεμιγμένον* non est *admixtum*, sed *mixtum*, *impurum*; et *μεμιγμένον πολλοῦ λευκοῦ* non sunt, ut Ficinus accepit, genitivi consequentiae, sed potius reguntur a comparativo *λευκότερον*. Significat igitur Socrates exiguam quandam coloris albi particulam modo puri ac sinceri, candidiorem puriorem et veriore esse, quam multitudinem quidem sed permixtae albedinis.

Cap. XXXIV. *Τεκτονικὴν δέ γε, οἷμαι, πλειστοῖς μέτροις τε καὶ ὀργάνοις χρωμένην, ΤΑ πολλὴν ἀκρίβειαν αὐτῇ πορίζοντα τεχνικώτερα τῶν πολλῶν ἐπιστημῶν παρέχεται*. Pro *ΤΑ* rescribendum est *ΤΑΤΤΑ*. Nempe ipsa illa instrumenta ut amussis, regula, circinus, perpendicularum efficiunt, ut multa infit in architectura subtilitas eaque ad veram artis formam omnibus aliis disciplinis propius accedat.

Cap. XXXV. *Τί οὖν; ἃρ' οὐκ ἐν μὲν τοῖς ἔμπροσθεν ἐπ' ἄλλης ἄλλην τέχνην οὖσαν ἈΝΕΤΡΙΣΚΕΙ σαφεστέραν οὖσαν καὶ ἀσαφεστέραν ἄλλην ἄλλης*. Verborum sententia necessario requirit imperfectum *ΑΝΕΤΡΙΣΚΕ*. Sic igitur scribendum. Nec Ficinus aliter in codice quem

secutus est, legisse videtur; hoc modo interpretatus: *Quid autem? Nonne in superioribus aliam artem in alia esse repertum est, clarioremque aliam et obscuriorem aliam?*

Cap. XXXVIII. Ἄρ' οὖν οὗτος ἱκανῶς ἐπιστήμης ἔξει, κύκλου μὲν καὶ σφαίρας αὐτῆς τῆς θείας τὸν λόγον ἔχων, τὴν δὲ ἀνθρωπίνην ταύτην σφαῖραν καὶ τοὺς κύκλους τούτους ἄγνοῶν, καὶ χρώμενος ἐν οἰκοδομίᾳ καὶ τοῖς ἄλλοις ὁμοίως [κανόσι καὶ τοῖς κύκλοις]. In his valde veremur ne ultima verba uncinis inclusa a grammatico quodam adiecta sint. Nam primum de κανόσι antea dictum erat nihil; σφαίρας καὶ κύκλου tantum iniecta erat mentio. Deinde sensum pervertit illud additamentum. Quaerit enim Socrates, an quis vulgarium circulorum et sphaerarum ignarus, in architectura ceterisque eiusmodi negotiis recte versari possit, etiamsi nihil nisi sublimem illam et reconditam, quae a geometris exponitur, circuli et sphaerae doctrinam teneat.

Eod. cap. Πῶς γῆς; ἢ τοῦ ψεύδους κανόνος ἅμα καὶ τοῦ κύκλου τὴν οὐ βέβαιον οὐδὲ καθαρὰν τέχνην ἐμβλητέον ΚΟΙΝΗ καὶ συγκρατέον; Pro κοινῇ legendum esse videtur ΕΚΕΙΝΗ, scilicet illi, de qua antea dixerat κύκλου καὶ σφαίρας τῆς θείας τέχνης. Quaerit enim Socrates annon Philebus putet vulgares etiam geometriae practicae notiones, et instrumenta illa quibus utuntur agri-mensores, architecti etc., quamvis in his summa illa geometriae purae, quae θεία dicitur, subtilitas et ἀκρίβεια inesse non possit, tamen cum ea coniungenda eique annectenda esse.

Hactenus ea quae in Platonis Philebo ad veritatem contextus restituendam observavimus. Superfunt multa, in quibus verus philosophi sensus tenebris offunditur, quaeque novam interpretationis lucem desiderant. Verum id nunc non agimus.

Appendicis tamen loco, quoniam in Symposio Platonis initium fecimus harum lectionum, breviter de festiva illa Socratici sermonis parte, qua more suo Alcibiadem, suaviter ludit, disputabimus. Sympos. c. XXXIV. Sunt autem verba, quae sequuntur:

ὦ φίλε Ἀλκιβιάδῃ, κινδυνεύεις τῷ ὄντι οὐ φαῦλος εἶναι, εἴπερ ἀληθῆ τυγχάνει ὄντα, ἃ λέγεις περὶ ἐμοῦ καὶ τις ἔστ' ἐν ἐμοὶ δύναμις, δι' ἧς ἂν σὺ γένοιω ἀμείνων, ἀμήχανόν τι κάλλος ΟΡΩΙΗΣ ἂν ἐν ἐμοὶ καὶ τῆς παρὰ σοὶ εὐμορφίας πολὺ διαφέρων, εἰ δὴ καθορῶν αὐτὸ κοινώσασθαι τέ μοι ἐπιχειρεῖς, καὶ ἀλλάξασθαι κάλλος ἀντὶ κάλλους, οὐκ ὀλίγω μου πλεονεκτεῖν διανοῇ ἀλλ' ἀντὶ δόξης ἀλήθειαν καλῶν κτήσασθαι ἐπιχειρ εἷς, καὶ τῷ ὄντι χρυσέα χαλκείων διαμείβεσθαι νοεῖς. Facile locum attentius consideranti patet, sententiarum ordinem et consecutionem hic laborare. Hoc primum oritur ex optativo ὁρώης ἂν, qui si scriptus a Platone esset, hunc sensum lectoribus offerret; *Si qua est in me vis, per quam tu melior possis fieri et infinitam in me pulchritudinem conspicias* etc. Quomodo autem dici potest, per vim ac virtutem, quae Socratis animo insit Alcibiadem meliorem fieri, et miram in Socrate pulchritudinem conspiciere? Imo iam ante quam factus esset melior, illam animi Socratis pulchritudinem conspiciebat. Deinde inter illam ὁῆσιν: *Εἰ δὴ καθορῶν — ἀντὶ κάλλους*, et sequentem *οὐκ ὀλίγω μου* est hiatus quidam, quo inducti sunt nonnulli, ut in his verbis *οὐκ ὀλίγω μου* etc. apodofin verborum *εἰ δὴ καθορῶν* etc. quaererent, quod fieri per antecedentia non potest. Ex his igitur tricis commode nos expediemus, si primum pro ὁρώης ἂν, legamus indicativum ὁρᾷς; deinde ante ἀμήχανον, particulam καὶ inferamus, quae saepe apud Platonem librariorum culpa excidit, denique inter ὀλίγω et μου interiiciamus ΔΕ. Quo facto et firucturam sententiarum habebimus facilem et sensum verborum planissimum. Socrates enim, o Alcibiades,

inquit, haud male mihi sapere videris, siquidem vera sunt, quæ de me pronuntias, et si est in me virtus quaedam, per quam ipse melior effici possis, tuque infinitam quandam pulchritudinem in me animadvertis, et formositate tua multum superiorem, si igitur cum ista perspexeris, mecum communicare cupis, et pulchritudinem tuam cum mea commutare, atque adeo haud exiguum ex me lucrum capere postulas, sed potius pro mera specie veritatem bonorum acquirere cupis, ac revera aurum pro aere recipere cogitas.

XV.

Observationes in Theocrit. Idyll. XV.

In Theocriti Adoniazulis mulieres duae plebeiae altera Gorgo Dioclis, altera Praxinoë, Dinonis uxor, confabulantur, quarum mariti Syracusis Alexandriam negotiorum causa concesserant, ibique domicilium ceperant. Qui cum initio vicini essent inter se, ita ut saepius mulierculae convenire et colloqui possent, postea Dinon seu habitationis seu viciniae pertaesus, in extremum aliquem Alexandriae vicum a Dioclis domo, longe remotum migravit, ibique in posterum habitare decrevit. Cum igitur Alexandriae festum Adonidis celebraretur, Gorgo, propter Dinonis secessum crebro ad amicam com meatu interclusa, post longum tempus ad Praxinoën venit, ad Adonia secum spectanda eam abductura. Quaerit igitur a ianua:

Ἐνδοῖ Πραξινοῖα;

Estne intus Praxinoë? Respondet ei, si vulgarem scripturam sequimur Eunoë Praxinoës ancilla:

Γοργὼ φίλα, ὥς χρόνῳ; ἐνδοῖ.

Hem carissima Gorgo, quam sero, quam longum post tempus ad nos venis, intus est.

Verum iam Valckenaerius docte observaverat, Eunoën in hoc Idyllio mutam personam, *κωφὸν πρόσωπον*, esse videri, idque responsum ipsi potius dominae, quam ancillae tribuendum esse. Quem cur secuti non sint illi

qui postea Theocritum ediderunt, haud fane apparet. Et enim saepius fieri solebat, ut quaerenti ab ianua, an herus domi esset, non ianitor, sed ipse dominus responderet. Notum est illud Nasicæ, (Cic. de Orat. II. c. 68.) qui cum ad poetam Ennium venisset, eique ab ostio quaerenti Ennium ancilla dixisset, domi non esse, Nasicæ sensit illam domini iussu dixisse, et illum intus esse. Paucis post diebus, cum ad Nasicam venisset Ennius, et eum a ianua quaereret, exclamat Nasicæ, se domi non esse. Tum Ennius: *Quid? ego non cognosco vocem, inquit, tuam?* Hic Nasicæ: *Homo es impudens, ego cum te quaererem, ancillæ tuæ credidi, te domi non esse, tu mihi non credis ipsi?* Ut igitur ibi quaerenti Ennio Nasicæ ipse respondebat, sic h. l. Praxinoë Gorgus vocem agnoscens non expectat, donec ancilla ab ostio servans respondeat, sed continuo ipsa: *Carissima Gorgo, inquit, huiusquam longo post tempore tandem venis? Intus scilicet est Praxinoë.* Nam post ἐνδοῖ non εἰμὶ, sed ἐστὶ supplendum est. Tertia persona, quamquam de se ipsa loquens utitur Praxinoë, sicut Nasicæ exclamans se domi non esse, certe non ita respondit: *Non sum domi!* sed potius, *non est domi!* alias enim ioci venustas maximam certe partem periisset. Accedit quod nisi ista

Γοργοῦ γλῶσσαι, ὡς χεῖρον; ἐνδοῖ

Praxinoæ tribuamus, ea, quæ deinde sequuntur, quæ a Praxinoæ dici nullum dubium est, abruptius faciant principium, quam ut in prima advenientis amicae salutatione probari possit. Contra si mutato personæ nomine sic sermo processerit

ΠΡΑΞΙΝΟΗ. Γοργοῦ γλῶσσαι, ὡς χεῖρον; ἐνδοῖ,

Θαυμὸν ὅτι καὶ νῦν ἤλθες, etc.

magnam habet allocutio suavitatem. Quaerenti enim Gorgoi: *Estne Praxinoë intus?* respondet illa: *Hem carissima Gorgo, quam sera nobis advenis! Intus est quam quæ-*

ris; *Mirum sane te nunc etiam venisse; mirum te non diutius etiam a nobis desiderari voluisse.* Iamque Praxinoë orationem ad Eunoën convertit; fellam amicae afferri iubet, cum pulvinari,

ὄρα δίφρον, Εὐνόα, αὐτᾷ
"Εμβαλε καὶ ποτίκρανον.

Ancilla fedula fellam ministrat, pulvinar diligenter componit; quam his verbis alloquitur Gorgo:

"Εχει κάλλιστα.

Scilicet ut fatis eam egisse, nihilque amplius postulari significet. Nostri etiam homines famulorum s. famularum operas probaturi sic dicere solent: *Es ist schon gut so.* In antiquioribus quibusdam editionibus haec quoque verba Eunoae ancillae tribuebantur, quo nihil fieri poterat ineptius. — In iis quae sequuntur:

ΠΡΑΞΙΝΟΗ. Καθίξεν.
ΓΟΡΓΩ. ὦ τᾷς ἀδάματω ψυχᾷς, μόλις ὑμῖν ἐσώθην
Πραξινοά, πόλλω μὲν ὄχλῳ, πόλλων δὲ τεθρίππων·
Παντᾷ κρηπίδες, παντᾷ χλαμυδηφόροι ἄνδρες
"Α δ' ὁδὸς ἄτρυτος, σὺ δ' ἐκάστερω ἄμμιν ἀποικεῖς.

ubi Gorgo facete admodum viae molestiam, amicamque nimis remotum a suis aedibus domicilium cepisse queritur, cur Valckenario et Brunchio non parendum sit ἐκάστερω ἄμμιν rescribentibus pro vulg. ἐκαστότερω ἐμ', idonea quidem causa vix afferetur. Nam de industria poetam soloeisismum mulierculae tribuisse, non est verisimile.

Respondet Praxinoë:

Ταῦθ' ὁ πάραρος τῆμος ἐπ' ἔσχατα γᾶς ἔλαβεν ἐνθάδην,
"Ιλεον, οὐκ οἴκησιν·

Hic ἐπ' ἔσχατα γᾶς ἐνθαὼν omnes eo trahunt quod Syracusis Alexandriam, in Aegyptum maritus commigraverit. Multo

autem venustius est, ἐπ' ἔσχατα γὰρ ἐνθῶν de remotissima platea vel urbis vico, ubi nunc longe a Gorgûs aedibus cum muliere habitabat Dinon, intelligere. Sic enim et hodie in magnis urbibus, si quis ex media urbe secesserit, et haud procul a porta domicilium ceperit, per iocum dicere solent: *O der ist ans Ende der Welt gezogen*. Quod enim addit, domicilium quod ceperit maritus, ἔλεον οὐκ οἴκησιν, latibulum potius quam domum esse, id eum haud procul a pomoerio, ubi deterius fere in magnis praesertim urbibus habitare solent homines, domicilium cepisse confirmat. "Ὅπως μὴ γείτονες ὤμες, sic videtur capiendum, *ne amplius vicinae essemus*. Nimirum hoc velle videtur Praxinoë: *stultus ille maritus meus hic in extremo urbis angulo, quaesivit ubi habitaret; miserum ferarum latibulum potius quam domum dixeris; offendebatur scilicet homo vicinia nostra, tuam mihi consuetudinem, quotidiana tecum colloquia mihi invidebat; ideo longe ab aedibus, ubi tu cum marito habitas, huc secessit*. Non primum enim, ex quo Alexandriae vivebant, Gorgo Praxinoen invisebat; sed inde ab eo tempore, quo domicilium mutaverat, nunc primum ad eum venire Gorgonem poëta fingit. In sequentibus ποτ' ἔρην, φθονερὸν κακὸν, αἰὲν ἐμεῖο, alteram lectionem quod Valckenaerius fecit, praeserre editores debebant: αἰὲν ὁμοίος. q. d. Germanice: *Ja da ist nun der Querkopf (mein Mann) hier her ans Ende der Welt, in dies elende Loch, (denn ein Quartier kann ichs nicht nennen) gezogen; das that er blos um mich aus deiner Nachbarschaft wegzubringen, der widerwärtige neidische Kerl: er bleibt sich immer gleich*. His igitur a Praxinoë pronuntiatis, Gorgo amicam, ne filiolo praesente, marito maledicat, monet:

Μὴ λέγε τὸν τεὸν ἄνδρα, φίλα, Ἀλωνα τοιαῦτα
 Τῷ μικρῷ παρῆντος ὄρη, γύναι, ὡς ποθοῦν τὸ.

in quibus parum commode mariti nomen Ἀλωνα inculcat Gorgo. Num enim verendum erat, ne non, quid sibi

vellet, intelligeret Praxinoë, si tantum τὸν τεὸν ἄνδρα dixisset? Annon potius insipidum erat, hoc loco diserte patris nomen pronuntiare, ubi ipsa, ne puerulus probris a matre in patrem coniectis offenderetur, cavere vellet? Itaque aut ab ipso poëta hic peccatum esse, aut in Δίνωνα vitium librarii latere statuendum. Fortasse substantivum aut adiectivum aliquod h. l. scripserat Theocritus, quod *convitia*, aut *probra* notaret. Certe si Germanice auctor scripsisset: *Sage nicht, meine Liebe, solche Anzüglichkeiten gegen deinen Mann, da der Kleine hier dabei ist; sieh nur wie er dich ansieht, was er für grosse Augen macht; multo melius et venustius dicta essent, quam sic: Sage nicht meine Liebe gegen deinen Mann, den Dinon, dergleichen etc.* Sic et matris dictum statim ad parvulum filium conversum rectius procederet:

Θάρσει Ζωπυρίων, γλυκερὸν τέκος, οὐ λέγω ἀπῶν.

Et si vel maxime istam admonitionem in aurem Praxinoae, ne puer audire posset, insufurrasse Gorgonem dicamus, tamen nescio quo modo misere languet et friget mariti nomen, quo facile carere poteramus, h. l. intrusum. Cum deinde Gorgo haec infert:

Αἰσθάνεται τὸ βρέφος καὶ τὰν πότναν· καλὸς ἀπῶς.

recte Valckenaerius iuramentum per Cererem καὶ τὰν πότναν, quod alii cum sequentibus καλὸς ἀπῶς coniunxerunt, ad priora retraxit, coli signo post πότναν posito: Si Germanice locuta fuisset Gorgo, dixisset:

(zur Praxinoë) *So wahr ich lebe der Junge merkt's!—*

(zum kleinen Zopyrion) *Es ist ein guter Papa!*

Primum enim mirabunda iurat puerum iam ita sagacem esse, ut matrem sentiat in patrem invehī; deinde puerum consolatura, dicis causa addit: Καλὸς ἀπῶς.

Iam pergit Praxinoë.

Ἀπφῦς μὰν τῆνος πρῶαν (λέγομεν δὲ πρῶαν θῆν
Πάντα) νίτρον καὶ φῦκος ἀπὸ σκανῶς ἀγοράσδων
Ἡνθε φέρων ἄλας ἄμμιν, ἀνὴρ τριςκαιδεκάπηγος.

Quid sibi vellent ista παρενθέτως dicta: λέγομεν δὲ πρῶαν θῆν πάντα nemo interpretum ita explicavit, ut attento lectori satis faceret. Vere autem hanc vim habere videtur, ut Praxinoë, quae maritum absentem perstringere pergit, verita ne filiulus de patre se loqui sentiat, his verbis persuadere ei cupiat, se non de rebus paucis ante diebus actis, sed de iis quae olim accidissent fabulam narrare. Itaque ad Zopyrionem conversa haec interiicit: *Noli putare, mi fili, haec ad patrem pertinere, dudum de iis quae olim gesta sunt loquimur.* Veruntamen, si haec fallendi pueri causa dixerit Praxinoë, non vides, quomodo eadem satis inepte novam narrationem sic incipiat ἈΠΦΥΣ μὰν τῆνος . . .? Hoccine erat occulte aut tecte loqui? Paulo ante dixerat: οὐ λέγω ἀπφῦν! Nihilo secius tamen hic diserte patrem nominat. An verendum erat, ne Gorgo tam plumbeum haberet ingenium, ut nisi ἀπφῦς addidisset, illa, quo de homine ageretur, nesciret? Ridiculum. Nam eadem cum paulo ante marito non nominato diceret, ταῦθ' ὁ πάραρος τῆνος —, Gorgo statim maritum eius hoc praeconio celebrari intellexerat. Itaque hos quidem versiculos ita constituendos esse arbitramur:

Ἀλλὰ πρῶαν μὰν τῆνος ἔβα (λέγομεν τὰ πρῶαν θῆν
Πάντα) νίτρον καὶ φῦκος ἀπὸ σκανῶς ἀγοραξῶν
Κῆνθε φέρων ἄλας ἄμμιν, ἀνὴρ τριςκαιδεκάπηγος.

Vel si forte magis placeat, hunc in modum:

Πρῶαν μὰν τῆνος (λέγομεν δὲ τὰ πάντα πρῶαν θῆν)
Νίτρον ἔβα καὶ φῦκος ἀπὸ σκανῶς ἀγοραξῶν
Κῆνθε φέρων ἄλας ἄμμιν ἀνὴρ τριςκαιδεκάπηγος.

qua in emendatione ἔβα insertum Reiskio, ἀγοραξῶν pro ἀγοράσδων Valckenaerio, denique κῆνθε veteribus editio-

nibus debetur. Iam h. l. ita constituto fensus exit optimus, et loco pariter ac personae mulierculae loquentis aptissimus: *Olim quidem iste (dudum de iis tantum dicimus, quae olim gesta sunt, mi fili!) abiit nitrum et fucum, e taberna emturus, rediitque sales nobis apportans, homo tredecim cubitorum.* Quod sales apportaverit, ita capiendum, hominem simplicem et imperitum, qui quae ad malam rem muliebrem pertinerent, parum calleret, decipi se a venditore passum esse, et pro nitro et fuco, inscium et imprudentem sales ab eo acceptos domum abstulisse. Id non solum ex eo patet, quod ei mulier proceram corporis statutam exprobrat, ut cuius scil. in tanto corpore ne mica quidem falis esset; sed etiam e Gorgûs responso intelligitur, quae similem mariti sui lapsum narrat. Queritur enim eum septem drachmis quinque vellera emisse, caninis similia, *γραιᾶν ἀποτίλματα πηρᾶν*, quasi a vetustis ac detritis peris avulsa. (*die Felle waren so zerrissen und schübsicht, als ob sie von alten Tornistern abgezogen wären.*) Pellibus perae, ut nunc etiam fieri solet, inducebantur; quae si multo usu detritae fuissent, pilique hic ibi abscessissent, fatis idoneae erant, quibuscum pelles ovinae viliores, et parum villosae compararentur. Itaque frustra locum bene sanum tentarunt viri docti.

V. 21 sqq. Gorgo Praxinoën invitat, ut secum ad Ptolemaei regis aulam eat, Adonidis solennia spectatura. *Audio, inquit, magnifico apparatu reginam festum celebraturam.* Reponit Praxinoë:

ἐν ὀλβίῳ ὀλβία πάντα.

Ἵδὺν εἰδὲς ἤ ὣν εἶπας, ἰδοῖσα τὸ τῷ μὴ ἰδόντι.

Ultimum versum, omni paene sensu carentem, optime sic emendavit Brunckius, partim codicibus partim coniectura usus:

Ὅσο' ἂν ἴδοις εἶπαις κεν ἰδοῖσα τὸ τῷ μὴ ἰδόντι.

Certe melius quid vix alius quisquam repererit, quamquam hoc molestum est, quod cum Gorgo tantum se *audire* magnum fore apparatus dixisset, sic tamen respondet Praxinoë, quasi illa iam oculis aliquid viderit.

V. 38. ubi Gorgo vestem Praxinoës laudaverat, verius et concinnius est sic ordinare personas:

ΓΟΡΓΩ. Ἀλλὰ κατὰ γνώμαν ἀπέβα τοι;

ΠΡΑΞΙΝΟΗ.

Ναί.

ΓΟΡΓΩ.

Καλὸν εἶπες.

ut, quoniam Praxinoë quæstia erat, sibi nimis magno constituisse vestem, in eaque acu pingenda se vitam paene infumisse, quaerat Gorgo: *At num tibi ex animi sententia processit?* (*Nun aber ist es doch nach deinem Sinne ausgefallen?*) Praxinoëque id affirmante, Gorgo regerat: *Pulcre narras!* (*Nun das ist ja recht schön!*) Vulgata ratio non uno incommodo laborat, nec viri docti se commode fatis expedierunt.

XVI.

*Loci Luciani de historia conscribenda
c. 45. explicatio.*

In libello multorum quidem laudibus celebrato, nequaquam tamen ab historiae scriptoribus pro eo ac iustum erat, cognito ad usumque translato, quem Lucianus de historiae conscribendae via ac ratione conscripsit, illustris locus est Cap. XLV. quo in explicando nondum ita versati sunt interpretes, ut eum omnino expedirent. Lucianus in eo est, ut de elocutione historica praecipiat, doceatque quomodo sententias interdum paullo elatiores modestie subsequi et comitari debeat. Tum aliis, quae describere nihil opus est, praemissis, ista subiungit: καὶ ἡ μὲν γνώμη κοινωνεῖτω, καὶ προσαπτέσθω τι καὶ ποιητικῆς, παρ' ὅσον μεγαλήγορος, καὶ διηρμένη καὶ ἐκείνη, καὶ μάλιστα ὅποταν παρατάξει, καὶ μάχαις καὶ ναυμαχίαις συμπλέκηται. Δεῖσει γὰρ τότε ποιητικοῦ τινος ἀνέμου ἐπουριάσοντος τὰ ἀκάτια, καὶ συνδιοίσοντος ὑψηλὴν, καὶ ἐπ' ἄκρων τῶν κυμάτων τὴν ναῦν. Ἡ λέξις δὲ ὅμως ἐπὶ γῆς βεβηκέτω, τῷ μὲν κάλλει καὶ τῷ μεγέθει τῶν λεγομένων συνεπαιρομένη, καὶ ὥς ἐνὶ μάλιστα ὁμοιουμένη, μὴ ξενίζουσα δὲ μηδ' ὑπὲρ τὸν καιρὸν ἐνθουσιῶσα, κίνδυνος γὰρ αὐτῇ τότε μέγιστος παρακινῆσαι, καὶ κατενεχθῆναι ἐς τὸν τῆς ποιητικῆς κορύβαντα, ὥστε μάλιστα πειστέον τηνικαῦτα τῷ χαλινῷ καὶ σωφρονητέον, εἰδότας ὡς ἱπποτυφία τις, καὶ ἐν λόγοις πάθος οὐ μικρὸν γίγνεται. Ἀμεινον οὖν Ἐφ'.

ἸΠΠΟΥ ὀχουμένη τότε τῇ γνώμῃ τὴν ἐρμηνείαν περὶ συμ-
 παραθεῖν, ἐχομένην τοῦ ἐφιππίου, ὥς μὴ ἀπολείποιτο τῆς
 φορᾶς.

Hic igitur locus in editione Reitziana a Io. Matth. Gesnero sic est latinis verbis expressus: *Ac mens quidem historici participet aliquid, adsciscatque sibi, poetices, quatenus magnificis ipsa quoque verbis utitur atque elata est, et maxime cum aciebus et pugnis et navalibus proeliis implicatur. Opus enim tum erit poetico quodam spiritu, qui secundo flatu vela impleat, celsamque per summos fluctus navim perferat. Dictio tamen humi incedat, quae cum pulchritudine dicendorum et magnitudine attollatur, et quantum eius licet exaequetur, interim in peregrinitatem non exeat, neque ultra quam opportunum est, fanatico quodam spiritu efferatur. Tum enim maximum periculum est ne extra numeros moveatur, et in poeticum furorem incidat. Itaque tum inprimis exaudientae sunt habentiae et sobrietati studendum, cogitantes esse ut equorum, ita etiam orationis morbum non parvum nimiam ferociam. Optimum igitur tum fuerit uti mentem velut equo vectam, pedestri cursu comitetur elocutio, prehensio ephippio, ne ab impetu equi destituatur.*

Γνώμη rectius latine redditur *sententiae*; sicut enim σχήματα διανοίας καὶ λέξεως *figurae sententiarum et verborum* inter se opponuntur, ita h. l. γνώμη τῇ λέξει h. e. *sententiae scriptoris historici, eius dictioni vel elocutioni opponuntur.* Itaque quoniam primis illius loci, quem tractamus, versiculis agitur de *sententiis* historicorum, quae nonnunquam propius ad poetarum *sententias* accedant, *μεγαλήγορος* non debebat verti: *magnificis ipsa quoque verbis utitur*, sed potius ad ipsam rerum quae narrantur magnitudinem, imaginumque ac narrationis vim et splendorem pertinet. Ut autem hoc loco γνώμη et λέξις, sic paullo ante νοῦς et λέξις, eodem sensu opponebatur cap. 43. καὶ ὁ μὲν νοῦς σύστοιχος ἔστω καὶ πυκνός, ἡ λέξις δὲ σαφής, καὶ πολιτική,

οἷα ἐπιστημώτατα δηλοῦν τὸ ὑποκείμενον. Sed iam accedimus ad id, in quo summa huius loci difficultas vertitur. Cum enim Lucianus historicorum sententias poetico interdum spiritu elatas, cum navigio comparet, cuius vela vento secundo impleantur, elocutionem autem dicat ἐπὶ γῆς βαίνειν debere, primum est hoc loco quaerendum, quomodo istae imagines inter se coeant, atque a discrepantiae quadam specie vindicari possint. Deinde subdifficile est, quo pacto Lucianus elocutionem historicam, quam terrestri itinere sententiam, quasi navigio vectam, comitari sinxerat, rursus deserta priori translatione *habenae obedire* iubeat (πειστέον τῷ χαλίῳ). Denique quod maxime lectorem elegantiae praefertim Lucianae in oratione translata assuetum offendit, hoc est, quod ultimis verbis, historicorum γνώμη, quae supra navigio vehi dicebatur, nunc equo imponitur, (ἐφ' ἵππου ὀχούμενη τότε τῇ γνώμῃ) quo sit ut allegoria bene coepta, prorsus pervertatur, atque imaginum confusione ac perturbatione obscuretur. Accedit quod elocutio, quae antea videbatur equi ferocientis imagine designari, nunc satis ridicule cum homine comparetur, pedesiri cursu equum illum comitante, *prehenso* quidem *ephippio*, quo nihil ad inhibendum currentis equi impetum fingi possit ineptius.

Iam audiamus unum e novissimis Gallorum interpretibus, *Mossievium* scilicet, qui Lucianum sex tomis gallice versum edidit Parisiis, a. 1787. Eius igitur versio sic decurrit (Tom. VI. p. 68.).

Il est permis à l'Historien de s' élever jusqu'au ton de la Poésie, et d'emprunter la magnificence et l'appareil de ses expressions, lorsqu'il parle des armées, ou qu'il décrit des batailles de terre et de mer. Il a besoin alors d' un souffle poétique, qui enfle les voiles de son vaisseau et le fasse voguer heureusement au milieu des flots amoncelés. Son style cependant doit ordinairement marcher terre à terre, et ne

s' élever qu' avec la grandeur et la beauté du sujet, l'égalant autant qu'il est possible, sans jamais s'en écarter ni tomber dans un enthousiasme, qui l'emporte au delà des bornes, ce seroit s' exposer à perdre le vrai ton de la chose, et à donner dans la fureur poetique. C'est alors plus que jamais que l' Historien à besoin de frein et de précaution, et qu'il doit se souvenir que trop d'ardeur et de feu est un aussi grand défaut, dans un Ecrivain que dans un Coursier. Ainsi il doit se regarder, comme un Cavalier monte sur un cheval fougueux, et son style doit en quelque sorte marcher à pied à ses côtés, et tenir la bride, de peur qu'il ne soit renversé.

Hactenus *Massievii* versio. Quae quamquam nonnullis incommodis ei cum *Gesneri* versione communibus laborat, haud pauca tamen nova accesserunt, quae eam a vero *Luciani* sensu multo longius abstraxerunt. Verba ἡ λέξις δὲ ὁμῶς ἐπὶ γῆς βεβηκέντω vertuntur: son style cependant doit ORDINAIREMENT marcher terre à terre. Illud ordinairement cuius nulla sunt in graeco textu vestigia, totam verborum sententiam prorsus deformat. Non enim de eo loquitur *Lucianus*, quod plerumque fieri soleat in elocutione historica sed quid tum fieri debeat, ubi sententiae sint poetico quasi sqiritu elatiores. Prorsus autem hallucinatus est *Gallus* noster cum verba ἐχομένην τοῦ ἐπιπνίου reddit tenir la bride, ubi habenas cum sella, χαλινὸν cum ἐπιπνίῳ confundit. Neque vero ὥς μὴ ἀπολείποιτο τῆς φορᾶς ullo modo significare possunt, de peur qu'il ne soit renversé. Pressius quam vellemus *Massievii* vestigia secutus est *Wielandus* noster V. C. cui *Luciani* operum versionem elegantissimam acceptam cum plausu fert *Germania*. Sed eius quoque ipsa verba ponamus (P. IV. pag. 130).

Es giebt so gar Fälle wo er (der Geschichtschreiber) sich bis zum poetischen Schwung erheben und einer gewissen Pracht im Ausdrücke bedienen darf, besonders wo es um
Be-

Beschreibung von grossen Bataillen, Seeschlachten und dergleichen zu thun ist. Denn da hat er eines gewissen poetischen Windes vannöthen, der seine Segel schwelle, und sein Schiff glücklich über die Spitzen der Wogen wegtrage. Gewöhnlich aber muss seine Diction auf der Erde einhergehen, sich immer nur mit der Schönheit und Grösse der Gegenstände erheben, und in gleicher Höhe mit ihnen zu erhalten trachten, ohne weder scheu zu werden, noch in einen unzeitigen Enthusiasmus zu gerathen; Denn sonst ist er in grösster Gefahr aus der Mensur zu kommen, und von einer poetischen Korybantenwuth über Stock und Stein fortgerissen zu werden. Hier ist es wo der Geschichtschreiber mehr als jemals dem Zaum gehorchen, sich der Mässigung befleissen, und ja nicht vergessen muss, dass zu viel Feuer und braufender Muth an einem Schriftsteller keine kleinere Untugend ist, als an einem Rosse. Das beste ist in einem solchem Falle, wo seine Imagination wie auf einem allzumuthigen Pferde dahertrabt, dass der Styl gleichsam zu Fusse nebenher laufe, und den Zügel halte, damit der Reiter nicht unversehens aus dem Bügel geworfen werde.

Felicius autem veriusque Luciani mentem expressit, evitatis potissimum Massievii erroribus, doctissimus *Belin de Ballu* in versione, quae a. 1788. hoc indice prodiit: *Oeuvres de Lucien traduites de Grec, d'après une copie vérifiée et revue sur six Manuscrits de la Bibliothèque du Roi. Avec des notes historiques et littéraires et des Remarques critiques sur le texte de cet Auteur* sex Voll. 8. Nimirum ille hisce verbis Luciani mentem expressit (Tom. II. p. 408.)

Que la pensée de l'historien participe quelque fois de la poésie, et s'approprie ce que celle-ci a de magnifique et d'élevé, sur-tout lorsqu'il se trouve engagé à peindre des armées rangées en bataille à décrire des combats sur terre et

sur mer. Il faut alors qu'un petit vent poétique enfle les voiles de son navire et le tiennent élevé sur le sommet de flots, mais sa diction ne doit point quitter la terre, elle doit à la vérité, s'élever à la beauté et à la grandeur de son sujet, s'y assimiler autant qu'il lui est permis; mais que ce soit sans s'éloigner de son caractère, sans se livrer mal-à-propos à l'enthousiasme; elle courroit alors le plus grand danger de tomber dans une fureur poétique: pour l'éviter il faut alors obéir au frein que le goût impose: ou il vaudra mieux que la pensée soit, (pour ainsi dire) montée sur un cheval, et que l'expression marche à côté d'elle à pied, se tenant à la selle, de peur que, dans la rapidité de la course, elle ne soit laissée bien loin en arrière."

Solus etiam Belin de Ballu inconcinnitatem metaphorarum in posiremis Luciani verbis odoratus est, id-eoque hanc suspitionis quamvis obscurae nec sane satis explicatae notationem textu subiecit: „*Plus cette métaphore est singulière plus je dois la traduire avec exactitude, ce n'est pas le traducteur, mais l'auteur qui est responsable des pensées qu'il emploie: le premier ne l'est que de l'expression; d'ailleurs ceci fait je crois, allusion à ce vers de Pindare: παρὰ Λύδιον ἄρμα πρὸς ἰχθύων, cité par Plutarque au commencement de la vie de Nicias.*"

Verum enimvero hic Pindari versiculus nihil facit ad illam, qua locus hic Lucianus premitur difficultatem sublevandam. Attentius enim nobis Luciani mentem ac manum intuentibus apparuit, imaginem quam h. l. adhibuit ductam esse ab illo genere navigiorum, quae non solum velis sed etiam remulco trahebantur, (ῥυμούλκειν appellat Polybius) ita ut funis a malo suspensus ab equo in littore currente, cui rector quoque infideret, duceretur. Notum est hoc genus navigiorum etiamnum in fluminibus v. c. Rheno et Danubio usurpari, quae vel a folis hominibus vel ab equis trahantur, iisque

multis locis singularem haud procul a littore semitam destinatam esse, quam *den Leinpfad* appellare solent. Itaque Lucianus τὴν γνώμην h. e. *sententiam* historici comparat cum navigio, cuius vela interdum poetico quodam spiritu tanquam vento impleantur, ut concitatio- re, quam plerumque soleat, cursu feratur. Hunc tamen eius cursum et *adiuvare* et regere ac moderari debet *elocutio*, quam propterea Lucianus comparat cum equo navem il- lam in littore trahente. Itaque λέξιν dicit ἐπὶ γῆς ince- dere debere, ita quidem ut rerum ac sententiarum pul- chritudine ac magnitudine allevetur, (quemadmodum equi remulco naviculam trahentis cursus interdum celeriore lembi vento impulsu motu concitatur) ut ei quam maxime adaequetur, ὡς μάλιστα ὁμοιουμένη (sicut equi in littore currentis via aequaliter fere distat a navigii cursu), ut caveat ne extra tramitem vagetur, μὴ ξενιζοῦσα, neve ultra modum efferatur, (prorsus ut equus ille navem trahens aberrare non debet ab illa semita, nec iusto fero- cius efferri, aut concitatio- re quam opus est, cursu per- gere, quam ob causam a fessore habenis regitur). Itaque significat Lucianus historiae, quamvis in uberiore et quasi poetico narrationis filo, non licere poeticis etiam verbis aut rhythmis uti, ita ut *peregrinum* affectet genus dicendi, aut quasi dithyrambicam vim et audaciam imitetur. Quod si faciat, periculum esse ne de via aberret (*παρακινῆσαι*) et in ipsum poeseos furorem incidat, ab historiae veritate et modestia alienissimum; quemadmodum equus aut iusto ferocior, aut adeo consternatus et attonitus non solum de via deflectere et per invia quoque currere, (hoc est ξενίζειν) sed etiam interdum in ipsum fluvium praecipitem se dare solet. Quare tum maxime, sicut equus loris regitur, ita historici dictio artis habenis temperanda est. Ut enim in equis ἵπποτυγία h. e. furor ille, nostris hominibus *der wilde Koller*, sive *der Sonnenschuss* dictus, morbus gravissi- mus et periculosissimus est, ita quoque in historico dicendi

genere non parvum est malum, si quis contemptis ac spre-
tis mediocritatis ac sobrietatis, quae narrationem decet,
legibus, addat se in poetica spatia, atque immenso ore,
velut bacchico quodam furore correptus ruat. Hactenus
igitur omnia bene sibi constiant. Ecce autem repente illa
historicorum γνώμη hactenus cum navigio comparata, equo
imponitur (ἐφ' ἵππου ὀχουμένη τότε τῇ γνώμῃ). Quo si
perpetuitatem metaphorae spectes, ineptius nihil cogitari
potest; si claritatem, nihil quod magis luminibus officiat.
Sed illud τότε satis aperte nos monet, lectionem Luciani
a librarii manu depravatam esse. Quid multa? Pro ἐφ'
ἵππου legendum censemus Ἐφ' ἸΣΤΙΟΥ, et pro ἐχομέ-
νην τοῦ ἐπιπίου, corrigimus ἐχομένην τοῦ ΕΦΟΛ-
ΚΙΟΥ, qua quidem duplici medela Luciani verbis et con-
cinnitas allegoriae et perspicuitas misere turbata plane re-
stituitur. Iam igitur sensus est: Optimum igitur est, ut
cum sententia scriptoris historici tamquam velo secundis
ventis inflato vehatur, dictio terrestri cursu eam comitetur,
annexa scilicet navigio, ne umquam ab eius cursu et motu
desituatur et recedat. "Ἐχεσθαι saepius notat, cum aliquo
nexum et copulatum esse, ei *adhaerere*; itaque ἔχεσθαι ἐκολ-
κίου bene dicitur equus, remulco naviculam trahens, prae-
fertim si se ita ad cursum navigii accommodet, ut magis
ducat naviculam intento fune, quam ut ipse a nave traha-
tur. Ultimis scilicet verbis ὥς μὴ ἀπολείποιτο τῆς φόρας
praecipit Lucianus, ut scriptor caveat, ne scribendi genus
multo tenuius et gracilius sit, quam sententiae gravitas et
magnitudo postulet, in quo saepius peccare videmus histo-
ricos, rerum quidem peritos, sed parum eloquentia valeat,
ita ut non possint facta dictis exaequare.

Iam ut, quantum lucis opera nostra Luciani loco
acceserit, plenius intelligatur, versionem addemus Ger-
manicam, quam si cum superiorum interpretum versionibus
comparaverint lectores, ipsi, quae Luciano magis con-
veniat, iudicabunt.

In Absicht der Gedanken muß freilich die Phantasie des Geschichtschreibers bisweilen in gewisser Masse die Nachbarin und Verwandte der Dichtkunst werden, insofern auch sie eines erhabnen Schwunges und lebhafter Bewegungen fähig ist, zumal wenn sie Schlachten, Gefechte, und Seetreffen darstellen soll. Denn alsdenn muß ein poetischer Geist gleich einem günstigen Winde in ihre Segel blasen, und ihr Fahrzeug hoch über die Wellen hinübertragen. Der Ausdruck aber muß gleichwohl zu Lande nebenhergehen, und ob er zwar von der Schönheit und Gröfse der Gedanken mit emporgehoben werden, und ihnen so viel möglich sich gleichhalten muß, so darf er doch nicht von dem ihm eigenthümlichen Pfade abschweifen, oder in eine unzeitige Begeisterung verfallen. Denn in diesem Falle läuft er die grösste Gefahr sich ganz zu verirren, oder sich in die Wogen poetischer Schwärmerey zu stürzen. Daher muß er hier vorzüglich dem Zügel gehorsam und sittsam bleiben; und muß bedenken, daß der Sonnenschuß auch in der Prosa eine gefährliche Krankheit ist. Viel besser ist es also, daß indeß, wie gesagt, die Phantasie des Geschichtschreibers mit aufgespanntem Segel dahinführt, der Vortrag am Ufer nebenherlaufe, jedoch stets mit dem Fahrzeuge straff genug verbunden, um auch nicht hinter seiner ihm voreilenden Bewegung zurücke zu bleiben.

Quod reliquum est, vulgaris lectio ἐφ' ἵππου ne tum quidem defendi potest, si quis Lucianum vel negligentia scribendi, vel quocunque errore ab inchoata translatione discessisse coniiciat. Etenim cum dicat ἐφ' ἵππου ὀχουμένην τότε τῇ γνώμῃ, satis prodit adiectum τότε, se ad illam, qua coeperat uti, imaginem respexisse. Nam quod latinus interpretes fecit, qui τότε cum αἰνον coniunxit vertitque: *Optimam* igitur *TUM* fuerit, id per ordinem et collocationem verborum nullo modo fieri potest. Ὀχιάουαι aequè de iis qui nave ac de his qui

equo vehuntur dici, neminem fugit. Πέζην συμπαραθεῖν prorsus idem est atque id quod ante dictum erat ἐπὶ γῆς βεβηκέναι. Non enim semper πέζην de pedestri sed multis locis de *terrestri itinere* ponitur. Iam ἐχομένην τοῦ ἐπιπνίου posset quidem significare *firmiter ephippio inhaerentem* (*fest sich an den Sattel haltend und anschliessend*) incommode tamen h. l. diceretur, propterea quod fieri vix potest, ut quis equum citatum pedestri cursu aequet. Quare multo concinnius est ἐφολλέου, quo quidem in illius locum substituto sic omnibus numeris absolvitur, allegoria ut nihil amplius sive ad constantiam ac perpetuitatem, sive ad claritatem et elegantiam desiderari posse videatur.

XVII.

*Specimen emendationum librorum incerti auctoris
Rhetoricorum ad Herennium ex comparatione
cum libris Ciceronis de Inventione
subnatarum.*

Quod Petrus Burmannus Secundus in praefatione ad incerti auctoris Rhetoricorum ad Herennium, et Ciceronis de inventione libros (Lugd. Batav. anno superioris seculi LXI editos) monuit, ex diligenti utriusque auctoris comparatione singulorumque capitum collatione, in quibus eadem traduntur praecepta, plurima ex scripturae varietate indagari posse a Criticis ad lectiones veras in alterutro scriptore stabiliendas vel falsas reiiciendas, id quum ab editoribus operum Ciceronianorum, qui postea secuti sunt, neglectum esse videamus, exemplis aliquot locorum confirmabimus, in quibus lectio librorum ad Herennium comparatis de Inventione libris rectius constitui potest.

Auct. ad Herenn. I. 6. ubi de altero genere exordii, quod *insinuationem* appellabant, loquitur: *Tria sunt tempora*, inquit, *quibus principio uti non possumus aut cum turpem causam habemus, hoc est cum ipsa res animum auditoris a nobis alienat; aut cum animus auditoris persuasus videtur esse ab iis, qui ante contra dixerunt: aut cum defessus est eos audiendo qui ante dixerunt.* Cicero Inv. I. 17. de eadem re loquens his utitur verbis: *Insinuatione igitur*

utendum est, cum admirabile genus causae est, hoc est, ut ante diximus, cum animus auditoris infestus est. Id autem tribus ex causis fit maxime; si aut inest in ipsa causa quaedam turpitudine, aut si ab iis, qui ante dixerunt, iam quiddam auditori persuasum videtur, aut eo tempore locus dicendi datur, cum iam illi, quos audire oportet, defessi sunt audiendo. Ex huius loci comparatione intelligitur concinnius apud A. ad Herenn. sic legendum esse: aut cum animus auditoris persuasus videtur esse ab iis qui contra dixerunt; ne his deinceps ponatur ANTE, quae praepositio in priore membro eo facilius abesse potest, quod qui contra dixerunt, eosdem etiam ante dixisse nemo dubitare potest.

Paulo post quae A. ad Herenn. sic enuntiavit: *Idem si negabimus nos de adversariis aut de aliqua re eorum dicturos, et tamen occulte dicemus interiectione verborum; ea latius Cic. de Inv. I. 17. sic eloquitur: et negare (oportet) te quidquam de adversariis esse dicturum, neque hoc neque illud. Ex quo colligitur in priore loco EORUM non esse delendum, quamvis id in multis codd. absit.*

Pergit A. ad Herenn. his quae sequuntur: *Si persuasus auditor fuerit, id est, si oratio adversariorum auditoribus fidem fecerit* (neque enim non facile scire poterimus, quoniam non sumus nescii, quibus rebus fides fieri soleat) *ergo si fidem factam putabimus, his non rebus insinuabimus ad causam.* Recte negavit Gronovius ferendam esse istam a singulari ad pluralem in eadem re transitionem: „si persuasus AUDITOR fuerit, i. e. si oratio adversariorum AUDITORIBUS fidem fecerit.“ Sed compara quaeso locum similem apud Cic. de Inventionem I. 17. *Sive oratio adversariorum fidem videbitur auditoribus fecisse quod ei, qui intelligit, quibus rebus fides fiat, facile erit cognitu etc.* Ex quo perspicitur in illo A. ad Herenn. loco expungenda esse verba: *Si persuasus fuerit auditor id est;* quae orta sunt e glossemate lectoris

vel enarratoris, qui significare vellet hoc partitionis membrum esse idem quod antea verbis *aut cum animus auditoris persuasus videtur esse fuerat enuntiatus*.

A. ad Herenn. I. 7. ubi quomodo duo genera exordiorum, insinuatio et principium inter se differant exponit, his verbis utitur: *Principium huiusmodi debet esse ut statim apertis rationibus, quibus praescripsimus aut benevolum, aut attentum, aut docilem faciamus auditorem. At insinuatio eiusmodi debet esse, ut occulte per dissimulationem eadem illa conficiamus. Iam in omnibus edd. assuuntur verba: ut ad eandem commoditatem in docendi opere pervenire possimus, quae cum suo apte indicio satis glossatoris manum produnt, tum simili loco in Inv. I. 15. prorsus voelas convincuntur: Principium est oratio perspicue et protinus perficiens auditorem benevolum aut docilem aut attentum. Insinuatio est oratio quadam dissimulatione et circuitione obscure subiens auditoris animum.*

Continuo pergit A. ad Herenn. *Verum hae tres utilitates tametsi in tota oratione sunt comparandae, h. e. ut auditores sese perpetuo nobis attentos, dociles, benevolos praebeant, tamen id per exordium causae maxime comparandum est. [Nunc ne quando vitioso exordio utamur, quae vitia vitanda sint docebo.] In exordienda causa servandum est ut lenis sit sermo, et usitata verborum consuetudo, ut non apparata oratio esse videatur. Vitiosum exordium est etc. Hic quis non videat verba uncis inclusa temere et inepte hic inferciri? Nam nondum de vitiis exordii, sed de virtutibus dicere aggreditur auctor. Itaque aut transponenda erunt haec verba, et inter esse videatur, ac vitiosum exordium collocanda, aut quod magis nobis placet, prorsus eiicienda. Quod ipsum confirmatur loco gemello de Inv. I. 18. Exordium sententiarum et gravitatis plurimum debet habere et omnia, quae pertinent ad dignitatem, in se continere, propterea quod id optime faciendum est,*

quod oratorem auditori maxime commendat; splendoris et festivitatis, et concinnitudinis minimum, propterea quod ex his suspicio quaedam apparationis et artificiosae diligentiae nascitur, quae maxime orationi fidem, oratori adimit auctoritatem. Vitia vero haec sunt certissima exordiorum quae summopere vitare oportebit etc.

Eodem capite auctor Rhetor. ad Herennium inter vitiosa exordia memorat illud quo leviter commutato adversarius poterit uti ex contrario. Verba leviter commutato perperam Ernesti aliena et insiticia putavit. Sane quidem absunt ab ed. Aldina. Sed recte abesse non posse intelligitur ex Cic. Inv. I. 8. ubi *Commutabile exordium* dicitur id, quod ab adversario potest leviter mutatum ex contraria parte dici. Neque vero, si haec verba h. l. omitterentur, exordium commutabile internosci posset ab eo quod commune dicitur.

In sequentibus autem verbis: *Hinc vitiosum est, quod nimis apparate verbis compositum aut nimis longum est, et quod non ex ipsa causa natum videtur* [quod separatum videtur, in quo etiam translatum includitur,] ut proprie cohaereat cum narratione; primum Michaeli Bruto concedimus verba uncis inclusa spuria esse, et ab aliena manu adiecta, praesertim cum a pluribus Mss. absint. Apud Cic. de Inv. I. 18. idem exordiorum vitium sic definitur: *Separatum quod non ex ipsa causa ductum est, nec, sicut aliquod membrum annexum orationi*; unde colligere possis Auctorem ad Herenn. scripsisse, et quod non ex ipsa causa natum videtur nec proprie cohaeret cum oratione; etsi narratione defendi potest sic, ut pars orationis proxime exordium sequens pro tota oratione posita esse videatur.

Auct. ad Herenn. I. 9. *Et ne bis aut saepius idem dicamus cavendum est, etiam ne quod semel supra diximus deinceps dicamus hoc modo:*

*Athenis Megaram vesperi advenit Simo,
Ubi advenit Megaram insidias fecit virgini,
Insidias postquam fecit, vim in loco attulit.*

Vocabulum *supra* abest a multis codd. et prorsus auctoris sententiam pervertit. Neque vero *semel* huic loco satis aptum esse videtur. Conferendus est locus Cic. de Inv. I. 20. ubi inter alia haec leguntur: Brevis narratio erit — *si semel unumquodque dicetur; et si non ab eo in quo proxime desitum erit deinceps incipiat.* Ex quibus intelligitur auctorem Rhet. ad Herennium illo loco sic scripsisse etiam ne quid, *simul diximus, deinceps dicamus*; ut **SIMUL** pro *simulatque*, positum sit. *Deinceps* autem h. l. non significat ut Gesnerus in Thes. L. L. interpretatur *iterum*, sed, quem significatum idem aliis locis firmavit, *proxime, nullo intervallo interiecto*; quem h. l. unice aptum esse et exemplum ab auctore allatum, et Ciceronis locus modo memoratus satis demonstrat.

Lib. I. c. 12. *Ex ambiguo controversia nascitur, quum res in unam sententiam scripta duas aut plures sententias significat.* Quaeso quomodo dici possit *res significare sententias*? In Aldina legitur: *quum scriptum duas aut plures sententias significat* plane omiſſis verbis *re in unam sententiam scripta*, quae tamen sine dubio genuina sunt. Itaque sic legendum est: *quum re in unam sententiam scripta, scriptum duas aut plures sententias significat.* Quam emendationem plane confirmant verba Ciceronis Inv. II. 40. *Ex ambiguo autem nascitur controversia, quum quid senserit scriptor obscurum est, quod scriptum duas pluresve res significat.*

L. II. c. 5. *Argumentum est per quod reus coarguitur certioribus argumentis et magis firma suspicione.* Recte negaverunt Gronovius et Ernesti ferendum esse vocabulum *argumentis*; quum ineptum sit definiti vocabulum in definitione ponere. E loco simili Cic. de Inv. I. c. 29.

Argumentatio videtur esse inventum ex aliquo genere rem aliquam aut probabiliter ostendens, aut necessarie demonstrans; Gronovius suspicabatur legendum esse inventis. Nobis tamen magis placet indiciis aut rationibus, ut h. l. rationes sic opponantur suspicionibus, quomodo apud Ciceronem ea quae necessarie demonstrantur iis, quae probabiliter ostenduntur.

Omnino in his libris Rhetoricorum ad Herennium haud paucae sunt vel interpolationes vel transpositiones nondum ab editoribus observatae.

Utriusque depravationis exemplum habetur lib. II. cap. 19. 20. „*Ergo absolutissima est argumentatio ea, quae ex quinque partibus constat, sed ea non semper necesse est uti. Tum enim complexione supersedendum est, si res brevis est, ut facile memoria comprehendatur; tum exornatio praetermittenda est, si parum locuples ad amplificandum et exornandum res videtur esse. Sin et brevis erit argumentatio, et res tenuis aut humilis, tum et exornatione et complexione supersedendum est.* [In omni argumentatione de duabus partibus postremis, haec quam exposui ratio est habenda.] *Ergo amplissima est argumentatio quinquepartita, brevissima est tripartita, mediocris sublata aut exornatione aut complexione, quadripartita. Quae in hoc loco uncis circumscriptimus futilissimum praebent assumentum, a nescio quo maleferiato glossatore profectum.*

Sequitur locus, et interpolatione et transpositione corruptus. Eum hic primum ponemus, ut in edd. legitur, deinde eum eiecto emblemate, et ordine restituto sanatum dabimus. „Duo genera sunt vitiosarum argumentationum, unum quod ab adversario reprehendi potest, idque pertinet ad causam: alterum quod tametsi nugatorium est, tamen non indiget reprehensionis. Quae sint quae reprehensione confutari conveniat; quae tacite contemni atque vitari sine reprehensione, nisi exempla subiecero intelligere dilucide non poteris. [Haec cognitio

vitiosarum argumentationum duplicem utilitatem asferet. Nam et vitare in argumentatione vitium admonebit, et ab aliis non vitatum commodè reprehendere docebit.] Quoniam igitur ostendimus perfectam et plenam argumentationem ex quinque partibus constare, in unaquaque parte argumentationis, quae vitia vitanda sint, consideremus; ut et ipsi ab his vitiis recedere, et adversariorum argumentationes hac praeceptione in omnibus partibus tentare et ab aliqua parte labefactare possimus.“

Hic delenda primum sunt verba uncis inclusa, quae nihil habent nisi ineptam sententiae: *Quoniam — possimus repetitionem*; et haec ipsa quae ultimo loco ponuntur primo loco ponenda sunt; hoc modo: *Quoniam igitur ostendimus perfectam — et ab aliqua parte labefactare possimus. Duo genera sunt — non indiget reprehensionis. Quae sint — intelligere dilucide non poteris. Expositio vitiosa est* etc. Sic et cum antecedentibus et consequentibus oratio auctoris aptius cohaeret.

XVIII.

*In Ciceronis de oratore libros animad-
versionum Particula I.*

Post nupera eruditorum hominum studia, in libros Cic. de oratore collata, in quibus Harlesii, Wetzellii et Fr. Car. Wolffii (qui versionem horum librorum elegantem et luculentam edidit) operam honoris causa nominamus, quamquam vix fieri posse videtur, ut novis curis ad lectionem rectius constituendam vel sensum accuratius definiendum locus sit, superesse tamen hic ibi quaedam vel nondum satis explanata, vel crisi diligentiore aut a librariorum corruptelis, aut ab emendatorum correctionibus vindicanda, exemplis aliquot demonstrabimus.

Initio statim libri I. *Nam qui locus quietis et tranquillitatis plenissimus fore videbatur, in eo maximae moles molestiarum, et turbulentissimae tempestates exstiterunt; Wolffius vocabulum moles librarii errori deberi putat, qui temere litteras sequentis vocabuli molestiarum bis exaraverit; eiusque sententiae auctorem laudat Cel. Vossium, scholae Eutinenfis Rectorem. At primum dubitamus, an recte dicantur molestiarum tempestates. Quin moles molestiarum apte dicantur nullum dubium est. Tempestates, de curis, periculis, omninoque de turbulenta rerum conditione; molestiae autem de gravi laborum et aerumnarum onere usurpantur. Denique moles molestiarum quieti, tempestates autem tranquillitati opponuntur. Itaque moles minime est eiiciendum.*

Cap. II. *Vis enim, ut mihi saepe dixisti, quoniam quae pueris aut adolescentulis nobis ex commentariolis nostris inchoata ac rudia exciderunt, vix hac aetate digna, et hoc usu, quem ex causis, quas diximus, tot tantisque consecuti sumus, aliquid iisdem de rebus politius a nobis perfectiusque proferri. Legendum videtur: vix hac sint aetate digna, ne suppresso verbo substantivo vis apodoseos obscuretur.*

Cap. III. — *in qua difficile est enumerare quot viri, quanta scientia, quantaque in suis studiis varietate et copia fuerint, qui non una aliqua in re separatim elaborarint, sed omnia, quaecunque possent vel scientiae peruestigatione, vel differenti ratione comprehenderint. Hic latinitas postulat, ut rescribamus: scientia et peruestigatione. Cum enim scientia non complexum aliquem rerum quae sciri possunt, sed ipsum sciendi actum, seu rerum notitiam, quatenus inest in homine docto significet, scientiae peruestigatio nihil aliud denotare posset, quam propriae scientiae explorationem, de qua hic non agitur. Tria potius sunt quae hic de philosophis pronuntiantur, eos omnia quaecunque possent vel scisse, vel peruestigasse, vel etiam doctrina et scriptis illustrasse. Hoc autem sic enuntiatur, eos omnia quaecunque possent, vel scientia et peruestigatione, vel differendi ratione comprehendisse. Similiter postea in verbis: Quis musicis, quis huic studio litterarum quod profitentur ii, qui grammatici vocantur, penitus se dedit, quin omnem istarum artium pene infinitam vim et materiam scientiae cogitatione comprehenderit, legendum est scientia et cogitatione. Neque vero, quod Frid. Car. Wolffio placuisse video, rescribendum est scientia et cognitione. Nam cogitatio melius respondet eidem notioni, quam antea peruestigationis vocabulo expresserat auctor.*

Cap. X. *Agerent enim tecum lege primum Pythagorei omnes atque Democritici ceterique in suo genere*

physici vindicarent. Carolus Langius ad Cic. Lael. c. XX. ex antiquo libro laudavit lectionem: *ceterique suo iure vindicarent.* Et Pearcius quoque edidit: *iure suo.* Ernesti autem *in suo genere* sic explicandum putabat: *in sua quique secta.* Sed *suo iure* melius respondet ceteris translationibus ex iure petitis, ut *interdicto contendere, lege agere.* Quare istam lectionem quam Heufingerus quoque probavit ad Cic. Off. I, 1. 4. veram et genuinam esse arbitramur.

Cap. XI. Cum olim sic legeretur: *Audiavi enim summos homines, cum quaestor ex Macedonia venissem Athenas, florente Academia, ut temporibus illis ferebatur, quod eam Carneades et Clitomachus, et Aeschines obtinebant. Erat etiam Metrodorus, qui cum illis una ipsum illum Carneadem diligentius audierat hominem omnium in dicendo, ut ferebant acerrimum et copiosissimum;* Ernestius Pearcium secutus utroque loco Carneadis nomen expunxit, et Charmadam substituit. Quod etsi rectissime factum est priore loco, nam Charmadam et Clitomachum et Aeschinem aequales fuisse, eademque aetate Academiam obtinuisse notum est; altero tamen loco Carneadis nomen servari debebat, quod nuper demum recte monuit in notis ad versionem suam Wolffius. Nam Charmadas et Clitomachus et Aeschines una cum Metrodoro Carneadem audiverant; non autem illorum praeceptor Charmadas erat, sed condiscipulus. Neque movere quemquam debet, quod cum antea nondum esset mentio Carneadis facta, tamen *ipsum illum Carneadem* scribitur. Pronomen enim *ille* pertinet ad celebritatem Carneadis; et *ipsum* adiicitur, ut significetur illos non tantum fama accepisse de Carneade, sed *ipsum* illum differentem audivisse. Quod autem Carneades appellatur in dicendo acerrimus et copiosissimus, horum alterum ad eius subtilitatem et acumen in disputando, alterum ad ubertatem orationis refertur. Sic de Finib. B. et M.

Lib.

Lib. III. c. 12. eidem Carneadi tribuitur egregia quaedam exercitatio in dialecticis summaque eloquentia.

Lib. II. cap. 2. Etenim ceterae fere artes seipsae per se tuentur singulae; bene dicere autem, quod est scienter et perite, et ornate dicere, non habet definitam aliquam regionem, cuius terminis septa teneatur. Hoc loco nos offendit adverbium *perite*, quod cum *scienter* compositum inanem tautologiam inducit a Ciceronis more abhorrentem. Itaque legendum censemus: quod est scienter, et **PARTITE**, et ornate dicere. Constat in describendis eloquentiae partibus veteres frequenter memorasse, inventionem, dispositionem, elocutionem. Iam inventionis est scienter, dispositionis partite, elocutionis ornate dicere. Idem lib. I. c. 15. hoc modo enunciat: *Prudenter, et compositae, et ornate dicere*; et lib. II. c. 19. *invenire quid dicas, inventa disponere, deinde ornare verbis*. Wolffio in mentem venit vocabulum *perite* cum *proprie* permutare; at hoc est ab huius loci mente et consilio alienissimum.

Cap. XIX. Dividunt enim totam rem in duas partes; in *causae controversiam* et in *quaestionis*. *Causam* appellant rem positam in disceptatione rerum atque controversia; *quaestionem* autem rem positam in infinita dubitatione. Ernestii opinabatur post vocabulum disceptatione expungendum esse *rerum*. Imo potius adiciendum aliquid est, ne definito latior sit definitio. Quaestionibus, quae infinitae sunt, h. e. in quibus de rebus universis, quae non sunt certis personis, locis, temporibus definitae opponuntur *causae*, quae res tractant certis personis, locis, temporibus adstrictas. Itaque legendum est: *in disceptatione certarum rerum atque controversia* ita quidem ut disceptatio ad genus deliberativum, controversia ad genus iudiciale referatur. Quod ita esse ex locis similibus, ubi de eadem re agitur, facile confirmatur. E. c. lib. II.

c. XV. Oratori plerique duo genera ad dicendum dederunt, unum de certa definitaque causa, quales sunt, quae in litibus, quae in deliberationibus versantur; alterum infinitam generis sine tempore et sine persona, quaestionem. Similiter lib. III. c. 28. Dicunt igitur — omnem civilem orationem in horum alterutro genere versari, aut definitae controversiae certis temporibus ac reis; hoc modo: Placeatne Carthaginensibus captivos nostros redditus suis recuperari? aut infinite de universo genere quaerentis: Quid omnino de captivo statuendum ac sentiendum sit. Comparandus etiam est locus Topic. cap. 21. Quaestionum duo sunt genera, alterum infinitum, alterum definitum. Definitum est, quod ὑπόθεσις Graeci nos causam, infinitum quod θέσις illi appellant nos propositum possumus nominare. Causa certis personis, locis, temporibus, actionibus, negotiis, cernitur etc. Quod h. l. Cicero per distributionem latius explicat, id illo loco, quem tractamus, brevius complexus est: rem positam in disceptatione certarum rerum et controversia.

Sed in nobilissimo quod lib. II. c. 9. exstat, historiae praeconio: *Historia vero testis temporum, lux veritatis, vita memoriae, magistra vitae, nuntia vetustatis, qua voce alia nisi oratoris, immortalitati commendatur?* in illo igitur, cum diu non magis, quam alii, de lectionis veritate dubitasset, nuper orta nobis est suspicio, in verbis: *vita memoriae* mendum latere. Primum enim illa compositio nobis displicere coepit: *vita memoriae, magistra vitae*; ubi vocabulum *vita* bis deinceps sic poni, ut primo loco *metaphorice*, deinde *proprie* intelligendum sit, inanem quendam verborum lusum habet, a Ciceronis ingenio et elegantia in hoc praesertim libro, valde alienum. Quod ut magis intelligatur, fingamus scriptorem aliquem, germanica lingua utentem complura quae sint *hiemi* attributa, sic enumerare, ut Cicero hic virtutes historiae pro-

prias recenset, interque alia frigentis per hiemem litterarum commercii mentionem facere. Num igitur idoneis elegantiae arbitris probaretur ita scribens: *Der Winter — das Eis des Briefwechsels, der Vater des Eises?* Nempe omnibus displiceat frigida et puerilis inepti acuminis affectatio. Nonne autem in idem vitium incidisset Cicero si sic scripsisset: *Historia — vita memoriae, magistra vitae.* Eodem scilicet modo satis insicete *vitae* vocabulum bis deinceps sic posuisset, ut sensum vocabuli metaphoricum statim sensus proprius exciperet. Accedit autem, quod illa locutio *vita memoriae* ne commodam quidem admittit explicationem. Nam si quis forte sit, qui *memoriam* h. l. non *μνήμην*, sed potius ipsos rerum eventus, qui memoriae mandantur, h. l. intelligi velit, ut Cicero ipse lib. I. c. 2. *veteris cuiusdam memoriae recordationem* pro *rei olim gestae recordatione* dixit, tamen ut hoc urgeamus, haud esse similem in utroque loco loquendi rationem, ista explicatione nihil proficeretur. Cum enim Cicero historiam *testem temporum* et *nuntiam vetustatis* appellasset, frigida sane tautologia usus esset, si vocabulis *vita memoriae*, nihil aliud quam conservationem rerum gestarum significare voluisset. Restat igitur, ut, si vera sit lectio: *vita memoriae*, eam de vi historiae ad facultatem memoriae alendam et firmandam intelligamus. At enim historiae conscribendae ars tantum abest, ut quasi anima quaedam et vita memoriae dici possit, ut potius de ea valeat, quod apud Platonem in Phaedro Thamus omnino de litterarum inventionem pronuntiavit, esse eam potius *ὑπομνήσεως* quam *μνήμης χάριμαχον*. Itaque Ciceronem scripsisse arbitramur: *Historia vero testis temporum, lux veritatis, VIA memoriae, magistra vitae, nuntia vetustatis.* Historia certe recte dici potest *via memoriae*, utpote sine qua memoria rerum gestarum incerta esset, et fluctuaret. Illa vero efficitur, ut res gestas suis quasque temporibus alligemus, quid ante, quid post evenerit in-

telligamus, omninoque eventorum feriem et concatenationem videamus. Et quemadmodum Quintilianus *Inst. orat. IV. 5. 3. maximum esse memoriae auxilium* affirmat *VIA dicendi non decedere*, sic historia dici potest *via memoriae*, quatenus ea perficitur, ut ne rerum gestarum multitudine obruamur, quas nisi scriptam haberemus historiam, nunquam possemus memoriae sic mandare, ut temporum et ordinis rerum gestarum confusionem effugeremus.

Lib. III. c. 25. *Ornatur igitur oratio genere primum, et quasi colore quodam et succo suo.* Male Wakefieldus ad *Lucret. I. 645.* pro *succo* reponendum censet *fuco*. *Succus* translatum est a corpore succulento, et ponitur in laude; *fucus* semper est adventicius, et fere cum vitii nota coniungitur, ut in ipsa huius capitis clausula.

XIX.

*In Ciceronis de oratore libros animad-
versionum Particula II.*

Lib. I. c. 33. Crassus, postquam, quid praecepta doctorum hominum, qui artes scripserant, ad bene dicendum valerent, suo ipsius exemplo, ostenderat, artificiumque concesserat habere quaedam, quasi ad commonendum oratorem, quo quidque referat, et quo intuens ab eo quodcunque sibi proposuerit minus aberret, haec addit verba, quae sequuntur: *Verum ego hanc vim intelligo esse in praeceptis omnibus non ut ea secuti oratores, eloquentiae laudem sint adepti, sed quae sua sponte homines eloquentes facerent, ea quosdam observasse atque id egisse, sic esse non eloquentiam ex artificio, sed artificio ex eloquentia natum.* — Acute vidit Ernesti, verba atque id egisse, h. l. aliena esse, et corrupta; quae sic emendanda esse putavit, ut legatur: *ad artemque redegisse*, coniectura fane ingeniosa valdeque probabili. Propius tamen a vestigiis scripturae abfuerit, si pro *atque id egisse* Cicero- nem scripserit statuamus: *atque digessisse*; quo ex verbo transpositione quadam litterarum *id egisse* librarius aliquis confecerit. Et saepius Cicero, cum de arte quadam ex iis rebus quarum ars nondum sit, efficienda loquitur, utitur vocabulo *digerere*; e. c. l. 41. de iure civili: *posteaquam est editum, expositis a Cn. Flavio primum actionibus nulli fuerunt, qui ista artificiose digesta generatim componerent.* et cap. 42. *Si enim aut mihi facere licuerit quod iam diu cogito, aut alius quispiam aut me impedito*

occupavit aut mortuo effecerit ut primum omne ius civile in genera digerat quae perpauca sunt; deinde — — perfectam artem iuris civilis habebitis etc.

Lib. I. c. 36. ubi Crassus turpem esse oratoribus iuris civilis ignorantiam demonstraturus *Potēs igitur, inquit, oratores putare eos, quos multas horas exspectavit, cum in campum properaret, et ridens et stomachans Scaevola, cum Hypsaeus, et quae sequuntur; ibi Ernestium offendit verbum exspectavit, eumque in hanc suspicionem duxit, ut pro eo toleravit, aut simile quid substituendum putaret. At nihil hic correctione opus esse videtur. Exspectare enim non solum de iis dicitur, qui aliquem venturum aut aliquid acturum opperiuntur; sed etiam de iis, qui alicui aliquid agenti aut dicenti operam dant, in eoque tempus consumunt. Illud nos dicimus *erwarten*, hoc autem *abwarten* seu *auswarten*. Significat igitur Crassus Scaevolam, quamvis in campum properasset, tamen ridiculos illos oratores, iuris civilis inscientia peccantes, et ridentem et stomachantem multas horas exspectasse, curiosum scilicet et cognoscendi cupidum, quo tandem illi stultitiae essent progressuri.*

Lib. I. c. 41. *Nihil est enim quod ad artem redigi possit, nisi ille prius qui illa tenet, quorum artem instituere vult, habeat illam scientiam, ut ex iis rebus, quarum ars nondum sit, artem efficere possit. Neminem arbitramur fore, qui aures habeat elegantiae Ciceronis in delectu verborum adsuetas, quin ei crebra repetitio pronominis ille molestia videatur, et scriptoris non dicamus diligentis, sed non nimis negligentis stilo indigna. Id autem incommodum facile tollitur, si hunc in modum corrigatur vitiosa certe, si quae alia unquam, scriptura: Nihil est enim quod ad artem redigi possit nisi prius, qui illa tenet, quorum artem instituere vult, habeat aliam scientiam, ut ex iis rebus etc. Haec alia scientia, est ea quae dicitur logica,*

quorum praeceptis utique eum imbutum esse oportet, qui res quasdam, quarum ars nondum sit, certa quadam ratione ac via tractare velit. Confirmatur autem ista emendatio, comparatione eorum, quae cap. 42. ut ista breviter et obscurius dicta, planiora fierent, adiecta sunt. *Omnia fere, quae sunt conclusa nunc artibus dispersa et dissipata quondam fuerunt; ut in musicis numeri et voces et modi; in geometria lineamenta, formae, intervalla, magnitudines; in astrologia coeli conversio, ortus, obitus, motusque siderum; in grammaticis poetarum pertractatio, historiarum cognitio, verborum interpretatio, pronuntiandi quidam sonus; in hac denique ipsa ratione dicendi, excogitare, disponere, ornare, meminisse, agere, ignota quondam omnibus, et diffusa late videbantur. Adhibita est igitur ars quaedam extrinsecus ex alio genere quodam, quod sibi totum philosophi assumunt, quae rem dissolutam divulsamque conglutinaret, et ratione quadam constringeret. Ut igitur logica hic dicitur ars ex alio genere adhibita, sic ibi recte legetur: habeat aliam scientiam, pro vulgato habeat illam.*

Lib. I. c. 51. Neque vero istis tragoediis tuis, quibus uti philosophi maxime solent, Crasse, perturbor, quod ista dixisti, neminem posse eorum mentes, qui audirent, aut inflammare dicendo, aut inflammatos reslinguere, — nisi qui rerum omnium naturam, mores hominum atque rationes penitus perspexerit, — — *nobis tamen qui in hoc populo foroque versamur, satis est ea de moribus hominum, et scire et dicere, quae non abhorrent ab hominum moribus.* Spurium videtur illud *de moribus hominum* et a glossatoris manu profectum. Nam et per se intelligitur, et fastidium movet auribus, cum statim sequatur: ab hominum moribus. Denique h. l. non tantum hoc praecipitur, ut orator ea dicat de moribus hominum, quae a vulgari consuetudine non abhorreant, sed etiam ut quae forte de natura rerum dicenda sint, ea sic dicat, ut non abhorreat ab hominum moribus et communi vitae consuetudine.

Lib. I. c. 61. quod Crassus dixerat unumquemque oratorum in suo genere quasi quendam esse Roscium debere, id Antonius veritus, ne maiorem vim ad deterrendum habuerit, quam ad cohortandum, negat quae prava sint tam fastidiose in oratoribus quam in histrionibus spectari. Itaque, inquit, nos raucos saepe attentissime audiri video, tenet enim res ipsa atque causa, at Aesopum si paullum irrauserit; explodi. A quibus enim nihil praeter voluptatem aurium quaeritur, in iis offenditur, simul atque imminuitur aliquid de voluptate. Hoc loco aurium intrusum videtur esse, et ab homine nasutulo, eodem tamen male sapiente adiectum. Quomodo enim Antonius dicere potuerit, ab histrionibus nullam aliam, quam aurium voluptatem quaeri? Nonne est etiam voluptas oculorum e gestibus? sensus interioris ex actionis veritate? Si vero deleatur aurium, locus erit communis et late patens: a quibus enim nihil praeter voluptatem quaeritur, in iis offenditur simul atque imminuitur aliquid de voluptate.

Lib. II. c. 21. Antonius Volo enim se efferat, inquit, in adolescente foecunditas; nam facilius sicut in vitibus revocantur ea, quae se nimium profuderunt, quam si nihil valet materies nova sarmenta cultura excitantur, ita volo esse in adolescente unde aliquid amputem. — Corrigendum est, ut et vis comparationis magis appareat, et translationis constantia servetur: nam sicut in vitibus facilius refecantur ea quae se nimium profuderunt — ita volo esse in adolescente unde aliquid amputem. Cum enim proprie dicitur in vitium cultura, refecare, tum hoc verbum aperte respondet ei quod ultimo loco adhibitum est amputare. Adverbium vero facilius, nisi postponatur, sequentia ita volo esse etc. soluta potius, quam vincla cum antecedentibus esse videantur.

Lib. II. c. 22. Nihil est facilius, quam amictum imitari alicuius aut statum, aut motum. Si vero etiam vitiose aliquid est, id sumere et in eo vitiosum esse, non magnum est,

ut ille, qui nunc etiam amissa voce furit in republica Furius, nervos in dicendo C. Fimbriae quos tamen habuit ille, non assequitur, oris pravitatem et verborum latitudinem imitatur. Iam Ernesti monuit, et facile admonitus quisque sentiet, in illa ῥῆσις: Si vero etiam vitiose aliquid est depravatum esse vocabulum vitiose, propterea quod statim sequitur, et in eo vitiosum esse. Sic autem emendandum est: Si vero etiam insigne aliquid est, id sumere et in eo vitiosum esse. Nam proxime dixerat Antonius: non ut multos imitatores saepe cognovi, qui aut ea, quae facilia sunt, aut etiam illa quae insignia ac paene vitiosa, consectantur imitando. Iam seorsim duo illa membra persequitur, et primum addit: Nihil est facilius etc. Deinde, si vero etiam insigne aliquid est, et quae sequuntur. Paullo post, illa verba quos tamen habuit ille, interpolatoris cuiusdam sunt, non Ciceronis. Nam plane hic sunt otiosa et superflua; fatisque erat dixisse: nervos in dicendo C. Fimbriae non assequitur, oris pravitatem et verborum latitudinem imitatur. Simile quoddam emblemata Ernesti in Bruto deprehendit cap. 60. ubi in verbis cum sermo esset institutus senatu missio, [quem Senatum Caesar consul habuisset] uncis inclusa glossator aliquis adscripsit e superioribus repetita.

Lib. II. c. 56. cum Caesar c. 54. extr. observasset in iocis et facetiis necessarium esse saepe, quod sit hominibus facietis et dicacibus difficillimum, habere hominum rationem et temporum et ea quae occurrant cum falsissime dici possint, tenere, h. e. nunc opprimere et praetermittere; id Crassus repetens c. 56. aperuisti quidam, inquit, quod praecipendum videretur. Haberi enim dixisti rationem oportere hominum, rei, temporis. — — Sed hoc praeceptum praetermittendum est facetiarum, cum his nihil opus sit, nos autem quomodo utamur, cum opus sit, quaerimus. Pro praetermittendum le-

gendum esse, *praetermittendarum*, dudum Heinzius Gymnasii Vinar. Director monuerat, cum in versione horum librorum germanica ad illum locum pervenisset; atque id ita certum est et clarum, ut Ernestium in nova Ciceronis operum recensione id neglexisse miraremur, nisi humanum esset in longo opere somnum aliquando obrepere.

Lib. II. c. 61. duo exempla proferuntur facete dictorum e verbi ad litteram immutati similitudine. „*Quid hoc Naevio ignavius? severe Scipio: at in male olentem: Video me a te circumveniri, subridicule Philippus.*“ Nemo, quantum meminimus, recte explicavit, quid in Philippi dicto falsum esset. *Circumvenire* forense verbum est; nam cum ab adversario technis quibusdam aut sirophis peti se viderent, circumveniri se querebantur. At quid hoc ad male olentem? Id nobis tetigisse videmur. Ista verba si celerius, et certo modo pronuntiarentur, *video me a te circumveniri*, ita sonabant, quasi dictum esset: *video me ad te hircum venire*. Notissimum est foetorem alarum, *hircum* appellatum fuisse; Horat. Sat. I, 2, 27. Quid quod ipsi male olentes *hirci* dicebantur; ut in illo Plautino: *Moscell. I, 1, 38.* adeoque Philippi iocus ex litterae immutatae similitudine similis erat Ciceroniano illi, in coqui filium, qui suffragium ab eo coram aliis peteret: *Ego quoque tibi iure favebo.* Quintil. *Inst. oratt. l. VI.*

Lib. II. c. 66. *Arguta etiam significatio est cum parva re et saepe verbo res obscura et latens illustratur — ut Afello Africanus obuiienti lustrum illud infelix, „Noli, inquit, mirari; is enim qui te ex aerariis exemit lustrum condidit, et taurum immolavit.“* Tanta suspicio est, ut religione civitatem obstrinxisse videatur Mummius, quod Afellum ignominia levarit. Sine dubio legendum: *Tacita suspicio est; quod et antecedens definitio huius ge-*

neris confirmat, et illustrat similis locutio c. 69. *Salsa sunt etiam quae habent suspensionem ridiculi absconditam etc.*

Lib. III. c. 23. Crassus explicaturus Catulo, quomodo ipse in tantis occupationibus perdiscere tam multa potuerit, primum recte animadvertit, omnes artes aliter ab iis tractari, qui eas ad usum transferant, aliter ab iis, qui ipsarum artium tractatu delectati nihil in vita sint aliud acturi. Deinde paucis interiectis ita pergit: *Ista discuntur facile, si et tantum sumas, quantum opus sit et habeas, qui docere fideliter possit et scias etiam ipse discere. Sed si tota vita nihil velis aliud agere, ipsa tractatio et quaestio quotidie ex se gignat aliquid, quod cum defidiosa delectatione vestiges. Ita fit ut agitatione rerum sit infinita cognitio, facilis usus doctrinam confirmet, mediocris opera tribuatur, memoria studiumque permaneat.* In extremis verbis vitium latet a nemine adhuc observatum; facili autem medicina tollendum; si ita rescribamus: *Ita fit, ut agitatione rerum sit infinita cognitio, facilis (scil. cognitio) si usus doctrinam confirmet, mediocris opera tribuatur, memoria studiumque permaneat.* Haec enim eadem illa tria sunt, propter quae Crassus paullo ante ista facile disci, iudicaverat. Iam vero haec sequuntur: „Libet autem semper discere, ut si velim „ego talis optime ludere, aut pilae studio teneam, etiam „fortasse, si assequi non possim; at alii quia praeclare „faciunt, vehementius, quam causa postulat delectantur, „ut Titius pila, Brulla talis;“ aptior fiet oratio, unius litterulae mutatione, signisque distinctionis rectius positis, hoc modo: ut si velim ego talis optime ludere, aut *pila, studio teneam etiam fortasse si assequi non possim*, ut in verbis *studio teneam* sit apodosis, vulgo perperam neglecta et obscurata.

Lib. III. c. 32. Quo quidem magis dubito, tibine plus laudis an Graecis vituperationis esse tribuendum statuas, cum tu in alia lingua ac moribus natus, occupatissima in civitate, vel privatorum negotiis paene omnibus, vel orbis terrae procuratione ac summi imperii gubernatione districtus tantam vim rerum cognitionemque comprehenderis. — Pro negotiis paene omnibus forte rescribendum: negotiis paene obrutus. Quod confirmari nobis videtur locis I, c. 17. n. 78. et potissimum I, 21. obruimur ambitione et foro. Effet hyperbole nimis licentiosa, si Crassus diceretur privatorum negotiis paene omnibus districtus fuisse.

XX.

*In Ciceronis de Oratore libros animad-
versionum Particula III.*

In secundo libro de Oratore Cicero cap. XXII. ubi quae-
rentem inducit Antonium, cur inter Graecos singulae
aetates singula prope genera dicendi extulerint, maxime
id principibus quibusdam viris tribuendum esse censet,
quorum dicendi genus sibi multi alii ad imitandum pro-
posuissent. Talem prima aetate, e qua quidem scripta
supereffent, Periclem fuisse, qui subtile, acutum, breve
dicendi genus invexerit, sententiis magis, quam verbis
abundans, huiusque similes Alcibiadem, Thucydidemque
fuisse. Hos deinde consecutos esse Critiam, Therame-
nem, Lysiam, qui quidem omnes etiam tum retinerent
illum Pericli *succum*, sed essent paullo uberiore *filo*.
Hoc loco Ernesti, doctissimus interpres, offensus est in-
constantia troporum, quam in *succo* cum *filo* composito
reperire sibi videbatur. „Non bene, inquit, consentiunt
hi tropi. Sed „non semper tropi ex eodem genere su-
„muntur, ut debent. Sumtum est *uberiori* filo, a Grae-
„cis, qui vestes appellant *πυκνοστήμονας, πολλῇ κροκῇ*,
„uberiori et densiori subtemine.“ Enimvero id ipsum
haud satis constat, utrum in adhibendo *fili* vocabulo Ci-
cero ad artem textoriam respexerit. Quid si *filum* iisdem
quoque rebus, quarum proprie *succus* est, recte tribui
vincamus? *Succus* primum pomorum olerumque est, de-
inde vero ad animalium corpora transfertur. Similiter

utriusque generis *fila* aut *filamenta* commodè appellari possunt, quae, nobis hodie *fibræ* (*die Fasern*) dicuntur. Sic facile Ciceronem a culpa neglectae, quam inchoaverat, translationis vindicare licet. Videndum vero, quid si ad proprietatem dictionis revocemus, utroque et *succi* et *fili* vocabulo significaverit. Periclem dixerat *sententiis* magis quam *verbis* abundantem fuisse. Itaque cum deinde Critiam, Theramenem, Lysiam Pericli *succum* retinuisse, sed paullo *uberiore filo* fuisse affirmat, quid hoc aliud significat, quam eos in sententiarum subtilitate et acumine Pericli simillimos fuisse, in verbis autem ab illa Periclis brevitate et parsimonia recessisse paullulum et verborum copiae atque ubertati magis indulgisse? Si igitur in *succi* vocabulo translationem ab arborum pomorumque succis petitam esse placet, eandem in verbis *uberiore filo* licet agnoscas; cum in pomis eadem varietas deprehendatur, ut quaedam haud minus, quam alia, succulenta, carnibus tamen aut pulpa magis abundant. Sic in Sulpicii oratione, quam pressioem Antonius esse volebat, paullo post affirmat, quemadmodum in herbis, in summa ubertate (*sententiarum*) inesse luxuriam quandam (*verborum*) quae filo depascenda sit. Sin ab humano corpore, ut saepe, *succi* metaphoram ductam existimes, *filum uberius* nihil impedit quo minus ad fibrarum texturam referas; quam aliis in corporibus crebriorem ac densiorem, in aliis vero rariorem ac ieiuniorem esse videmus.

Sed pergit eodem loco apud Ciceronem Antonius: Ecce tibi exortus est Isocrates, MAGISTER ISTORUM OMNIUM, cuius e ludo, tanquam ex equo Troiano, meri principes exierunt; sed eorum partim in pompa, partim in acie illustres esse voluerunt. Itaque et illi Theopompi Ephori, Philisti, Naucratae multique alii NATURIS differunt, VOLUNTATE autem similes sunt et inter sese et magistri, et ii qui se ad causas contulerunt, ut Demosthenes,

Hyperides, Lycurgus, Aeschines, Dinarchus, aliique complures, etsi inter se pares non fuerunt, tamen sunt omnes in eodem veritatis IMITANDAE genere versati, quorum quamdiu mansit imitatio, tamdiu genus illud dicendi studiumque vixit. Hic primum acute vidit Ernesti, verba MAGISTER ISTORUM OMNIUM genuina non esse; quam quidem eius coniecturam, quoniam ipse argumentis haud firmavit, ne corrigendi voluntas pro ratione fletisse videatur ex ipsa orationis ferie corroborabimus. Primum enim istis verbis nihil opus erat, MAGISTER ISTORUM OMNIUM; nam cum ex Isocratis ludo principes illos, qui deinceps nominantur, exiisse dictum esset, fatis declaraverat is qui dicebat, horum omnium magistrum fuisse Isocratem. Deinde quamquam pronomina *ille, iste*, saepissime ad sequentia referri inter omnes constat, hoc loco tamen ambiguitatis vitium exoriretur, quod Cicero unus omnium maxime in scribendo fugere solet; propterea quod auditor, pronuntiatis his verbis MAGISTER ISTORUM OMNIUM definire non potest, utrum ad antecedentia an ad consequentia pertineant. Quod etiam Pearcium hominem doctissimum in errorem induxit, ut illa verba ad eos qui antea nominati erant, Critiam nimirum, Theramenem et Lysiam retraheret, quorum tamen magister Isocrates haud fuerat. Itaque si legatur: *Ecce tibi exortus est Isocrates, cuius e ludo tanquam ex equo Troiano meri principes exierunt*, multo elegantius decurret oratio, fervabitque illam, quam Ciceroni familiarem fuisse constat, consecutionis perspicuitatem.

Sed in sequentibus verbis: *in eodem VERITATIS IMITANDAE genere*, aliud nobis additamentum deprehendisse videmur, quod nondum quemquam offendisse meminimus. Nempe si VERITAS h. l. significaret, quod Ernestius putabat, *veram et unam probandam rationem dicendi*, non esset cur in vocabulo IMITANDAE laborare-

mus. At enimvero ista vis vocabuli ab hoc loco prorsus aliena est. Antonius enim duo quasi ordines discipulorum Isocratis constituit, quorum alii *in pompa illustres esse* voluerint, h. e. a causis in foro dicendis abstinuerint, ac vel orationes *epidicticas* tantum, ut Isocrates, scripserint, vel se ad historiam scribendam contulerint, ut Theopompus ceterique cum eo nominati; alii vero *in acie*; h. e. in foro; qua quidem similitudine valde delectatum esse scimus Ciceronem, ut eloquentiam forensem cum pulvere et acie militari compararet. Sed ipsum illud *forense dicendi genus* saepissime, quod minime fugiebat Ernestium, VERITAS dicitur; propterea quod *verae causae*, opponuntur *causis fictis*, quales in rhetorum scholis, aut exercendae declamationis causa excogitari solebant. Sic Orat. I. 33. cum dicitur: *Equidem probo ista — ut causa aliqua posita consimili causarum earum, quae in forum deferuntur, dicatis quam maxime ad VERITATEM accommodate*; nihil aliud significatur, quam ratio sic dicendi, quemadmodum in *veris causis forensibus* opus esset. Eodem modo Orat. II. 19. rhetores appellantur *homines VERITATIS expertes* h. e. qui nunquam veras causas in foro tractarunt. Itaque si Demosthenes, Hyperides, Lycurgus, Aeschines, Dinarchus omnes dicuntur in eodem VERITATIS genere *versati*, facile intelligimus quid hoc sibi velit; nempe omnes eos in *causis forensibus* esse versatos. Cum autem additur IMITANDAE; profecto non magis intelligitur, quomodo illi in VERITATE IMITANDA versati dicantur, quam si dicerentur in *forensibus causis IMITANDIS* versati. Agebant enim causas, *versabantur* in causis; non *imitabantur* causarum veritatem, quod erat eorum, qui vel in scholarum umbraculis ad causas olim dicendas exercitatione se parabant, vel tota vita nihil aliud agebant, nisi ut declamatorio opere iactarentur. Itaque vocabulum IMITANDAE h. l. non Ciceroni, sed glossatori deberi manifestum est. Verum in superioribus quoque verbis paullulum a vero sensu

sensu aberrasse Ernestium deprehendimus, feliciorum tot aliorum (quis enim neget?) interpretem. Verba enim voluntate autem similes sunt et inter sese et magistri sic interpretatur: *Similes sunt omnes inter se et sunt etiam similes magistri Isocratis venusti, copiosi etc. sed sine vi et nervis.* Imo potius naturis, ingeniis, adeoque scribendi genere diversos fuisse, sed voluntate h. e. a forensibus negotiis abstinendi, causas nunquam attingendi, inter sese et magistri sui Isocratis *similes* fuisse pronuntiat. Similem labeculam abstergemus cap. 24. praesertim in eo loco, ubi plurima rectius quam Pearcius explicavit. Loquitur Antonius de forensibus oratoribus, qui tempus sibi ad causas cognoscendas non sumunt. „Nonnulli, inquit, dum operam suam multam existimari volunt, ut toto foro volitare et a causa ad causam ire videantur, causas dicunt incognitas. In quo est illa quidem magna offensio vel negligentiae susceptis rebus, vel perfidiae receptis, sed etiam illa maior opinione quod nemo potest de ea re, quam non novit, non turpissime dicere. Ita dum inertiae vituperationem, quae maior est, contemnunt, assequuntur etiam illam, quam magis ipsi fugiunt, tarditatis. Quae verba illustraturus Ernesti subiicit quae sequuntur; „Voluit, inquit, hunc locum diligentius superioribus explicare Pearcius, sed non est assecutus, satis verum sensum. Negligentiae crimen est, si quis sua sponte, non rogatus, causam aliquam agit (nam hoc est *suscipere causam*) etiam agit propter multitudinem causarum quas agit male; at perfidiae, si rogatus agit ad se delatam, (nam hoc est recipere causam) et non diligenter et bene agit, nam ita fallit illum“ Hactenus optime; ista vero, quae iam addit, minus bene procedunt. Pergit enim: „Hinc intelligenda sequentia: ita committunt, ut dupliciter reprehendantur, primum quod causas *non diligenter* et cum fide egerint, deinde quod non satis intellexerint vel cognoscere potuerint, sintque *tardi ingenio*, quod maxime volunt

effugere.“ Imo vituperatio *inertiae* h. l. ad imprudentiam et inscitiam, illa vero *tarditatis* ad *pigritiam* pertinet, quam illi qui *operam suam multam* existimari volebant, effugere maxime volebant. Quia nimirum nimis multis negotiis forensibus se obruebant, necessario *causas incognitas* dicebant. Et quia propter id ipsum fieri non poterat quin plerumque *turpiter* h. e. inscite dicerent, adeoque clientes causa caderent, hi partim eos *inertiae* nomine vituperabant, quod iuris civilis imprudentia litem perdidissent, partim etiam *tarditatis*, quod suspicabantur segnitie eos et pigritia impeditos fuisse, quo minus causam diligentius cognoscerent.

Cap. XLVIII. Antonius ne cui mirum videretur, oratorem in commovendis iudicibus iis ipsis sensibus animique motibus, ad quos illos adducere velit, commoveri, utitur exemplo poetarum et histriionum, assertque versus nonnullos e Pacuvii tragoedia, quos cum pronuntiaret histrio, ardere ex persona eius oculi videbantur, alios item, quos inflexa ad miserabilem sonum voce flens ac lugens dicebat. Tum ita pergit: *Quae si ita histrio, quotidie cum gereret, tamen RECTE agere sine dolore non poterat, quid? Pacuvium putatis in scribendo leni animo ac remisso fuisse? Iam quae Ernestius ad hunc locum in animadversionibus notavit, apponemus.* „In hoc, inquit, loco semper haesi. Non quaeritur an sine dolore „recte agere potuerit, sed cum toties egisset, qua re „paullatim sensus rei minuitur per assuetudinem, tamen „cum dolore egisse, nec sine dolore potuisse, hoc dicitur. „Et argumentatio ab histrione ad auctorem non procedit. „Ergo aut *recte* delendum est; aut in eo aliud verbum „latet. Mihi illud verum videtur.“ Hactenus ille. Et hac quidem opinione adductus uncinis inclusit vocabulum *recte*. Perperam vero. Nam primum quod Ernestius negabat h. l. quaeri, id utique quaerebatur, an histrio

recte agere sine dolore potuerit. Idem enim antea in oratore fuerat observatum, cap. 45. *fieri non posse, ut doleat auditor, ut oderit, ut invideat, ut pertimescat aliquid, ut ad fletum misericordiamque deducatur, nisi omnes iis motus, quos orator adhibere velit iudici, in ipso oratore impressi esse, atque inusti videantur.* Adeoque negat oratorem sine affectu, sine dolore partes suas *recte* agere posse. Quod ne mirum videatur, exemplum assertit hisirionum ac poetarum. Et hisirio quidem illos versiculos, *recte*, h. e. vere, ad naturam accomodate, pronuntiare atque agere in scena non poterat sine dolore. Ex quo colligit Cicero multo minus poetam sine dolore scribere potuisse. In quo mirum est Ernestium audacter quasi pro imperio edixisse, argumentationem ab hisirione ad auctorem h. e. poetam non procedere. Imo sic procedit, ut nihil melius. Addit enim Antonius: *Saepe audiui poetam BONUM neminem sine inflammatione animorum existere posse et sine quodam afflatu quasi furoris.* Quapropter κατ' ἀναλογίαν tria ista argumenta aequè bene procedunt: Ut nemo orator *recte* causas agere potest, sine animi motu, sic nullus hisirio personam tragicam *recte* agere sine dolore, sic nemo poeta *bona* carmina fundere leni animo ac remisso potest. Ceterum de hisirionum actione passim nuper ab eius artis scriptoribus agitata quaestio est, utrum tutius meliusque sit proprio dolore efficere, ut veritas in actione appareat, omnisque simulationis fictaeque imitationis species prorsus tollatur, an potius artis magnitudine consequendum, ut quum ipsi sint a vera animi permotione alieni, tamen in scena, diligenter expressis perturbationum signis, incensi animis atque inflammati theatro videantur.

Cap. LIII. *Nam ex illa lenitate, qua conciliamur iis qui audiunt, ad hanc vim acerrimam, qua eosdem excitamus influat oportet aliquid, et ex hac vi nonnunquam animi aliquid INFLAMMANDUM est illi lenitati.* Dubium

esse nemini potest corruptum hic esse *inflammandum*. Hactenus Ernestio facile concedimus. Idem tamen sic eiiciendum esse, ut nihil in eius locum substituatur, nondum persuadere nobis potuimus. Nam si Cicero alterum hoc membrum *et ex hac* — *illi lenitati* ab antecedente verbo *influat* pendere voluisset, quomodo librario aut glossatori in mentem venire potuisset, ut hoc loco *inflammandum*, quo nihil hic minus aptum esse poterat inculcaret, prorsus non intelligitur. Sed si cum Melancthone, Guilielmio et Pearcio statuamus *inflandum* a Cicerone scriptum esse, nulla erit offensus. Nam hoc facile potuit a librariis in *inflammandum* detorqueri; et *inflandum* recte dicitur pro *inspirandum*; denique *animi aliquid inflare lenitati* aptissime hic ponitur; *man muss dieser sanften Art des Vortrags zuweilen aus der Fülle der pathetischen etwas Lebensgeist einhauchen*.

Cap. LIV. Ego vero — *omni de re FACETIUS* puto posse ab homine non inurbano quam de ipsis *facetiis*, disputari. Hic Gruterus e Mss. laudabat FACILIUS pro FACETIUS, illud et ipse probabat, nec Ernesti se valde repugnare ait. Verumtamen idem recte intellexit valde frigere, si *facilius* legatur, pronomen *ipsis* quod sequitur. Recte. Neque tamen hoc unicum est, quo lectionis FACETIUS veritas asseritur. Nam paullo post sequuntur ista: *Qui eius rei rationem quandam conati sunt artemque tradere, sic INSULSI exstiterunt, ut nihil aliud eorum, nisi ipsa insulsitas rideatur*. Ex quibus intelligitur, Caesari hanc mentem fuisse dum ista diceret, de *facetiis* disputari aliter nisi *inficete*, *insulse* non posse, quod ille sic efferebat: de omni re *facetius*, quam de ipsis *facetiis* posse disputari.

Pergit eodem loco Caesar: *Itaque cum quosdam Graecos inscriptos libros esse vidissem de ridiculis, NONNULLAM in spem veneram posse me aliquid ex istis discere*. Ernestium h. l. offendebat *nonnullam*. „Quomodo enim,

„ait, potuit aliquid sperare qui ita, ut dixit, de ea re „iudicaret. Credo Ciceronem scripsisse NONULLAM. — “ Imo nihil vulgata lectione verius. Caesar putabat omni de re facetius posse ab homine non inurbano quam de ipsis facetiis disputari. Sed huic opinioni nondum tantum tribuebat, ut se errare non posse confideret, adeoque cum quosdam Graecos inscriptos libros esse vidisset DE RIDICULIS, *nonnullam* in spem venerat, posse se aliquid ex istis discere. Non multum fane sperabat, sed tamen aliquid; eamque ipsam spem quamvis exigua tamen ait deceptam fuisse.

C. LIX. Ubi de ridiculo ex imitatione agitur, Caesar: *Ex hoc genere*, inquit, est *illa Rosciana imitatio senis: Tibi ego Antipho has fero*, inquit. *Senium est cum audio*. Non erat cur Ernestius a Pearcii sententia discederet, qui recte putabat in his verbis iudicium esse Crassi de illa imitatione Roscii, sc. tam felicem illam fuisse, ut audiens eam ipsum senium audisse videatur. Nam, quod ille hic reperisse sibi videbatur aliud exemplum imitationis, nullum est. Attamen a Cicerone scriptum fuisse opinamur; *Senium est QUOD audio*.

Cap. LXII. *Obscoenitas non solum non foro digna, sed vix convivio liberorum*. Ad h. l. Ernestio videbatur delendum esse *liberorum*. „Quorsum enim, inquit, additur? „An de convivio fervorum in mentem cui venire potest? “ Quidni autem? Notum est, fervos, ut hodie homines de plebe, tum sibi facetissimos visos esse, ubi quam plurima obscoenissima dicerent. Adeoque Caesar apud Ciceronem l. l. hoc significat, etiamsi obscoene dicta fervorum conviviis concedantur; tamen ea in conviviis liberorum hominum et liberaliter educatorum vix ferenda esse, nedum ut in foro, ubi a populi maiestate et iudicum severitate quam maxime discrepent, tolerari possint.

XXI.

*De lectione aliquot locorum in Cio. orat. pro
Quintio commentatio.*

P. Quintius cuius causam Cicero hac oratione defendit, fratrem habuit C. Quintium. Is cum Sex. Naevio, praecone, homine quaestus quam aequitatis cupidior, inductus consuetudine ac familiaritate, societatem fecit earum rerum, quae in Gallia comparabantur. Quia in societate cum per complures annos saepe suspectus Quintio Naevius fuisset, mortuus est repentino in Gallia Quintius, cum Naevius adesset, heredemque testamento fratrem P. Quintium reliquit. Hic paullo post in Galliam profectus, annum fere cum Naevio familiariter vixit, neque interea verbum ullum interposuerat Naevius aut societatem sibi quidpiam debere, aut privatim Quintium debuisse. Sed aeris alieni aliquantulum erat relictum, quibus nominibus pecuniam Romae curari oportebat; hanc ut conficeret Quintius Narbone in Gallia auctionem instituere decrevit earum rerum, quae ipsius erant privatae. Sex. Naevius hominem deterret, ne auctionetur; ait enim non ita commode posse eo tempore, quae proscriptisset, vendere; nummos ei ad dissolvenda nomina Romae daturum pollicetur. Tum Quintius, Naevii fide fretus, certo die Scapulis creditoribus numeraturum se pecuniam promisit. Ecce autem, cum solutionis dies venisset, admonitus de pecunia Naevius assem sese negat daturum, nisi prius de rebus rationibusque societatis

omnibus decidisset, et scisset, sibi cum Quintio controversiae nihil futurum. Destitutione illa perculsus Quintius, deteriore tempore absens auctionatur, Scapulisque difficiliore conditione dissolvit. Tunc appellat ultro Naevium, ut quam primum disceptatione de communi dividundo, itemque pro socio iudicio facta, tota res transigeretur. Arbitris ab utroque datis, cum res convenire non posset, vadimoniis saepe dilatis, cum iam aliquantum temporis in ea re esset consumptum, neque quidquam profectum esset, venit ad vadimonium Naevius, ait, se auctionatum esse in Gallia, quod sibi videretur, se vendidisse; curasse, ne quid sibi societas deberet, se iam neque vadari amplius neque vadimonium promittere, si quid agere secum velit Quintius, non recusare. Quintius, qui rem Gallicanam cuperet revivere, hominem in praesenti non vadatur. Ita sine vadimonio disceditur. Quintius post XXX dies in Galliam proficiscitur. Ubi eum satis longe Roma abesse Naevius intellexit, denuntiat amicis et necessariis ut sibi ad tabulam Sextiam adsint postridie; qui cum venissent, testificatur isse *P. Quintium non stitisse, et se stitisse*; tabulae signis testium consignantur; postulat a Burrieno praetore Naevius, ut ex edicto bona Quintii, (propterea quod vadimonium deseruisset) possidere liceat. Quo impetrato, statim propositis libellis iubet bona Quintii proscribi. Libellos Sex. Alphenus, procurator P. Quintii, deicit; servulum unum, quem isse prehenderat, abducit, denuntiat sese procuratorem esse; istum aequum esse famae fortunisque P. Quintii consulere, et adventum eius exspectare; quod si facere nolit, sese nihil precari, et, si quid agere velit, iudicio defendere. Re ad iudices delata, postulat Naevius ut procurator iudicatum solvi fatisdaret. Negat Alphenus aequum esse procuratorem fatisdare, quod reus fatisdare non deberet, si ipse adesset. Denique appellatis tribunis, ita disceditur, ut Idibus Sept. P. Quintium fisci Sex. Alphenus promitte-

ret. Venit Romam Quintius; vadimonium fisciit. Tum Naevius, ut novis cavillationibus hominem extraheret, annum et sex menses nihil petit, conditionibus eum producit, a Dolabella denique praetore postulat, ut sibi Quintius iudicatum solvi satisfaciat ex formula, QUONIAM EX EDICTO PRAETORIS ROMANI BONA DIES XXX POSSESSA ESSENT. Id nullo modo Quintius perferre ac pati poterat, propterea quod visus esset concedere, se olim vadimonium deseruisse, ideoque bona sua creditori addicta fuisse. Ceterum non recusabat, quin ita satisfacere iuberet *si bona possessa essent ex edicto*. Tum enim, antequam satis acciperet, Naevio demonstrandum erat, quod is rite facere non poterat, se Quintii bona ex edicto praetoris XXX dies possedisse. Dolabella vero nulla Quintii ratione habita, iniquissime decernit. „*Iubet Quintium sponsonem cum Sex. Naevio facere, aut satisfacere, si bona sua ex edicto P. Burrieni Praetoris dies XXX POSSESSA ESSENT.*“ Ita quidem nunc legitur in editionibus novissimis. At enim non intellexerunt viri docti hanc formulam praetoris h. l. sic enuntiatam consequentibus repugnare. Iam enim antea Cicero narraverat. Quintium haud recusasse, quo minus ita satisfacere iuberet, *si bona possessa essent ex edicto*. Si igitur praetor Quintium iussisset aut sponsonem cum Naevio facere, aut satisfacere, addita illa formula *si bona sua* etc. profecto Quintius id, quod iam antea placere sibi professus erat, haud recusasset. Atqui utrumque, quod ex sequentibus intelligitur, recusabat; nam illa conditione, quam Praetor proposuerat, nec sponsonem facere, nec satisfacere voluit. Quae cum ita sint, totam illam formulam: *Si bona sua ex edicto P. Burrieni Praetoris XXX dies possessa essent ad sponsonem, non ad satisfactionem pertinere censendum est, et verba illa, aut satisfacere primo loco ponenda, ita ut hoc ordine procedant: Iubet P. Quintium aut satisfacere, (nempe simpliciter) aut sponsonem cum Naevio facere, NI*

BONA SUA EX EDICTO P. BURRIENI PRAETORIS XXX DIES POSSESSA ESSENT. Res igitur huc redit: Quintius nolebat fatisdare, ex formula; QUONIAM *bona sua ex edicto dies XXX possessa essent*; non recusabat autem fatisdare ex formula si *bona possessa essent*. Iniquus autem praetor iubet Quintium aut simpliciter iudicatum solvi fatisdare, aut sponsonem cum Sex. Naevio facere, NI *bona sua etc.* Utrumque recusabant, qui aderant cum Quintio. Demonstrabant de re iudicium fieri oportere, (h. e. antea prius disceptandum esse uter utri deberet; aut verumne esset, Quintium vadimonium Naevio promissum haud stitisse) ut aut uterque inter se, aut neuter fatisdaret; non necesse esse famam alterius in iudicium venire. Si enim uterque fatisdaret, neutri id probrosum aut ignominiosum erat; si autem solus Quintius fatisdare cogeretur, fama eius et existimatio in discrimen adducebatur. Etenim hac fatisdationis conditione imposita iudex videbatur significare, eum consilii de fraudando socio suspectum esse. Quae suspicio quam ignominiosa fuerit, intelligitur ex orat. pro Roscio Comoedo, cap. VI. ubi Cicero, si quae enim sunt, inquit, privata iudicia summae existimationis, et paene dicam capitis, tria haec sunt fiduciae, tutelae, societatis. Aequae enim perfidiosum et nefarium est fidem frangere, quae continet vitam, et pupillum fraudare, qui in tutelam pervenit, et socium fallere, qui se in negotio coniunxit. — Iam igitur clamabat ipse Quintius, sese idcirco nolle fatisdare, ne videretur iudicasse bona sua ex edicto possessa esse. (Atqui qua ratione poterat hoc iudicasse videri, si praetor clausulam adiecisset, si *bona sua etc.*? De novo igitur patet falso illam clausulam in textu vulgari ad illa verba aut fatisdare referri.) Sponsonem porro si istius modi faceret (cuiusmodi autem? hoc prorsus obscurum est et incertum, nisi sic legatur antea: iubet P. Quintium aut fatisdare, aut sponsonem cum Sex. Naevio facere NI *bona sua possessa essent*. Hoc enim modo definitur ac declaratur

sponsionis ratio, quae absque illa formula infinita et prorsus ambigua fuisset.) *Sponsionem igitur istius modi si faceret, intelligebat Quintius, se de capite suo priore loco causam esse dicturum.* Capitis causam h. l. dici eam, qua quis de fama periclitetur, dudum observatum est ab interpretibus. At quamobrem Quintii causa cum infamiae f. ignominiae periculo coniuncta fuerit, de ea re inter viros doctos haud convenit. Sunt qui id ad vadimonium a Quintio desertum referant. Sic Ernesti in Clav. Cic. v. *Caput.* explicat. „Quia Quintius, inquit, vadimonii deserti infimulabatur, male autem audiebant, et negligentes dissolutique putabantur, qui vadimonia deseruissent, adeoque lites perderent, propterea capitis causa dicitur, in qua scilicet bona Quintii fama laboret.“ Sed in tota oratione, non de ea dicitur ignominia, quae hominum tantum opinione ac iudicio continetur, verum de infamia civili et legitima, quae ex edicto praetoris vel iudicum sententia consequitur. Nempe edictum praetoris Burrieni eius tantum bona proscribi iusserat *qui fraudationis causa latitasset; qui exsulii causa solum vertisset, quem nemo absentem defendisset.* Iam si Quintius a socio in ius vocatus, vadimonio deserto actione pro socio condemnatus fuisset, utique legitima fuisset infamia oppressus. Eos enim qui pro socio condemnati sint Iulianus quoque inter infames numerat, l. 1. *D. de his qui notantur infamia.* Famae vero maculam Quintio metuendam a Cicerone non a vadimonii deserti culpa, sed ex edicto praetoris repeti, quo sibi Naevius Quintii bona, ita ut etiam proscribere liceret, addicta esse contendebat, nemo profecto dubitare potest, qui verba cap. XV. legerit, quae sequuntur: *Ad vadimonium non venerat, ut ais, is, quicum tibi affinitas, societas omnes denique causae et necessitudines veteres intercedebant. Illicone ad praetorem ire convenit? continuone verum fuit, postulare, ut ex edicto bona possidere liceret? ad haec extrema et inimicissima iura tam cupide decurrebas, uti tibi nihil in posterum,*

quod gravius et crudelius facere posses reservares? Nam quid homini potest turpius, quid vero miserius aut acerbius usu venire? Quod tantum evenire dedecus, quae tanta calamitas inveniri potest? Pecuniam si cuipiam fortuna ademit, aut si alicuius eripuit iniuria, tamen, dum existimatio est integra, facile consolatur honestas egestatem. At non nemo aut ignominia affectus, aut iudicia turpi convictus bonis quidem suis utitur, alterius opes, id quod miserissimum est, non expectat; hoc tamen in miseriis adiumento et solatio sublevatur. Cuius vera bona venierunt, cuius non modo illae amplissimae fortunae, sed etiam victus vestitusque necessarius sub praecone cum dedecore subiectus est, is non modo ex numero vivorum exturbatur, sed, si fieri potest, infra etiam mortuos amandatur. ETENIM MORS HONESTA SAEPE VITAM QUOQUE TURPEM EXORNAT, VITA TURPIS NE MORTI QUIDEM HONESTAE LOCUM RELINQUIT. Ergo hercule cuius bona ex edicto possidentur, huius omnis fama et existimatio cum bonis simul possidetur; de quo libelli in celeberrimis locis proponuntur, huic ne perire quidem certe tacite obscureque conceditur; cui magistri sunt, et domini constituuntur, qui qua lege et qua conditione pereat, pronuntient; de quo homine praeconis vox praedicat et pretium conficit; huic acerbissimum vivo videntique funus ducitur; si funus id habendum sit, quo non amici convenient ad exsequias cohonestandas, sed bonorum emtores, ut carnifices, ad reliquias vitae lacerandas et distrahendas." Satis, ut opinamur, declaravit Cicero, se infamiae periculum, quod Quintio ex hac lite imminebat, in ipso illo praetoris edicto ponere, quo Naevius eius bona sibi adiudicata esse contendebat, eorumque proscribendorum ius et potestatem affectabat. Sed in pulcherrimo illo, quem descripsimus loco, recte offensi sunt critici hac sententia: ETENIM MORS HONESTA SAEPE VITAM QUOQUE TURPEM EXORNAT, VITA TURPIS NE MORTI QUIDEM HONESTAE LOCUM RELINQUIT. Quid enim? An mors honesta vitam turpem potest EXORNARE? Satis profecto sit, si vitae turpiter

actae memoriam oblitteret ! Itaque negat Ernesti vocabulum *exornare* premendum esse, q. d. si quis honeste, ut pro patria pugnans etc. moritur, oblitterat ea mors memoriam vitae superioris honestate mortis. Sed *exornare* nunquam potest significare idem quod *obscurare*, *oblitterare*. Semper potius significat, *id quod vulgare est extollere, rebus vilibus et inornatis ornamenta addere*. Deinde si vel maxime hanc sententiam his verbis a Cicerone expressam, nihilque a librariorum manu passam esse concedamus, ferri tamen id quod sequitur haud potest: *vita turpis ne morti quidem honestae locum relinquit*. Si enim mors honesta saepe vitam turpem exornat, necessario sequitur saepe quoque vitam turpem honestae morti locum relinquere. Itaque Graevius hic Ciceronem inanitatis declamatoriae infimulat, qui quid diceret, prae studio concinnitatis ex relatione contrariorum petita, parum cogitaverit. Merito id repudiatum est ab aliis; qui suspicionem de corruptela huius loci per librariorum illata movere coeperunt. Et Hotomannus quidem reponendum censebat: *Vita haec turpis ne morti quidem honestae locum relinquit*. Facciolatus autem: *Vita ita turpis* etc. Sed veremur ut haec medela ad locum persanandum sufficiat. Cicero enim in Quintii periculo, *turpitudinem a miseria, dedecus a calamitate* distinxerat; affirmaveratque, si ei acciderit, ut bona eius ex edicto praetoris vendantur, id aequè turpe et probrosum ac miserum et calamitosum fore. Tum illud adiunxerat, facilius esse ferendum, si quis vel pecuniam existimatione integra, vel famam salvis opibus perdiderit; utriusque autem et rei familiaris et famae iacturam prorsus intolerabilem esse; cui enim illud acciderit, eum non modo ex numero vivorum exturbari, sed si fieri possit, etiam infra mortuos amandari. Eandem igitur relationem inter ea quae ad existimationem, et quae ad fortunas opesque pertinent, credibile est Ciceronem in sequentibus quoque servasse. Sed si scripsisset: *Etenim mors honesta saepe vitam quoque turpem*

exornat, non famam cum fortunis ut antea, sed malam ex vita turpiter gesta famam, cum bona fama ex honesta morte composuisset. Deinde si addidisset: vita turpis ne morti quidem honestae locum relinquit, aperte iis quae vix pronuntiaverat verbis repugnasset. Quapropter tum antecedentibus, tum consequentibus verbis inter se comparatis, sic arbitramur a Cicerone scriptum esse: Etenim mors honesta saepe vitam quoque MISERAM exornat: vita turpis et MISERA ne morti quidem honestae locum relinquit. Prioris commatis veritatem confirmat id quod Cicero antea dixerat: dum existimatio est integra, facile consolatur honestas egestatem; alterum vero ita ut diximus scribendum esse, non solum tota conclusionis vis, verum etiam consequentis orationis perpetuitas nobis persuadet. Cicero enim sic argumentatur: Si bona Quintii, ipso vivente ac vidente proscribuntur, ne honestae quidem mortis locus ei relinquitur. Si enim nihil aliud haberet bonorum iactura, nisi ut ad egestatem et miseriam redigeretur, esset tamen aliquod in honesta morte solatium; sed bonis ex edicto praetoris divenditis non solum fortunis omnibus exuitur, verum etiam turpi iudicio pro socio condemnatus, famae et existimationis iacturam facit. Itaque talis vita, turpis et misera, ne morti quidem honestae locum relinquit. Idem sequentibus verbis declaratur. Cum enim dicit: Ergo hercule, cuius bona ex edicto possidentur, huius omnis fama et existimatio cum bonis simul possidetur; de quo libelli in celeberrimis locis proponuntur, huic ne perire quidem certe tacite obscureque conceditur; quid aliud significat, quam id quod eum antea scripsisse dicimus, vitam turpem et miseram ne honestae quidem morti locum concedere? In extrema quoque oratione identidem Cicero turpitudinis et miseriae notiones coniungit, et utriusque periculum in hac lite Quintium subire demonstrat.

Restat ut explicemus, qui factum sit, ut sponso a Quintio facta eum in necessitatem in capitis causa priore

loco dicendi adduxerit. Nimirum hoc non factum est diferto Dolabellae edicto, ut nonnulli interpretum opinati sunt, verum ex ipsa sponfionis ratione confecutum est. Stipulabatur enim Quintius a Naevio: *Spondesne sacramentum si bona mea ex edicto praetoris possessa non sint*; adeoque primo loco causam dicere debebat Quintius, *ut negaret bona sua possessa esse*, quia quasi petitoris locum sustinebat, cui deinde Naevius, unde petebatur, respondebat. Sed in hoc ipso versabatur iniquitas conditionis, quae Quintium in istius modi sponfione facienda premebat; haec erat optio ei data tam misera, quam Cic. c. IX. memorat, tamque iniqua, ut aut ipse se capitis damnaret, si fatisdedisset, aut causam capitis, si sponfionem fecisset, priore loco diceret.

XXII.

*Animadversiones in Cic. Tusculanarum
disputationum libros I. II.*

In Tusculanarum disputationum lib. I. c. 34. Cicero postquam mentionem iniecerat libri Hegesiae, qui inscriptus erat, ἀποκατεργῶν, quod a vita quidam per in-
ediam discedens, revocabatur ab amicis, quibus respon-
dens vitae humanae enumerabat incommoda, illo igitur commemorato haec adiicit: Possem id facere, etsi minus quam ille, qui omnino vivere expedire nemini putat. *Mitto alios.* ETIAMNE nobis expedit qui et domesticis et forensibus solatiis ornamentisque privati, certe si ante occi-
dissemus, mors nos a malis, non a bonis abstraxisset. Bene observat Ernesti, pro *possem id facere*, melius legi p. IDEM *facere*. At non aequè feliciter in sequentibus verbis, *etiamne nobis expedit*, corrigendis versatus est, quamquam et hic aliquid vitii subesse, acute divinavit. Nimirum ei visum est sic emendari oportere: *etiam nobis expedisset*. Quod a vera sententiae consecutione alienum est. Imo potius hoc modo legendum: *Mitto alios.* SED IAMNE nobis expedit etc.? Cicero enim non is est qui neget, omnino vivere cuiquam expedire; neque vero sibi olim vitam vitalem fuisse infitatur; quaerit tantum an sibi nunc iam vivere expediat; idque postquam illa formula praeteritio-
nis usus fuerat, *mitto alios*, ita eloquitur, ut dicat: *Sed iamne nobis expedit etc.?*

Cap. 35. *Sit igitur aliquis qui nihil mali habeat, nullum a fortuna vulnus acceperit. Metellus ille HONORATUS quatuor filiis; at quinquaginta Priamus, e quibus septem et decem iusta uxore natis. In utroque eandem habuit fortuna potestatem, sed usa in altero est. Metellum enim multi filii, filiae; nepotes, neptes in rogum imposuerunt: Priamum tanta progenie orbatum cum in aram confugisset, hostilis manus interemit. Ernesti Davisium secutus in textum recepit honoratis; idque eo spectare putabat, quod quatuor Metelli filii magistratibus essent functi, quos quidem Romana consuetudo honoratos appellet. Verumtamen haec eo non valent, ut consensum codicum omnium h. l. negligamus. Nam honoratus pertinet ad honorem qui ex magna prole, et felici potissimum successu suscepta ad patrem redundat; idque non ad Metellum solum, sed etiam ad Priamum refertur. Deinde, ubi Cicero de Priamo loquens, ita pergit: *Hic si vivis filiis, incolumi regno occidisset — — utrum tandem a bonis an a malis discessisset? Tum profecto videretur a bonis. At certe ei melius evenisset, nec tam flebiliter illa canerentur:**

*Haec omnia vidi inflammari,
Priamo vi vitam evitari,
Iovis aram sanguine turpari.*

Quasi vero ISTA, vel quidquam tum potuerit ei melius accidere. Haeserunt viri docti in verbis quasi vero ista. Bentleius correxit quasi vero ista vi quidquam tum potuerit ei melius accidere. Buherius: quasi vero ista nece q. t. etc. Ernesti suspicabatur excidisse mala, scriptumque fuisse, quasi vero ista mala, vel quidquam etc. Vulgata tamen sic defendi potest, ut verba tum potuerit ei melius accidere, non cum quidquam solum, sed etiam cum ista coniungantur; quasi vero ista potuerint ei melius accidere, vel quidquam aliud tum potuerit etc. Sin autem opus fuerit correctione, Bentleii rationem multum ceteris praeferendam arbitramur, ut quae non molissima tantum, verum etiam ad sensum aptissima sit.

Per-

Pergit Cicero: *Quod si ante occidisset tamen eventum omnino amississet, hoc autem tempore sensum malorum amisit.* Iure post alios Ernestium offendit illa fiructura *eventum amittere*. Verum quod vir *ἡμετέριος* vocabulum *eventum* induci, pro eoque *regnum* scribi voluit, id nobis certe non persuasit. Auctor ita potius dedisse videtur: *Quod si ante occidisset tamen eventum* (scil. malorum) *omnino; hoc autem tempore sensum malorum amisit.* Supplevit librarius aliquis vel grammaticus *amississet*, post *omnino*, eoque venustatem dictionis corruptit. Nam etsi ex verbo *amisit* in quo finitur periodus, anticipanda est notio quaedam communis post *eventum omnino*, non tamen idem illud verbum hic diserte inculcandum erat. Utitur enim Cicero zeugmatis figura, quam alii syllepsin vocant, qua duabus rebus unum tribuitur verbum minime utrisque conveniens. Itaque *sensum amittere malorum* bene dicitur; *eventum amittere* non item. Quia tamen in *amittendi* verbo inclusa est notio *cavendi*, s. *non videndi*; ideo fit, ut *eventus malorum* et *sensus malorum* h. l. uno eodemque verbo copulatur. Quae cum ita sint, Ciceronis verba sic accipienda, ac si scripsisset; *quod si ante occidisset, tamen eventum malorum omnino non vidisset, s. vivendo non attigisset, hoc autem tempore sensum malorum amisit.* Similis est forma loquendi cap. 40. *VADIT in eundem CARCEREM, atque in eundem paucis post annis SCYPHUM Socrates; ubi non erat cur verbum vadit, sollicitaretur a viris doctis.*

Lib. II. c. II. M. *Fuisti saepe credo, cum Athenis esses, in scholis philosophorum A. Vero, ac libenter quidem.* M. *Animadvertebas igitur etsi tum nemo erat admodum copiosus, verumtamen versus ab his admisceri orationi. A. Ac multos quidem a Dionysio Stoico. M. Probe dicis. Sed is quasi dictata, nullo dilectu, nulla elegantia; Philo noster ET PROPRIUM NUMERUM, et lecta poemata, et loco adiungebat.* Ernesti iis assentitur, qui delenda putant verba *et proprium numerum*, quae nec a se intelligi, nec a quo-

quam explicata esse scribit. Itaque ea uncinis inclusit. Sed si h. l. tria membra comparationis admittamus, non deest commodae horum verborum interpretationi locus. Etenim si Cicero hoc dicere voluit, Dionysium Stoicum versus admiscuisse orationi, *primum* quasi dictata, *deinde* nullo dilectu, *postremo* nulla elegantia, necesse est tribus his in Dionysio vituperatis, tria item alia quae in Philone laudentur opponi. Adeoque recte procederet oratio: Philo noster *ET proprium numerum, ET lecta poemata, ET loco adiungebat*. Quaerendum igitur est, quomodo illa inter se opponantur tamquam contraria, versus quasi dictata pronuntiare, *et* proprium numerum versibus adiungere. Atqui hoc explicare non adeo difficile est. Qui versus tamquam dictata pronuntiat, is non curat ut pronuntiatio versiculorum argumento accommodetur; dictantis enim animus a celeritate scribentis suspensus id solum agit, ut omnia verba clare satis ac distincte efferantur, ne sit quod scribentis vel aurem lateat, vel calamus effugiat. Contra qui *proprium numerum versibus adiungit*, is curat, ut singulos pro cuiusque argumento vel altius, vel inferius pronuntiet, ut attollatur concitatis affectibus, ut compositis descendat, denique ut aliter sententiose dicta eloquatur, aliter ea proferat, in quibus alacritas quaedam sensuum aut animorum perturbatio regnet. Fieri igitur potuit, ut Cicero Philonis consuetudinem in versibus poetarum orationi immiscendis hasce tres ob causas commendare vellet; primum quod eos non quasi dictata recitaret, sed apte pronuntiaret, adeoque *proprium iis numerum adiungeret*; deinde quod non promiscue omnibus, sed lectis tantum poematibus uteretur; postremo quod non omnes ubique versiculos inferciret, sed eos loco adhiberet, curaretque, ne aliunde potius in orationem traducti, quam ex ipsius sermone nati esse viderentur. His igitur rationibus hoc saltem efficitur, nisi alia argumenta accesserint, nondum satis in iis, quae allata sunt a Criticis, praesidii esse, ut

spuria esse illa verba, et proprium numerum, atque Ciceronis textu eiicienda putemus.

Eod. lib. cap. 17. in verbis: certe *Eurypylus* hic quidem est. *Hominem exercitatum!* [ubi tantum luctus continuatur?] Vide quam non flebiliter respondeat, rationem etiam afferat, cur aequo animo sibi ferendum sit; ea quae uncis inclusimus, aut prorsus corrupta, aut infititia sint necesse est. Nam vel omni sensu destituitur illa quaestio: ubi tantum luctus continuatur? vel si quem extorseris, certe huic loco minime aptus est.

II. 23. *Ingemiscere nonnunquam viro concessum est, idque raro; eiulatus ne mulieri quidem.* Ernestii negat sibi placere *idque*; quod necessario tamen servandum. Ac ne quis putet adiectum *raro* h. l. frigere, propter antecedens *nonnunquam*, observandum est utrumque non ad idem verbum referri. *Nonnunquam* enim cum *concessum est*, *raro* cum *ingemiscere* iungendum. Nimirum nonnunquam conceditur viro, ut ingemiscat, modo gemitus non crebros, sed raros edat.

Ibid. paulo ante: *Ut onera contentis corporibus facilius feruntur, remissis opprimunt, simillime animus intentione sua depellit pressum omnium ponderum, remissione autem sic urgetur ut se nequeat extollere.* Ernestio vitium hic latere videtur, quod sibi membra non satis respondeant; existimatque *remissa* sc. corpora, legendum esse. Quae quidem verborum structura, quamvis elegans, non tamen adeo necessaria est, ut vulgarem expellere debeat. Nam *contentis corporibus*, et *remissis* ablativi consequentiae sunt; verbaque *feruntur* et *opprimunt* vel absolute posita, vel cum ellipsi quadam satis frequente q. d. ut onera contentis corporibus facillime feruntur sc. *a nobis*, *remissis opprimunt* scil. *nos*. Praeterea Ernestii correctio duplici incommodo laborat. Primum insuavem vocalium hiatum parit, *remissA Opprimunt*; deinde ambiguitatem quoque

gignit fircturae, quod qui legerit, ut onera contentis corporibus facilius feruntur, remissa opprimunt, ambigere potest, participium remissa ad onera, an ad corporibus referendum sit.

II. 25. *Heracleotes Dionysius cum a Zenone fortis esse didicisset, a dolore DEDUCTUS est. Nam cum ex renibus laboraret ipso in eiulatu clamitabat, falsa esse illa, quae antea de dolore ipse sensisset. Quem cum Cleanthes condiscipulus rogaret, quatenam eum ratio de sententia deduxisset, respondit: Quia cum tantum operae philosophiae dedissem; dolorem tamen ferre non possem, satis esset argumenti, malum esse dolorem; plurimos autem annos in philosophia consumsi, nec ferre possum; malum est igitur dolor.* Hoc loco bene Ernestii ingeniosam Bentleii emendationem in notis probavit, qua correxit a dolore DEDUCTUS est. Melius Bipontini editores etiam in textum receperunt. Initio enim oppositio venustatem habet quæ est inter didicisset ac deductus est; deinde in phrasi a dolore deductus est ambiguitas est quaedam, quia cum supplendum sit de sententia vel simile quid, aliquantulum haerere potest auditor, dum dubitat an a dolore deductus sic dictum sit, ut dicitur aliquis a mente et consilio deduci. Denique cum statim sequatur: quatenam ratio eum de sententia deduxisset, Cicerone qui variare verba studiosissime solet, multo dignius est, paulo ante aliud verbum poni. In iis autem quæ sequuntur, neque cum Ernestio: siquis — dedisset s. ferre non posset, neque cum Bentleio: quicumque dedisset, dolorem tamen ferre non posset, corrigendum esse concedimus. Bene se habent vulgata: Stoici enim conclusio extra colloquii constructionem ita enuntiaretur.

Cum tantum operae philosophiae dederim, dolorem tamen ferre non possim, satis est argumenti malum esse dolorem.

Plurimos autem annos in philosophia consumsi, nec ferre possum;

Malum est igitur dolor.

Iam propter nexum quaestionis a Cleanthe propositae consecutio temporum postulabat, ut, pro *dederim* — *possim* — *est*, scriberetur, *dedissem* — *possem* — *esset*; totique propositioni praesigeretur *quia*. Post *satis esset* supplendum *id*. Itaque Cleanthi quaerenti: *Quaenam vero ratio te de sententia deduxit?* recte ad normam constructionis latinae respondebat Dionysius: *Quia, cum tantum operae philosophiae dedissem, dolorem tamen ferre non possem, satis id esset argumenti, malum esse dolorem. Plurimos autem etc.* Itaque syllogismus est instar hypothetici, nec adeo opus erat, ut quod Ernesti putabat, eius propositio, (*maiorem dialectici vocant*) univérse enunciaretur.

XXIII.

In Ciceronis Tusculanarum disputationum lib. II. et III. animadversiones.

Libro II. extr. Cicero *Cras ergo, inquit, ad clepsydram; sic enim dicimus; et tibi hoc video non posse deberi. Cui auditor respondet: Ita prorsus; et illud quidem ante meridiem, hoc eodem tempore.* Haec intelligenda sunt ex iis quae eiusd. lib. cap. 3. narrantur. Quo ex loco apparet, Ciceronem cum familiaribus, dum in Tusculano esset, ante meridiem dictioni h. e. declamandi exercitio, operam dedisse; post meridiem vero in Academiam descendisse, ibique de philosophiae capitibus disputasse. Declamationibus autem pariter atque actionibus forensibus clepsydras adhibitas fuisse constat, ne unus forte declamatorum iusto longius verba faceret, aliisque tempus dicendi praeriperet. Sic de Orat. lib. III. c. 34. de Pericle: *At hunc non clamator (vel ut alii legunt declamator) aliquis ad clepsydram latrare docuerat, sed ut accepimus, Clazomenius ille Anaxagoras vir summus in maximarum rerum scientia.* Itaque cavendum est ne quod Ernesti fecit, illa verba: *sic enim dicimus, hoc modo interpretemur: nam ita soleo facere in dicendo ac disputando.* In disputando enim clepsydra non utebantur. Verius illa ratione hunc locum exponere liceat: *Cras ergo nempe ante meridiem, redibimus ad declamandi exercitium: in quo ad clepsydram dicere solemus.*

Lib. III. cap. I. a principio: *Quidnam esse Brute, causae putem, cur, cum constemus ex animo et corpore, corporis curandi causa quaesita sit ars, eiusque utilitas deorum immortalium inventioni consecrata; animi autem medicina nec tam desiderata sit, antequam inventa; nec tam culta, posteaquam cognita est, nec tam multis grata et probata, pluribus etiam suspecta et invisa?* E pluribus inconcinnitatem quae his verbis, *quaesita sit ars eius atque utilitas, inest, sublevandi modis, nullum est aptius remedium, quam quod Lambinus attulit, ut legatur: quaesita sit ars, eiusque utilitas deorum immortalium inventioni consecrata; eamque nuper a Societate Bipontina in textum receptam esse valde probamus.* Verba enim: *eiusque utilitas deorum inventioni consecrata*, idem significant ac: *eamque propter utilitatem deorum inventioni consecrata.* Quod hic de medicina, idem alibi de eloquentia praedicatur; de Orat. lib. I. c. 46. *Non enim caufidicum nescio quem, neque proclamatorem aut rabulam hoc sermone nostro conquirimus, sed eum virum, qui primum sit eius artis (scil. oratoriae) antistes, cuius (inveniendae) cum ipsa natura magnam homini facultatem daret, tamen esse DEUS putabatur (quem eius inventorem perhibebant, s. Apollinem s. Mercurium) ut et ipsum (melius legatur: ut id ipsum) quod erat hominis proprium, non partum per nos, sed (propter utilitatem et magnitudinem) divinitus ad nos delatum videretur.* — —

Eod. cap. *Quod si tales nos natura genuisset, ut eam ipsam intueri et perspicere eademque OPTIMA DUCE cursum vitae conficere possemus, haut erat sane quod quisquam rationem ac doctrinam requireret. Nunc autem, simul atque editi in lucem, et suscepti sumus, in omni continua pravitate et in summa opinionum perversitate versamur, ut paene cum lacte nutricis errorem suxisse videamur. Cum vero parentibus redditi, deinde magistris traditi sumus, tum ita variis imbuimur erroribus, ut vanitati veritas, et opinioni confirmatae natura ipsa cedat. Accedunt etiam poetae, qui cum*

*magnam speciem doctrinae sapientiaeque prae se tulerunt, audiuntur, leguntur, ediscuntur, et inhaerescunt penitus in mentibus. Cum vero eodem quasi maximus quidam magister populus atque omnis undique ad vitia consentiens multitudo, tum plane inficimur opinionum pravitate, a naturaque desciscimus: ut nobis optimam NATURAM invidisse videantur. Qui nihil melius homini nihil magis expetendum, nihil praestantius honoribus, imperiis, populari gloria iudicaverunt. Optima profecto et verissima correctio est Davissii: ut nobis optimam MAGISTRAM invidisse videantur. Prorsus enim a Ciceronis elegantia abhorret insipida illa vocabuli naturam repetitio, cum vix dixisset a natura desciscimus. Cumque naturam paulo ante optimam ducem nominasset, eandem h. l. sed variato, ut solet, vocabulo, laudem naturae tribuere consentaneum erat. Quid? quod alibi quoque saepenumero naturam bene vivendi ducem et magistram appellat. Sic de finibus lib. I. c. 21. *magistra ac duce natura*, et de Amicit. c. 5. *hos viros bonos — quia sequuntur naturam, optimam bene vivendi ducem.**

Cap. XV. de Epicuro: *Levationem autem aegritudinis in duabus rebus ponit, avocatione a cogitanda molestia et revocatione ad contemplandas voluptates. Parere enim censet animum rationi posse, et quo illa ducat, sequi. Vetat igitur RATIO intueri molestias: abstrahit ab acerbis cogitationibus hebetem aciem ad misérias contemplandas, a quibus cum cecinit receptui, impellit rursus, et incitat ad conspiciendas totaque mente contrectandas voluptates, quibus ille et praeteritarum memoria et spe consequentium, sapientis vitam refertam putat. Ernestio post Bentleium vocabulum ratio suspectum est, et glossatorem sapere videtur. Itaque verbum vetat, non ad rationem sed ad Epicurum pertinere existimat. Quod nobis quidem nullo modo probatur. Nam his verbis vetat igitur ratio intueri molestias etc. declarare cupit Cicero, quid secundum Epicurum sit rationi parere. Quod fieri non poterat, nisi ostenderetur,*

quid eo auctore ratio nos facere vel iuberet vel vetaret. Hoc igitur illis verbis breviter explicare aggreditur. Ac saepe ea vis est particulae *igitur*, ut non concludendi, sed declarandi exponendique munere fungatur. Ut ergo hic repeteretur *rationis* vocabulum, quamquam paullo ante positum, factum est propterea, quod eo omisso lector incertus erat futurus, utrum illa verba *vetat*, — *abstrahit*, — *cecinit*, — *impellit et incitat*, ad *rationem*, an ad *Epicuri* personam referenda essent.

Cap. XVIII. Cicero postquam Epicuri verba commemoravit, quibus ille negaverat, se habere, quod intellexeret *bonum illud* (legendum potius: *bonum aliud*) detrahentem eas voluptates, quae sapore, auditu, oculis perciperentur, reliquasque quae in toto homine gignerentur quolibet sensu; cavillaturus cum addit ista quae sequuntur: *Ad hancine igitur vitam Telamonem illum revocabis ut leves aegritudinem? et si quem tuorum afflictum moerore videris, huic acipenserem potius, quam aliquem Socraticum libellum dabis? hydraulici hortabere, ut audiat voces potius, quam Platonis? expones, quae spectet, florida et varia? fasciculum ad nares admovebis? incendes odores? et fertis redimiri iubebis et rosa? Si vero aliquid etiam: tum plane luctum omnem absterferis?* Ultimorum verborum sensum cum facetissima cavillatione coniunctum haud affecutus est Ernesti; plurimorum Ciceronis locorum felicissimus interpret. Illam enim *ὑγίειν*: *Si vero aliquid etiam*, interpretatur: *Si autem maxime aliquid his rebus profeceris*: et hac ipsa ratione inductus est, ut sequens adverbium *tum* non satis aptum putaret, potiusque *tunc* respondendum esse censeret. Imo hic est illorum verborum sensus: *Si vero aliquid etiam* scil. quod dicere nolo, addideris, *tum* plane luctum omnem absterferis, h. e. *tum putabis te omnem ei luctum prorsus absterfurum esse*. Nolebat Cicero apertius dicere de voluptate Venerea, quam in abruptis illis verbis *si vero aliquid etiam*, intelligi volebat,

ut falsius Epicuri rationem rideret. Nempe cum ab iis voluptatibus, quae auditu, visu, odoratu, gustu perciperentur, exempla petiisset, supererat, ut etiam ex earum genere, quae tactu sentiuntur, aliquid assumeret. Sed hoc quale esset, coniecturae auditoris potius relinquere, quam disertis verbis enuntiare malebat. Conferantur ea, quae in eodem capite extremo dicit: *Eripiamus huic aegritudinem! Quomodo? Collocemus in culcita plumea; Psalteriam adducamus; hedychrum incendamus: aliquid videamus et cibi.* Hic igitur psalteriam nominat. Cur? Nimirum quia qui psalterias aut citharistras epulis adhibebant, plerumque non tantum audiendi voluptatem, sed aliam quoque minus liberalem ex iis quaerebant; illam scilicet quam secundo loco nominabat Epicurus, cum *saporem, et corporum complexum, et ludos atque cantus, et formas eas, quibus oculi iucunde moverentur, in causis voluptatum numerabat*, cf. cap. 20. Itaque aposiopesis illa, *si vero aliquid etiam*: ita fere supplenda videtur: *Si vero aliquid etiam voluptatis addideris, v. c. si puellam adduxeris, quacum se oblectet, tum plane luctum omnem absterferis?*

Cap. XX. *At laudat (Epicurus) et saepe virtutem. Et quidem C. Gracchus cum largitiones maximas fecisset et effudisset aerarium verbis tamen defendebat aerarium. Quid verba audiam, cum facta videam.* Ernesti: *quidem*, inquit, h. l. est alienum; itaque dubitat an transpositum sit ex antecedentibus, legendumque aut *et quidem saepe*, vel *et saepe quidem*. Minime vero. Sana hic sunt omnia. *Et quidem*, h. l. significat *imo vero etiam*; sive *Quid mirum? etiam*. — Ut cum Cicero Philipp. XI. cap. 4. dicit: *Cruciatus est a la Dolabella Trebonius; et quidem a Carthaginiensibus Regulus*, hoc nihil aliud est, ac: *imo etiam a Carthaginiensibus Regulus*. Ibi recte Ernesti harum particularum usum accepit, observans eas respondere graecis καὶ ὃν καὶ. Quod autem illic

post et quidem aliud et inferfit, id nobis quidem, etsi unius codicis auctoritatem secutus est, non probatur. Unum addamus exemplum, quod illum particularum et quidem usum magis illufiret. In libro de Amicitia cap. 21. *Digni autem sunt amicitia, quibus in ipsis inest causa, cur diligantur. Rarum genus; et quidem omnia praeclara rara. — Idem est ac si dixisset: rarum genus; nec mirum; nam omnia praeclara rara.*

Cap. XXIII. *Atqui tolerabilius feret incommodum, qui cognoverit necesse esse homini tale aliquid accidere. Pro Atqui, Davisius edidit Aut qui; Ernesti malebat An quis. — Nobis optimum videtur: At qui, — ut sensus sit: At quomodo is qui cognoverit necesse esse homini tale quid accidere, ideo tolerabilius feret incommodum?*

XXIV.

*De Ciceronis de Natura deorum I. 1, 1.
lectione et sensu commentariolum.*

Libros de natura deorum Cicero his verbis exorditur: *Cum multae res in philosophia nequaquam satis adhuc explicatae sint, tûm perdifficilis, Brute, quod tu minime ignoras, et perobscura quaestio est de natura deorum, quae et ad agnitionem animi pulcerrima est, et ad moderandam religionem necessaria. De qua tam variae sunt doctissimorum hominum tamque discrepantes sententiae, ut magno argumento esse debeat, CAUSAM, id est, PRINCIPIUM PHILOSOPHIAE esse INSCIENTIAM, prudenterque Academicos a rebus incertis assensionem cohibuisse. Quo loco cum olim legeretur causam id est principium philosophiae SCIENTIAM; nunc quidem inter omnes criticos convenit hanc lectionem librariis deberi, qui quid sibi vellet inscientia haud intelligerent, putarentque, ut bene Ernestius perspexit, causam et principium ad finem referri, quasi philosophia disceretur, ut scientiam rerum consequeremur, quod est a Ciceronis mente et consilio alienissimum. Sed de ipso inscientiae vocabulo magna est inter criticos dissensio. Vir doctus in Miscell. Obsl. in auctores veteres et recentiores Vol. III. p. 154. coniiciebat legendum esse inscientiae scientiam, ad sensum satis apte; ad lectionis veritatem nil necesse. Nam idem effici lectione inscientiam postea docebimus. Similiter de anonymi cu-*

iusdam in novis reip. litterariae a Cl. Bernardo editis coniectura iudicandum, qui satis audacter corrigendum censebat: *causam id est principium philosophiae esse sceptisim.* Nempe quid sensus postularet, callide intelligebat, eandem tamen sententiam ex vocabulo *inscientiam* exire, haud assequabatur. Baylius in epistola quadam (*Lettres choisies* de Mr. Bayle Roterod. 1714. Tom. II. p. 767) narrat sibi quondam placuisse ut legeretur: *causam et principium philosophiae non esse scientiam* „comme si la pensée de „Cicéron eut été, que les diverses opinions sur la Nature „des Dieux étoient une marque, que le principe de la philosophie, l'Etre des Etres, la cause première étoit d'une „Nature incompréhensible, et n'étoit point par conséquent „un sujet de science.“ At hac ratione, si usum latini sermonis spectares, nihil fingi poterat ineptius. Nunquam eum Cicero deum, *causam et principium philosophiae* dixisset, si voluisset *causam rerum omnium* significare. Neque vero hoc, quod Baylio in mentem venerat enuntiandum: *que la cause première ne soit pas un Sujet de science* latinis verbis efferrî poterat: *causam non esse scientiam*; dici debebat, *non esse scientiae subiectam*. Itaque prudenter Baylius hanc coniecturam mox abiicit. Nihil secius tamen lectioni *principium philosophiae esse scientiam* inhaesit, hac interpretatione Ciceronis mentem declarans: *Les plus sçavans hommes, ont formé sur la Nature des Dieux tant d'opinions différentes et opposées, que c'est une grande preuve, que la science, c'est-à-dire une connoissance certaine et évidente, doit être la Base, le Principe, et le Fondement de la Philosophie; et que les Academiciens sont bien sages, eux qui refusent leur consentement à des choses incertaines.* Quae quidem ratio nobis inprimis arrideret, si modo Cicero de systemate quodam philosophiae, eiusque fundamento loqueretur. Philosophiae autem nomine h. l. nihil aliud quam philosophandi rationem, sapientiae amorem, proprio et antiquo huius

vocabuli usu, designat; innuitque caput et principium huius philosophandi rationis *inscientia* contineri, h. e. ea animi constitutione, qua nolis scire videri quod nescias, sed libere *inscientiam* profiteris. Sinistre quoque huius vocabuli vim accepit Gesnerus in Thes. L. L. voc. INSCIENTIA; cum *admirationem esse filiam inscientiae s. ignorantiae eandemque esse matrem philosophiae* pronuntiat. Quae quidem sententia quamvis vera sit, non tamen est Ciceronis consilio aptissima. Optime igitur omnium Ernesti in prolusione, qua varios locos in libris de natura deorum emendavit et illustravit, ex ratione Academicorum h. l. explicuit. Ac summam quidem sententiae in Clave Ciceroniana his verbis retulit; „*inscientiae* verbum duplicem vim habet apud Ciceronem, vulgarem alteram quae neminem fugit; alteram vero remotam ab usu plebis eamque in nullo lexico, quod sciam, commemoratam. Ea est Acad. I. 12. Si quid ita erat comprehensum, ut convelli non posset, SCIENTIAM, sin aliter INSCIENTIAM nominabat Zeno, ex qua existeret opinio, quae esset imbecilla et cum falso incognitoque communis. Hanc *inscientiam* defendebant Academici, qui nihil statuebant esse perceptum, h. e. ita comprehensum, ut convelli ratione non posset. Acad. I. 6. Itaque hanc summam legem et principium totius philosophiae putabant, nihil certo sciri, nihil percipi posse; contra quos coorti Stoici scientiam menti humanae et perceptionem comprehensionemque asseriebant. Quare cum Cicero noster, id quod inter omnes constat, Academicam rationem sequeretur, vel illam philosophorum de natura deorum dissensionem confirmare *inscientiam Academicam* existimabat et Academicos propterea prudenter, cum omnia incerta sint, assensionem ubique cohibendam putare.“ Hactenus ille. Praeterea in notis ad h. l. disertius explicat, quam vim vocabulo *principii* h. l. subiiciendam putet. „Principium est, inquit, quae Graecis philosophis ἀρχή. Ἀρχὰς autem philosophi

Graeci dicunt propositiones evidentes, necessario veras disciplinarum, e quibus aliae indicantur etc. Quod ergo deinde addit de Academica suspensione assensionis, id indicat, intelligi h. l. illud Academicorum enuntiatio: *nihil esse perceptum ac certum*, eamque ob causam nihil esse affirmandum, ut prorsus certum. Sed illud principium non exprimitur verbo *scientiae*, quam Academici non agnoscunt, sed *inscientia*; quod quia librarii non intelligebant — deleverunt *in*, et dedere *scientiam*."

Hic etsi de ceteris facile Ernestio assentimur, unum tamen est, quod ei non concedimus. Nimirum ille vocabulum *principium*, de primario quodam enuntiato (*Grundsatz*) intelligendum esse censet, quasi Cicero dixerit: *de qua tam variae sunt doctissimorum hominum tamque discrepantes sententiae, ut magno argumento esse debeat, verissimum esse Academicorum decretum, quo nihil esse perceptum ac certum pronuntiant, ab eoque tanquam principio universam philosophiam pendere*. Nobis vero verborum ordinem ac propriam significationem spectantibus non de propositione quadam singulari, sed de universa philosophandi ratione dicere videtur Tullius, ita ut illa verba germanice sic vertenda sint: *dass man dies für einen wichtigen Beweis halten kann, der Grund und Anfang alles Philosophirens sey der Zweifelgeist*. Inscentia enim nihil aliud est, quam illa Academicorum ratio, qua percipi nihil putant posse, assensurum autem non percepto, id est opinaturum sapientem existimant, sed ita ut intelligat se opinari sciatque nihil esse quod comprehendere et percipi possit. (Cic. Acad. IV. 1. 48.) Quae cum ita sint, nihil h. l. in textu mutandum esse contendimus, nisi forte pro *causam*, id est, *principium philosophiae* rescribere velis *causam* et *principium philosophiae*; non solum enim Cicero alibi *causam* et *principium* copulat, sed etiam pro *id est* in veteri cod. Vossiano legi et, observatum est a V. D. in Misc. obs. loco supra commemorato. Qui totam *ἡσὺν id est principium* glossema esse

opinantur, ut nuper Wideburgius V. Cl. in libro: *philologisch pädagogisches Magazin* Vol. III.) non animadvertunt, in illo commate *causam philosophiae esse inscientiam* et numerum nimis concidi, et ambiguitate sententiam laborare. Quod autem ille corrigendum opinatur: *cautam esse philosophia scientiam* h. e. scientiam vulgari accuratorem, id a Ciceronis proposito prorsus abhorret, ne usui loquendi parum respondere urgeamus. Quod denique censor libri Wideburgiani (in *Allgem. Litterat. Zeitung* anni 1798. fcida 209.) Ciceronem sic edidisse arbitratur: *tam variae sunt doctissimorum hominum tamque discrepantes sententiae ut magno argumento esse debeat causam esse inscientiam*; habet quidem illa emendatio quo se tueatur, si sensus facilitatem et commoditatem spectes; verumtamen cum lectio recepta ipsa quoque sensum aptissimum, quamvis paullo reconditiorem admittat, non est quod lectionem bonam et sinceram sollicitemus.

Cum autem Cicero dicit *prudenter Academicos a rebus incertis assensionem cohibuisse*, bene Ernesti monuit, verba *a rebus incertis* non de quibusdam rebus, quae sint incertae, sed de omnibus, quia nihil in iis certi sit, intelligi debere. Cum autem Kindervaterus V. Cl. in notis adiicit, illam Academicorum ἀκαταληψίαν non ad γαινόμενα rerum sed ad νοούμενα et ὑποκείμενα pertinere, in eo, aut parum dilucide, quod voluit, exposuit, aut ipse in errore versatur. Assensum enim aequae a visis cohibendum censuerunt Academici atque a ceteris rebus. Distinguebant autem assensum a probatione. Probare visa poterat, qui iis assentiendum esse negabat. Assensionem autem eum animi motum appellabant, quo aliquid certissime et cum summa evidentia intelligi putaret. Id fieri posse nisi in plane perceptis rebus, constanter negabant. Percipi autem nihil posse; igitur ab omnibus rebus assensionem esse cohibendam. Hac ἐποσχῆ tamen sapien-

sapientem haud impediri, quo minus quaedam probabilia esse putet. Clarissimus exstat locus acad. quaest. Lib. IV. Cap. 31. „Itaque et sensibus probanda multa sunt: teneatur modo illud, non inesse in his quidquam tale, quale non etiam falsum, nihil ab eo differens esse possit. Sic quicquid acciderit specie probabile, si nihil se offeret, quod sit probabilitati illi contrarium, utetur eo sapiens, ac sic omnis ratio vitae gubernabitur. Etenim is quoque, qui a vobis sapiens inducitur, multa sequitur probabilia, non comprehensa, neque percepta, neque assensa, sed similia veri, quae nisi probet, omnis vita tollatur. Quid enim? conscendens navem sapiens, num comprehensum animo habet atque perceptum, se ex sententia navigaturum? Qui potest? Sed si iam ex hoc loco proficiscatur Puteolos stadia triginta, probo navigio, bono gubernatore, hac tranquillitate, probabile videatur, se illuc venturum esse saluum. Huiusmodi igitur visis consilia capiet et agendi et non agendi, faciliorque erit, ut albam esse nivem probet quam erat Anaxagoras, qui id non modo ita esse negabat, sed sibi, quia sciret aquam nigram esse, unde illa concreta esset, albam ipsam esse ne videri quidem. Et quaecumque res illum sic attinget, ut sit visum illud probabile, neque ulla re impeditum, movebitur. Non enim est e saxo sculptus, aut ex arbore dolatus; habet corpus, habet animum, movetur mente, movetur sensibus, ut ei multa vera videantur, neque tamen habere insignem illam et propriam percipiendi notam; eoque sapientem non assentiri, quia possit eiusdem modi existere falsum aliquod, cuiusmodi hoc verum.“ Ex quo loco perspicue intelligitur a *rebus incertis cohibere assensionem* idem esse ac nullis nec visis, nec rationis decretis ita confidere, ut ea tamquam certa et indubitata defendas, qua ratione tamen non prohibetur, quin multa probabilia videantur. Alibi enim in hoc ipso de N. D. libro cap. 5. hoc modo Academicorum *ἐποχὴν* describit: *Non enim sumus ii, quibus*

nihil verum esse videatur, sed ii, qui omnibus veris falsa quaedam adiuncta esse dicamus, tanta similitudine ut in iis nulla insit certa iudicandi et assentiendi nota. Ex quo existit et illud, multa esse probabilia, quae quamquam non perciperentur, tamen quia visum haberent quendam insignem et illustrem, his sapientis vita regeretur.

Sed illo quem tractamus loco Tullius ita pergit: *Quid enim est temeritate turpius? Aut quid tam temerarium tamque indignum sapientis gravitate atque constantia; quam aut falsum sentire, aut quod non satis explore perceptum sit et cognitum, sine ulla dubitatione defendere? Ad sensum sine dubio lectio turpius, quae est paucorum codicum, alteri fortius, quae in pluribus reperitur, multum praefenda. Kindervaterus quidem lectionem: quid enim est temeritate fortius? sic explicare posse putabat; quid citius ad mortem rapit temeritate? Enimvero haec ratio prorsus abhorret ab latini sermonis consuetudine; neque adeo, si per hanc ei obsequi liceret, verborum et argumenti continuatio eam admitteret. Requiritur necessario verbum, quod habeat turpitudinis aut stultitiae aut levitatis significationem. Et pro lectione turpius iam Davisius ad partes vocavit locum simillimum ex Acad. I, 12. „Itaque Arcesilas negabat esse quidquam, quod sciri posset, ne illud quidem ipsum, quod Socrates sibi reliquisset. Sic omnia latere censebat in occulto, neque esse quidquam, quod cerni aut intelligi posset. Quibus de causis nihil oportere neque profiteri, neque affirmare quemquam, neque assensione approbare, cohibereque semper et ab omni lapsu continere temeritatem, quae tum esset insignis, cum aut falsa, aut incognita res approbaretur, neque [hoc] quidquam esse turpius, quam cognitioni et perceptioni assensionem approbationemque praecurrere.“ Sed quoniam suspicamur fore, qui se videre negent, cur aut quomodo, si antiqua lectio fuisset turpius, a compluribus librariis ea*

in *fortius* mutata sit, praesio est ratio, qua illis hunc scrupulum ex animis evellamus. Fortasse enim Cicero scripsit: *quid est enim temeritate FUTILIUS?* Ex hoc vocabulo *futilius* propter similitudinem literarum fieri facile potuit *fortius*. Illo autem vocabulo in eadem re utitur Cicero Acad. IV. 18. *Quid enim est tam futile, quam quidquam approbare non cognitum?*

XXV.

In Ciceronis de Natura Deorum libri I. aliquot capita observationes.

Caput I. *Velut in hac quaestione, plerique (quod maxime verisimile est, et quo omnes duce natura vehimur) deos esse dixerunt. Ernestio displicebat vehimur, quia putabat id verbum non bene convenire vocabulo duce. Sed sumpta est translatio a cursu maritimo, ubi recte dicitur aliquis vehi hoc vel illo duce f. gubernatore.*

Cap. II. *Sunt enim philosophi, et fuerunt, qui omnino nullam habere censerent humanarum rerum procuracionem deos. Quorum si vera sentia est, quae potest esse pietas? quae sanctitas? quae religio? Haec enim omnia pure ac caste tribuenda deorum numini ita sunt, si animadvertuntur ab his, et si est aliquid a diis immortalibus hominum generi tributum. Kindervaterus ad h. l. per pietatem intelligenda esse censet *sensa*, quae religione efficiuntur (*die Gefinnungen der Gottesverehrung*) et per sanctitatem actiones illis congruas, *den Einfluss welchen jene Gefinnungen auf die Moralität haben.*) In quo nobis videtur vir doctus interpretis personam parum sustinuisse. Hunc enim decet, non quid omnino verba significare possint, sed quid hoc loco designent, quaerere. Pietas est iustitia adversus deos, ut alibi Cicero ipse interpretatur, qua continetur etiam gratus animus erga deos, be-*

neficioꝝ ab his acceptoꝝ memor. Sic cap. 41. huius libri: *Quae porro pietas ei debetur a quo nihil acceperis? aut quid omnino, cuius nullum meritum sit, ei deberi potest? Est enim pietas iustitia adversum deos.* Paulo post Cicero sanctitatem ita definit: *Sanctitas autem est scientia colendorum deorum.* Et cap. 42. religionem deorum cultu pio contineri dicit. Ergo pietas ad internam animi erga deum benevolentiam pertinet, sanctitas ad scientiam numinis recte colendi, religio ad ipsas ceremonias honoresque deorum numini tribuendos. Idque hoc loco, de quo agimus, sequentibus confirmatur verbis: *Sin autem dii neque possunt nos iuvare, neque volunt, nec omnino curant, nec, quid agamus, animadvertunt, nec est, quod ab his ad hominum vitam permanere possit, quid est, quod ullos diis immortalibus cultus, honores, preces adhibeamus: ubi cultus ad sanctitatem, honores ad religionem, preces ad pietatem referuntur.*

Pergit Cicero: *In specie autem fictae simulationis, sicut reliquae virtutes, ita pietas inesse non potest, cum qua simul et sanctitatem et religionem tolli necesse est, quibus sublati, perturbatio vitae sequitur et magna confusio.* H. I. Kindervaterus sibi videtur hac ratione explicuisse: „Nimirum omnia ita miscentur atque perturbantur in „vita hominum morali, si ita loquendum est, ut extincta „religione morumque sanctitate, etiam legum civilium „auctoritas evanescat, et ipsius reip. fundamenta labefactentur, ita ut fors vel civium singulorum vel universae reip. atque omnis societatis humanae miserrima sit habenda. Quo quid verius dici possit, equidem non video; ac magis argute, quam vere Baylius aliquo loco vincit vel atheorum reip. salvam esse posse.“ Hic etsi probi sacerdotis benevolentiam facile agnoscimus, tamen et interpretis ἀκριβειαν et philosophi acumen valde desideramus. Primum enim illa perturbatio vitae et magna

confusio, quam religione sublata consecuturam esse censet, non ad vitam hominum moralem, neque ad reip. conversionem spectat, quippe de qua sequente demum periodo Cicero loquitur, addens ista: *Atque haud scio an pietate adversus deos sublata, fides etiam et societas generis humani, et una excellentissima virtus iustitia tollatur.* Itaque nisi Ciceroni ieiunam quantam tautologiam obtrudere velimus, illa *perturbatio vitae et magna confusio*, unice de vitae civilis ac domestica perturbatione intelligenda est, quam religione sublata secuturam Cicero pronuntiat. Fac enim eius aetate repente, ut nuper in Gallia factum vidimus, publicas privatasque ceremonias religionesque sublatas esse, quid censes eventurum fuisse? Quot deorum templa aut diruta, aut deserta, quod sacerdotia sublata essent! Quanta vero ex tot sacrificiis intermissis, ceterisque sacrorum ritibus, ludis, pompis, lectisterniis, supplicationibus abrogatis, exorta esset opificiorum et mercaturae conversio? Quod autem Kindervaterus quasi iure suo postulat, ut sibi concedamus extincta religione necessario perituram esse legum civilium auctoritatem, omninoque ruinam totius reip. consecuturam, id profecto eiusmodi est, ut vereamur, ne catervae veniant contradicentium. Initio enim morum innocentia vitaeque sanctitas absque religione consistere potest, quod vel luculento Spinozae exemplo intelligeretur, nisi ipsa quoque ratio id evinceret. Tantum enim abest ut virtutis officia ex persuasionem de divino numine ducenda sint, ut potius haec persuasio certitudine legis morales, quam ex ipsa natura haurimus, maxime nitatur. Reip. salus bonis legibus, iustitia magistratuum, civiumque flore et robore continetur, quae omnia saepe perversis religionibus, aut prava superstitione turbata sunt; minime autem ita coniuncta sunt cum opinionibus hominum de dei natura, ut tueri se non possint, simulac tota civitas, quod fieri vix unquam potest, ad hanc opinionem delaberetur, ut deum esse

negaret. Magno enim ad virtutem colendam adiumento carere Atheos facile largimur, eosdem vero propter errorem suum a virtute et officio necessario desciscere prorsus negamus. Quod si verum est, quod divinitus monuit Cicero, in specie fictae simulationis inesse non posse virtutem ac pietatem, vehementer cavendum est, ne homines propter odiosas suspiciones aut pravas calumnias adversus philosophos, secus ac vulgo fieri solet de dei natura sentientes, temere excitatas, aut poenas adeo adversus eorum decreta statutas ad simulationem istam adducantur, qua profecto multo plus reip. noceretur, quam libertate de rebus divinis quicquid cuique visum fuerit sentiendi omnibus proposita. Magnopere etiam cavendum est, ne Atheismi maculam iis aspergamus, qui dei naturam aliter atque alii sibi informant; cogitandum potius nullas esse tam diversas tamque discrepantes de dei natura sententias, quin cum iis vera virtus vitaeque honestas coniungi possit. Epicurus qui providentia deorum sublata nihil ab iis humano generi tribui censebat, nihilo secius vitae innocentiam, temperantiam, probitatem tueri poterat; idem tamen superbe et inhumaniter fecisset, si Stoicos ideo, quod deos felicitatis humanae auctores esse crederent, idololatrias, aut anili superstitioni addictos esse, decrevisset. Adeo verum est, quod pulcherrime his verbis expressit Lessingius:

*dass Ergebenheit in Gott,
von unserm Wännen über Gott
so ganz und gar nicht abhängt!*

Cap. III. *Quod et orationes declarant, refertae philosophorum sententiis, et doctissimorum hominum familiaritates, quibus semper domus nostra floruit.* Ernestii fatetur, verbum floruit ipsum saepe offendisse, quia gloriabundi hominis videretur. Quasi vero illa gloriatio, si qua esset, non magis in universa sententia, quam in hoc verbo

verbo floruit, minime culpando, se exfereret. Similiter Cicero in orat. pro Sextio cap. 63. *Accessus meus ad urbem incredibili hominum multitudine et gratulatione florebat.*

Cap. IX. *Ab utroque (scil. Platonico et Stoico) autem sciscitor cur mundi aedificatores repente exstiterint, innumerabilia saecula dormierint. Non enim si mundus nullus erat, saecula non erant. Saecula nunc dico, non ea, quae dierum noctiumque numero annuis cursibus conficiuntur. Nam fateor ea sine mundi conversione effici non potuisse. Sed fuit quaedam ab infinito tempore aeternitas, quam nulla temporum circumscriptio metiebatur, SPATIO tamen qualis ea fuerit, intelligi potest, [quod ne in cogitationem quidem cadit ut fuerit tempus aliquod, nullum cum tempus esset.] Isto igitur tam immenso spatio quaero, Balbe, cur Pronoea vestra cessaverit. Pro SPATIO quod h. l. commodum sensum haud praebet, RATIONE legendum arbitramur. Davisius quidem sic explicabat: e notione spatii communi, vulgo abstractam vocant; quasi Velleius hoc dicere voluerit ex notione spatii infiniti nos κατ' ἀναλογίαν quae sit infinita aeternitas animo comprehendere posse. Sed quia statim recurrit vocabulum spatii de tempore usurpatum; quippe cum verba isto igitur tam immenso spatio nihil aliud significant, quam isto igitur tam immenso tempore, non placet spatium paullo ante alio significatu de dimensione geometrica usurpatum. Deinde illa verba: quod ne in cogitationem quidem cadit ut fuerit tempus aliquod nullum cum tempus esset, a sciolo quodam margini codicis videntur adiecta esse, qui concoquere non posset, tempus quoddam ante saecula, quae dierum noctiumque annuis cursibus conficiuntur, fuisse. Si Velleius haec adiecisset ipse sibi manifestio repugnasset.*

Cap. XX. *Sive in ipso mundo deus inest aliquis, qui regat, qui gubernet, qui cursus astrorum, mutationes tem-*

porum, rerum vicissitudines ordinesque conservet, terras et maria **CONTEMPLANS** hominum commoda vitasque tueatur. Languidum nec satis aptum est *contemplans*. Fortasse Cicero scripsit *contemperans*. Eadem fere sententia lib. II. c. 39. *Ipsum autem mare sic terram appetens litoribus eludit, ut una ex duabus naturis conflata videatur.*

Cap. XXV. Epicurei vituperantur, quod cum aliquid non verisimile dicant et effugere reprehensionem velint, afferant aliquid, quod omnino ne fieri quidem possit. Post aliquot huius rei exempla, quae Epicuri obtusum in ratiocinando ingenium declarare possent, novum affertur hoc: *Urgebat Arcesilas Zenonem, cum ipse falsa omnia diceret, quae sensibus viderentur, Zeno autem nonnulla visa esse falsa, non omnia. Timuit Epicurus, ne, si unum visum esset falsum, nullum esset verum, omnes sensus veri nuntios dixit esse. Nihil horum nisi CALLIDE; graviolem enim plagam accipiebat, ut leviolem repelleret.* Ernesti ad h. l. annotavit: „*Callide vitiosum esse res docet. Nihil enim callidi est in „eo quo maius incommodum subimus.*“ Recte scilicet si vocabulum seria mente positum opineris. Enim vero mirum est, quo pacto Ernestium fugere potuerit ironia huic vocabulo subiecta. Quid? Si vernacula aliquis scripsisset: *Man muss gestehen, das alles macht Epicur sehr gescheit. Denn um einen kleinern Hieb auszupariren, lässt er sich einen größern beibringen;* nonne quivis statim priorem sententiam εἰρωνικῶς elatam intelligeret?

Cap. XXVI. *Idem facit in naturā deorum. Dum individuorum corporum concretionem fugit, ne interitus et dissipatio consequatur, negat esse corpus deorum, sed tamquam corpus; nec sanguinem, sed tamquam sanguinem. Mirabile videtur, quod non rideat haruspex, cum haruspicem viderit. Hoc mirabilius, quod vos inter vos risum*

tenere possitis. Non est corpus, sed quasi corpus. Hoc intelligerem quale esset, SI ID in cereis FINGERETUR aut fictilibus figuris, in deo quid sit quasi corpus, aut quasi sanguis intelligere non possum. Recte vir doctus in Misc. obss. Vol. III. p. 158. expungenda censuit verba si id fingeretur. Nempe hoc significatur: „Ista comparatio, quasi corpus, quasi sanguis, quam vim habere possit in cereis et fictilibus figuris, probe intelligo. Tum enim nihil aliud hac comparatione designatur, quam signum cereum aut fictile tam artificiose elaboratum esse, ut quam proxime ad corporis humani similitudinem accedat.

Cap. XXXIV. *Tu ipse paullo ante, cum tamquam senatum philosophorum recitares, summos viros desipere, delirare, dementes esse dicebas. Quorum si nemo verum vidit de natura deorum, verendum esse, ne nulla sit omnino. Nam ista quae vos dicitis sunt tota commentitia, vix digna lucubratione anicularum. Ernesti fatetur hanc lucubrationem sibi nunquam placuisse; nec esse sermonem de libris. Deinde, „approbatione, inquit, aut simile quid, melius conveniret, nisi lucubratio „etiam de lectione nocturna dicitur.“ Kindervatero plana videntur omnia, si verba: *vix digna lucubratione anicularum* sic explicentur: *quae ab aniculis vel conscribantur vel legantur.* At iam Ernesti monuerat hic non agi de libris. Loquitur Cotta de commentitiis Epicuri de deorum natura sententiis, quibus v. c. diis figuram humanam, sexum etc. tribuebant. Et quis unquam fando audivit aniculas apud Romanos libros philosophicos legisse vel scripsisse. Mirum est Ernestio in mentem non venisse solennem illam *lucubrationis* significationem, qua de operibus muliercularum nocturnis usurpatur; non succurrisse notissimum Livii locum I, 57. ubi Tarquinii *Lucretiam nocte sera deditam lanae inter lucubrantem ancillas**

sedentem inveniunt. Sic lucubratio de opere rustico apud Columellam XI. 2. ubi lucubratio vespertina et antelucana distinguitur. Itaque Cicero hisce verbis Cottae tributis nihil aliud significare voluit, quam hoc, istas Epicureorum de diis opiniones mera commenta, meras fabulas esse, et quidem adeo absurdas, ut vix dignae sint quae lucubrantibus aniculis narrentur. Nostri dicerent: *das sind ja lauter Märchen, kaum gut genug, dass man sie Abends alten Weibern beim Spinnrade vor-
erzählen dürfte.*

XXVI.

*In Ciceronis de Divinatione libros
animadversiones criticae.*

Lib. I. cap. 1. *Principio Assyrii, — propter planitiem magnitudinemque regionum, quas incolebant, cum coelum ex omni parte patens atque apertum intuerentur, traiectiones motusque stellarum observaverunt, quibus notatis, quid cuique significaretur, memoriae prodiderunt. Recte Hottingerus in verbis planitiem magnitudinemque figuram esse sensit, quae dicitur ἐν διὰ δύοιν; non tamen vertere debebat unüberschaubare Flächen. Traiectiones autem stellarum, quo vocabulo significantur stellae volitantes, (nostris Sternschnuppen) parum commode h. l. cum motibus stellarum componuntur. Hi enim necessario naturae ordine conficiuntur; stellae autem volitantes fortuita sunt μετέωρα; quae recte a Cicerone lib. II. c. 6. in leviorum signorum, quae ad augurum vel haruspicum disciplinam pertinebant, ordine et numero ponuntur. Ibi enim, Nondum dico, inquit, quam haec signa nulla sint, fissum iecoris, corvi cantus, volatus aquilae, STELLAE TRAIECTIO, voces furentium, fortes, somnia, de quibus singulis dicam suo loco, nunc de universis. Qui potest provideri, quidquam futurum esse, quod neque causam habet ullam, neque notam cur futurum sit? Solis defectiones itemque lunae praedicuntur in multos annos ab iis, qui siderum motus numeris per-*

sequuntur. Ea enim praedicunt, quae naturae necessitas perfectura est. Ex quo intelligitur lib. I. c. 1. alienum esse traiectiones stellarum. Scripsit Cicero compositiones vel simile quid. Bene autem Hottingerus observavit, pro: quid cuique significaretur, legendum esse, quid quoque significaretur; idque confirmatur loco simili, cap. 41. eademque interpretatur, quid quibusque ostendatur monstris atque portentis.

Cap. II. *Cumque magna vis VIDERETUR esse et in impetriendis consulendisque rebus, et in monstris interpretandis ac procurandis, in haruspicum disciplina, omnem hanc ex Etruria scientiam adhibebant, ne genus esset ullum divinationis, quod neglectum ab iis videretur. Herelius in libro Magazin für Philologen p. 129. coniicit scribendum esse: cumque magna vis CREDERETUR esse, quia statim in clausula periodi recurrit videretur. Probabiliter ille quidem. Eidem tamen haud assentimur verba, in haruspicum disciplina ad sequentia trahenti. Si quid mutandum esset pro in haruspicum disciplina, legi posset, haruspicum disciplinae. Sed non est necessarium. Paulo post vero idem Herelius prudenter emendavit lectionem incitentur. Sensus postulat incitentur.*

Cap. III. *Philosophorum vero exquisita quaedam argumenta, cur esset VERA divinatio, collecta sunt. Ernesti delendum censebat VERA, eique adstipulatur Hottingerus. Sed hoc vocabulo prorsus deleto iusto brevior sit numerus huius incisi, ut melius sit vel vere, vel re vera substituere. Sic cap. 38. quam quidem (divinationem) esse re vera, hac Stoicorum ratione concluditur. Eandem ob causam ab utroque discedimus cum in verbis iisdem REBUS fidem tribuit, reliqua divinationis genera reiecit, eiiciendum putant REBUS. Hoc enim referendum est ad verba praecedentia, somniorum et furoris, quibus recte dicitur fides haberi.*

Cap. IV. *Etenim ipse Cotta sic disputat, ut Stoicorum magis argumenta confutet, quam hominum deleat religionem. Tum Quintus, dicitur quidem istuc, inquit, a Cotta, et vero saepius, credo ne communia iura migrare videatur, sed studio contra Stoicos differendi deos mihi videtur funditus tollere. H. l. nondum fatis explicatum legimus, quid sit communia iura migrare. Lucem vero accipiunt haec verba ex Cic. de Natura deorum lib. III. c. 2. Admonuerat nimirum Balbus Cottam libro II. extremo, ut ageret causam deorum, seque et principem civem et pontificem esse cogitaret. Huic Cotta sic respondet III. 2. „Non enim mediocriter moveor auctoritate tua, Balbe, orationeque ea, quae me in perorando cohortabatur, ut meminissem me et Cottam esse, et pontificem. Quod eo credo valebat, ut opiniones, quas e maioribus accepimus de iis immortalibus, sacra, ceremonias religionesque defenderem. Ego vero eas defendam semper“ etc. Itaque communia iura h. l. sunt duo genera iuris publici partim civile, partim pontificium; utrumque ius migrare velle videri poterat Cotta, acrius adversus Stoicorum argumenta, quibus deos esse demonstrabant, disputando; in suspicionem enim incurrebat funditus tollendae religionis, quam si sustulisset, et malum civem et malum pontificem se praestitisset, i. e. ius utrumque commune tam civile quam pontificium migrasset.*

Eod. cap. *Ego enim sic existimo, si sint ea genera divinandi VERA, de quibus accepimus, quaeque colimus, esse deos, vicissimque si dii sint, esse qui divinent. Pulcre vidit Herelius eiiciendum esse VERA, brevitatem enim oppositionis et membrorum concinnitatem turbat.*

Idem cap. VI. *eleganter, ubi nunc legitur tum aliquo instinctu inflatuque divino corrigit afflatuque; afflatus enim*

vocabulo Cicero postea quoque cap. XVIII. XIX. utitur. Similiter idem cap. L. extr. pro *inflatae mentes* substituit *afflatae*.

Cap. XI. In versiculo:

Concurfusque graves stellarum ardore micantes.

Herelius emendat *gravi*, ne substantivum *ardore* epitheto careat. Idem nuper in mentem venit Wakefieldo ad Lucret. I. 1088. qui praeterea legendum censet *albore*, quia statim dicitur: *claro tremulos ardore cometas*. Verumtamen *ardore* saepius postea quoque iteratur, omninoque sententiae et versiculo antecedenti aptius respondere videtur lectio sic constituta:

Concurfusque graves stellarum ardore micantum.

Optime vero Herelius cap. XXI. divinavit, lectionem *curis sumtus suspirantibus* corrigendam esse sic, ut legatur *curis punctus*.

Eiusdem philologi elegans est emendatio cap. XXVIII. *Tum et se exclamasse Sallustius narrat, redditum tibi celerem et gloriosum paratum; ubi dubium non est quin eo auctore reponendum sit, celebrem.*

Cap. XXXI. in his poetae versiculis.

*Iamque mari magno classis cito
Texitur, exitium examen rapit;
Advenit et fera velivolantibus
Navibu' complevit manu' litora;*

Wakefieldus ad Lucret. V. 1441. commode emendat, *exitium*; idem pro *et fera* reponit *ecfera*, quod parum placet. Verius est, quod Herelius iudicavit pro *complevit* scribendum esse *complebit*. *Advenit* enim ex metri lege praesens est; ex quo intelligitur in verbo

complere, quod sequitur, nullum esse tempori praeterito locum.

At eidem non concedimus cap. XXXVI. in verbis *at Platoni cum in cunis parvulo dormienti apes in labellis confedisissent*, adiectivum *parvulo* tamquam glossema delere cupienti. Quis enim vituperaret hodie sic loquentem: *Da Plato als ein kleines Kind in der Wiege schlief;?* Similis fere est ratio loci cap. XLI. lib. II. *est hodie locus septus religiose propter Iovis pueri, qui lactens cum Iunone Fortunae in gremio sedens, mammam appetens castissime colitur à matribus*; ubi nemo propterea delere velit vocabulum *lactens*, quod Iovem fuisse lactentem puerum e sequentibus *mammam appetens* intelligi possit.

Cap. 51. *Viget enim animus in somnis liberque sensibus ab omni impeditioe curarum, iacente et mortuo paene corpore.* Rectissime Herelius emendat: *liber sensibus atque omni impeditioe curarum.*

Lib. II. cap. 1. *Quibus rebus editis tres libri perfecti sunt de Natura Deorum.* Huic lectioni praeferenda est sine dubio lectio cod. Davil. *Quibus libris editis.* Hottingerus post Schellerum delendum censet *libris*, quia statim sequitur *libri*. Sed si brevior enuntiatio placeat, aptius fuerit sic rescribere: *Quibus libris editis tres perfecti sunt de Natura Deorum*; sicut mox: *Atque his libris annumerandi sunt sex de Republica.*

Cap. III. *Numquid ergo in iis rebus est, quod provisione et permotione mentis magis, quam natura ipsa sentiamus? aut nescio qui ille divinus, si oculis captus sit, ut Tiresias fuit, possit, quae alba sint, quae nigra dicere?* Schellerus coniiciebat: *ut nescio qui ille etc.* quod nimis benigne probat Hottingerus. Profecto autem secundum codices, quos laudat Davifius, legendum est:

aut

aut num nescio qui etc. Sed pronomen ille post nescio qui parum aptum videtur. Itaque totam ὅῃσιν sic constituere praestat: *Aut num nescio qui divinus, si oculis captus sit, ut Tiresias ille fuit, possit etc.*

Cap. V. Sed enim animadverti; Quinte, te caute ab iis coniecturis, quae haberent artem atque prudentiam et ab iis rebus, quae sensibus, aut artificiis perciperentur abducere divinationem. Iure offendebar Hottingerus lectione quae codd. et edd. omnes obsedit *aut artificiis*, medicinam tamen corruptelae non inveniebat. Eam vero postea reperit Herelii sagacitas, qui vidit legendum esse *arte vacuis*.

Idem Cap. XXXII. *Herbam esse asperam, credo avium congestu, non humano satū recte iudicavit post asperam supplendum esse crevisse.* Alio autem supplemento quod Viro doctissimo cap. XXXVII. necessarium visum est, facilius caremus. Nam illud admodum ridiculum quod negas, *Deiotarum, auspiorum quae sibi ad Pompeium proficiscenti facta sunt poenitere.* Quia Quintus dixerat lib. I. c. 15. *negat (leg. negavit) se tamen (Deiotarus) eorum auspiorum quae sibi ad Pompeium proficiscenti SECUNDA evenerint, poenitere,* ideo Herelius vocabulum SECUNDA etiam II. 37. post *proficiscenti* inserciendum putat. Sine causa idonea. Nam cum hic locus ad Quinti narrationem l. 15. respiciat, subintelligi poterat SECUNDA, scribi haud erat necesse. Alia autem ratione locus ille sublevandus est. Legendum enim: *Nam illud admodum ridiculum, quod negasse ais Deiotarum, se auspiorum — — facta sint poenitere.*

Cap. XLIII. Docet enim ratio mathematicorum — *quanta humilitate luna feratur, terram paene contingens, quantum absit a proxima Mercurii stella, multo autem longius a Veneris, deinde alio intervallo distet a sole.* — He-

relius turbatum constructionis nexum reslituturus, auctor est, ut corrigatur: *deinde quam longo intervallo*. At ne sic quidem omnino tollitur, id quod est in hac orationis parte perplexum. Mollius igitur idemque efficacius fuerit hoc modo locum sanare: *quanta humilitate terra feratur — quantum absit a proxima Mercurii stella. Multo autem longius a Veneris; deinde alio intervallo DISTAT a sole, cuius lumine illustrari putatur.*

Cap. XLV. *Sed quae tanta dementia est, ut in maximis motibus mutationibusque coeli nihil intersit, qui ventus, qui imber, quae tempestas ubique sit? Quarum rerum in proximis locis tantae dissimilitudines SAEPE sunt, ut alia Tusculi, alia Romae eveniat saepe tempestas. Quod qui navigant maxime animadvertunt, cum in flectendis promontoriis ventorum mutationes maximas saepe sentiant. Haec igitur cum sit tum serenitas tum perturbatio coeli, estne sanorum hominum etc.*

Herelius existimat post *dissimilitudines* adverbium *saepe* in *fere* aut *certe* corrigendum. Imo potius simpliciter expungendum est; non alia particula, quae hic sane frigeret, refarciendum. Sed maiore etiam vitio laborat locus ille, nondum quod sciamus, a criticis animadverso. Quid enim hoc significat: *Sed quae tanta dementia est, ut in m. m. m. c. nihil intersit, qui ventus, qui imber, quae tempestas ubique sit?* Hottingerus quidem interpretabatur sic, quasi dictum esset, *ut nihil interesse existimetur*. At haec ratio duriuscula est. Verius est, quod editores neglexerunt hyperbaton orationis, ut *saepe* in Ciceronis libris factum est, particula **CUM** inter *ut* et *in maximis motibus*, forte extrusa. Sic igitur legendus et interpungendus est ille locus: *Sed quae tanta dementia est, ut CUM in maximis motibus mutationibusque coeli nihil intersit, qui ventus, qui imber, quae tempestas ubique sit, (quarum rerum in proximis locis tantae diffimi-*

litudines sunt, ut alia Tusculi, alia Romae eveniat saepe tempestas; quod qui navigant, maxime animadvertunt, cum in flectendis promontoriis ventorum mutationes maximas saepe sentiant;) haec igitur cum sit tum serenitas tum perturbatio coeli, estne sanorum hominum hoc ad nascentium ortus pertinere non dicere etc. Si Cicero inchoatam constructionem, quae pendebat ab ut *CUM* in maximis, tenere voluisset, scribendum erat: ut cum haec igitur — coeli, hoc ad nascentium ortus pertinere non dicant; sed propter longiorem parenthesin mutavit constructionem, ut saepe, eoque perspicuitati consuluit.

XXVII.

In Horat. Epist. II. 1, v. 94. 101. 105. 188.
animadversiones criticae.

In prima libri secundi epistola Horatius novitatem poematum popularibus invisam esse questus, Graecorum iis exemplum opponit, quorum adeo varium, adeo flexibile fuerit et multiplex ingenium, ut nullam non artem recens inventam arripuerint, idque ab eo inde tempore maxime eluxisse dicit, quo a bellis adversus Persas maxime gestis, requiescere coeperint,

*Ut primum positis nugari Graecia bellis
 Coepit, et IN VITIUM fortuna labier aequa,
 Nunc athletarum studiis, nunc arsit equorum,
 Marmoris aut eboris fabros aut aeris amavit:
 Suspendit picta vultum mentemque tabella;
 Nunc tibicinibus, nunc est gavisus tragoedis;
 Sub nutrice puella velut si luderet infans:
 Quod cupide petiit, mature plena reliquit.
 Quid placet aut odio est, quod non mutabile credas?
 Hoc paces habuere bonae, ventique secundi.*

Hoc loco primum ambiguum est, quid sibi voluerit poeta, cum scripsit, (si modo scripsit) in VITIUM lapsos esse Graecos fortunae aequitate. Primum enim illud apparet, laudare potius eum voluisse Graecos quam ob vitium, quodcunque demum illud fuerit, castigare. Sed castigaverit sane; quaerimus quid tandem sit illud vitii,

ob quod eos quasi praetereundo carpendos censuerit. Sunt qui putent, *in vitium labi*, hoc loco idem esse ac *in illud nugandi vitium labi*. At ut non urgeamus hac ratione miseram importari tautologiam, cum sic dixisse Horatium fingamus: *postquam Graecia nugari coepit, et in hoc vitium nugarum labi*; hoc tamen iure nostro fumere licebit, ineptam sic obtrudi poetae sententiam, quasi *vitio* vertere voluerit Graecis studia in artibus ludicris posita. Etenim cum dicuntur *nugari* coepisse, hoc *nugandi* vocabulum non habet vitii significationem; opponuntur tantum artes elegantiores et gymnasticae, feriis negotiis, imprimis bellicis. Alia igitur via quaerendum est, quid hoc sit, *in vitium coepit Graecia fortuna labier aequa*. Scholiastes vetus exposuit *in vitium* adiecto scholio: *in delicias*. Audimus. Nempe Latinos generis vocabulo quam saepissime sic uti, ut formae notio iis subiiciatur tralaticium est. Verumtamen hac ratione sic utuntur, ut ne plane illudant lectoribus. Illuderent autem, si vocabulum generis pro specie ita ponerent, ut nullo modo, cuiusnam specie notio hic valeret, lectores coniectando assequi possent. *Delicias* saepe in vitio poni nullum dubium est. Enimvero cum Quintilianus *Inst. orat. I. 8, 9. quando nos, inquit, in omnia deliciarum genera vitiaque, dicendi quoque ratione, defluximus*, venuste et perspicue loquitur. Horatius autem si postulasset, ut se nihil aliud dicentem, nisi hoc, *in vitium Graecia labi coepit*, continuo de *deliciis Graecorum* intelligeremus, hariolorum potius, quam interpretum personas agere lectores voluisset. Quid enim? Nonne vitium in quod populus aequa ex fortuna delabitur, quod h. l. nos *delicias* interpretari iubemur, aequae bene *superbia* esse potest, *solenne vitium secundis rebus*, ut ait Claudianus? (in *Conf. Stilich. I, 2, 161.*) Nonne in alio populo minus, quam Graecia fuit, agili ac follerti longa pax, rerumque prosperitas hunc eventum habere potest, ut cives inertem desidiam sequantur, ab omni artium

elegantiorum cultura abhorrentem? Accedit, quod Horatius mutabile illud Graecorum ingenium, quo novas semper artes invectas novo studii calore amplectebantur haud in *vitio*, sed potius in laude ponendum pro consilio suo censebat. Cum enim quaerit,

*Quod si tam Graecis novitas invisa fuisset
Quam nobis, quid nunc esset vetus?*

quid aliud agit, quam ut Graecos ob istam novis artibus fruendi facilitatem laudet, Romanos autem invidiae accuset, quod sepultis tantum ingeniis plaudant? Quae quidem considerantibus nobis visus est ille locus vitii aliquid a librariorum negligentia traxisse. Legendum nempe est, ut opinamur

*Ut primum positis nugari Graecia bellis
Coepit et in VACUUM fortuna labier aequa;*

In VACUUM, scil. tempus labi, nihil aliud est, nisi in otium, adeoque in desidium incidere. Notum est *vacuum* absolute positum modo *vacuum spatium*, ut saepius apud Lucretium, modo *vacuum tempus*, denotare. Sic in Sallustii loco quem laudat Gellius N. A. lib. IX. c. 12. *Postquam remoto metu Punico simultates exercere vacuum fuit*; i. e. vacuum tempus s. otium ad simultates exercendas. Et sicut corpora in vacuum prolabi dicuntur, Lucretio VI. 1005. quidni Graecia Horatio dicatur in vacuum lapsa, h. e. in vacuum scil. a bellis tempus, in otium excolendis artibus idoneum et conducibile? Huic sententiae patrocinator similis locus v. 161 sqq.

*Serus enim Graecis admovit acumina chartis,
Et post Punica bella QUIETUS quaerere coepit
Quid Sophocles, et Thespis et Aeschylus utile ferrent.*

Omnino igitur Horatio obversabatur cogitatio, artes quas v. 95- sqq. enumerat, pacis esse comites otiique socias, ut Ciceronis, de eloquentia idem pronuntian-

tis, verbis utamur. Idque adeo confirmat adiecto versiculo 102.

Hoc paces habuere bonae ventique secundi.

Sed qui hunc proxime praecedit v. 101.

Quid placet aut odio est quod non mutabile credas?

eum indignum Horatio et a sciolo quodam adiectum esse censemus. Nihil enim affert nisi ieiunum locum communem, qui pulcrum orationis filum misere interrumpit, nec satis convenit poetae proposito. Non enim id agebat, ut rerum omnium vicissitudinem deploraret, sed tantum abuisse demonstrat, ut Graecis novitas displicuerit, ut potius, simulatque iis otium contigerit, ad omnes artium varietates amplectendas pronos se esse et proclives ostenderint. Itaque legat nobis aliquis eiecto illo versiculo, quem infiticiū putamus, locum perpetuum.

*Ut primum positis nugari Graecia bellis
Coepit et in VACUUM fortuna labier aequa,
Nunc athletarum studiis, nunc arsit equorum:
Marmoris aut eboris fabros aut aeris amavit:
Suspendit picta vultum mentemque tabella:
Nunc tibicinibus, nunc est gavisā tragoedis,
Sub nutrice puella velut si luderet infans:
Quod cupide petiit, mature plena reliquit.
Hoc paces habere bonae, ventique secundi.*

Sentiet profecto multo suavius aptiusque decurrere sententiam. Si quis tamen illum versiculum 101 Horatio abiudicandum pertinaciter neget, certe ei auctores sumus, ut transpositione orationis nexum nunc misere impeditum sublevet.

*Hoc paces habuere bonae, ventique secundi!
Quid placet aut odio est, quod non mutabile credas?
Romae dulce diū fuit et solenne etc.*

Sed in his ipsis, qui iam sequuntur, versibus

*Romae dulce diu fuit et solenne reclusa.
Mane domo vigilare, clienti promere iura,
Cautos nominibus rectis expendere nummos,
Maiores audire, minori dicere per quae
Crescere res posset, minui damnosa libido.
Mutavit mentem populus levis et calet uno
Scribendi studio.*

si versiculum 105.

Cautos nominibus rectis expendere nummos,
ut vulgo fit, ab antecedente et sequente seiunctum interpretamur, *gegen gute sichere Verschreibungen sein Geld an Zinse legen*, subdifficilis oritur quaestio, quomodo Horatius dicere potuerit Romanos sua aetate desisse rem foenebrem exercere. Imo hoc prorsus repugnaret iis, quae in Epistola ad Pisones V. 325 pronuntiata legimus:

*Romani pueri longis rationibus affem
Discunt in partes centum diducere. Dicat
Filius Albini; Si de quicunque remota est
Uncia, quid superat? — Poteras dixisse: Triens! Eu!
Rem poteris servare tuam.*

Huic incommodo ut obviam eamus, levi correctione defungi possumus; nempe si rescribatur:

*Clienti promere iura
CAUTO nominibus rectis expendere nummos.*

Clienti cauto expendere h. e. in expendendis nummis cauto et provido, Clientes enim constat, qui ICtos consulebant, saepe de formulis chirographorum, aut de rationibus pignorum et hypothecarum consuluisse. Notat igitur Horatius, de his rebus non ut olim consuli ICtos folere; id quod Cicero quoque observavit Orat. pro Murena cap. XI. Sed qui hac scripturae emendatione haud

delectatur, videat, an difficultas interpunctione mutata expediri possit, hoc modo:

*Clienti promere iura,
Cautos nominibus rectis expendere nummos
Maiores audire;*

h. e. solenne fuit olim Romanis maiores audire, qui cauti essent in nummis ita expendendis, ut creditor decipi non posset.

Restat in eadem epistola locus, varie quidem tentatus, nondum tamen satis expeditus.

*Saepe, etiam audacem, fugat hoc terretque poetam
Quod numero plures, virtute et honore minores
Indocti stolidique, et depugnare parati,
Si discordet eques, media inter carmina poscunt
Aut ursum aut pugiles: his nam plebecula gaudet
Verum equiti quoque iam migravit ab aure voluptas
Omnis ad INCERTOS oculos et gaudia vana.*

Iam olim quaesitum est, quid sit quod Horatius oculos hic *incertos* appellaverit. Et veteris quidem scholiae opinionem, qui fallaces interpretabatur secundum Academicos, qui contenderint oculos nostros in multis falli et in pluribus rebus certius esse, quod audiatur, bene iam Bentleius confutavit. Nempe haec prorsus aliena sunt ab Horatii proposito. Gesnerus exponendum putabat, primo fluctuantes, dubios, distractos propter varietatem, tum ignaros, quid videant, docendos demum ab aliis. Priori autem rationi obstat hoc, quod aures similiter sonorum varietate distrahi et obtundi possint; alteri autem, quod sensus incertitudo et obscuritas non magis in visum quam in auditum cadit. Et quod Gesnerus hic advocavit vers. 205. in eo prorsus ab Horatii consilio aberravit. Ibi enim aliquis inducitur docendus ab alio, non quid viderit? sed quid audiverit. Nempe vestem actoris purpuream clare satis conspexerat, incertus autem erat, an iam aliquid

dixisset. Itaque mirandum est, fuisse, qui desperata interpretatione commoda ad emendationem confugerent. Et *Cunningami* quidem coniectura, *INCESTOS* oculos reponere iubentis, prorsus est aspernanda. *Bentleii* autem lectionem *INGRATOS OCULOS*, cui ille tantum tribuit ut in contextum reciperet; libenter amplecteremur, nisi et paullo abstrusior esset ad sensum, et hoc saltem incommodi relinqueret, quod parum recte dici videtur: *migravit equiti ab aure voluptas — ad gaudia vana*. Quid enim hoc aliud est, quam si diceretur: *migravit voluptas ad voluptatem*? Quapropter alia via ad lectionis veritatem, quam nos quoque librariorum vitio adulteratam esse arbitramur, redeundum censemus. Legendum scilicet nobis videtur:

*Verum equiti quoque iam migravit ab aure voluptas
Omnis ad INTENTOS oculos IN gaudia vana.*

Iam nihil superest in orationis structura impeditum. Verborum enim collocatio similis est ei, qua utitur *Livius IV. 17.* cum dicit: *qui postquam INTENTOS homines IN eventum periculi alieni — est adortus*. Nec in ipsa imaginis conformatione, quae voluptatem ab auribus ad oculos migrantem sistit, quidquam occurrit quod reprehendas, omninoque iam sententiis et antecedentibus, et iis quae v. 196. dicuntur, optime respondet.

XXVIII.

In Quintiliani Instit. Orat. lib. III. c. 3.

Quintilianus libro tertio institutionum oratoriarum C. 3. ubi de quinque illis eloquentiae partibus, a rhetoribus fere traditis, agit, *inventione* nimirum, *dispositione*, *eloquutione*, *memoria*, *pronuntiatione* denique s. *actione*; nonnullos quoque sextam partem adiecisse docet, ita ut *inventioni* iudicium subnecterent, quia primum esset *invenire*, deinde *iudicare*. Quod quum sibi parum placere significasset, quippe qui ne invenisse quidem crederet eum, qui non iudicaverit, his quae sequuntur verbis, quae Cicero de ea re senserit, exponit. „*Et Cicero quidem in RHETORICIS iudicium subiecit inventioni, mihi autem adeo tribus primis partibus videtur esse permixtum, (nam neque dispositio sine eo, neque eloquutio fuerit) ut pronuntiationem quoque vel plurimum ex eo mutuari putem. Quod hoc audacius dixerim, quod in PARTITIONIBUS ORATORIIS ad easdem de quibus supra dictum est, quinque pervenit partes. Nam quum dupliciter primum divisisset in inventionem atque eloquutionem; res ac dispositionem inventioni, verba et pronuntiationem eloquutioni dedit; quintamque constituit communem ac velut custodem omnium memoriam. Idem in ORATORE, quinque rebus constare eloquentiam dicit; in quibus postea scriptis certior eius sententia est.*

Hic igitur primum quaerendum est, quo loco Rhetoricorum Cicero plures quam quinque partes eloquentiae

fecerit. Rhetoricos vero Ciceronis libros ubi Quintilianus laudat, semper intelligit eos, quos nunc vulgo sed novo titulo de *Inventione* appellant. Cicero enim adolescens libris illis Rhetoricis totam artem oratoriam complecti voluerat; duobus vero illis, qui exstant, quibus prima tantum pars, inventio nimirum oratoria tractatur, absolutis inchoatum opus deferuit, certe reliqua non edidit. Quintilianus igitur hos libros, ubi eorum inscriptionem diserte commemorat semper Rhetoricos appellat. Lib. II. 14. aperte testatur Ciceronem eos *Rhetoricos* inscripsisse his verbis: „Denique quum *M. Tullius*, etiam ipsis librorum, quos hac de re primum scripserat, titulis Graeco (scil. *Rhetoricorum*) nomine utatur, profecto non est verendum, ne temere videamur oratori maximo de nomine artis suae credidisse.

Eosdem libros Rhetoricos nominat Quintil. II. 15. „Cicero pluribus locis scripsit, oratoris officium esse, dicere apposite ad persuadendum. In rhetoricis etiam, quos sine dubio ipse non probat finem facit persuadere.

Qui locus est ap. Cic. de Inv. I. 5.

Porro Quintil. III. 6. 49. eosdem libros quos Cicero adolescens de arte scripserat, Rhetoricos nominat. „Posuerat et Cicero in libris rhetoricis facti, nominis, generis, actionis quaestionem, ubi locum de Inv. I, 8. respicit: et eod. cap. §. 63. Et *M. Tullius* non dubitavit aliquos iam editos libros aliis postea scriptis ipse damnare, sicut Catullum atque Lucillum, et hos ipsos, de quibus modo sum loquutus, artis *Rhetoricae*. Similiter III. 5, 14 et III. 6, 57. laudat *Rhetoricum* Ciceronis primum. Iterum III. 11, 10. *Rhetoricos* Ciceronis libros una cum *Partitionibus* citat. Quae quum ita sint, profecto mirum est Gesnero in mentem venire potuisse, Quintilianum ubi loco supra posito III. 3. ait Ciceronem in Rhetoricis iudicium subiecisse inventioni, respexisse locum in Oratore c. 14. 15.

Cui quidem sententiae recte nuper repugnavit Spaldingius novae editionis, eiusque praestantissimae tom. I. p. 444. et iam antea Regius et Burmannus in praefatione edit. libror. ad Herenn. et Ciceronis Rhetoricorum verum viderant.

Quum igitur in libris Rhetoricis Cicero quinque tantum partes eloquentiae constituerit (de Inv. I. 7.) *inventio- nem, dispositionem, eloquutionem, memoriam, pronuntiationem*, quaeritur, quomodo Quintilianus dicere potuerit, Ciceronem in iisdem libris *iudicium* subiecisse *inventioni*. Cui quidem quaestioni respondendi triplex est ratio. Et enim *vel* memoria lapsum esse Quintilianum dici potest; *vel* Ciceronem in reliquis Rhetoricorum libris, si modo plures, quam duo, quos habemus, edidit, ab ea sententia quam libro primo proposuerat discessisse, et iudicium tamquam sextam eloquentiae partem *inventioni* subiecisse; vel denique textum Quintiliani corruptum esse, et in verbis eius: „et Cicero quidem in *Rhetoricis*“, pro vocabulo *Rhetoricis* aliud alius Ciceroniani libri nomen substituendum esse.

Ex tribus igitur hisce rationibus, quae probabilior sit videamus.

Memoria lapsum esse h. l. Quintilianum, (quamquam saepe memoriter eum Ciceronis libros excitare, interdumque in eo errasse scimus) sed h. l. ubi Rhetoricos Ciceronis libros cum partitionibus oratoriis et Oratore confert, vix est credibile. Hic potius ipsum codices librorum Ciceronianorum inspexisse multo est verisimilius.

Quid igitur? Num si Quintilianus *Rhetoricos libros* laudat, in quibus Cicero iudicium subiecerit *inventioni* tamquam sextam eloquentiae partem, persuadebimus nobis Ciceronem in ea librorum Rhetoricorum parte, quae forsan interciderit, huiusmodi aliquid statuisse?

In hanc sententiam pronus est Spaldingius, vir doctissimus, idemque acutissimus, l. l. cuius verba huc trans-

scribere lubet. „Alios ullos Ciceronis libros, quam quos vulgo *de Inventione* appellamus designari nemini, si sapiamus, credemus; quum constans Quintiliani aliorumque veterum usus repugnet, hos solos *Rhetoricos* vocantium. In quibus, quum haec, quae tangit Quintilianus, frustra quaerantur, relinquitur, ut interciderit operis pars, quae contineret ista. Neque ceteroqui dubium est, quin imperfectum ad nos pervenerit illud, quod unicuique extremum librum legenti incurrit in oculos. Ipsum quidem scriptorem telam non pertexuisse, sed librum ut se indignum, (qualem tum, quum scribebat, profecto non putabat) omisisse, temere sibi persuadent quidam. Nonnisi prava interpretatione eo trahas de Orat. I. 2. init. vid. Fabr. bibl. lat. Ern. I. 145. Quum igitur inventionem prioribus duobus libris tractasset, in sequentibus videtur transiisse ad *dispositionem*; ita tamen ut negaret de *iudicio* seorsim esse opus praecipere, quia *subiectum* esset *inventioni*. *Subiiciendi* significatio sane et hic retinenda est ea, qua generi species dicitur subiecta. Aliud est *subiungere* (§. 10.) *subnectere* (§. 5.), aliud *subiicere*. Illo faciendo rem *subiunctam*, *subnexam* ponimus ipsam post praecedentem, ut alteram speciem; hoc eam praecedenti, tamquam genere, comprehensam demonstramus; ipsamque interdum etiam omittimus. Exempli apud nostrum I. 4. ubi vid. not. crit. 3, 3, 9. 3, 8, ib. l. 2. cet. ap. Cic. de Orat. I. 42. de Off. I. 27. Top. c. 8. de Fin. 2, 4. Neque putes sex eloquentiae partes factas exprobrari Ciceroni, verum illud reprehendi; quod iudicium magis cum inventionem coniunxerit quam cum ceteris partibus. Fateor tamen in sequentibus etiam numerum ipsum eloquentiae partium auctum a Cicerone in Rhetoricis significari, quoniam quinque partes in aliis eiusdem libris agnitae opponuntur. Haec autem ut existat sententia emendatione opus esse existimo, ut pro *subiecit*; legatur: *subiunxit*." Hactenus Spaldingius.

At primum nemo veterum ex libris Rhetoricis Ciceronis plures quam illos duo superstites qui sunt de Inventione citat; quapropter illum locum Ciceronis de oratore I. 2. *quae pueris aut adolescentulis nobis ex commentariolis nostris inchoata ac rudia exciderunt*, recte sic interpreteris licet, ut *inchoata* significet, *non ad finem perducta*, alterum epitheton *rudia*, idem sit, ac *non satis perfecta et perpolita*.

Neque vero negamus Ciceronem totam illis libris artem Rhetoricam tractandam sibi sumfisse; sed fieri potuit ut vel non absolverit opus, vel ut primi tantum libri in vulgus exirent. Deinde etiamsi totam artem Rhetoricam, cuius primi libri de Inventione tantum exsint, legisse Quintilianum fingamus, non tamen est credibile, Ciceronem qui libro primo diserte quinque partes eloquentiae fecerat, postea quasi sui oblitum sex voluisse facere. Quod autem Spaldingius negat sex eloquentiae partes factas exprobrari Ciceroni, id quam lubricum sit negare, statim videtur ipse sensisse. Certe totus huius loci apud Quintilianum contextus docet, hoc ipsum in Cicerone reprehendi.

Itaque videamus an emendatione textum Quintiliani sublevare possimus. Quid? si scripsit: „*Et Cicero quidem in ORATORIIS iudicium subiecit inventioni*“. Nempe ut vocabulo: *oratoriis* significaverit libros tres de oratore. Sic III. 1. 20. Quintil. *post Ciceronem*, inquit, *tacere modestissimum foret, nisi et rhetoricos suos ipse adolescenti sibi elapsos diceret, et in oratoriis haec minora, quae plerique desiderant, sciens omisisset*. Hic manifestum est oratorios libros esse illos tres de Oratore. Facile igitur librarii illo loco, quem tractamus pro *oratoriis* potuerunt substituere *rheticis*. Si igitur Quintilianus hic ad Ciceronis libros de oratore respexit, vix alius ei locus obversatus est, quam de Orat. I. 31. *Cumque esset omnis oratoris vis ac facultas in quinque partes distributa, ut debe-*

ret reperire primum quid diceret, deinde inventa non solum ordine, sed etiam momento quodam atque iudicio dispensare atque componere. Hic igitur Quintilianus Ciceronem putabat, iudicium inventioni subiecisse, quamquam in hoc errabat, quod illum quinque illas eloquentiae partes sexta quadam augere voluisse opinabatur.

Quod autem Quintilianus paulo post ait Ciceronem in Oratore, quinque partibus constare eloquentiam dixisse, Gesnerus et post eum Spaldingius negat, tale quid in Oratore reperiri. Sed potuit Quintilianus respicere ad locum Oratoris, c. 17. *Et quoniam coepi iam cumulatius hoc munus augere, quam a te postulatum est; (ibi enim tantum de orationis genere quaerenti respondi etiam breviter de inveniendi et collocando,) ne nunc quidem solum de orationis modo dicam, sed etiam de actionis; ita praetermissa pars nulla erit; quandoquidem de memoria nihil est hoc loco dicendum, quae communis est multarum artium.* Hic igitur Cicero easdem quinque partes eloquentiae agnoscit, inventionem, dispositionem, eloquutionem (quam hic dicit *orationis modum*), memoriam, actionem.

Quare hic non opus est, cum Spaldingio corrigere: *in libris de oratore*; et quae sequuntur verba: „*in quibus postea scriptis certior eius sententia est*, referri possunt ad duo libros Ciceronis, *partitiones oratorias*, et *oratorem*, quos Quintilianus libris de Oratore eodem modo opponit, quo lib. IX. 3, 90. *Oratorem libris de Oratore*, quum dicit: *Nam inprimis M. Tullius multas (figuras) in tertio de oratore libro posuit, quas in oratore postea scripto, transeundo videtur ipse damnasse.* Et si cui, ut Spaldingio, ellipsis in verbis illis: *in quibus postea scriptis certior eius sententia est*, paullo durior videatur pro ratione structurae, nihil prohibet, quo minus emendandum censeamus: *in quibus libris postea scriptis.*

XXIX.

*Diatribē in Taciti Annal. lib. II.
c. XXIII. XXIV.*

Illustris est Taciti locus, de navigatione Germanici per Oceanum septentrionalem, Annalium II. 23 sqq. nondum ita explanatus, ut novis interpretum aut criticorum studiis opportunitas desit.

Germanicus tertium iam annum cum Germanis beligerans, cum se a Tiberio specie quidem ad componendas Orientis turbas evocari, re vera suetis legionibus abstrahi novisque provinciis impositum dolo simul et casibus obiectari sensisset, lente parendum Tiberio duxit, et iam accelerandae victoriae intentior nova via Germaniam sibi tentandam esse putavit. Classe igitur mille navium fabricata quas in insulam Batavorum convenire iusserat, lacus inde et Oceanum usque ad Amisiam flumen secunda navigatione pervectus, classeque ibi in statione relictā, primum Angrivarios Stertinio duce fudit, deinde Cheruscōs et Arminium ingenti praelio vicit, bellum denique in Angrivarios Stertinio persequendum mandavit. Quod cum illi deditione facta devitassent, Caesar Germanicus, aestate iam adulta, legionum alias itinere terrestri in hibernacula remisit; plures autem classi impositas per flumen Amisiam Oceano invexit, ibique praeter opinionem magnam atroci tempestate coorta cladem accepit. Cuius descriptionem difficilibus quibusdam nodis implicitam et perplexam, cum

nobis curatius, quam adhuc a doctis viris factum sit, explicare operae pretium esse videatur, primum ipsum, quo in explanando versabimur, caput exscribimus; deinde, quibus suspicionibus adducti textum unius quidem fortasse verbi corruptela, sed a qua multorum quae sequuntur sensus pervertatur, laborare statuerimus, denique quomodo ei malo subveniendum, Tacitique loco sensum pariter ac lectionis veritatem restituendam esse arbitremur quam fieri poterit breviter ac dilucide exponemus.

Ita igitur Tacitus cap. XXIII. lib. II. *Annal.* *Sed aestate iam adulta legionum aliae itinere terrestri in hibernacula remissae, plures Caesar classi impositas per flumen Amisiam Oceano invexit. Ac primo placidum aequor mille navium remis strepere, aut velis impelli, mox atro nubium globo effusa grando, simul variis undique procellis incerti fluctus prospectum adimere, regimen impedire; milesque pavidus et casuum maris ignarus, dum turbat nautas vel intempestive iuvat, officia prudentium corrumpebat. Omne dehinc coelum et mare omne in AUSTRUM cecidit, qui tumidis Germaniae terris, profundis amnibus, immenso nubium tractu validus et rigore vicini septentrionis horridior, rapuit disiecitque naves in aperta Oceani, aut insulas saxis abruptis, vel per occulta vada infestas. Quibus paulum aegreque vitatis, postquam mutabat AESTUS, eodemque, quo ventus, ferebat, non adhaerere ancoris, non exhaurire irrumpentes undas poterant; equi, iumenta, sarcinae, etiam arma praecipitantur, quo levarentur alvei, manantes per latera et fluctu superurgente. (Cap. XXIV.) Quanto violentior cetero mari Oceanus, et truculentia coeli praestat Germania, tantum illa clades novitate et magnitudine excessit hostilibus circum littoribus, aut ita vasto et profundo, ut credatur novissimum ac sine terris, mari. Pars navium haustae sunt; plures apud insulas longius sitas eiectae: milesque nullo illic hominum cultu fame absortus, nisi quos corpora equorum eodem elisa, tolera-*

verant. Sola Germanici triremis Chaucorum terram appulit, quem per omnes illos dies noctesque, apud scopulos et prominentes oras, cum se tanti exitii reum clamitaret, vix cohibuere amici, quo minus eodem mari oppeteret. Tandem relabente AESTU, et secundante vento claudae naves raro remigio aut intentis vestibibus quaedam a validioribus tractae revertere, quas raptim refectionas misit ut scrutarentur insulas. Collecti ea cura plerique multos Angrivarii nuper in fidem accepti, redemptos ab interioribus reddidere; quidam in Britanniam rapti, et remissi a regulis; ut quis ex longinquo reverterat, miracula narrabant, vim turbinum et inauditas volucres, monstra maris, ambiguas hominum et beluarum formas, visa sive ex metu credita. Hactenus ille.

Iam prima cap. 23. verba nihil difficultatis habent. At cum dicit Tacitus: *Omne dehinc coelum et mare omne in AUSTRUM cessit*; in his ipsis quidem interpretandis haerere nemo potest; nihilo tamen ea secius, ubi ad sequentia perrexerit, in tricas interpretem coniiciunt. Et enim quas antea Tacitus memoraverat tempestatis iniurias 1. *atro nubium globo effusam grandinem*, et 2. *variis undique procellis incertos fluctus*, eas igitur brevius dicit *omne coelum et mare omne*, plane ut Polybius I, 37. (p. 63. ed. Ernest.) *πρὸς τὴν θάλατταν καὶ τὸ περιέχον βίαιομαχεῖν* dixit h. e. cum maris fluctibus et coeli iniuriis, scil. ventis, procellis, grandine depugnare. Iam *omne coelum et mare omne in Austrum cessit* nihil aliud significare potest, nisi hoc: Omnis vis grandinis omnisque vis procellarum, quae modo variae fuerant incertosque fluctus fecerant, iam translata est in Austri vim ac vehementiam. Ut enim Tacitus Annal. I, 1. Pompeii inquit, Crassique potentia cito IN Caesarem: Lepidi atque Antonii arma IN Augustum CESSERE; sic h. l. *omne coelum et mare omne IN Austrum CESSIT*; quae verba Germanice, si pressius imitari velis, ita reddas: *das ganze Wetter und das ganze Meer ward nun*

dem Südwind zu Theil; sin abundantius ad sensum declarare, sic: das bisherige Hagelwetter und die Wechselwinde gingen nun in einen Südsturm über: dem auch der Zug der Meereswellen folgte.

Hactenus omnia plana. Verum iam multae incidunt causae, quae quidem Austro nullum hic locum esse, neque eum adeo a Tacito h. l. memorari potuisse, non confirmant solum, sed nobis etiam plane persuadeant. Initio enim, cum de Ausiro dicitur: *qui humidis* (sic enim pro *tumidis* legendum esse post apparebit) *qui humidis Germaniae terris, profundis amnibus immenso nubium tractu validus*; id quidem hactenus neminem offendet, qui Ausirum pluvium humidumque et esse et dici cogitaverit v. c. Vitruv. VIII, 2. Virgil. Ge. I, 462. imo forte magis blandietur comparanti Senecae locum, de antelucanis ventorum flatibus differentis Natural. Quaest. V, 9. quos ideo dicit vere et aestate validiores esse, quia ver aquosius fit, et ex plurimis aquis locisve ob humidam coeli naturam saturis et redundantibus maior evaporatio fit. Veruntamen hic locus quantum verborum sono cum eo, quem tractamus concinere videtur, tantum re et argumento ab nostro discrepat. Quaerimus igitur, quomodo Ausier potuerit dici humidis Germaniae terris, profundis amnibus, immenso nubium tractu *validus*? Ac de nubibus quidem dubitari nequit, quin ut a vento contractae et glomeratae fuerint, eadem vi sua et mole robur venti et violentiam acuere et augere possint. Verum quid fiet de humidis Germaniae terris? quid de profundis amnibus? Num his etiam causis venti fiunt validiores? Atqui hoc nemini in mentem venerit, ne somnianti quidem. Neque vero nobis audiendus est, si quis ad eam subtilitatem verba scriptoris revocare voluerit, ut dicat, quoniam e terris paludosis magnisque fluminibus maior sit respiratio aquarum, quae in nubes colligantur, magni autem nubium tractus ventis robur ad-

dant, idcirco et humidis terris et profundis fluminibus incrementa ventorum tribui posse. Quis enim non videat hac ratione inanis Tacitum verbositatis argui, quo vitio nullum est ab hoc scriptore, qui singulis paene verbis singulas sententias concludit, alienius. Quare positum nobis hoc sit inprimis, in eo quod dicatur *Auster* humidis terris et profundis omnibus validior fuisse, incommodum esse aliquid, et ἀνυγον, et Taciti stilo indignum.

Deinde nova difficultas, eaque haud paullo gravior oritur ex his, quae sequuntur, verbis: *et rigore vicini septentrionis horridior*. Ac primum quidem etsi in vocabulo septentrionis ambiguitas inest, cum illud et plagam septentrionalem, et ventum septentrionarium significare possit, utrum tamen eligas parum aut nihil interest. Neutra enim significatio cum sensum efficit, qui cum ea re, de qua loquitur Tacitus, h. e. cum Austri natura conciliari recte queat. Si *septentrionem* de plaga coeli intelligas, rigorem h. l. frigus interpreteris necesse est, totamque ὁῆσιν sic vertas: *der Südwind der durch die Kälte des benachbarten Norden noch rauher wurde*, in quo si vel maxime demus illo tempore, quamvis exeunte aestate, tamen propter maiorem, quae tum erat in Germania, caeli truculentiam, permultum tot seculorum intervallo mitigatam, frigora, quae nunc November demum asserat, iam exeunte Augusto, aut Septembris initio incidisse, tamen illud manet incommodum, quod ubi de vi venti sermo iniectus erat, ibi frigoris mentionem facere, alienum a proposito et supervacuum videtur. Accedit quod venti quidem prout calidas aut frigidas terras permeant, ac perflant, ipsi quoque calidiores aut frigidiores fiunt; non autem aequae bene ventorum flatibus eius coeli qualitas, quo feruntur, tribui potest. Sin autem *septentrionem* h. l. ventum septentrionalem interpreteris, hic tibi sensus exsistet verborum: *der Südwind — der durch die Stärke des benachbarten Nord-*

windes rauher wurde; in quo cum absonum et inficetum esset ventum septentrionem Ausiro vicinum dicere, tum aperte superioribus repugnaret. Nam cum supra Tacitus omne coelum et mare omne in Austrum cecidisse dixisset, nonne sublatis variis, quae fuerant, procellis omne maris imperium ad Austrum rediisse significasset? quod idem rursus negasset, si acrem simul septentrionem ortum esse scripisset.

Denique his verbis: *postquam mutabat aestus eodemque quo ventus ferebat*, varia nobis materia dubitandi praebet. Nam cur Tacitus diceret, *postquam* MUTABAT *aestus*, qui nec verbo quidem antea *aestus*, qui iam mutatus diceretur, mentionem fecisset? Deinde si aestus maris nunc demum, postquam mutaverat, eodem quo ventus ferebat, necessario efficitur, eum, antequam mutaretur, vento adversum et contrarium fuisse, adeoque aestum antea se ex alto versus Austrum incitavisse, nunc eodem quo Ausier ferebat h. e. Septentrionem versus reciprocasse. At si aestus initio Ausiro adversus fuisset, iterum sibi Taciti narratio repugnaret. Supra enim relatum legimus *coelum et mare omne in Austrum cecidisse*, quod aut nulum aut hunc sensum habere vidimus, maris fluctus ceteramque tempestatem eundem quem Ausier teneret cursum tenuisse h. e. ab eo septentrionem versus actos iactatosque fuisse.

Has igitur tot tantasque difficultates una et simplici ratione non modo sublevare, sed plane e medio tolli censemus, si pro eo quod nunc legitur in textu: *omne coelum et mare omne in ASTRUM cecidit*; rescribatur: *omne coelum et mare omne in AESTUM cecidit*, quam emendationem nostram doctis viris probatum iri speramus, si quibus ad eam confirmandam argumentis usi fuerimus, eorum non singulorum tantum vim spectare, sed ea quasi in summam collecta quam firma sint ad probandum iudicare voluerint.

Primum igitur notum est, quam celebratus et infamis inter Romanos fuerit Oceanus Germanicus propter maximos aestus maritimos (*Ebbe und Flut*) in eo contingere solitos. Nemo fere est Geographorum antiquiorum, quin si de illo mari loquatur, etiam aestus illos, marisque fluctus identidem reciprocantes memoret. Ut eos, qui aetatem non tulerunt v. c. Posidonium et Eratosthenem silentio praetereamus, quos tamen de Oceani aestu multum disputavisse alii scriptores commemorant, multus est in aestus natura universa describenda Plinius, lib. II. c. 97. idem tamen peculiariter aestus in Oceano Germanico, et circa Britanniam tangit. (ibid. Sect. 99. fin.). Strabo cum fusius de aestibus maritimis disputasset lib. III. tamen ubi de Cimbris agit lib. VII. p. 203. ed. Casaub. eorum, qui in Oceano Germanico fiant, mentionem facit. Neque vero eos silentio praeteriit Pomponius Mela lib. III. c. 6. et Seneca.

Deinde magnum emendationi nostrae momentum accedit ex eo, quod iam saepius Romani in Oceano Septentrionali propter imperitiam eius maris aestus maritimos cum periculo experti fuerant. Hoc primum accidit C. Iulio Caesari, qui eum casum luculenter enarrat lib. IV. 28. 29. de bello Gallico, qui locus adeo est nostros similis ut commentarii instar esse possit. Deinde Drusus narrante Dione Cassio lib. LIV. cum Frisios subegisset, Cheruscorumque fines ingressus esset, in periculo fuit ne naves propter aestus recessum in vadoso mari siderent τῶν πλοίων ἐπὶ τοῦ Ὠκεανοῦ παλιρροίας ἐπὶ ξηροῦ γενομένων. Iam ut singula ordine persequamur verba illa: omne coelum et mare omne in AESTUM cessit, significant et varias istas procellas grandinemque et incertos fluctus in aestum abiisse maritimum. Ac fieri potest, ut Tacitus hoc quoque innuerit, ventum septentrionem, cuius deinde mentionem facit nihil adversus aestus vim valuisse. Nam aestum interdum adeo validum esse, ut ei et ventus cedat, neminem

rei nauticae peritum fugit, et iam observavit Vegetius de re milit. lib. V. cap. 12. Porro autem cum aestus dicitur fuisse *humidis Germaniae terris, profundis annibus immenso nubium tractu validus*, haec omnia Tacitus non aliam ob causam attulit, quam ut lectoribus ostenderet, unde tanta vis aquarum quibus aestus ille vehementer incresceret, in Oceano Germanico collecta sit. Romani enim et Graeci scriptores, qui longe maiores aestus in Oceano quam in conclusis maribus fieri observassent, eius rei causam, alii aliter explicare studuerunt. E. c. Plinius l. l. *omnes autem aestus*, ait, *in Oceano maiora integunt spatia*, inundantque quam in reliquo mari; *sive quia totum in universitate animosius est quam in parte; sive quia magnitudo aperta sideris vim laxae grassantis efficacius sentit, eandem angustis arcen- tibus*. Itaque iam Tacitus, ut magnitudinem aestus explicaret, validum eum fuisse dicit multitudine aquarum, partim e paludosis Germaniae terris, partim e profundis fluminibus, partim e nubibus in Oceanum immissa. Legendum vero esse *humidis Germaniae terris*, non tumidis, iure nobis videmur sumere, ut statuamus, postquam lectionem *humidis* Rhenani coniectura repertam Faernus, Ernesti, nuper etiam Bipontini editores comprobaverunt. Effet enim nimis poeticum et a Taciti scribendi genere prorsus alienum si tumidis terris pro montosis, ut Pichena volebat, dixisset. *Immensum vero nubium tractum* interpretamur eum, qui super immenso Oceano, non eum qui super continentiolvebatur, quique adeo ingentibus pluviis aquarum vim augebat. Deinde cum aestus dicitur rigore vicini septentrionis horridior; primum septentrionem non intelligimus proprie sic dictum τὸν ἀναρκτίαν, sed potius Aquilonem (*den Nordostwind*), qui ventus aequae ac Thrafcias (*Nordwestwind*) maximarum tempestatum in mari illo Germanico et auctor et comes esse solet. Omnes autem septentrionis nomine continentur, quemadmodum interdum, ubi de Euronoto sermo sit ibi Auslri

nomen adhiberi videmus. Cum igitur aestus ab occidente, ut solet, in orientem reciprocaffet, Aquilo ventus ab ortu aestivo flans, effecit, ut mare, aestu iam satis concitatum, magis etiam inhorresceret, ac vehementius turbaretur. Iam vero quod aestus vicini septentrionis rigore inhorruisse dicitur, in eo, quam apte vocabulum *vicinus* positum sit, nemo non videt, quod si ad Austrum Tacitus retulisset, nihil utique fuisset ineptius. Nunc cum aestus in Oceano septentrionali accideret, septentriones venti aestui et mari recte vicini fuisse dicuntur. Porro bene latine dici *aestum rapuisse ac disiecisse naves*, nemo dubitabit et si quis dubitaret, facile ei similibus Taciti locis hunc scrupulum ex animo evelleremus. Ita v. c. Annal. I, 30. *milites turbine atque unda raptabantur*. Item I, 70. *Vitellius primum iter sicca humo aut modice allabente aestu quietum habuit; mox impulsus aquilonis, simul fidere aequinoctii quo maxime tumescit Oceanus rapi agique agmen*. i. e. mox aestus propter impulsum aquilonis et fidus aequinoctii ingravescentis et vehementius irruens agmen rapiebat agebatque. — Cum autem Tacitus ita pergit: *postquam mutabat aestus eodemque quo ventus ferebat*, oritur quaestio subdifficilis e latini vocabuli *aestus* ambiguitate. Nam cum eo vocabulo, si nihil aliud adiungatur, et accessus maris, ^{*}(*die Flut*, ἡ πλημμυρία) et recessus (*die Ebbe*, ἡ ἀμπωσις vel ἀμπωτις) designari possit, quaeritur utrum his verbis *omne coelum et mare omne in aestum cessit*, recessus aestus maritimi s. reciprocatio significetur, quod si statuamus, aestus commutatio quae deinde memoratur ad accessum aestus pertineat necesse est; an vice versa potius priore loco τὴν πλημμυρίαν (*die Flut*) posteriore eius commutationem h. e. τὴν ἀμπωτείαν Tacitus intelligi voluerit. Nobis igitur illa ratio verior esse videtur, ut priore loco aestus recessum, posteriore accessum significari dicamus. Ita enim omnia inter se optime cohaerent. Recessus enim aestus mari-

timi, qui semper ab Occidente versus Orientem fertur, utique naves in aperta Oceani aut insulas faxis abruptis vel per occulta vada infestas rapere ac disiicere poterat. Praesertim si cogitamus aquilonis ab ortu aestivo flantis contrario impulsu, mare non plane eum, quem sub aestu recedente, si tranquillum sit a ventis, aut ventus eodem quo aestus ferat, tenere solet cursum tenuisse. Adeoque facile explicatur, quomodo quaedam ad Britanniam delatae, aliae apud insulas longius fitas eiectae sint. Quas autem dicit insulas faxis abruptis vel per occulta vada infestas, eas non Orcades insulas interpretamur, sed potius tantum scopulos in mari eminentes, (*Steinklippen*) et ea quae brevia aut Syrtes appellantur (*Sandbänke*). Haec autem faxa abrupta et occulta vada sine dubio nautis magis, cum mare reciprocatur, (*bei der Ebbe*) quam cum aestus maritimus accedit, (*bei der Flut*) periculosa esse solent. Nullum igitur nobis dubium est quin illis verbis, *coelum et mare omne in aestum cecidit* etc. recessus aestus maritimi notetur. Quod magis etiam sequentibus confirmatur, quae omnia de accessu maris seu τῇ πλημμυρίᾳ adeo accommodate dicuntur ut nihil fieri possit aptius. Ut enim aquilo reciprocationi aestus contrarius fuerat, sic aestus mutatus, h. e. accessus recte dicitur eodem quo ventus tulisse; semper enim aestus maritimus cum intumescit et allabitur, ab Oriente in Occidentem incitatur. Quare iam quae sequuntur nihil difficultatis habent: fluctibus enim iam satis aestu accedente urgentibus, accessit etiam qui eodem, quo aestus, ferret ventus; quo factum est, ut naves in latera inclinarentur, eaeque nec ancoris adhaerere, nec irrumpentes undas ferre possent. *Manantes per latera* cum apte non dicatur, malim *innantes per latera* emendare, h. e. *die Schiffe gingen auf der Seite*. His igitur aestu accedentis fluctibus Germanici triremem Chaucorum terram adpulisse, quosdam etiam

ad vicinos Angrivariorum delatos esse verisimile est. Quod postremo narratur *relabente aestu et secundante vento* quasdam naves revertisse, id aperte ad novam ἀμώτεια f. novam aestus reciprocationem pertinet, qua haud facile potuissent applicare ad terram, nisi ventus secundasset, et nautae remigio, quamvis raro, intentis velorum loco vestibus, usi, nonnullae etiam naves a validioribus, remulco scilicet tractae essent.

XXX.

*Explicatio loci Tertulliani de Praescrip-
haeticor. cap. XVI. XVII.*

In disputatione adversus haereticos etsi pluribus antiquae ecclesiae Christianae doctoribus commune est argumentum, quo illis de posteritate doctrinae praescribere solent, nemo tamen acrius eo usus est, quam Q. Septimius Florens Tertullianus. Is enim in libro de praescriptionibus haereticorum eo usque procedit, ut haereticos admittendos neget ad ullam de scripturis disputationem; atque alia illos via, alioque armorum genere oppugnandos esse censeat. Cum enim illam scripturarum collationem lubricam et ancipitem esse dicit, et quae aut nullam, aut incertam victoriam aut parem incertae promittat, tum nihil Orthodoxis prius aut antiquius esse debere contendit, quam ut quaerant: *quibus competat fides ipsa, cuius sint scripturae, a quo et per quos et quando, et quibus sit tradita disciplina qua fiunt Christiani*; ubi enim apparuerit esse veritatem et disciplinae et fidei Christianae, ibi esse veritatem scripturarum, et expositionum et omnium traditionum Christianarum. Inutilem vero esse eam cum haereticis disputandi rationem, quae ad scripturas provocet, hoc primum argumento breviter conclusio colligit; quod haeretici cum scripturas obtendant, ipsa hac sua audacia statim quosdam moveant, in ipso vero congressu *firmos* quidem *fati-*
gent, infirmos capiant, medios cum scrupulo dimittant.

Deinde cap. XVI. XVII. latius haec exsequitur, ita ut initium faciat ab eo, qui suae sibi constantiae certaeque persuasionis de veritate Christiana conscius cum haeticis ad scripturam provocando certet; cui talem disputationem, si nihil aliud, certe inutilem et molestam esse ostendit. Qui locus cum aliquot habeat sententias obscuras atque involutas, nec ab ullo interpretum adhuc explicatas, quae tamen nobis eiusmodi non esse videantur, ut de eruenda sensus veritate plane desperari debeat, operae pretium fuerit in eo loco explanando diligentius elaborasse. Quod quidem quo eventu a nobis factum sit, ut lectores existimare possint, totum locum, non nimis longum ex Rigaltii recensione ponemus.

Hunc igitur, ait Septimius, potissimum gradum obstruimus, non admittendos eos (haeticos) ad ullam de scripturis disputationem. Si hae sunt illae vires eorum, uti eas habere possint, dispici debet, cui competat possessio scripturarum, ne is admittatur ad eam cui nullo modo competit. (Cap. XVI.) Hoc de consilio diffidentiae aut de studio aliter ineundae constitutionis induxerim, nisi ratio constiterit, in primis illa, quod fides nostra obsequium Apostolo debeat, prohibenti quaestiones inire, novis vocibus aures accommodare, haeticum post unam correptionem convenire, non post disputationem. Adeo interdixit disputationem, correptionem designans causam haetici conveniendi, et hanc unam scilicet, quia non est Christianus; ne more Christiani semel et iterum et sub duobus aut tribus testibus castigandus videretur, cum ob hoc sit castigandus, propter quod non sit cum illo disputandum. Deinde quoniam nihil proficiat congressio scripturarum, nisi plane, ut STOMACHI quae (leg. quis ex cod. Divionensi) INEAT EVERSIONEM AUT CEREBRI. (Cap. XVII.) Ista haeresis non recipit quasdam scripturas, et si quas recipit, non recipit integras, adiectionibus et retractionibus ad dispositionem instituti sui intervertit; et si aliquatenus integras praestat, nihilominus diversas

*expositiones commentata convertit. Tantum veritati obstre-
pit adulter sensus, quantum et corruptor stilus. Varias
præsumptiones necessario nolunt agnoscere ea per quae revin-
cuntur; his nituntur, quae ex falso composuerunt, et quae
de ambiguitate ceperunt. Quid promovebis exercitatissime
scripturarum, cum si quid defenderis negetur; ex diverso si
quid negaveris defendatur. ET TU QUIDEM NIHIL PER-
DES, NISI VOCEM IN CONTENTIONE; NIHIL CONSE-
QUERIS NISI BILEM DE BLASPHEMATIONE.*

Iam nihil h. l. de singulari Tertulliani audacia et perversitate dicemus, qua eodem temporis momento, quo haereticis verae Scripturarum sacrarum lectionis et sensus adulterationem exprobrat, ipse in loco Tit. 3, 10. a vera lectione discedit, et alium Matth. 18, 16. ut eo in rem suam abuti possit, sensum pervertendo torquet; nam isthaec quidem culpa ei cum Irenaeo aliisque patribus, latinis praesertim, communis est, neque vero eiusmodi causa est, quae nobis quaesitoribus aut arbitris cognoscenda sit, cum eam uno ore omnes ad Semleros nostros et Griesbachios deferant; missis potius aliis quaeremus, quid illud sit, quod dicit Tertullianus congressionem scripturarum cum haereticis nihil aliud proficere, nisi ut *stomachi* quis ineat *everfionem* aut *cerebri*. Quaerat fortasse quispiam, nihilne subsidii e codicibus Mssis aut ex ingenio a Criticis in hunc locum collatum fuerit. At nulla e libris scriptis enotatur lectionis varietas. Neque vero, qui emendationes in Tertullianum edidere, ut Iunius, Wouwerius, Latinus Latinius, Heumannus hunc locum tetigerunt. At interpretes forte ei profuere; sunt enim multi iique clarissimi. Imo vero hic nos deferunt Rhenani omnes, Pamelii, Cerdæ, Priorii, Alaspinaei, et locum hunc, in quo haeremus, tanquam Scyllam aut Charybdim callide evitant. Quid? quod ipse ille Chr. Lupus, qui librum Tertulliani de praescriptionibus spisso commentario oneravit potius, quam ornavit, diligenter cavit, ne hic subsisteret. Rigaltius au-

tem multo melius de libro nostro, ut de ceteris Tertulliani meritis, etsi ipse verum non reperit, tamen et sensit loci difficultatem, nec lectores celavit. Addidit enim ista; „sic „legitur in libro Agobardi. Paulo aliter in cod. Divionensi: „*Nisi plane ut stomachi quis ineat versionem aut cerebri.* „Haec autem explicari videntur istis mox sequentibus. Et „*tu quidem nihil perdes — bilem de blasphematione.*“ Hactenus verum Rigaltius, sed quasi per transfennam vidit: attamen cum iam exspectaremus, ut nobis illum scrupulum evelleret, abit homo catus, spemque nostram deludit. Nihil enim addit praeter haec ἀποσδιόνυσα: „Dixit autem ut stomachi quis ineat everisionem quemadmodum „lib. adv. Marc. IV. *Neceffe est omnis demutatio veniens „ex innovatione diversitatem ineat cum his quorum fit.*“ Scilicet ea nobis explicat Rigaltius, quae nemo quaerebat, quasi in illa phrasi *INIRE everisionem* difficultas sit, quae nulla est; quid autem sibi velit everisio stomachi aut cerebri, et quomodo ea dicatur e congressione scripturarum cum haeticis oriri, altum silentium.

Stomachi vocabulo quia Tertullianus alibi sic utitur e. c. de ieiunio c. 9 extr. ut ventriculum denotet, cibi portionisque receptaculum, si quis medicum de hoc loco forte adierit, quaesitum, quid sit apud nostrum *stomachi everisio*, dubium sane non fuerit, quin is responsurus sit, *stomachi everisionem* esse eum morbum, qui Graecis medicis, Galeno, Dioscoridi aliisque dicatur ἀνατροπή στομάχου h. e. eum in quo stomachus quasi dissolutus in crebras vomitiones effundatur. Et sane hoc mire blandiatur homini non satis cauto. Quid enim? Tertullianus graeca multa legit; saepe verbum de verbo reddit; graecismos in latinitate amat; ut dubium non sit, quin ille ἀνατροπήν στομάχου, quam Plinius appellat dissolutionem stomachi, more suo potuerit *everisionem stomachi* dicere. Fortasse igitur Tertullianus hoc significat, ex disputatione cum haeticis, in qua quidem ad scripturas utrimque provocetur, nihil aliud

proficere orthodoxos, nisi ut nauseam sibi et vomitum concitent, clamandumque his esse, ut illi apud Comicum adversarii ineptias fastidienti: *δότε μοι λεχάνην*. Quamvis autem haec explicatio leviter intuenti speciosa videatur, nihil tamen est curatius exploranti minus. Nam haec verba *eversio stomachi* aut *cerebri* respondere debent ultimis his cap. XVII. *nihil perdes nisi VOCEM in contentione; nihil consequeris nisi BILEM de blasphematione*. Vides hic *stomachum* ad *vocem*, *cerebrum* ad *bilem* referri. Et si velis de inversione *τῆς ἀνταποδόσεως* cogitare, nihilo plus efficies. Nam si inverso ordine *bilem* ad *stomachum*, *vocem* vero ad *cerebrum* trahas, *bilem* quidem cum *stomachi* eversione compones medicis omnibus diis hominibusque approbantibus. Sed quid fiet de relatione inter vocis iacturam et cerebri eversionem? Haec sane sic non coeunt, ut alterum alteri substitui possit in consecutione orationis. Aliud igitur huic loco remedium quaeramus; nam hoc quidem, quod videbatur asserri, nullum est.

Locus est in illo scorpiaco adversus Gnosticos cap. 1. multum nostro, quem tractamus, ad speciem similis; eum ad partes non vocare, sane negligentis esset interpretis. Ibi Tertullianus: *Haec et si quae alia adinventae haereticorum venenorum, quem non vel in scrupulum figant, si non in exitium, vel in BILEM, si non in mortem. At tu si fides vigilat, ibidem scorpio pro solea anathema inludito, et relinquito in suo sopore morientem. Ceterum si plagam satiaverit, intimat virus, et properat in viscera, statim omnes pristini sensus retorpescent, sanguis animi gelaescit, caro spiritus exolefcit, nausea nominis (scil. Christiani) inacrescit. Iam et ipsa mens, sibi, quo vomat, quaerit, ut quae ita, semel infirmitate quoque percussa, sauciatam fidem vel in haeresin et vel in seculum exspuat. Allegorias audivimus et convicia Abrahamo potius a Sancta Clara, aut Merzio, Augustiano illo, controversiarum ἐπωνύμιω, quam Tertulliano digniora; nec tamen ideo quidquam*

audivimus, quod non fuerit ab eo profectum. At nunc id non agimus, ut hominis ingenium et scribendi genus carpamus, sed ut eum cum se ipso comparemus. Exutus igitur metaphorarum fatis inficetarum involucris, certe h. l. Tertullianus nihil aliud dicit nisi hoc: perversitatem haeticae doctrinae saepe efficere, ut infirmiores Christiani a veritate doctrinae desciscant, et vel ad haeticorum errores, vel ad paganorum s. ethnicorum religiones delabantur. Hoc scil. ei est *fidem fauciatam vel in haeresin, vel in seculum expuere*. Quid si ex hoc loco satis claro lucem nostro, in quo versamur, accendamus? Quid si *stomachi everfio* etiam h. l. dicatur de nausea mentis haetico veneno quasi correptae, veramque doctrinam evoementis? At quod ingenio Tertulliani convenerit, non id continuo huic loco libri de Praescriptionibus aptum est. Nam si hunc sensum vocabulo *everfionis stomachi* subiecisset, sane sequeretur eum de hominibus imbecilla fide, de Christianis nondum satis confirmatis locutum esse. De his autem postea demum cap. XVIII. loquitur. Hoc autem loco quem tractamus de doctoribus veritatis Christianae certa persuasionem imbutis differit, quibus utique nihil eiusmodi posset accidere. Atque iam antea c. XV. dixerat in ipso congressu cum haeticis *firmos* quidem *fatigari*, infirmos capi, medios cum scrupulo dimitti. Itaque si *firmi* non capiuntur ab haeticorum disputationibus, sed tantum *fatigantur*, sequitur *stomachi everfionem* aliquid innuere, quod non ad corruptionem sanitatis doctrinae sed potius ad virium corporis *fatigationem* pertineat.

Quoniam igitur Tertullianus cum *stomachi everfionem* dixit, ventriculum significare non potuit, restat ut de aliis illius vocabuli notionibus videamus. Antiquitus autem *στόμαχος* nihil aliud significasse, quam *oesophagum* s. *fauces*, neminem fugit. Apud Homerum nusquam alio sensu usurpatur. Recentior demum aetas hanc vim vocabulo tribuit, ut primum orificium ventriculi superius,

deinde ipsum ventriculum denotaret. Neque tamen ideo Ciceronis, Celsi, et Plinii aetate pristina illa vocabuli notio exoleverat. Conferantur Cic. de Nat. deor. II. 54. Cels. IV. 1. Plin. H. N. XI. 37. Quidni igitur Tertullianus h. l. cum *eversionem stomachi* dixit, raucitatem faucium e nimio clamore intellexerit? Nam hoc fane his verbis: *Et tu quidem nihil perdes, nisi vocem in contentione*, bene responderet. An saepius *stomachi* vocabulo sic usus sit Tertullianus, nescio; unum recordor locum, qui huc trahi forte possit, neque eum tamen ambiguitate carentem. Is est de resurrectione carnis cap. 60. *Quo enim iam, inquit* (scil. adversarii resurrectionis), *spelunca haec oris et dentium statio, et gulæ lapsus, et COMPITUM STOMACHI, et alvi gurgēs, et intestinorum perplexa proceritas, cum esui et potui locus non erit, quem huiusmodi membra admittunt, subigunt, devolvunt, dividunt, digerunt, egerunt?* (Ita enim constituendus est hic locus, cum vulgo legatur sic: *cum — locus non erit? quo huiusmodi — egerunt?*) Hic si constaret Tertullianum ad Ciceronis l. c. huic fane simillimum respexisse, eumque imitando expressisse; *gulæ lapsus* esset *γάργυξ* sive caput oesophagi; *compitum stomachi* esset ipse oesophagus, quem et Cicero stomachum appellat; similitudine ducta a compito pervio; (sicut inversa metaphora Latini *fauces* dixere *einen engen Pass*); porro *alvi gurgēs*, esset ventriculus (*der Magen*); nam et alibi Tertullianus ventriculum alvum s. alveum appellat. v. c. de anima c. 10. p. 229. ed. Halens. Atque sic omnia bene responderent Ciceronianis. Nam hic primum *os* memorat, ad *percipienda* alimenta aptissimum; deinde *stomachum* (*die Kehle, den Schlund*) qui agitatione et motibus linguae cum depulsum et quasi detrusum cibum acceperit, depellat; post *alvi naturam* (*den Magen*) subiectam stomacho, quae cibi et potus sit receptaculum, denique intestina. Sed quo minus ita interpretandum esse Tertulliani locum certo nobis persuadeamus prohibent illa

verba, *admittunt*, quod ad oris speluncam, *subigunt*, quod ad dentium stationem, *devolvunt*, quod ad gulae lapsum, *dividunt*, quod ad stomachi compitum, *digerunt*, quod ad alvi gurgitem, *egerunt*, quod ad intestinorum perplexam naturam refertur; adeoque nisi pro *dividunt* velis corrigere *devehunt*, stomachi compitum h. l. nil aliud significare potest nisi ventriculum, ducta metaphora a compitis, quatenus fuerunt hominum conventicula; sicut in ventriculo est ciborum receptaculum. Sed ut unde deflexit, eodem revertatur disputatio, siue in hoc loco libri de resurrectione carnis *compitum stomachi* oesophagum, siue ventriculum denotet, certum tamen est *everfionem stomachi* illo loco lib. de praescr. in quo explicando versamur, nihil aliud esse, nisi laesionem faucium e nimia vocis contentione. Cum enim haereticos patres ecclesiastici in disputando verbosos et pertinaces fuisse querantur v. c. Irenaeus lib. II. c. 2. et Clemens Alex. Strom. lib. VII. p. 762. ed. Sylb. sine dubio huc respexit noster ac disputationem de scripturis ideo suis dissuasit, quia ubi in lite tam ambigua cum hominibus in clamando bene robustis atque exercitatis in certamen descenderint verendum sit, ne nihil aliud proficiant, quam ut vocem in contentione perdant, h. e. *stomachi everfionem ineant*.

Alterum vero incommodum, quod Tertullianus ex ista congressione scripturarum suis denuntiat, est *everfio cerebri*. Cui cum cap. XVII extr. substituatur *bilem de blasphamatione*; clarum est, eum hic loqui de effectibus irae vehementioris, a qua sibi cavere in ista disputatione homo pius et Christianus eo minus possit, quo magis ei haereticorum (Marcionem et Valentinum praecipue tangit) blasphamationes h. e. opiniones maiestatem divinam obscurantes, bilem moveant necesse sit. Iam etsi notum est antiquorum medicorum de bile, praesertim de ea quam atram fingeant, doctrinam multis erroribus implicatam fuisse, hactenus tamen verum viderunt, quod quanta esset

inter cerebrum et viscera coniunctio, et *συμπάθεια* intelligerent, saepiusque *insaniam* et *furorem* e bile vitiosa similibusque abdominis affectibus oriri scirent. Quid igitur? Num Tertullianus ita dixit metuendam esse *cerebri everfionem* propter bilem de blasphematione, ut insaniam ex ira innueret? Equidem neminem arbitror fore, qui si quid fieri possit, non quid verum sit quaeramus, illam notionem subiici his verbis posse neget. Sic adv. Marc. lib. IV. c. II. p. 221. haereticae doctrinae novitate insanientem appellat *excerebratum* novo vino, alludens ad Matth. 9, 17. Eodem fere modo Irenaeus insanos homines *τοὺς τὸν ἐγκέφαλον ἐξεπτυκότας* nominat, lib. I. adv. haer. p. 3. ed. Maffuet. qui ut hoc obiter moneam male hunc locum interpretatus est, quamvis Grabius meliora docuisset. Attamen si Tertullianus *everfionem cerebri* de insaniam intelligi voluisset, sine dubio *ὑπερβολικῶς* locutus esset; quo sensu Latini dicunt *insanire* pro *irasci*; et nostri homines: *einen rasend machen*. Nobis autem h. l. ista hyperbole, nescimus quomodo, non placet. Verius est *everfionem cerebri*, de capitis dolore, et molesto sensu, qui excandescentiam et iram comitari solet intelligere. Ita apud Plautum in Aul. 2, 1, 29. Megadorus *cerebrum* inquit *mihi tua dicta excutiunt, soror; lapides loqueris*. Qui locus egregie nostrum illustrat. Ait enim ille sibi valde ingrata esse sororis dicta; et se propterea *cerebrosum* h. e. morosum fieri et stomachabundum. Eodem modo blasphemationibus haereticorum significat Tertullianus homini pio et Christiano bilem moveri, aures obtundi, caput doloribus tentari, cerebrum male affici, haud secus ac si quis ictibus totum caput committigasset.

Everfio autem Tertulliano idem significat, quod *corruptio*, seu *laesio*. Sic de anima c. 53. *nam quis quis*, inquit, *ille exitus mortis, sine dubio aut materiarum, aut regionum, aut viarum vitalium everfio est; materiarum, ut*

fellis, ut sanguinis; regionum, ut cordis, ut iecoris; viarum, ut venarum, ut arteriarum.

Ceterum c. 21 extr. levior quaedam difficultas est in his verbis: *Quid promovebis exercitatissime scripturarum? cum si quid defenderis, negetur? ex diverso, si quid negaveris defendatur. Et tu quidem nihil perdes, nisi vocem in contentione; nihil consequeris nisi bilem de blasphematone.* Verba et tu quidem nihil perdes non satis cohaerere videntur, cum illa, quae iniecta erat, quaestione: *Quid promovebis exercitatissime scripturarum?* Nam non quaerebatur, quid aliquis perditurus sit, sed quid promoturus sit de scriptura cum haeticis disputando. Si quis hodie amicum litem alicui intendere cupientem, ab eo consilio revocaturus ei dixisset: *Quid promovebis lites secuturus? Adversarium habes petentem, gratiosum etc.* velletque deinde quaestioni suae per anticipationem occurrere; num sic diceret: *Et tu quidem nihil perdes nisi pecuniam; nihil consequeris nisi molestiam?* Nullo modo. Nam ista haec quidem locutio, *nihil perdes nisi*, hominis est iacturam aliquam verbis elevantis ac minuentis, non autem, id quod tamen hic expectabatur, augentis atque exaggerantis. Id igitur incommodum sublevandi triplicem videmus rationem. Prima est, ut verbum *perdere* quandam ad adversarios relationem habere dicamus. Nempe qui cum aliquo litigiose contendit, ei duo sunt proposita; alterum ut adversarii causam *perdat*, alterum ut ipse superior discedat. Atque sic verba Tertulliani hunc in modum germanice vertenda essent: *Was wirst du ausrichten, wenn du auch in der Schrift noch so geübt bist? Was du vertheidigest wird geläugnet; im Gegentheil was du läugnest wird vertheidiget. Der ganze Schade, den du anrichtest, ist, dass du bey dem Gezünke deiner Stimme schadest; der ganze Vortheil den du davon hast, ist, dass du über ihre Gotteslästerungen deine Galle erregest.* Altera ratio est, ut particulas *nihil — nisi non*, ut disiunctim

positae sunt, sic disiunctim etiam interpretandas esse censeamus, sed potius simpliciter idem quod *tantummodo* valere existimemus, quasi dictum sit: *Et tu tantummodo vocem in contentione perdes; tantummodo bilem de blasphématione consequeris.* Iam si cui utraque ratio duriuscula esse videatur, is quidem nos habebit lubentissime consentientes, tantum abest, ut ullo modo repugnemus. Quid? quod illa locutio *bilem consequi*, pro *bilem sibi commoveri sentire* ne Tertulliani quidem stilo digna esse videtur; nedum ut purae eam latinitati aliquis tribuere in animum induxerit. Quae cum ita sint, viderimus andoctis hominibus probaturi simus tertium huic loco subveniendi consilium ab emendatione textus repetendum. In Rhenani editione locus ita legebatur: *Quid promovebis exercitatissime scripturarum? — Et tu quidem nihil perdes nisi vocem in contentione; nihil consequeris nisi vilem de blasphematione laudem.* Qui secuti sunt editores recte quidem *vilem* in *bilem* mutarunt; an aequo iure *laudem* deleverint, dubito; non quo *laudem* verum esse putem, sed quod in eo vestigium verae lectionis latere existimo. Quid multa? Sic mihi scripsisse videtur Septimius: *Et tu quidem nihil proficies, nisi ut vocem in contentione perdas; nihil consequeris, nisi ut bilem de blasphematione laedas.* Hoc modo primum nexus cum antecedentibus mollior efficitur. Quaesitum enim erat: *Quid promovebis exercitatissime scripturarum; cum si quid defenderis negetur, ex diverso si quid negaveris defendatur?* Iam omnia bene procedunt, si sic pergat oratio: *Et tu quidem nihil proficies nisi ut vocem in contentione perdas, nihil consequeris, nisi ut bilem de blasphematione laedas.* Deinde concinnitas in hac verborum consecutione, qua verba verbis, nomina nominibus, tanquam in emblemate vermiculato lapilli lapillis, opponuntur, non indigna est Tertulliano scribendi genere, qui nihil ambitiosius, quam paria paribus, contraria contrariis relata in oratione quaesivit. *Tam*

sententia hoc modo enuntiata magis etiam, quam, ut vulgo legitur, respondebit illi: *quoniam nihil proficiat congressio scripturarum, nisi plane ut aut stomachi quis ineat everfionem aut cerebri. Denique sic optime explicari potest, unde illa lectio, quae laudem addit post blasphematione orta fit. Ceterum huic correctioni, quae sensum non mutat, sed aptiorem tantum et concinniorem reddit orationem, ipsi parum aut nihil tribuimus, modo sensum illius loci de everfione stomachi aut cerebri verum a nobis erutum esse iusti nobis existimatores concedant; quem, si quis Tertullianum germanice verteret, ita fere efferri iuberemus: c. 16 extr. *Mit den Ketzern aus der Schrift zu streiten kann zu nichts dienen, als sich die Kehle heiser zu schreien, oder den Kopf warm und wüste zu machen! — c. 17 extr. Was wirds dir helfen, wenn du auch in der Schrift noch so geübt bist — du hast doch nichts anders davon, als dafs du dir deine Stimme über dem Gezänke verdirbst, oder deine Galle wegen ihrer Gotteslästerungen erregest.**

XXXI.

*De vero sentiendi intelligendique facultatis
discrimine, Leibnitianae philosophiae cum
Kantiana comparatio.*

Si, quousque per literarum monumenta licet, philosophiae initia memoria repetimus, duplicem animi humani vim, quae sentiendi atque intelligendi facultate continentur, sive αἰσθησιν et νοῦν, observatam fuisse invenimus. Neque tamen quae utriusque propriae partes ac fines essent statim intellexere. Unde factum, ut alii duas quasi animas in eodem homine fingerent, alteram sentientem, alteram rationalem; alii, qui hoc ineptum esse iudicabant, tamen, quomodo utramque animi vim certis inter se notis distinguerent, haud reperirent, aut certe utriusque discrimen parum subtiliter explicarent. Fuerunt, qui sensum ab intellectu claritatis perceptionum gradu differre opinarentur, ideoque novum genus vocabuli excogitarent, ut sentiendi vim, *inferiorem*, intellectum vero *superiorem* animi partem s. facultatem appellarent, quasi fieri posset, ut unquam sensuum perceptiones ad notiones intellectus, illata scilicet maiore claritate, eveherentur; quod si verum esset, genuina αἰσθητῶν ac νοητῶν differentia prorsus tolleretur, nec unquam ea, quae dicuntur, visa, ab intellectus notionibus liquido discernere valeremus.

Sed cum singulorum animorum singulae quoque vires sint, nulla alia in simplici mentis humanae vi differentia cogitari potest, quam quae ex agendi patiendique facultate proficiscitur. Aut enim afficitur mens ab aliis rebus extra eam positis, accipitque extrinsecus oblata; aut ea quae accepit suapte sponte componit et coniungit. Quorum primum quidem *sensu* fit, alterum *intellectu*.

In utraque autem animi facultate, id quod offertur menti seu extrinsecus datur, h. e. *materia*, probe distinguendum est ab ipsa patiendi agendique *forma* menti humanae insita. Primum enim in perceptione sensitiva non omnia debentur rebus extrinsecus oblatis. Quicquid enim mentem nostram afficit, movet, aut pellit, non aliter afficere, movere, pellere potest, quam pro ipsa mentis natura; atque ut uno eodemque igni limus durefcit, cera vero liquefcit, sic iisdem rebus mens aliter afficeretur, si aliam, quam quae nunc est, patiendi, aut visa accipiendi naturam induere posset. Est igitur ipsis animi sensibus forma quaedam praescripta, cui omnes rerum impulsiones extrinsecus oblatae subiaceant necesse est. Et hanc quidem formam duplicem esse vidit Kantius, alteram qua omnes affectiones animi comprehenduntur, alteram qua rerum externarum impulsiones; illam *temporis*, hanc *spatii* formam. Scilicet, omnes ac singulas adfectiones animi in *tempore* ponimus; in *spatio* vero *externas* tantum. In quo mirum nobis accidit, acutos quosdam esse philosophos, qui inter hanc et Leibnitianam de spatio doctrinam nihil interesse putent. Longe enim aliud est, quod Leibnitio placet, *spatium esse ordinem coexistentium*; aliud autem, quod Kantius ponit, spatium esse formam sensus externi, h. e. inditam animo nostro hypothesein ac prorsus necessariam, secundum quam, quae extrinsecus nobis offeruntur visa, mentem afficiunt. Itaque Leibnitius fluctuat interdum ac spatium inter in-

tellektus notiones refert, quod fieri non potest, cum nec in empiricis intellektus notionibus, nec in puris eius formis, s. categoriis censeatur. Cum igitur visa nos pellunt, animus afficitur; ac si nihil aliud consequeretur, nunquam id, quod cognitionem sensitivam appellamus, emergeret. Enimvero illae animi affectiones a rerum impulsione ortae subsunt ipsi facultatis sentiendi formae, ut adeo sentire nihil possimus, nisi sic, ut in tempore, et si sensa extra nos posita sint, in spatio quoque collocemus. Quo fit, ut quamquam ea quae sentimus varia et multiplicia sint, tamen a facultate sentiendi ad unitatem temporis ac spatii revocentur, hisque tanquam formis omnis rerum sensibilibus materies comprehendatur.

Nimirum igitur universitas corporum ad visa quae dicuntur s. phaenomena pertinet. Quod pronuntiatum non eo valet, ac si nihil sint corpora, quam *παντάσματα* quaedam, vel nihil prorsus sit id quod dicitur corpus. Imo potius esse corpora, et extra nos posita esse, et spatio comprehendendi affirmamus. Idem vero contendimus quicquid de corporibus intelligimus, id esse in visione positum; quid in corporibus *ὄντως ὄντα* sint, id prorsus quemquam scire negamus. Percurramus enim nobis quisque omnes corporum qualitates, sentiet alius indagando omnes ad phaenomena referri, nec in eis quicquam inesse quod nobis internam rerum naturam aperiat. Et enim triplex illa corporum dimensio, pendet a spatio, h. e. ab illa sensus externi forma, cui omnia, quae nobis extrinsecus apparent, respondeant necesse est. Reliquae qualitates, ut colores, soni, odores, sapes singula ad sensuum instrumenta pertinent, quibus si aut omnino nullis, aut aliter conformatis uteremur, tum illae qualitates aut prorsus ignotae nobis essent, aut aliter apparerent. Ipsa illa soliditas et impenetrabilitas corporum ad nostrum tangendi sensum refertur. Ut adeo quicquid nobis de corporibus scire licet, id unice visis s. phaeno-

menis contineatur, nec quidquam secum ferat, quod ad internam τῶν ὄντως ὄντων naturam vel essentiam comprehendendam pertineat.

Quid igitur interest inter Leibnitianam et Kantii sententiam de sensu et intellectu? Permulum fane. Primum enim Leibnitius omnes sensuum perceptiones confusionis et obscuritatis accusat, qua efficiatur ut nobis quae sint in rerum natura longe alia esse videantur, atque ea intellectus cerneret, si ei unquam liceret illam sensuum caliginem prorsus dispellere. Unam igitur proprie verum cognoscendi causam intellectum constituit, sensitivae autem cognoscendi facultati nihil aliud reliquit, quam triste illud intellectus luminibus officiendi negotium. In quo facile patet, quid ex Platonis philosophia hauserit. Kantius autem vidit sentiendi atque intelligendi vim in mente humana differre quidem inter se, sed necessario coniungi, ut nullae exoriri possint rerum notitiae, nisi sensus materiam praebuerint, eamque materiam sentiendi vis forma sua complexa fuerit, deinde intellectus sensuum perceptiones ad formas iudicandi sibi proprias retulerit. Caecos igitur esse intuitus rerum, nisi accesserit intellectus; vacuas contra formas intelligendi, nisi sensus iis res, quae intelligi possint, praebuerint. Leibnitius itaque id quod in cognitione nostra αἰσθητόν appellamus, non tam ab ipsa mentis natura repetiit, quam ab ipsis corporibus mentis vim tardantibus eiusque aciem, ut ita dicamus, excaecantibus. E. c. in libro quo censuram egit Lockiani de intellectu humano. (*Nouveaux essais sur l'entendement humain* L. IV. c. 6. p. 368.) sic disputat: *Les idées sensibles* (des couleurs, des goûts) *dependent du detail des figures et mouvemens et les expriment exactement, quoique nous ne puissions pas y démêler ce detail dans la confusion d'une trop grande multitude et petitesse des actions mechaniques, qui frappent, nos sens. Cependant si nous étions parvenus à*

la constitution interne de quelques corps nous verrions aussi quand ils devroient avoir ces qualités, qui seroient reduites elles mêmes à leurs raisons intelligibles; quand même il ne seroit jamais dans notre pouvoir de les reconnoître sensiblement dans ces idées sensitives. Clarum est Leibnitium existimasse, intellectum nostrum interiora rerum et veram earum essentiam perspicere posse, nisi a sensibus impediretur. Audiamus contra Kantium (*Critik der reinen Vernunft* S. 277. 1ste Ausgabe) ita differentem: Quod quidam queruntur, nos interiora rerum prorsus non intelligere, id, si nihil aliud queruntur, quam nos intellectu puro, quid illa visa s. phaenomena per se sint, haud intelligere, incertum est utrum iniquius an ineptius faciant; postulant enim ut sine sensibus res cognoscamus et intueamur, adeoque ut facultate cognoscendi utamur, quae ab humana non gradu modo, sed ipsa qualitate et natura prorsus discrepet; postulant igitur, ut non humanam naturam, sed aliam in cogitando sequamur, quae ne dicere quidem possumus, an omnino sit tantum abest, ut qualis sit, explicare nobis liceat. Interiora rerum observatione et analysi phaenomenorum in dies altius penetramus, neque quem ad finem haec studia olim processura sint, definire potest. At istas vero quaestiones, quae naturae limites transcendunt, nullo modo respondere possumus, etiam si universa natura nobis aperta et patefacta esset, cum ne animum quidem nostrum alia quam sensus interni via contemplari nobis liceat. Hactenus ille.

Magna quoque inter Leibnitii et Kantii philosophiam differentia intercedit, quod ille *spatium* ac *tempus* inter *notiones abstractas* referebat, quarum e numero Kantius eas iustis rationibus adductus circumscripsit.

Denique primaria quaedam philosophiae Leibnitianae decreta, ut *principium indiscernibilium*, doctrina de simplicibus principis, s. monadibus, itemque realitatem

realitati nunquam repugnare, Kantius ita fustulit, ut vera quidem esse, si ad intellectum purum referantur, ostenderet, admitti vero posse, si ad naturam rerum sensibilem revocentur, negaret. Nimirum si duo intellectus nostri objecta prorsus iisdem notis ac partibus consent, pluralitas iis recte tribui non potest, cum re vera duo non sint, sed potius unum idemque bis cogitatum. Sed si idem ad res sensibiles transferatur, nihil impedit quo minus dicamus duas res inter se prorsus similes, nullisque notis internis discrepantes in diversis spatii partibus esse posse. Id enim ipsum, quod in diversis spatii partibus collocatae sunt, sufficit, ut earum diversitatem agnoscamus, etiamsi nullis partium internarum notis internoscantur.

Deinde si realitas nihil aliud est, nisi nota affirmativa, intellectu puro comprehensa, profecto verum est, realitates inter se nunquam repugnare; nam repugnantia notionum tum demum exsistit, cum idem de eodem simul affirmatur et negatur. At in ipsa rerum natura, quae sensibus patet, fieri omnino potest, ut realitates inter se pugnent; adeoque falsa ratiocinandi specie illudebantur philosophi, qui entis perfectissimi possibilitatem sic demonstrare aggrediebantur, ut dicerent, quoniam nulla realitas alteri repugnaret, ne complexum quidem omnium in eadem natura, habere posse quod sibi repugnet.

Multum tamen aberat Leibnitius ab eorum sententia, qui nuper omnes animi notiones a sensibus oriri volunt. Negabat enim *tabulae rae* imaginem ad animum in ipsis cogitandi initiis constitutum transferri posse. Negabat id quod vulgo dicatur, *nihil esse in intellectu, quod non antea fuerit in sensu*, sine adiecta clausula verum esse. Sic in libro supra laudato. *Nouveaux Essais* lib. II. c. 1. p. 67. „On m'opposera cet axiome reçu parmi les philosophes, *que rien n'est dans l'ame, qui*

ne vienne des sens. Mais il faut excepter l'ame même, et ses affections. Nihil est in intellectu, quod non antea fuerit in sensu. Excipe: nisi ipse intellectus. Or l'ame enferme l'être, la substance, l'un, le même, la cause, la perception, le raisonnement, et quantité d'autres notions, que les sens ne sauroient donner. Et cum Leibnitiuss spatii ac temporis notiones in intellectus notionibus numeraret, alia via in eandem sententiam incidit, quam Kantius verioribus argumentis defendit, *Mathefin puram* nullo modo experientia niti, sed *a priori*, ut dicunt, intelligi. *ibid.* p. 33. „Dans ce sens on doit dire, que toute l'Arithmetique et toute la Geometrie sont innées, et sont en nous d'une maniere virtuelle, en sorte, qu'on les y peut trouver, en considerant attentivement, etrangeant ce qu'on a deja dans l'esprit sans se servir d'aucune verité apprise par l'experience, ou par la tradition d'autrui, comme Platon l'a montré dans un Dialogue où il introduit Socrate menant un enfant à des verités abstruses, par les seules interrogations, sans lui rien apprendre. On peut donc former ces sciences dans son cabinet, et même à yeux clos, sans apprendre par la vue, ni même par l'attouchement les verités dont on a besoin, quoiqu'il soit vrai, qu'on n'envisageroit pas les idées, dont il s'agit, si l'on n'avoit jamais rien où ni touché.

Magna igitur in doctrina de sensu et intellectu per Kantium facta est accessio, quod primus inter sentiendi et intelligendi vim quid interesset, sic docuit, ut incommoda, quae superiorum philosophorum sententias premebant, prorsus e medio tollerentur: quod arctissimum utriusque facultatis nexum demonstravit, et quae utrique materies subiiceretur, quae forma esset, explicavit; quod puras intellectus notiones, f. categorias, post Aristotelem, qui eas quasi iactu fortuito collegerat, nec plene enumeraverat, et cum aliis notionibus ab expe-

rientia ductis miscuerat, primus in iustum ordinem red-
egit, atque e diversis iudiciorum mentis nostrae notis,
qualitate scilicet, quantitate, relatione et modalitate de-
duxit, ut cum singulis harum notarum terna praedica-
menta subiicerentur, facile ab omnibus intelligi posset
non posse plura quam duodecim praedicamenta cogitari,
quibus *universa* intellectus forma expleretur; scilicet
quantitati iudiciorum subesse unitatem, pluralitatem, uni-
versitatem; *qualitati*, realitatem, negationem, limitatio-
nem; *relationi*, substantiam et accidens, causam et ef-
fectum, et mutuam inter id quod agat et patiatur com-
mercium; *modalitati* vero, possibilitatem, existentiam,
necessitatem, cum contrariis quae his opponuntur. De-
inde proprium est Kantii meritum, quod quomodo in-
tellectus formae materies notionum a sensibus reperta
subiungi posset, admirabili subtilitate docuit; quod haud
scimus an nulli philosophorum ante eum in mentem
venerit. Docuit enim *primo* in singulis perceptionibus,
sive antecaptis, sive empiricis *synthesin apprehensionis*
esse, quae varias perceptionis notas percurrat, percurfas
autem comprehendat; deinde *synthesin reproductionis*,
quae perceptionis notas priores continuo repetat, ut cum
sequentibus comprehendere possit; (ut si certum numerum
v. c. sex numerorum animo informamus, id fieri non po-
test, nisi primum unum et unum componamus, ut duo
fiant, deinde cum tertium addimus duo priores cogita-
tione repetamus;) denique *recognitionem notionis*, qua
fit ut intelligamus, id quod nunc cogitamus, repetitum
scilicet animo, et reproductum, idem illud esse, quod
prius cogitatum fuerat. Novum quoque hoc est, certe,
quis ante Kantium docuerit, nemo adhuc demonstravit,
quod phantasmam ostendit singulis intellectus notionibus
imaginem quandam, s. *schema*, quod illis respondeat,
efficere; quod illa schemata secundum ordinem catego-
riarum plene enumeravit. Quae cum ita sint, dubium

nobis non est, quin si magnus ille Leibnitius in vitam rediret, acutissima Kantii philosophemata magno cum plausu excepturus, multoque maiore in loco positurus esset, quam multi hodie faciunt, qui leviori philosophandi rationi assueti, vel subtilitatis odio adducti, aut pervetera esse, quae Kantius attulerit, aut praeter inanem verborum pompam nihil, quod ad usum converti possit, continere, nullis quidem argumentis evincunt, sed magno tamen cum supercilio et fastidio iactant, nullis scilicet nisi imperitis aut corruptis rerum arbitris imposituri.

XXXII.

Quaestio de syntheticis mathematicorum pronuntiationibus.

Cum in censura rationis genuinae ac simplicis, (quam eandem et originalem, f. impermixtam dicere possimus,) quam plurima Kantius acutissime differuit, tum maxime, quid interesset inter viam ac rationem, qua mathematicorum scientia perficitur, eamque qua philosophos uti decet, unus omnium rectissime intellexit clarissimeque docuit. Quod ut efficeret, multas animi partes ab aliis neglectas acrius indagavit, atque in clariori luce posuit. Ac in magno quidem numero rerum, quas vel novas primus observavit, vel cognitae melius subtiliusque declaravit, quasi lumen quoddam eminet, quod omnium pronuntiatorum duplex esse genus vidit, alterum, quod ille *syntheticum* appellat, in quo praedicatum non latet in subiecto, ut ex eo evolvi atque explicari possit, sed vinculo quodam extrinsecus arcessito cum eo copulatur; alterum, *analyticum*, quod est eiusmodi, ut praedicatum involutum lateat in subiecto, ex eoque resolutione quadam intelligi possit. Ut exemplum huic definitioni subiiciamus, *animum immortalem esse συνθετικῶς* pronuntiatur, nam ex ipsa animae notione, cur ei immortalitas tribuatur declarari nequit; ideoque nisi alia, quaecunque tandem sit, nota reperiatur, qua tanquam internodio vincere praedi-

catum cum subiecto possimus, cur ita pronuntiatum sit, ambiguum est. Contra cum dicimus *hominem animatum esse*, ἀναλυτικῶς enuntiamus; nam hominem animo et corpore constare cum supposuimus, tum quod in subiecto iam inerat etsi iunctum et compositum cum alio, id in praedicato seiunctum a ceteris et solum proferimus. Eodem modo cum in singulis triangulis ternos angulos esse affirmamus, pronuntiatio est analytica. Quoniam enim trianguli notio, quae in subiecto ponitur, h. e. spatium tribus lineamentis inclusum ac finitum, hoc secum fert, ut in eodem tres anguli sint, quod ni ita esset, spatium finiri tribus lineis non posset, facile patet, trium angulorum praedicatum in ipso subiecto latuisse, antequam de eo diserte pronuntiaretur. Verum cum summam angulorum in triangulo duobus rectis aequalem esse asserimus, e sola trianguli notione hoc enuntiatum nullo pacto derivari potest. Quocunque enim se philosophus vertat, explicanda trianguli vel rectorum angulorum, vel summae notione nunquam id efficiet, ut illa aequalitas, quae inter angulos trianguli in summam collectos, et duo normales inter se computatos intercedit, perspicue intelligatur.

Cum autem omnes animi perceptiones, vel ex usu rerum et experientia petantur, quas quidem perceptiones *adventicias* latine dicere possumus, (vulgo vocant *a posteriori*) vel ex internis fontibus hauriantur, quas cum scholastici *perceptiones a priori* dixerint latine *praesumptas*, *praeconceptas*, vel *anteceptas* appellare licet; videndum est, quid de syntheticis analyticisque pronuntiationibus statuendum sit, si ad fontes e quibus hauriuntur, animum intendamus.

Analytica quidem enuntiata ad unum omnia antecapiuntur, nec in iis experientia opus est. Cum enim praedicatum pars sit ipsius subiecti, quae involuta in eo et explicanda est, ut separatim a ceteris subiecti notis

animo obiiciatur, nihil est in analyticis pronuntiationibus, quod aliunde peti debeat, quod non ex ipsis, quibus mens iam antea instructa erat, notionibus duci atque intelligi possit.

Syntheticorum vero enuntiatorum duplex genus est; nam quaedam sunt *empirica*, (quorum infinita multitudo est) in quibus praedicatum subiecto usu et experientia duce tribuimus. E. c. cum *omnia corpora gravia esse* pronuntiamus, dici profecto non potest in *corporis* notione *gravitatis* notam abditam iam antea fuisse, quam hanc illi tribueremus; nam *corporis* notio nihil aliud secum fert, quam soliditatem; unde profecto nunquam corpora suo nutu ad terram ferri perspiceretur, nisi accederet quotidiana rerum experientia. Haec igitur vinculum nobis praebet, quo subiectum cum praedicato novo rite copulare, adeoque cognitionem amplificare liceat.

Alterum genus enuntiatorum syntheticorum est eorum quae antecapiuntur seu praesumuntur, ut cum dicimus: *nihil in rerum natura fieri posse nisi causa antecedente*. In his vero quid sit illud vinculum quod inter subiectum et praedicatum intercedat, ut quo iure sic pronuntietur mens nostra intelligat, obscurum est. Nam primum experientia seriem tantum antecedentium atque consequentium discimus, non autem ipsum eorum nexum et concatenationem. Deinde usus rerum, quid fiat, solum, non quid necessario fiat, nos docet. Itaque cum sic pronuntiat, *omnia quae eveniunt, antecedentibus causis fiant necesse est*, frustra eius pronuntiati veritatem et certitudinem experientia contineri contendimus.

Hanc igitur causam, ut altius indagaret Kantius, primum omnium accuratius pleniusque quam antea factum erat, perceptionum genera distinxit, et explicavit. Nimirum cum omnium perceptionum duplex ratio sit, ut

vel in contemplatione f. intuitione, vel in comprehensione, f. conceptu ponantur, quarum illa ad sentiendi facultatem, haec ad intellectum pertinet primum quae sit intuitivae cognitionis indoles optime commonstravit. Cum sensibus nostris res obiiciuntur, ipsam hanc rerum praesentium impulsione, qua mens afficitur, *sensationem* dicimus; animique contemplationem quae ad eam refertur, *intuitionem empiricam*. Cum imaginem oculis oblatam cernimus, cum chordae sonum audimus, cum rosam olfacimus, cum vini saporem gustamus, cum calorem sentimus, sensio tribuitur animo, quatenus pellitur ab obiecto calore, sapore, odore, sono, colore; *intuitio* autem *empirica*, cum istam rem obiectam, quae obiici sine sensu non potest, comprehendit. Quaecunque autem extrinsecus obiiciuntur *intuitioni empiricae*, noto vocabulo *visa* (*Erscheinungen*) appellantur. In omnibus autem visis *materiam* diligenter a *forma* segregemus necesse est. Materies visorum nempe conficitur iis omnibus, quae sensus ipse obiicit animo, quaeque sensu sublato prorsus in animum non cadunt. Itaque in sensu oculorum coloris adspectus materiem huius visi constituit; qui enim oculorum usu careret, coloris quoque perceptionem arripere aliunde non posset, sed ea perceptione prorsus careret. Sed praeter materiem visorum in ipso animo est, quod eam in certum ordinem redigat, quod *formam*, f. *vim formatricem* visorum appellare licet. Haec animo nostro insita et innata sit necesse est; nam ab ipsa quidem sensatione proficisci nequit.

Et quoniam omnis sensus ad duo genera revocandus est, alterum quod res externas, quae nobis ipsis extra nos posita esse videntur, alterum quod internum ipsius animi statum nobis obiicit; utriusque sensus visis forma est in animo parata, altera quae sensus externis propria est, altera internis externisque communis. Illa est *spatii*, haec *temporis* forma. Quaecunque enim visa tanquam extra

nos posita nobis occurrunt, ea in *spatio*, omnia autem visa, five externo five interno sensui obiiciantur, in *tempore* ponimus. Haec igitur spatii temporisque species infidet animo nostro, ita ut eam extrinsecus arripuisse dici non possit.

Iam in Mathesi pura, h. e. in arithmetiis geometricisque disciplinis omnia axiomata ac theoremata, quibus earum honos ac dignitas maxime continetur, h. e. quibus a cognitis rebus ad novas incognitasque transitur, pronuntiata synthetica esse, verissime Kantius observavit. Sunt quidem etiam quaedam analytica, e. c. ea quae proxime ex definitionibus colliguntur; idemque identica nonnulla, quae vocant, enuntiata. Verum enim vero multo maxima pars mathematicum synthetica sunt; nec praedicata e subiectis enucleantur, sed cum iis intercedente intuitione et ἀποδείξει copulantur.

Ac primum quidem in arithmetica vulgari formulae numerorum omnes συνθετικῶς enuntiantur. V. c. cum duo et tria quinque, vel ter terna novem esse dicuntur. Notio numeri quinarum oriri aliter non poterit, quam repetitione unitatis semel, iterum, iterumque ac denuo facta. Iam etsi scio $1 + 1 + 1 + 1 + 1$ esse quinque, tamen ex mera subiecti resolutione non intelligitur $2 + 3 = 5$ esse, sed ut hoc nobis pateat, intuitio accedat necesse est, qua in numero quinario primum ab unitate ad binarium, deinde ab unitate ad ternarium numerari posse docemur. Itaque tirones talia solent in digitis supputare. Tiedemannus quidem V. Cl. in symbolis Hassiacis *), Kantianae sententiae veritatem labefactorus ita fere disputat. Thesis quae affirmat septem et quinque in summam collecta duodecim esse, analytica est. Nam inter

*) *Hessische Beyträge zur Gelehrsamkeit und Kunst.* 1 St. S. 115.

omnes quae fieri possint numeri *duodecim* partes, sunt etiam septem et quinque; adeoque ut dicamus septem et quinque duodecim efficere, nihil opus est ut ultra notionem numeri duodecim exspatiemur. Quinque autem et septem duodecim efficere, hoc certe argumento probatur, quod duodecim in septem et quinque dividi exacte possint. Recte vero. Sed illa ipsa divisio et comparatio cum toto institui non potest, nisi accedente intuitione, id quod Kantius volebat. Si $7 + 5 = 12$ analyticum esset enuntiatum, nihil aliud ad veritatem eius intelligendam requireretur, quam ut notionem summae, itemque numeri quinarum et septenarium aliquis verbis explicaret; nunc accedat necesse est ipsa unitatum collectio, quae sive punctis, sive digitis, sive nummis computando instituat, id tamen nunquam non prodit, absque intuitione cur praedicatum subiecto tribuendum sit haud perspicui.

Similiter in arithmetica universali constructione ac disiunctione signorum et characterum, omnia perficiuntur argumenta, adeoque in illa quoque parte matheseos, quae quam late pateat neminem fugit, omnia ad intuitum revocantur. Notum theorema est: *in progressionem geometricam factum primi et ultimi membri aequale est singulis factis binorum membrorum a primo et ultimo utrinque aequaliter distantium*. Hic si philosophus aliquis in exponendo subiecto, eiusque vi verbis declaranda bene mane versari coeperit, concubium sit noctis, ut ait ille apud Plautum, antequam ad praedicatum pervenerit. Quid mathematicus? Postquam primum membrum universali nomine *a*, *exponentem* rationis s. indicem *m* appellavit, statim seriem contemplationi subiicit, subscripta eadem inverso ordine

$$a, \quad am, \quad am^2, \quad am^3, \quad am^4, \quad am^5, \quad am^6, \\ am^6, am^5, \quad am^4, \quad am^3, \quad am^2, \quad am, \quad a,$$

unde manifestum fit contemplanti factum primi et septimi f. ultimi, facto secundi et sexti, item tertii et quinti, denique quarti in se ipsum ducti aequale esse, nimirum $a^2 m^6$.

In geometria; five quis abstrusiora theoremata spectet, five prima eademque intellectu faciliora, nemo tamen sola expositione subiecti eo devenerit, ut nexum eius cum praedicato perspiciat. In singulis triangulis tria latera simul sumpta tertio maiora esse cum demonstrandum est, geometres quid agit? Num multis verbis ex notione trianguli praedicatum tanquam in illa abditum et inclusum exsculpere tentat? Minime. Quin protinus arrepta regula et graphide triangulum describit, ABC , unum ex eius lateribus BA prolongat in D , donec alterum latus $AC=AD$ fuerit, ab apice trianguli C ad punctum D lineam ducit. Ecce duo triangula pro uno exoriuntur, ABC , et BDC . Et quoniam ex lege constructionis $AD=AC$, colligit angulos oppositos $ACD=ADC$, cuius asserti veritatem iam aliunde didicit. Iam videt angulum BCD maiorem esse $\tau\phi$ ACD , quia hic illius pars est; inde cogit angulum eundem quoque maiorem esse $\tau\phi$ ADC . Hinc oppositum lineis latus maioris trianguli BD necessario maius esse intelligit, quam BC , et quoniam illud latus BD ductus trianguli BAC lateribus constat, BA et $AC=AD$, continuo videt duo latera simul sumpta in triangulo maiora esse tertio. Et quoniam idem efficitur, quaecunque duo latera cum tertio quocunque comparentur, universe quoque verum esse theorema intelligit. Hic igitur omnia interveniente intuitionem perficiuntur. Cl. Tiedemannus quidem hanc viam demonstrandi verissimam esse concedit; idem tamen unicam esse negat; eandemque thesin e sola notionum analysi demonstrari posse affirmat. Quidni igitur audiamus? „Dato trianguli latere, reliqua duo extrema illius „lateris puncta contingant necesse est; aliter non existunt

„anguli duo, qui nisi in singulorum laterum trianguli
 „punctis extremis fiant, spatium haud finitur. Itaque duo
 „illa latera intra eadem puncta sita sint necesse est, quibus
 „datum trianguli latus terminatur. Cum autem linea
 „recta inter duo puncta brevissima sit, reliqua duo ma-
 „iora sint necesse est.“ Nihil attinet hoc loco monere,
 multo dilucidius illa verbis expediri potuisse; certe qui
 primus geometrica disceret, non uno loco hic offenderet;
 sed quoniam hoc iam non quaeritur, missum faciamus.
 Illud unum monebimus, cum nexus argumenti contineatur
 hoc axioma: *linea recta est inter duo puncta brevissima*,
 hoc sine intuitionem prorsus demonstrari non posse; ideoque
 illius quoque demonstrationis vim, non tam expositione
 subiecti, quam ἀποδείξει contineri. Ἀποδεικνύναι vero
 nihil aliud est quam intuitioni subiicere.

Sed erunt fortasse, qui dicant, etiamsi pronuntiata
 mathematica non ex ipsis notionibus deriventur, tamen id
 quod Kantius velit, nondum effici, nimirum ea ex intui-
 tione pura, et ab experientiae praesidiis prorsus immuni,
 derivari. Quorum tamen reprehensioni sic occurrit Kan-
 tius, ut quantum intersit inter theoremata mathematico-
 rum, et ea quae usu et experientia colligimus, animad-
 vertere iubeat. Experientia nimirum nunquam aliquid
universe, multo minus aliquid *necessario* verum esse, do-
 cet. Quodsi, spatium non plures quam tres admittere
 dimensionis modos, experientia tantum disceremus, geo-
 meter hanc thesin sic enuntiare deberet: Quantum adhuc
 quidem observatum est spatium tres nec plures patitur me-
 tiendi rationes. Adeoque in omnibus, quae pronuntiaret
 geometres, persuaderet potius quam cogeret.

Quae quum ita sint, verissime Kantius iudicavit,
 mathematicorum viam ac rationem, quam in definiendo
 ac demonstrando sequuntur, ad philosophiam speculativam
 transferri nullo modo posse. Mathematici in syntheticis

pronuntiatis omnia revocant ad intuitionem, nec eam quidem empiricam, sed puram; geometrae quaecunque de lineamentis, figuris et corporibus demonstrant, ita evincunt, ut omnia e primis spatii proprietatibus ducant. Spatium vero non est, ut multi sibi persuaserunt, qualitas corporum, quam animus haec inter se comparando cognoscit; nam nec plura sunt spatia, quae quidem totum aliquod constituent, sed unum est spatium ad quod quae plura dicuntur tanquam partes ad totum referenda sunt; nec vero dici potest, cum omnia corpora, quae sensibus occurrunt in spatio ponamus, eam notionem a rebus externis in animis impressam esse, quod si verum esset, sequeretur, ut sublata corporum veritate, simul spatii notio in mentibus nostris tolleretur. Iam hoc nunquam fieri potest. Fingere licet, omnia corpora abesse; spatium omnino abesse ne cogitare quidem possumus, adeoque spatii, sicut temporis notio insita est mentibus nostris, atque infixata, sic, ut ea omnes rerum corporearum sensationes, seu visa quaecunque antecedit. Hinc mathematici proprietates spatii intrinsecus ex hac ipsa forma intuitionis nobis innata derivant, nec unquam ad experientiam confugiunt; oppido tamen securi experientiam pronuntiationis suis nunquam repugnaturam; quod qui fiat, facile perspicitur, si cogitamus omnium visorum materiem, quae ab experientia nobis offertur, semper formae intuitionis, quae humanae sentiendi facultati innata est, et quidem necessario respondere. Cum autem philosophia speculativa hoc praesidio careat, cum non ex intuitionem, sed ex solis notionibus argumentari velit, facile patet, nisi intra fines experientiae subsistat, eam mathematicorum rationem frustra imitari, omniaque huius generis philosophemata araneorum telis leviora esse, quoniam in simili operis tenuitate ne habent quidem unde pendeant.

XXXIII.

*Kantianae de spatio doctrinae brevis
explanatio.*

Quod sensu universo *spatium* dicitur, quo corpora continentur, primum essetne aliquid praeter vocabulum, an prorsus *nihil* esset, quaesitum est. Qua quidem in quaestione deceptos fuisse homines vocabuli *nihil* ambiguitate facile intelligitur. Nimirum si *nihil* esse dicitur, quod corpus non est, vel quod relinquitur corporibus sublati, *nihil* esse *spatium* concedi potest. Sed si *nihil* esse pronuntiamus, quodcunque prorsus esse non potest, quod secum ipso sic pugnat, ut nulla eius possit notio informari, tum profecto negari nequit *spatium* nonnihil esse, utpote de quo omnes tanquam de re certa loquantur, cuiusque adeo in rationibus dimetiendis ars omnium subtilissima, Geometria, unice versetur.

Sed si concesseris *spatii* vocabulo notionem quandam respondere, quaenam ea sit, quamque vim habeat, denuo inter philosophos ambigitur. Quicquid autem sit, vel in ipsa mente positum sit, vel extra mentem exsistat, suamque naturam tueatur, etiamsi nulla esset vis cogitandi, necesse est.

Fac igitur *spatium* extra mentem exsistere. Quoniam ea quae extra mentem posita sunt, corporum naturis continentur, ita ut vel ipsa corporum prima sta-

mina, vel corporum certe qualitates aut adfectiones sint, efficitur, ut spatium, si quidem extra mentem sit, aut corpus sit, aut certa corporis quaedam affectio.

Corpus autem non esse spatium evinci facile potest. Omne corpus aut movetur aut moveri potest, spatium vero est omnis motus expers. In corporis natura soliditatem omnes agnoscunt, et vim resiliendi; quam spatio corporibus vacuo nemo tribuit. Porro corpora alicubi non esse, facile cogitari potest; spatium alicubi non esse, nullo prorsus modo. Itaque etsi universitatem corporum infinitam esse posse conceditur, tamen infinitas ab universi corporis natura segregari potest, a spatii vero notione non item. Fingere licet, nullum esse corpus praeter solem; adeoque ab universitate corporis infinitatem seiungere. Idem in spatio nullo modo licet. Prorsus cogitari nequit nullum esse spatium praeter id quod solis ambitu contineatur. Ac si spatium finibus circumscribi dicitur, pars tantum est universi spatii, quae circumscribitur; nam in universi quidem notionem fines non magis cadunt, quam in aeternitatem primordia. Denique etiam hoc interest inter spatium et corpus, quod nihil impedit, quo minus omnia corpora tolli fingamus, spatium vero prorsus e rerum natura sublatum nullo pacto cogitare possumus. Quae si dederis, dandum est illud, quod initio posueramus, fieri non posse, ut spatium corporis notioni subiiciatur.

Verum si corpus non est, quaerendum an id quod spatium dicitur, qualitas quaedam corporum sit. Quod sane leviter hanc rem intuenti facile probetur. Quid enim? Nonne spatia inesse corporibus dicimus? Nonne crumenam vacuam, ut Plautino ioco utamur, *inaniis* repletam esse? At hoc nihil pertinet ad causam quae hic agitur. Nam illud quod *inane*, vel *inane spatium* dicimus, de quo v. c. Lucretius lib. I. de rerum natura

disputat, semper *relate* dicitur, nunquam *absolute*. In cubiculo dicimus inane spatium esse, ubi posita non sunt vasa atque utensilia, sed libere commeandi potestas datur. Sed id quod inane in cubiculo dicimus, haud negamus aëre, luce, aliaque subtiliore materia plenum esse. Quid? quod ipsum, quod ab inventore appellatur, vacuum Torricellianum quamquam aëre prorsus vacat, non ideo tamen prorsus inane est ab omni materia. Nam unde aër expulsus est, is locus continuo lumini, materiae electricae etc. cedit. Itaque si dicimus in tubulo vitreo spatium esse aëre vacuum, non continuo spatium ipsum corporis qualitatem esse pronuntiamus; cum nihil aliud significemus, quam illam ipsam universi spatii partem, quam paullo ante aër occupaverat, nunc aliud corporum genus occupare. Spatium vero illud veri nominis, quod infinite in longitudinem, latitudinem, et altitudinem protenditur nunquam inter corporum qualitates referri potest. Nam hae quidem sublatis corporibus una cum illis corruant et evanescant necesse est. Spatium vero corporibus omnibus aut reapse, aut cogitatione sublatis, intactum relinquitur. Accedit illud quoque, quod, spatium ne in corporum affectionibus numeremus, prohibet, quod hae omnes ac singulae sensibus percipiantur, quibus ita alligatae sunt, ut sensibus obturatis, nulla eas cognoscendi via pateat. E. c. colores corporum oculis sentiuntur, quibus excaecatis prorsus perit colorum perceptio quae proprie dicitur. Nam etsi fuerunt, qui quamvis essent a nativitate oculis capti, tamen corpora colorata tactu discernere, a luminis impulsione tamen sentienda prorsus aberant, ita ut quamnam haec vim haberet, ne divinando quidem assequerentur. Spatii contra notio, quamquam visus tactusque perceptionibus perpetuo comes adhaeret, non tamen, hisce sublatis, ipsa tollitur; notum est enim caecos natos, omnia quae de spatio intelligi possunt, cognovisse, Geometriam didicisse, Saundersonum

denique Optica adeo docuisse, quod mirum nemini videbitur, qui hanc artis Mathematicae partem totam in radiis luminis vel directis, vel refractis vel reflexis dimetiendis versari, atque e Geometrarum rationibus unice pendere cogitaverit. Itaque spatii informatio nec e visu, nec e tactu sic proficiscitur, ut e visu colorum, e tactu coloris aut frigoris, duritiae aut mollitudinis perceptiones. Ex quo colligitur spatium neutiquam in corporum affectionibus aut qualitatibus numerandum esse.

Quandoquidem igitur spatium nec ipsum corpus, nec *ποιότης* quaedam corporis esse deprehenditur, sequitur idem haud extra mentem ponendum, sed potius ad mentem ipsam seu animam referendum esse. Iam cum nemo tam hebes aut absurdus sit, ut ipsam mentis substantiam esse spatium dicat, restat ut in quadam mentis parte ponatur. Cum igitur spatium cum ea animi parte quam appetitivam dicunt, prorsus nihil commune habeat, efficitur ut ad cognoscendi facultatem pertineat. Quae cum duplex sit *αἰσθητική*, et *νοητική*, h. e. sentiendi intelligendique facultas, primum, an ad intelligendi facultatem referenda sit spatii notio, videndum.

Si spatium in intellectus notionibus censendum esset, utique vel in puris, vel in empiricis notionibus numeraretur. Iam in *puris*, quae *Categoriarum* nomine appellantur locum ei nullum esse, facile ex absolutissima categoriarum tabula, quam Kantio auctori debemus, intelligitur. Itaque videndum an spatii notio in earum numero sit, quae ex usu rerum et experientia hauriuntur.

Quae extra nos posita sunt, ea quinque sensibus percipimus. Si igitur spatium experientia cognosceremus, necesse esset vel uno vel pluribus illorum sensuum eius notitiam acciperemus. Iam nec oculis, nec tactu spatium nobis innotescere facile intelligitur. De ceteris enim sensibus nemo dubitat. Quam primum igitur infantis anima

sinistram manum a dextra discernit, aut si qua prior alia est corporis sui notitia, iam antecaptam esse oportet spatii notionem. Quidenim aliud significat, manum dextram ab sinistra discernere, quam intelligere utriusque proprium esse in spatio locum? A tactu igitur proficisci nequit spatii notio, quippe quae omnem tangendi usum antevertit. Similiter de oculorum ministerio statuendum. Simulac mens nostra oculis interpretibus res obiectas distinguit, statim eas in pluribus locis dispositas esse animadvertit, ut adeo rursus notionem spatii omnem videndi usum praecurrere pateat. Quod vero prima spatii notio obscura et involuta sit, quod eam non statim verbis exprimere possimus, quod multi homines prima ista spatii notione dum vivunt, obscura et involuta utantur, nec unquam de ea explicanda solliciti sint, hoc prorsus nihil valet, ad confundendum id quod supra pronuntiatum est, spatii notionem omnes quae ex usu rerum, et experientia ducuntur notiones antevertere.

Praeterea nemo est philosophorum qui neget, notiones ab experientia ortas sic formari, ut comparatis inter se singulis rebus, quae in iis communia sint comprehendantur. Enim vero spatii notionem hoc modo animo informare non licet, propterea quod non, ut in rebus quae sensibus obiciuntur, plura spatia sunt, quae ab aliis sui generis seiungi atque inter se comparari possint, sed unum tantum est spatium idque infinitum, quo ea quae vulgo pluraliter spatia dicuntur, tanquam partes in toto continentur.

Neque vero si spatium eiusque triplex dimensio experientia nobis primum innotesceret, aut, ut aliis verbis utamur, si prima eius notitia adventicia haud innata nobis esset, geometrica theoremata evidentiam illam ac necessitatem secum ferrent, quam ei omnes, qui hanc scientiam quamvis leviter attigerunt, recte tribuunt. Nam in Geo-

metricis coguntur omnia, non observantur. Quicquid autem usu rerum et experientia cognoscimus, id nunquam necessario sic fieri intelligimus, nec certo scimus idem omni loco ac tempore eodem modo eventurum esse. Quapropter multum interest inter ἀπόδειξιν Geometrarum et evidentiam quam sensibus tribuimus. Iam si spatii notio adeoque geometricae longitudinis, latitudinis, et altitudinis rationes externo sensuum ministerio nobis informarentur, nihilo certius aut evidentius esset geometricum theorema de duobus angulis trianguli aequicruri ad basin aequalibus, quam id quod quotannis experimur, arbores vere ineunte virescere, aquam hieme concrefcere, et centena eius generis alia. Tantum autem abest, ut haec phaenomena cum illis geometrarum effatis in eodem evidendiae gradu ponenda sint, ut potius quae nobis usu venerunt, adeoque sensuum fide extra omnem dubitationis aleam posita esse videntur, aliis tamen quibus haud contigit eadem sensibus accipere incredibilia et falsa videri possint. Notum est e. c. Europaeos qui Zonaе torridae incolis narrassent flumina apud nos interdum gelu sic consistere, ut onusta vehicula ferant, splendide mentiri visos. Quod longe secus est in geometrarum pronuntiatis; quorum veritas nullis regionibus adstricta, quorum certitudo ubivis locorum inconcussa, quorum necessitas omni tempore irrefragabilis est. Quid? quod ipsis geometricis rationibus nonnihil rigoris et insignis illius, quam Euclides tenebat, ἀκριβείας decedit, simulatque ad rerum naturam transferuntur. Sic mechanica vectis theoria, quousque intra geometriae fines subsistit, aequam cum illa evidentiam partitur. Ubi autem ad ipsum machinarum usum et constructionem ventum est, illico corporum tarditas, eorumque frictio intercedit, quibus rebus fit, ut segnius omnia procedant, quam ex geometrarum doctrina aestimata procedere debuissent. Ipsum illud Archimedis postulatum: *δός μοι πού στῆναι καὶ τὴν γῆν κινήσω*, quantumvis

ratum et certum si ad solam geometrarum normam exegeris, vanam haberet promissionem, si nihil aliud quam locus extra terram ubi consistere posset concederetur.

Sunt autem qui dicant, spatii notionem e sensibus ortum nihil magis arguere, quam imagines cum ea sic coniunctas, ut feiungi et avelli nequeant. Sic fuerunt, qui eius notionis causas a visu arcefferent, propterea quod insit in ea coloris quaedam species; ut adeo nuper Cl. Federus spatii phantasma dixerit imaginem terrae colore imbutam et coeli luce collustratam (*ein irdisch gefärbtes und himmlisch erleuchtetes Bild*). Verum haec phantasmata prorsus ab ipsa spatii notione differre, facile patet, si caecos illos, qui nunquam lucem oculis usurpaverunt recordemur, quibus etsi nunquam licuit coelum terramque oculis intueri, nihil tamen obstat, quo minus omnia quae de spatio Geometrae docent, intelligere possint. Neque vero in aliis difficile est puras notiones ab imaginibus internoscere, quae illas tanquam umbra corpus comitari solent. Lineam e. c. Geometrarum, quae longitudine continetur, a qua omnis latitudo prorsus absit, nemo imaginationi obicere potest; cum ne tenuissima quidem linea atramento aut alio colore ducta, sine aliqua saltem latitudine duci queat.

Cum igitur spatium nec in puris, nec in empiricis intellectus notionibus numerandum sit, superest, ut ad sensitivam mentis vim referatur. Quae cum nihil aliud nisi perceptiones singulares, quae *visa* veteribus, recentioribus *intuitus* appellantur, praebeat; necesse est spatii perceptionem intuitum esse; eumque *externum*, cum omnia quae spatio continentur extra nos ponamus. Iam in externo intuitu id quod intuemur, s. *materiam*, ab intuendi *forma* distinguendum esse, constat. Inter ea autem quae intuemur, quae sensibus percipimus, spatium referri non potest. Nam primum haec omnia certis quibusdam sensibus

sibus accipiuntur, quorum ministerio sublato, tollitur ea, quae praebebatur perceptio. Spatium vero nulli horum sensuum adstringitur, sed tanquam fundamentum omnibus sensuum perceptionibus subiacet. Porro nihil nos impedit, quo minus fingamus, omnia corpora e rerum natura tolli; spatium vero sublatum prorsus nullo modo animo informare possumus. Ex quo consequitur spatium nihil aliud esse quam formam sensus externi menti humanae innatam, cui respondeant necesse est omnia quae sensu externo percipiuntur. Iamque cum Geometria nihil aliud agat, quam ut illam sensus externi formam evolvat, et quae in ea abdita sint eliciat, in promptu est evidentiae et necessitatis eius placitis propriae causas intelligere. Hactenus Kantii de spatio doctrinam exposuimus; in quo quamquam viri acutissimi decretis nihil detraximus, ordine tamen differendi aliter instituto praecipua eius capita planiora nonnullis futura speramus.

XXXIV.

Kantianae de temporis notione sententiae brevis expositio.

Exposita Kantii V. Cl. doctrina, qua spatium nihil aliud quam sensus externi formam esse demonstravit, restat ut eandem operam *temporis* notioni impendamus, circa quam inde a philosophiae incunabulis trepidasse philosophos, et quid certi statuerent, vix invenisse videmus.

Ac primo quidem iam olim fuisse qui *tempus* essetne aliquid, an prorsus *nihil* esset, quaererent, ex Aristotele intelligitur (Physicor. IV. 10.) quippe qui locum quaestioni concedit πότερον τῶν ὄντων ἐστὶν ἢ τῶν μὴ ὄντων. Facile autem est iudicare, *tempus* esse in rerum natura, eiusque certam quandam notionem informari posse, propterea quod insitam eius animo formam delere nullo modo possumus, vocabulique *temporis* usus late per omnes cultiorum quidem populorum linguas patet.

Primum igitur quaerendum est an *tempus* extra mentem, f. vim cogitandi sentiendique positum sit, an potius in mentis quadam parte aut affectione ponendum.

Qui extra mentem *tempus* esse, ac sublatis mentibus naturam suam tueri volebant, eorum alii *tempus* universam rerum corporearum naturam (τὴν τοῦ ὅλου σφαῖραν)

alii eius conversionem (περιστροφάν) esse decreverunt. Atque illos quidem Aristoteles dignos esse negat qui resutentur, adeo scilicet stulta loqui. Nimirum prorsus consequentia rerum non videbant, qui sphaeram universi tempus esse opinabantur. Ipsa enim corpora ad spatii notionem referuntur, quod nullo modo in temporis naturam cadit; singulis, adeoque etiam universis corporibus triplex illa geometrarum dimensio tribuitur, tempus contra haud alia mensura, quam diuturnitate aut brevitate metimur. Itaque cum istorum ratio prorsus abiicienda sit, erat saltem tolerabilior eorum sententia, qui tempus *conversione coeli* contineri putabant. Certe enim communi more tempus eiusque partes solis lunaeque conversione metiendi nitebantur. Neque tamen ab errore alieni fuerunt. Et enim ut recte Aristoteles iudicavit, si plures coeli essent, motus uniuscuiusque similiter tempus esset; quare plura tempora simul essent. (εἰ πλείονες ἦσαν οὐρανοὶ, ὁμοίως αὖ ἦν χρόνος, ἢ ὅτι οὐοῦν αὐτῶν κίνησις, ὥστε πολλοὶ χρόνοι ἅμα.) Quod quidem fieri nullo modo potest. Nam vel innumerabilium corporum coelestium conversiones uno eodemque tempore fieri possunt, nullamque esse temporis diversitatem nisi quae successionem designatur, sic infixum est mentibus nostris, ut evelli nequeat. Deinde qui hanc opinionem tenebant, vel hoc argumento convinci poterant, quod sublata coeli conversione, non continuo temporis natura tollatur, sed potius intactum relinquatur, si modo successio quaedam, μεταβολή, v. c. quaedam perceptionum nostrarum consecutio maneat.

Relicta igitur horum opinione, fieri non poterat, quin philosophi in hanc quaestionem inciderent, an tempus sit idem quod *motus*, seu *vicissitudo* et *mutatio*, universe scilicet spectata. Hoc loco Aristoteles primum concedi sibi vult, ut *motus*, s. κινήσεως vocabulo, universe pro *mutionis* s. μεταβολῆς vocabulo uti liceat; (μηδὲν δὲ

διαφερέτω λέγειν ἡμῖν ἐν τῷ παρόντι κίνησιν ἢ μεταβολὴν) deinde satis acute contra istam sententiam disputat. In primis enim hoc urget, omnem quidem mutationem aut celeriore, aut tardiore esse; tempus vero non item: tempore enim ipsam velocitatem ac tarditatem definiri: nam id quidem esse velox, quod brevi tempore magnum, id autem tardum, quod longo tempore parvum spatium transeat. Quare cum nec ipsum coelum, neque eius conversionem, nec universe motum aut mutationem tempus esse intelligatur, nonnulli veterum philosophorum eo devenerunt, ut tempus nescio quid intermedium inter mundum et motum dicerent. Eius formulae vestigium est in *Varronis de lingua latina* lib. V. (p. 52. edit. Bipont.) ubi *Tempus* esse dicunt, inquit, *intervallum mundi atque motus*. Quae quidem obscurius dicuntur, ut ambigere possis, an qui ita tempus definirent, in hac sententia fuerint, ut neque corporum complexum, neque corporis motum, sed quod inter corpus et motum corporis intermedium sit, esse dicerent; an potius, quia, quae moverentur, omnia intervallis moveri statuebant, tempus in quadam vacuitate posuerint, an denique *intervallum* h. l. *numerum* potius notet. Ultimam si sumseris, Varroniana definitio ex Aristotelica fluxit; qui postquam observaverat sine mutatione tempus non esse, (quippe, nisi animadvertamus quidem nos esse mutatos, tempus nobis fuisse non videri) tempus ipsum pronuntiat *numerum motus*; non adeo ipsum motum, sed quatenus numerum capiat; (οὐκ ἄρα κίνησις ὁ χρόνος ἀλλ' ἢ ἀριθμὸν ἔχει κίνησις). In quo quamquam haud satis dilucide id quod volebat expressit Aristoteles, parum tamen absuit a Kantii sententia, qui *tempus sensus interni*, quo scilicet *mutationes* nostras percipimus, *formam* esse docuit. Nam cum Aristoteles dixit, tempus esse ἀριθμὸν κινήσεως, οὐχ ὅτι ἀριθμοῦμεν, ἀλλ' ἀριθμούμενον, profecto vidit, tempus magis ad mentem, quae mutationes numero comprehendat, quam ad ipsas mutationes,

quarum numerus exigatur, pertinere. Cavendum autem est ne verba Aristotelis falso interpretemur. Etenim ὁ ἀριθμοῦμεν Aristoteli est idem ac *res ipsae quae numerantur*, ut cum dicimus, tres equi, quatuor nummi, equi aut nummi sunt id quo numeramus, h. e. quasi materia numerorum; contra τὸ ἀριθμοῦμενον, est ipsa numerandi forma, seu comprehensio numerorum, quae profecto haud alibi quam in mente ipsa reperitur. Itaque diserte Aristoteles postea docet (cap. 14.) *tempus* esse mentis humanae affectionem. Numerandi enim facultatem unice in mentem cadere, eademque mente s. vi cogitandi sublata, tempus quoque necessario tolli; (εἰ δὲ μηδὲν ἄλλο πέφυκεν ἢ ψυχὴ ἀριθμεῖν, καὶ ψυχῆς νοῦς, ἀδύνατον εἶναι, χρόνον, ψυχῆς μὴ οὔσης.)

Sed si tempus extra mentem nullum est, nova suboritur quaestio, quam illud vim in ipsa mente habeat, et qua in parte animi collocandum sit. Iam olim fuerunt, qui tempus *notionem empiricam* esse putarent, ex observatis rerum mutationibus iisque inter se collatis sic depromptam, quemadmodum v. c. canis notionem oculorum ministerio acceptam ferimus, quibus cum singuli subinde canes occurrerunt, ex notatione similitudinis efficitur universa illa canis notio. Et hanc quidem de tempore sententiam Lucretius istis versiculis expressit (Lib. 1. v. 410 sqq.)

*Tempus item per se non est, sed rebus ab ipsis
Consequitur sensus, transactum quid sit in aevo,
Tum quae res instet, quid porro deinde sequatur.
Nec per se quemquam tempus sentire fatendum est
Semotum ab rerum motu, placidaque quiete.*

Enimvero quamvis absque usu rerum, ac sine contemplatione succedentium, quae sensibus offeruntur, in rerum natura conversionum, nunquam clara temporis notio in

nobis gigneretur, tamen inde non sequitur ipsum quod proprie dicitur tempus, ab experientia proficisci. Non enim ut multi canes, multi flores in orbe terrarum sunt, e quibus inter se comparatis generalis *canis* aut *floris* notio ducitur, sic *multa* quoque *tempora* sunt; sed est *unum* idque infinitum tempus, cuius nonnisi partes quaedam sunt, quae pluraliter dicuntur tempora. Haec nimirum est illa, quam Cicero appellat (de Nat. deor. lib. I.), ab *infinito tempore aeternitas*, quam nulla temporum circumscriptio metitur. Nempe si saecula, si annos, si dies, si horas tempora dicimus nihil aliud dicimus quam partes quasdam ex uno illo infinitoque tempore circumscriptas. Restat igitur ut, quod Kantius luculentissime docuit, *tempus* formam sensus interni, sicut *spatium externi* dicamus. Tum enim demum intelligitur quo pacto omnia phaenomena in *tempore* comprehendantur. Nempe in rerum natura praeter mentem nec praeteritum est, nec praesens, nec futurum. Singula seorsim fiunt. Cum autem ea quae sensibus excipiuntur, h. e. multiplices materiae sensibilis copiae comprehenduntur vi sentiendi, tum existit illa praeteritorum, praesentium, futurorum relatio. Haec autem ipsa comprehensio innata est mentibus nostris, omnesque notiones quae ex usu rerum et experientia ducuntur antevertit. Et quoniam sensus internus externo latius patet, (nam etiam eorum quae extra nos posita sunt visa sensu interno comprehendimus,) inde fit ut spatium quoque non aliter nisi tempore percurrere possimus, spatium vero eodem modo tempori adhibere minime liceat. Etsi enim translate dicitur *spatium temporis*, nihil tamen hoc ipso amplius, quam certa quaedam pars temporis circumscripta significatur.

Ceterum ante Kantium de tempore nemo sic philosophatus est, ut omnino satisfaceret. Neque enim *Watsonus*, qui singularem nuper de tempore libellum

scripsit *), accuratae subtilitatis functus est munere. Tria enim quasi temporis genera constituit, unum, quod percipi possit (*time perceptible*) quod ex observato nostrarum perceptionum continuo flumine oriatur; alterum quod *universale* appellat, ex observato siderum coelestium motu ductum, tertium denique *insensibile* (*imperceptible time*) quo quidem nomine appellat notionem e considerata quacunque temporis universalis parte ortam, quatenus ea in infinite multas partes distribui ac dividi possit. Hunc igitur quoniam docendi ἀναγκαῖον ne Aristotelem quidem assequitur, nedum ut cum Kantio comparandus sit, mittamus.

Multis vero philosophi de temporis notione disputantes tricus et controversiis caruissent, nisi eos, ut fit, fluctuans ac multiplex vocabuli temporis usus in ambiguitatem coniecisset. Cum igitur unum esse *tempus* idque infinitum dicimus, profecto nihil aliud quam formam comprehensionis sensui interno propriam intelligimus. Haec una sit necesse est; est enim eadem mentibus humanis communis; eadem infinita dicitur, quia humana sentiendi vis tam capax est, ut nullus unquam tantus sit mutationum numerus, quin eo maiorem possimus animo informare. Verum enim vero saepe fit, ut vulgari loquendi usu, certam ipsorum eventuum seriem *tempus* vel *tempora* appellemus; ut cum C. Iulii Caesaris, vel belli tricennalis tempora dicimus. Deinde quoniam seriem eventuum e brevitate vel diuturnitate aestimaturis nulla nobis alia via data est, nisi ut alia quadam eventuum serie tanquam mensura utamur, ad quam illam comparemus, factum est, ut annum solarem, eius-

*) *A treatise on Time by W. Watfon* Iun. M. D. F. R. S. Londini 1785. 154 pagg. 8.

que partes κατ' ἐξοχὴν *tempora* homines dicerent. Hinc explicandae sunt formulae, in quibus tempori cursus aut lapsus tribuitur. Nam si ad unicum illud atque infinitum tempus, quod proprie sic dicitur, animum adverteris, profecto id neque decurrit, neque labitur; sed in eo potius rerum eventa decurrunt ac labuntur. Cum igitur brevitatem aut longitudinem temporis appellamus, non de absoluto illo tempore, in quod propter infinitatem brevitatem aut longitudo non cadit, sed de definita eventuum serie loquimur, quam ad communem anni solaris mensuram referimus, simulque illam ab ea quam implere vel potuisset, vel debuisset, mensura recedere observamus. Sic *breve* dicimus vitae humanae aevum, etiamsi nonaginta annos aliquis expleverit, si cogitamus potuisse aliquem, si natura dedisset, nongentos annos explere. Idem vero temporis spatium *longum* dicimus, ad brevitatem vitae post aliquot dies aut menses aut annos a nativitate abruptae comparatum. Deinde quoniam omnes animi nostri vires ac facultates absoluti illius temporis formae alligantur, ut exferere se nisi in tempore nullo modo possint, factum est ut in multis loquendi formulis, ubi vires animi nominandae essent, *temporis* vocabulum poneretur. Sic *tempus perdere*, nihil aliud significat, quam animi viribus aut prorsus nihil uti, aut male abuti; ac *tempori parcere* idem est ac strenue agere, vires mentis bene collocare, et gnaviter exercere. In absolutum vero tempus nec iactura cadit nec parsimonia. Porro cum breviora nobis esse videantur, quorum longitudinem non ad mensuram exigimus, ut via longior apparet, ubi eius ambitum passibus metimur, quam si confabulando aut aliud agendo eam superamus, tempori quoque h. e. definito cuidam eventuum ordini species quaedam brevitatis aut longitudinis induitur, prout in ipso eius decursu veram eius mensuram vel negligimus vel exigimus. Et quoniam vel otii molestia, vel cuius-

cunque ingrati sensus taedio affectos natura ducit, ut animum ad temporis mensuram appellant, et v. c. an hora effluxerit, aut quam mox sol orturus sit, quaerant ac circumspiciant; accidit, ut *tardius* ire tempora, aut opinione citius praeterlapſa eſſe dicerentur, cum nihil ſit eorum decurſu aequabilius. Ex eodem quoque loquendi uſu hauſta eſt formula, qua qui otii moleſtiam luſu pellunt, *tempus fallere* dicuntur. Scilicet error eſt ex metonymia, qui multis hominibus graviffimus accedit, ut cum per totam vitam nihil aliud miſerius quaefiverint, quam quibus modis tempus fallerent, ſero intelligant, ſe neminem niſi ſe ipſos ſefelliſſe.

XXXV.

*Animadversiones criticae in Quintilian. Inst. Orat.
lib. VII — IX.*

Lib. VII. 1. *Sic explorandum est, ubi controversia incipiat, et considerari debet, quae primam quaestionem facit. Iure hic locus offendit novissimum editorem Spaldingium, virum egregium, immatura morte nobis ereptum. Equidem mihi persuasi legendum esse: et considerari debet, quid primam quaestionem faciat; comparato loco Ciceronis de Oratore lib. II. c. 30. Statim occurrit naturali quadam prudentia, non his subductionibus, quas isti docent, quid faciat causam, id est, quo sublato controversia stare non possit.*

Lib. VII. c. 2. *De uno quidem maxime genere conjecturalium controversiarum locuti videmur, et in omnes aliquid ex his cadit. Nam furti, depositi, creditae pecuniae et a facultatibus argumenta veniant: An fuerit quod deponeretur? et a personis: an illum deposuisse apud hunc vel huic credidisse credibile sit? an petitem calumniari, an reum inficiatorem esse vel furem? Sed etiam in furti reo sicut in caedis quaeritur de facto et de auctore. Spaldingio verbum furti ante depositi videbatur infitium esse. Mihi illud quidem genuinum, paullo post autem verba vel furem delenda videntur.*

Lib. VII. c. 3. 16. *Quid? quod nec uno modo definitur res eadem, ut facit Cicero: quid enim est vulgo? Universos, et latiore varioque tractatu, ut omnes oratores plerumque fecerunt. Legendum est: Quid? quod et uno modo verbo definitur res eadem, ut facit Cicero: quid est vulgo? Universos; et latiore varioque tractatu etc. Locus Ciceronis est in oratione pro Murena, c. 35. Quid enim? Senatus num obviam ire crimen putat? — num locum ad spectandum dare? aut ad prandium invitare? minime. Sed vulgo, passim. Quid est vulgo? Universos.*

Lib. VII. c. 4. 25. *Sed alios quoque nonnumquam leges hae recipiunt status. Nam et coniectura est aliquando in plerisque horum, quum se vel non fecisse vel bona mente fecisse contendunt. Cuius generis exempla sunt multa. Et quid sit dementia ac mala tractatio, finitur. Nam iuris quaestiones plerumque leges praecurrere solent, et ex quibus causis non fiat, statutum. Quod tamen facto defendi non potuit, iure nitetur. Et quot et quibus causis abdicare non liceat et in quae crimina malae tractationis actio non detur, et cui accusare dementiae non permittatur.*

Hunc locum, quo in expediendo nec Gesneri nec Spaldingii rationes mihi satis fecerunt, sic arbitror esse constituendum:

Sed alios quoque nonnumquam LITES hae recipiunt status. Nam et coniectura (i. e. status coniecturalis) est aliquando in plerisque HARUM (sc. litium f. causarum) quum se — multa. Et quid sit dementia aut mala tractatio finitur, (h. e. definitione explicatur, quae constitutio dicitur definitiva Cic. de Inv. II. 17.). Quod tamen f. d. n. p. iure nitetur. Nam iuris quaestiones (i. e. eae quibus continetur constitutio iuridicialis ibid. II. 23.) plerumque leges praecurrere solent (scil. antea latae) et ex quibus causis non fiat ALIQUID, statutum; UT: quibus causis

abdicare non liceat, et in quae crimina malae tractationis actio non detur, et cui accusare dementiae non permittatur.

Lib. VII. 4, 36. *Male gestae legationis apud Graecos et veris causis frequens, ubi iuris loco quaeri solet, an omnino aliter agere, quam mandatum sit liceat? et quousque sit legatus? quoniam alii in renuntiando sunt; ut in Heio qui testimonium in Verrem dixerat post perlatam legationem.* Corrupta hic sunt verba: *quoniam alii in renuntiando sunt; et sine dubio legendum: quoniam alii re nuntiata fiunt.* Sic Heius Mamertinus, cuius e sacratio Verres signa abstulerat, tamen missus erat Romam legatus ad Verrem publice laudandum. Itaque fecit; publice laudavit Verrem; ita enim mandatum atque imperatum erat. Sed peracta hac laudatione non amplius legatum se putabat, sed ALIUS factus, i. e. privatus, privatim ad iudices confugit, dixitque se sacra maiorum suorum a Verre repetere.

Lib. VIII. prooem. §. 9. *Iudicialium causarum alias in singulis, alias in pluribus controversiis consistere, et in quibusdam sufficere modo intentionem, modo depulsionem.* H. l. *verbum sufficere aptum quidem sensum praebet nulum; nec dubito quin legendum sit: et in quibusdam statum facere modo intentionem modo depulsionem coll. lib. III. 6. 16. „concedamus ex depulsione nasci statum. Nihilominus enim res eo revertetur, ut modo is qui agit, (scil. intentione) modo is cum quo agitur (scil. depulsione) statum faciat.“* Sed legenda etiam sunt quae proxime ibi sequuntur.

Lib. VIII. prooem. §. 29. *Alioqui, sicut qui patrimonium non pararunt, subinde quaerunt; ita in oratione qui non satis laborarunt.* Spaldingio hic placebat legi: *alioqui — non pararunt, sub diem quaerunt victum, ita in*

oratione qui non satis laborarit, verba desiderabit. Equidem sufficere opinor, si corrigamus: ita verba in oratione (scil. quaerunt) qui non satis laborarunt. Necessario autem inferendum est illud verba, quia statim subiungit Quintilianus: Si praeparata vis dicendi fuerit, erunt in officio (scil. verba) etc.

Lib. VIII. 3. *Est et amarum quiddam, quod fere in contumelia est positum, quale Cassii: „Quid facies, quum in bona tua invasero?“ Hoc est quum te docuero nescire maledicere. Verba hoc est quum te d. n. m. non sunt, ut opinor, Cassii Severi verba, sed potius Quintiliani, qui amarum illud Cassii dictum interpretatur, coniectum scil. in hominem maledicum, quem negaverat Cassius artem male dicendi, qua delectabatur, satis callere.*

Lib. IX. 3. ubi agitur de figura iterationis sine dubio Quintilianus scripsit: *Fit casibus mutatis hoc schema quod πολυπτωτον vocant; ubi nunc legitur: fit casibus modo hoc schema. Deinceps in verbis: constat et aliis etiam modis, quae structura iure Spaldingium offendit, legerim: constat et aliis iteratio modis.*

Ibid. paullo ante: IX. 3, 18. 19. *Et detractioes quae in complexu sermonis, aut vitium habent aut figuram; ut „Accede ad ignem hunc, iam calesces plus satis“ (e Terentii Eunuchio I. 2, 5.); plus enim quam satis est. Sensus est: illum locum esse exemplum detractiois vitiosae, quia non plus satis, sed plus quam satis verum fit. Ideoque haud scio an Quintilianus ita scripserit: ut: „Accede — plus satis“ est in vitio; plus enim quam satis verum est. Quae statim sequuntur: nam de altera quae detractioe pluribus adiiciendum est; ita corrigenda sunt: nam de altera (scil. figura) quae detractioe fit, pluribus dicendum est. Hic nimirum respiciuntur ista quae infra dicuntur IX. 3, 58. At quae per detractioem fiunt figurae etc.*

Lib. IX. 3, 46. de pleonasmo: *Verum id, quum supervacua oneratur adiectione, vitium est, quum auget manifestam sententiam, sicut hic, virtus. Pro oneratur legendum onerat. Nam pleonasmus non oneratur, sed onerat sententiam supervacua adiectione.*

Lib. IX. 3, 49. in verbis e quadam Ciceronis oratione, ut recte Gesnerus coniecisse videtur, Metellina, allatis pro vulg. *sublata, delata, exstincta*, vel legendum est: *sublata, deleta, exstincta*; vel *delata, sublata, exstincta*.

Lib. IX. 3, 61. *Ego ne illud quidem aposiopesein semper voco, in quo res quaecunque relinquitur intelligenda, ut ea quae in epistolis Cicero „data Lupercalibus, quo die Antonius Caesari,“ non enim obtulit aut tulit, quia nihil hic aliud intelligi poterat, quam hoc: „diadema imposuit.“* H. I. Spaldingio assentior, qui cum cod. Ambr. 1. legendum censet: *ut aequè in epistolis Cicero*; nam iam paullo ante epistolae Ciceronis ad Brutum excitaverat. Quod autem Spaldingius negat in promptu esse dicere, quid sit *data*, ideoque inter duas coniecturas fluctuat, id secus interpretor. Nimirum, ut opinor, haec verba fuerunt in subscriptione epistolae, ipso illo die datae, quum Lupercalibus, h. e. XV. Kal. Mart. A. U. 709. Antonius, ipse Lupercus, Caesari diadema imponere ausus esset. Cic. Philipp. II. 34.

Lib. IX. 3, 68. *Non ex eodem, sed ex diverso vicinum accipitur, quum supplicio afficiendum dicas quem supplicatione dignum iudicaris.* Acute sensit Spaldingius hanc structuram et nexu cum prioribus et verbum significatione laborare. Agitur de ἀντανάκλασις figura, i. e. eiusdem verbi contraria significatione; ut quum Proculus quereretur de filio, quod is mortem suam *expectaret*, et ille dixisset *se vero non expectare*. Immo

inquit, *rogo expectes*. Iam sequuntur ista verba, quibus veram vim et sensum restituimus, ita corrigendo: *Non ex eodem sed ex vicino diversum accipitur* etc. Supplicium et supplicatio sunt verba vicina; si quis igitur dicit aliquem *supplicio* afficiendum esse, et vult intelligi, eum *supplicatione* dignum esse, utique non ex *eodem* (ut antea ex repetito verbo *expectare*) sed potius ex vicino (*supplicatio*) diversum accipiendum est; h. l. enim *supplicium* non pro poena capitali, sed pro *supplicatione* accipiendum. Veteres enim Romani *supplicia* dicebant pro *supplicationibus*, qui vocabuli usus postea exolevit.

In verbis IX. 3, 75. *Aut certe par est extremis syllabis consonans*: „non verbis sed armis“ difficultas a Spaldingio notata expeditur, si vocabulum *par* non adiectivum, sed substantivum (*ein Paar*) esse ponamus; ut post *par* ex antecedentibus intelligatur *verborum*. Est enim hic *par* vocabulorum, *verbis* et *armis*, quod extremis syllabis consonat.

Ibid. §. 77. *Secundum ut clausula similiter cadat, vel iisdem in ultimam partem collatis ὁμοιοτέλευτον similem duarum sententiarum vel plurium finem*: „Non modo ad salutem eius exstinguendam, sed etiam gloriam per tales viros infringendam.“ Huic loco ita subveniendum est, ut verbum ὁμοιοτέλευτον perperam transpositum post verbum *Secundum* ponatur, et pro *vel iisdem* quod iam Spaldingio in mentem venit, legatur *Syllabis iisdem*.

Ibid. §. 79. In exemplo e Domitii Afri oratione: *Amisso nuper infelicis aulae, si non praesidio inter pericula, tamen solatio inter adversa*, pulchre vidit Buttmanus V. C. transponenda esse ultima verba sic: *tamen inter adversa solatio*. Aliter enim non conveniunt, quae proxime sequuntur: *Eius fere videntur optima, in quibus initia sententiarum et fines consentiunt, ut hic praesidio, solatio*.

Lib. IX. 4, 13. *Quod si numeris ac modis inest quaedam tacita vis, in oratione est vehementissima. Vox tacita hic Spaldingium offendere non debebat. Illustratur enim verbis quae §. 10. praecesserunt: Neque enim aliter eveniret, ut illi quoque organorum soni, quamquam verba non exprimunt, in alios tamen atque alios motus ducerent auditorem. Haec igitur ipsa est numerorum ac modorum tacita vis, quod fonant quidem, sed tamen non loquuntur, nihil significant, quod vim cogitandi afficiat.*

XXXVI.

In duas Persii Satiras.

1. In Satiram primam.

In Satira prima Persius ridet vanitatem eorum, qui, aetate potissimum iam proveci, carmina faciunt, eaque recitantes plausum venantur hominum coram quidem illos approbantium, sed, ubi respexerint, iridentium; omninoque negat verum poetam, etiamsi peritorum laudes non fugiat, quid coetus vulgares de carminibus suis iudicent, curaturum. Accedere igitur ad se fingit reprehensorem quemdam, qui miretur eum carmina scribere, quae nemo sit lecturus. Is sic incipit:

O curas hominum! o quantum est in rebus inane!

Quis leget haec?

Primum versiculum multi editores, ut Casaubonus, Persio tribuerunt; quasi esset initium carminis, in quo scribendo ab illo, quem adversarium fingit, interpelletur. At multo aptius est, cum Reizio, quem Königius secutus est, eum adversario assignare. Is nimirum ad Persium scribendo occupatum accedere fingitur, curamque scriptoris inanem pervellere, quod quae scripserit nemo fere lecturus sit. Passovius quidem Casauboni rationem sic tuetur, ut neget reprehensori in mentem venire posse, ut auditores Persio haud futuros dicat, antequam Persius legere coeperit. At enim non de auditoribus sed de lectoribus hic agitur;

Persiusque supponere potuit adversarium iam antequam ista verba pronuntiaret, quae Persius scripsisset, intellexisse.

Sed primum hunc versiculum levis menda obsidere videtur. Nam si legitur, ut nunc in omnibus edd.

O curas hominum, o quantum est in rebus inane!
alterum illud *O* in ipsam versus caesuram incidit, et cum ultima syllaba vocabuli *hominum* elisione coalescens pausa infuavissima disiungitur a sequentibus verbis. Ita repetitum illud *O* haud suavius ad aures accideret, quam in versiculo illo Iacobi Thomsoni Angli, in tragoedia Sophonisbe,

O Sophonisbe! Sophonisbe o!
quem versiculum quum actor pronuntiasset, statim aliquis e cavea exclamavit

O James Thomson! James Thomson o!
Rescribendum igitur opinamur

O curas hominum! Quantum est in rebus inane!
Similiter in versu 61. sat. 11.

O curvae in terras animae et coelestium inanes!
eximendam arbitramur copulam hic otiosam, et quum eodem modo in caesuram incidat, male sonantem; ita maiore cum pondere, et suaviore sono decurret versus:

O curvae in terras animae, coelestium inanes!
In sequentibus satirae primae versibus:

Quis leget haec? — Min' tu istud ais? Nemo hercule — Nemo?

Vel duo vel nemo. — Turpe et miserabile! — Quare? Ne mihi Pulydamas et Troïades Labeonem Praetulerint! Nugae! —

multo aptius Passovius alternas colloquentium partes, sicut hic exscriptae sunt, disposuit, quam Reizius, qui sic ordinavit:

*Quis leget haec? — Min' tu istud ais? — Nemo her-
cule. — Nemo?*

Vel duo vel nemo. Turpe et miserabile! — Quare?

Nam universo Persii consilio, qui populi laudes fastidien-
das potius, quam ambitiose quaerendas ait, multo conve-
nientius est, quaestioni adversarii *quis leget haec*, fidentem
reponere *nemo*; et quum alter mirabundus regessisset *ne-
mo*? quasi se ipsum corrigeret, addere, *vel duo vel nemo*.

Pergit poeta:

*Non si quid turbida Roma
Elevet accedas, examenve improbum in illa
Castiges trutina, nec te quaesiveris extra.*

Hoc Passovius ita vertit:

*Ob laut auch die stürmische Roma
Preist; nie preise du mit; selbstständig regiere das
Zünglein
Dieser betrüglichen Waag' und aufser dir suche dich
selbst nicht.*

Nimirum vocabulum *elevare* hic pro *extollere* accipiendum
putavit. Verum illa significatio insolentior est; multo fre-
quentius *elevare* ponitur pro *deprimere*, *infringere*, *digni-
tati derogare*, quod populares nostri dicunt *herabsetzen*.
Id aptius est antecedentibus poetae versibus. Nam qui
Labeonem praeferebant Persio, utique Persium elevabant,
h. e. minoris aestimabant. Ceterum largimur Passovio
melius *examenque* quam *examenve* legi, aliter tamen atque
ille totam hanc ῥῆσιν interpretamur: non si quid turbida
Roma aspernatur, continuo accedas improbum examen
in illa trutina castigaturus. Nempe ne operae quidem pre-
tium esse ait Persius huiusmodi populi iudicia corrigere,
tantum abesse, ut eorum sit ratio habenda. Wagnerus
nuper vertit:

*Du stimmst nicht gleich mit ein, und findest nicht
Das täuschende Gewicht auf solcher Waage.*

At non agitur de pondere in trutina examinando, sed de ipso trutinae examine (dem Zünglein der Waage) castigando. Hoc enim quum dicitur *improbum*, significatur totius trutinae pravitas.

In his, qui sequuntur, versiculis:

Nam Romae quis non? — At si fas dicere! Sed fas
Tunc, quum ad canitiem et nostrum istud vivere triste
Aspexi, ac nucibus facimus quaecumque relictis,
Quum sapimus patruos, tunc, tunc, ignoscite — *Nolo*.
Quid faciam? — sed sum petulanti splene cachinno.

in his igitur perquam incommodum est illud *Nolo*, quo reprehensor Persii sermonem interrumpit; nec particula *sed*, apte satis respondet antecedenti interrogationi *quid faciam?* Itaque levi emendatione salebras, quibus haec oratio premitur, expurgare liceat, ita scribendo:

At si fas dicere — Sed fas
Tunc, quum ad canitiem et nostrum illud vivere triste
Adspexi, ac nucibus facimus quaecumque relictis,
Quum sapimus patruos, tunc tunc ignoscere nolo,
Quae facimus, sed sum petulanti splene cachinno.

Apponamus alium huius satirae locum, ubi, ut illic *NOLO*, adverbium *NUSQUAM* ab adversario interiectum librariorum errori adscribendum esse videtur. Postquam poeta in vitiis notandis Lucilii libertatem, Horatii urbanitatem laudavit v. 119. sic pergit:

Men' mutire nefas? nec clam nec cum scrobe? *Nusquam*.
Hic tamen infodiam; vidi vidi ipse, libelle,
Auriculas asini Mida rex habet.

Fortasse scripserat, Persius:

Men' mutire nefas? nec clam nec cum scrobe *muss*em?

h. e. neque mihi liceat, vel mecum clam mussare; vel ut ille Midæ tonsor ex nota fabula in scrobem insufurrare? Verum, huiusmodi loca etsi coniecturis tentari possunt, non tamen debent attentari, nisi meliorum librorum auctoritas accesserit.

2. In Satiram quartam.

Multi interpretes tota hac satira Neronem peti existimant; iisque se assentiri nuper professus est *Meisterus* V. Cl. Ictus Academiae Viadrinae, edito in hanc satiram libello singulari. Nobis vero nullum in hac satira vestigium, certum quidem ac perspicuum, deprehendere licuit, quod poetam ad Neronem respexisse nobis persuadeat. Totum satiræ argumentum in eo vertitur, ut Persius castiget homines, qui in se ipsos descendere nolint, atque ad sua vitia coecutiant, aliorum vero mores acute pervideant ac morosius carpant. Hoc igitur consilio summam quasi facit dialogi Platonici qui inscribitur Alcibiades primus, in quo Socrates Alcibiadem, rem publicam capeßere volentem, eo compellit, ut se prorsus expertem civilis prudentiæ fateatur, quantumque sit boni in divino illo oraculo γνῶθι σεαυτόν, nunc demum clare intelligat. Principio satiræ v. 1 — 22. Socratem colloquentem induci, ipse poeta indicat his verbis:

Barbatum hoc crede magistrum

Dicere, sorbitio quem tollit dira cicutæ,

Platonici vero dialogi cum Alcibiade rationem habuisse, complurium locorum comparatio nobis persuadet. Quum enim Socratem primis statim verbis sic interrogantem inducit: *Rem populi tractas?* respicit Platonis verba c. 7.

φέρει δὴ. Διανοῇ γὰρ, ὡς ἐγὼ φημι, παριέναι συμβουλευ-
σων Ἀθηναίοις ἐντὸς οὐ πολλοῦ χρόνου. In verbis: *dic o
magni pupille Pericli*, animum referebat ad Graeca Pla-
tonis c. 2. ξυμπάντων μείζω οἷε σοι δύναμιν ὑπάρχειν Περι-
κλέα τὸν Ξανθίππου, ὃν ὁ πατήρ ἐπίτροπον κατέλιπε σοί
τε καὶ τῷ ἀδελφῷ. Ut Persius Socratem Alcibiadi his
versiculis

*Scilicet ingenium et rerum prudentia velox
Ante pilos venit*

illud vitio vertentem facit, quod adolescentulus vix viginti
annorum audeat rem publicam capeffere, ita apud Pla-
tonem c. 41. eiusdem audaciae causa castigatur ὡς Ἀλκι-
βιάδης οὗτος πρῶτον μὲν ἔτη οὕπω γεγονώς σφόδρα εἰκο-
σιν, ἔπειτα παντάπασιν ἀπαιδευτος — γησιν ἐξαρκεῖν καὶ
ὡς ἔχει. Unum est in hac Socratis oratione, apud Per-
sium, cuius in dialogo Platonico nulla sit mentio; impro-
batio scil. vitae voluptariae, cui scimus Alcibiadem indul-
fisse, his versiculis inclusa:

Quae tibi summa boni est? Uncta vixisse patella
Semper et assiduo curata cuticula sole?

Verum haec hactenus. Nam ex iis, quae modo
memoravimus, abunde constat, Persium sub Socratis per-
sona eos reprehendere, qui se ipsos nosse neglexerint, in
eoque ad Platonis Alcibiadem primum mentem ac manum
direxisse. Inde poeta pergit, ut maiorem eorum stultitiam
castiget, qui non solum sua vitia ignorent, sed etiam alio-
rum hominum naevos, maculas, pravitates exigere et vi-
tuperare gestiant.

Ut nemo in sese tentat descendere nemo

At praecedenti spectatur mantica tergo.

Exemplum statim affert hominis Vectidium ob fordida
avaritiam culpantis; qui tamen ipse delicatis et obscenis
voluptatibus deditus sit, ob easque acriter ab alio per-
stringatur.

Ultimis versibus in eos invehitur, qui vitia sua falsa specie tegant, nec tam alios, quam se ipsos decipiant, quum plebeculae aut assentatorum laudibus creduli videri potius boni quam esse malint.

In his omnibus nihil est, quod invitare nos possit, ut Neronem poetae animo dum ista scriberet obversatum, aut tectis verbis ab eo perstrictum esse opinemur.

Videamus igitur, quibus argumentis id nobis *Meisterus* V. C. persuadere nuper conatus sit *). In verbis *Rem populi tractas*, respici putat Neronem, qui vix septendecim annos natus imperator consalutatus est, eoque etiam verba, *scilicet ingenium et rerum prudentia velox ante pilas venit* pertinere. At satirarum scriptori qui universe vitium aliquod ridet aut apertius castigat, saepe hoc accidit, ut occurrant homines, quos alii propter similitudinem notatos putent, de quibus ille ne per somnium quidem cogitaverat. Hunc satiras interpretandi morem facete olim risit Rabenerus noster. Quod Socrates apud Persium dicit Alcibiadem antequam ad populum dicturus sit *maiestate manus sibi silentia facturum*, hoc ipso *Meisterus* Neronem pungi dicit, quod, quum laudationem Claudii Caesaris a L. Annaeo Seneca scriptam pronuntiasset, seniores, quibus otium esset vetera et praesentia contendere, adnotaverint, primum ex iis, qui rerum potiti essent, Neronem alienae facundiae eguisse. Audirem, si illis verbis Alcibiadis infantia notaretur. Atqui nihil aliud designant, nisi gestum oratoris, antequam dicere incipiat, silentium populo imponentis. Quae versu 9. sequuntur, quum Alcibiades fingitur populo dicere:

*) Io. Chr. Frid. Meisteri, I. U. D., antecessoris Viadrini commentatio in Auli Persii Flacci Satiram quartam. Traiecti ad Viadrum 1807.

Hoc puto non iustum est, illud male, rectius illud.

— — — rectum discernis, ubi inter

Curva subit, vel cum fallit pede regula varo

Et potis es nigrum vitio praefigere Theta

haec ad iurisdictionem Neronis trahit Meisterus. At nulla est in his nota, quae non eodem modo, si Persius ad res Romanas respexisset, ad omnium Imperatorum, immo ad praetorum quoque iurisdictionem referri posset. Nec loca Suetonii Ner. c. 15. 16. quibus vir doctissimus utitur, eiusmodi sunt ut vim habeant ad hanc opinionem confirmandam.

Sequitur v. 14. Socratis admonitio, qua Alcibiadem hortatur, ne *ante diem*, h. e. antequam aetatis ac scientiae maturitatem assecutus sit, res populi tractare velit:

quin tu igitur, summa nequicquam pelle decorus

Ante diem blando caudam iactare popello

Definis.

His verbis Meisterus Neronem figi, ut nobis persuadeat, advocat locum Suetonii Ner. c. 53. *maxime autem popularitate efferebatur, omnium abundans, qui quoque modo animum vulgi moverent.* At quomodo poetae nostro in mentem venire potuisset, Neroni suadere, ut cum populo agere desineret, et hac parte imperii se abdicaret? Quid? quod si hanc satiram quarto Neronis anno f. A. V. C. 811. scriptam esse cum Meistero ponamus, illa ipsa Neronis popularitas argumento esse poterat, eum artem populum regendi iam satis bene callere, quam in Alcibiadis adolescentia Socrates desiderabat.

Verf. 17 — 22.

Quae tibi summa boni est? uncta vixisse patella

Semper et assiduo curata cuticula sole?

Exspecta! Haud aliud respondeat haec anus — I
nunc

„Dinomaches ego sum“ fuffla. „Sum candidus“ Efto
 Dum ne deterius fapiat pannucea Baucis
 Quum bene difcincto cantaverit ocima vernae.

Ocimum herbam ab olerum venditrice fervulo commendatam (*Ocimum basilicum* Linn.) Venerem ftimulare, quum Cl. Meifterus apud Plinium reperiffet, continuo id arripit, ut hic obfceni aliquid latere putet, quod poffit ad Neronis libidines detorqueri. Itaque illum locum fic παραφράζει. „Quae tibi vitae ratio eft? quae nam univerfa morum vitaeque inftitutio? — In otio vivere me profitebor bene paffum ac mihi natum, meisque quae et communes hominum funt, voluptatibus. Exspecta! Haud aliud, nec peius quidquam refpondeat haec anus? refpondeat prima quaeque muliercula de foro olitorio? I nunc et fuffla: Agrippinae totus ego fum; candidus ego; matris et fidiffima imago, et amator fidiffimus. Integer itaque fum atque formofus; incorruptae adhuc indolis, incorrupti adhuc faporis! Efto! dum ne deterius quidquam, dum ne maior aliqua foeditas vetulae huic pannuceae de te fuboleat, quum vernae tuo, qui, bene difcinctus tibi miniftrat, cantare foleat ocima, tamque fidenter acclamare, hoc venenum ut emat, Venerem vel acerrime ftimulans.“ Verum illud ocimum (etiampi forte a libidinofis ad Venerem ftimulandam adhiberi poterat,) idem tamen ob fuavem odorem commendabatur, eratque inter olera, quae cibis adhibebantur; quod colligitur e ioco Apicii de arte coquinaria lib. V. c. 3. Cur igitur h. l. quae propiora funt faftidium et ad alia nimium a poëtae confilio remota abeamus? Hoc fcilicet eft τῇ ὑποθέσει δουλεύειν. Baucis illa pannofa, non aliam ob caufam opponitur Alcibiadi, quam ut ostendatur, fi fapientia fit, summam boni in voluptate gulae et apricatione ponere; eam fapientiam adeo non effe magnificam, ut potius in quamvis mulierculam de foro olitorio cadat.

In ultima parte fatirae v. 23 sqq. nos nihil aliud videmus nisi exemplum hominis Vectidium quendam ob sordidam parsimoniam incusantis, cui deinde alius spurcissimas libidines exprobrat; illiusque exemplo nihil aliud quaeritur, nisi ut sententiam proxime antecedentem:

Ut nemo in sese tentat descendere nemo

At praecedenti spectatur mantica tergo,

illustret et confirmet. At profecto mirum est in illa descriptione fordium Vectidii ad opinionem suam accommodanda Meisterum eatenus ingenio abusum fuisse, ut eam ad Claudium Caesarem, cui Nero successerat, referendam esse hariolaretur, quamquam ipse fatetur sordidae tenacitatis opprobrium in eum haud cadere, utpote qui convivia et ampla et assidua agitaverit. Nempe tam tortuosa huius loci explicatione ei opus erat, ut quae inde a v. 33. sequuntur ad infames Neronis libidines trahere posset.

Ultimis fatirae quartae versibus Persius eos confutat, qui quamvis turpi quodam vitio teneantur, vicinorum tamen laudibus se consolantes ipsi sibi sucum faciant. Horum aliquis oggerit;

— — egregium quum me vicinia dicat

Non credam?

Iamque reponit Persius nihil ei vana plebeculae praeconia prodesse, si vel avaritiae sit obnoxius, vel libidinibus confectus, vel ad pravitatem et iniquitatem in foenore exercendo prolapsus, istamque sententiam his effert versiculis:

— — Viso si palles improbe numo,

Si facis in penem quidquid tibi venit amarum,

Si puteal multa cautus vibice flagellas

Nequidquam populo bibulas donaveris aures.

Incredibile est, quantum luxurianti ingenio hic indulserit Meisterus, quam mirifice se torserit, ut in his quoque versibus Neronem exagitari nobis persuaderet. Verba

Viso numo, quae univérse dicta esse nemo potest negare, detorquet ad numum singularem, in quo conspicitur Neronis imago Agrippinae imagini opposita, quo scilicet conspecto Nero *expalluerit* incestuæ cum matre consuetudinis sibi conscius. Versum vero tertium satis obscurum et diversis iam olim interpretum hariolationibus nobilitatum, de immani quorundam nebulonum flagitio intelligit, ut Venerem languentem excitarent, inguina aut nates virgis vel urticis caedentium. Quod ut ex his verbis extundere possit, vocabulo *puteal* novam et inauditam significationem affingit, quasi illud Persius vel pro *inguine*, vel pro *natibus* posuerit. Nobis certum est versum

Si *puteal multa cautus vibice flagellas*

ad foeneratorum pravitatem pertinere. Notum enim est ad Puteal Scribonii Libonis in foro foeneratores convenisse, ibi numos certis nominibus expendisse, pecuniamque creditam, si tempus solutionis venisset, vel usuras a debitoribus exegisse. Praeterea constat immanem inde a multis seculis usque ad Persii tempora foeneratorum acerbiteriam fuisse, adeo ut Cato (Cic. de off. II. 89.) *foenerari* idem fere esse diceret ac hominem occidere. Ut igitur *annonam flagellare* dicebantur dardanarii, qui, ut pretium augeretur, magnam vim frumentorum coëmebant; (quod alias dicebatur *annonam excandefacere*) sic h. l. *puteal multa vibice flagellare*, nihil aliud est quam rem foenebrem multis modis, ut anatocismo anniversario, aliisque iniquis exactio- nibus exacerbare.

XXXVII.

De versibus aliquot in Horatii epistola ad Albium Tibullum (Epp. I. 4) in penecedentem ad Iulium Florum transponendis coniectura.

Epistola ad Tibullum, scripta est, quod recte iam alii monuerunt, anno aetatis vel XXIX, vel XXX; A. V. C. 733. vel 734.

- Albi nostrorum sermonum candide iudex*
Quid nunc te dicam facere in regione Pedana?
Scribere quod Cassi Parmensis opuscula vincat
An tacitum silvas inter reptare salubres
5 *Curantem quicquid dignum sapiente, bonoque est?*
Non tu corpus eras sine pectore. Di tibi formam
Di tibi divitias dederant, artemque fruendi.
Quid voveat dulci nutricula maius alumno
Qui sapere et fari possit, quae sentiat et cui
10 *Gracia, fama, valetudo contingat abunde*
Et mundus victus non deficiente crumena?
Inter spem curamque timores inter et iras
Omnem crede diem tibi diluxisse supremum,
Grata superveniet, quae non sperabitur hora.
15 *Me pinguem et nitidum bene curata cute vises*
Quum ridere voles Epicuri de grege porcum.

Hic primum versu 12.

Inter spem curamque timores inter et iras

pro *timores* legendum arbitror *tumores*. Nam *timor* iam in verbis *spem curamque*, quod idem est ac *spem* et *metum*, ut nos dicimus zwischen *Furcht* und *Hoffnung*, expressus erat. Neque vero satis apte *timores* et *iras* composuisset Horatius. *Tumores* vero sicut verbum *tumere* de animi motu ad iram proclivi usurpari constat. Iam de lectione versuum 8—11 primum audiamus Lambinum, qui hanc recepit lectionem:

Quid voveat dulci nutricula maius alumno

Quam sapere et fari ut possit, quae sentiat, utque

Gratia fama valetudo contingat abunde

Et mundus victus non deficiente crumena.

Sic igitur Lambinus: „Quum in omnibus, inquit, libris vulgatis et in plerisque omnibus Mstis legeretur, *quam sapere et fari*, quamvis pauci MSS. haberent particulam *ut*, ego sic hunc locum olim explicandum putaveram: *Quid nutrix alumno suo maius optare possit, quam ut primum sapiat et prudenter sentiat, deinde suas cogitationes eloqui et exprimere queat*. Sic Pindarus εἰδ' ἔ. Ὑγιέντα δ' εἴτις ὄλβον ἄρδει ἐξαρκέων κτεάτεσσι καὶ εὐλογίαν προστιθεῖς, μὴ ματεύσῃ θεὸς γενέσθαι i. e. si quis cum integra valetudine facultates et eloquentiam habeat coniunctam, non est quod deus esse velit. Et quum legeretur antea in omnibus libris *excusis et cui*, ego ab uno cod. MS. adiutus et quasi manu ductus, in quo scriptum erat *ut cui*, reposueram in prima editione *utque*, nisi quis mallet, *utque huic*. Iam qui ita legunt

Quid voveat dulci nutricula maius alumno

Quum sapere et fari possis, quae sentiat, et cui

Gratia etc.

hac sententia: *quid optet maius nutricula alumno suo* subintellige *quam illa superiora: formam, divitias, artem fruendi, quum praesertim sapere et fari etc.* balbutiunt, neque argumentis opus est, ad hanc explicationem refel-

lendam; quum praesertim nulli libri habeant: *quum sapere*, quumque non apte haec inter se cohaereant, *quum sapere possit*, et *cui gratia etc.* legendum enim esset et *quum gratia*. Nunc igitur iterum consultis libris veteribus, in quorum uno reperi, *qui sapere*, in altero *quin sapere*, qui ambo sunt Ruffardi, legendum sic censeo: *Qui sapere et fari possit quae sentiat, et cui gratia fama etc.* ut sit haec verborum sententia: alumno, qui sapere et fari possit quae sentiat et cui gratia fama, valetudo contingat abunde et mundus victus non deficiente crumena, quid nutricula optet maius, perinde ac si dicat nihil maius optare queat alumno suo nutricula, quam haec, sapientiam, eloquentiam, seu facundiam, gratiam, famam, valetudinem, mundum victum non deficiente crumena.“
Iam Lambino quidem adsiipulor de lectione v. 9.

qui sapere et fari possit quae sentiat et cui

sed ita ut hic *alumno* non de *puero* quem nutriat adhuc et lactet, sed potius de *alumno* quem olim lactarit, et qui iam ad virilem aetatem pervenerit cuique iam maius nihil optare poterat, quum sapientia, eloquentia, gratia, fama, valetudine mundo victu floreret, non deficiente crumena. Itaque Wielandus hanc rationem secutus bene sic vertit:

*Was kann die Amme ihrem lieben Zögling
Noch größers wünschen, wenn er unverdorben
An Kopf und Herz, die Gabe was er denkt
Zu sagen mit der Gabe zu gefallen.
Zu gatten weiß, und Gunst wie Ruhms genug
Auch einen Ueberfluß an frischem Blut,
Ein reinlich Haus, und immer noch für jeden
Bescheidnen Wunsch so viel im Beutel hat
Als nöthig ist.*

Iam accedimus ad versiculos 12 — 14.

*Inter spem curamque tumores inter et iras
Omnem crede diem tibi diluxisse supremum
Grata superveniet quae non sperabitur hora.*

Hi versus prorsus repugnant antecedentibus. Nam cur Horatius Tibullum qui sua forte, etsi magnam partem praediorum perdiderat, prorsus contentus erat, in villa Pedana, quae ei cum agris et silvis propria permanferat, cur igitur eum misere inter curam, tumores et iras vivere pronuntiaret? Sensit hoc Wielandus, qui sic versiculos istos vertit

Dieß Glück, Tibull, ist dein!

Indeß das Leben andern, zwischen hoffen

Und wünschen, zwischen Furcht und Zorn entschlüpft

Nimm du den Tag, der anbricht, für den letzten.

Iam quamquam Wielandus recte intellexit versiculum

Inter spem curamque tumores inter et iras

a Tibullo prorsus alienum esse, remedium tamen, quod ipse in versione huic scrupulo sublevando adhibuit, nullo modo probari potest. Si enim Horatius significare voluisset

Indeß das Leben andern zwischen Hoffen

und Wünschen, zwischen Furcht und Zorn entschlüpft

neccessario hunc sensum his fere verbis exprimere debuisset: *dum alii vitam inter spem curamque tumores inter et iras transigunt, tu potius omnem crede etc.*

Quae quum ita sint, tres hosce versiculos

Inter spem curamque tumores inter et iras

Omnem crede diem tibi diluxisse supremum

Grata superveniet quae non sperabitur hora

olim ante codicum Mstorum Horatii, qui huc usque collati sunt, scriptionem a librario quodam e praecedente epistola ad Iulium Florum huc in epistolam ad Tibullum translatis esse coniicio. Ad Florum epistolarum libri I. ep. 3. inde a versiculo 20. ut nunc legitur sic scripsit Horatius:

Ipse quid audes?

Quae circum volitas agilis thyma? Non tibi parvum

Ingenium, non incultum est nec turpiter hirtum;

Seu linguam causis actis, seu civica iura
 Respondere paras, seu condis amabile carmen
 Prima feres hederæ victricis præmia. Quod si
 Frigida curarum fomenta relinquere posses
 Quo te coelestis sapientia duceret ires.
 Hoc opus hoc studium parvi properemus et ampli
 Si patriæ volumus, si nobis vivere cari.

Post hunc igitur locum opinamur olim positos fuisse versiculos, ut nunc est in epistolam 4. ad Tibullum traiectos

Inter spem curamque tumores inter et iras
 Omnem crede diem tibi diluxisse supremum
 Grata superveniet, quæ non sperabitur hora

Iamque cum his apte cohaerent ultimi epistolæ ad Florum versiculi:

Debes hoc etiam rescribere, si tibi curæ,
 Quantæ conveniat Munatius; an male facta
 Gratia nequicquam coit, et rescinditur? At vos
 Seu calidus sanguis, seu rerum incertitia vexat
 Indomita cervice feros, ubicunque locorum
 Vivitis: indigni fraternum rumpere foedus
 Pascitur in vestrum reditum votiva iuvenca.

Iam quum multas fuisse et molestias Iulii Flori curas Horatius ipse dixisset et tantum eum *frigida* harum *curarum fomenta* i. e. inepta remedia adhibere improbasset, pro quibus ei studium sapientiæ commendat, in postremis autem versibus mentionem faciat tumoris cuiusdam inter eum et Munatium intercedentis, profecto nobis concedendum esse arbitramur versiculos ex epistola ad Tibullum huc translatos optime cum antecedentibus et consequentibus cohaerere.

